



1385.



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1385 4° (LN 1015 4° copy 2)





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1385 4° (LN 1015 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1385 4° (LN 1015 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 1385 4° (LN 1015 4° copy 2)

N^o 8

527


N^o 1385.




McMaster fecit

= LN 1015 ex. 2







ANDREÆ KRAGIO
Ripensi Dano contexta
& conferta:

QVAESTIONIBUS DIFFI-
cilimis XIII.

PROBLEMATIBUS PARADOXIS variis LXVI.

CONSULTATIONE ET CU-
ratione morborum II.

ORATIONIBUS IV.

PRÆLECTIONIBUS II.



Cum gratia & privilegio Cæs. Majest.

B A S I L E AE,
PER SEBASTIANUM
HENRICPETRI.

Petro chrifterni Ripenſis Act
autor, n.º 87



REGIÆ
ACADEMIÆ HAFNIEN-
SIS IN DANIA.
STUDIOSAE JUVEN-
tuti S. precatur.



ISUM fuit, Hafniaca juvenus,
Apollineam Lauream Monspe-
liensem, variis modis & nodis con-
textam & consertam in horto &
agro Monspelienfi, in publicum
emittere: variorum ingeniorum
& judiciorū censura, limæq; sub-
mittere: & tuo quidem inscri-
ptam nomini emittere. Consilii ra-
tiones lectis sequentibus edoceberis.

Cū hæ quæstiones & problemata paradoxa à me Mons-
pessuli explicarentur & disputarentur: in animo non habe-
bam, ea in lucem proferre & producere: sed mihi soli disputata
servanda duxi. Cuj rei inditio sunt, varia illæ & brevissima,
ad viros diversos de meis studiis benè meritos, appellationes
& inscriptiones.

Reversus in Germaniam aliter sum persuasus: & quod
prius fovebam, consilium animo deposui & repudiabam. Sunt
enim posteriores cogitationes, sapientiores.

Quæ à me sunt disputanda & excutienda proposita, varia
continent, ex philosophicis & medicis havsta fontibus, do-
ctrinarum genera. In quibus exponendis & propugnandis, nul-
lius me hominis auctoritati & potestati dedidi: sed liberè & phi-
losophicè pro veritate, quantum in me erat, steti & pugnavi.

Recusavi & etiamnum recuso, ulli me secta dicare: ulli phi-
losopho

EPISTOLA.

lopho etiam acutissimo & vetustissimo meam in iudicando libertatem divendere: & in ejus jurare, tanquám oracula, verba & voces propter antiquitatem, auctoritatē, opinionem.

Veritas mihi ejusq; seria defensio, omnibus omnium philosophorum auctoritatibus turgidis, & atatibus venerandis carior, sanctior, antiquior est. Sat mihi antiquum est, quod sat verum. Parum ei credendum est, qui nimis credit: & fides illi non est adhibenda, qui cuiusvis homini preproperē fidē praeſtat.

Brevissima, sine oratorum flosculis, concinnata oratione, sententiam meam sum complexus. Ne verborum fucis & incantationibus viderer res falsas tegere & fingere, auditoribus sumum vendere, pro pipere muscerdas supponere.

Adeam brevitate cui addictus eram, locus, tempus, consuetudo, & praeceptorum auctoritas multum fecit, & quasi compulit. Nam qui multa loquuntur aut falsa, aut superflua aut utrūq; loquuntur: cum paucissimi sint, quibus multa sint cognita. Quae omnia a medici dignitate aliena, a philosophi professione alienissima sunt. Haec autem in vita via commodissima est: pauca & egregia cogitare, pauciora electaq; loqui: agere paucissima.

Hisce causis etiam acceptum ferendum est, quod sapius in meis quaestionibus, ea aspergebantur, quae mihi non usq; adeo videbantur cum veritate consentire. Ea de signo, quae in scholis, jam aliquot seculis prius, recepta sunt: ut de Elementis, corpora constituentibus, de curatione morborum per contraria, de humoribus singulatim in febribus putrescentibus, & similia. Quae tanquám postulata, aut prius demonstrata necesse erat admittere: cum de iis quaestiones non instituebantur, sed tanquám hypotheses inde deducebantur. Problemata servata a me proposita sunt: meiq; animi & iudicii sensa patefaciunt, & liberē quidem, utinam tam doctē, testantur.

Argutiae scholasticorum scholastica, ut in medicina neces-

sariae

EPISTOLA.

saræ non sunt, sed molestæ admodum: sic à me sunt sedulò oppugnata & petita. Levibus enim in rebus ludere, & in utramq; partem ingenium convertere, ubi nihil fraudis fiat arti, volupe est: at in rebus seriis, ubi vitæ & salutis cura habenda est, tales nugas & gerras inferere & injicere, nec volupe, nec æquum est.

Quantò satius est benè vivere, quam multum & benè loqui: tantum interest discriminis inter medicinam & disputandi libidinem.

Hoc modo consertam LAVREAM Monspeliensem, typis representatā novis, tibi offeret vir industrius SEBASTIANUS HENRICPETRI.

Vera & docta utetur formandarum & componendarum litterarum, meo impulsu, ratione. Quam à P. R. feliciter inceptam: felicius à Cl. V. D. Doctore Jacobo Matthiæ, Academiæ vestræ professore Theologiæ fidelissimo, perfectam, tanquàm veram, necessariam, naturalē agnosco & amplector.

Academiæ Monspelienfi fidem & jusjurandum gratitudinis dedi: quod sanctè ut servem curæ mihi est, & esse debet.

Initium autem ejus gratitudinis, commodè fieri potest, ab iis, quæ ab ipsis Monspelienfibus exportaveram, beneficiis & donis.

Quare palàm faciam & proclamabo, emissâ hac Monspelienfi LAVREA, quæ sit Monspelienfis Academiæ erga externos humanitas, benignitas, benevolentia: quæ Academiæ in examinibus, promotionibus & honoribus conferendis ordo & consuetudo: quæ professorum medicorum doctrina & industria. Atq; hæc omnia ad Academiæ Monspelienfis laudem facere spero: cui quantum debeam, tantum me debere lator. Non tamen libet eos parcè laudare, qui uberem meriti sunt laudem. Non libet eos multum laudare: ne meos videar laudare laudatores. Inspice illorū facta. Hæc loquentur & laudibus dignis

):(3 Monspe-

EPISTOLA.

Monspelienses celebrabunt. Opifex nulla alia re, quam ex opere, expectat honorem: & qui hinc pendet artificem commendat.

Palam etiam hinc fiet, quam ego sim sollicitus, verbis conceptis & iurejurando Monspeliensibus meam astrictam fidem servare, expromere, producere: ne videar verbis spem facere gratitudinis: revera nihil istius rei in animo exputare.

En tibi exemplum Academiae Monspeliensis, Hafniaca juventus, quo licere tibi speres, quidvis philosophicum ad philosophicum incudē impunē revocare, et ad iudicii liberi librā ponderare. Cui non magis ingenium aut iudicium, vinculis catenisque ad Caucasum montem alligatur, quam tuis prædecessoribus.

Liberum mihi fecerunt Monspelienses, ex quavis, sine detrimento, Medicinae & philosophiae parte, quæ libuit eliminanda problemata proferre: nulli me certæ philosophiae parti, nedum philosopho astringentes. Medici sunt & philosophi: quibus exploratum satis superque est: iniquum & impossibile esse, ut manus, sic ingenium & iudicium homini ligare & imprimis libero: aut ad unum Galenum Aristotelemque astringere.

En tibi exemplum, Hafniaca juventus, quo admoneris præceptoribus & Academiarum parentibus & conservatoribus, a quibus ut vitam hominis degas, & a pecudibus te segreges consequeris, gratitudinem, honorem & bene merendi studium omne debitum. Quorum beneficiis non satisfeceris: si etiam ipsam vitam profundere non detractes. Tu fac jam diligenter animum advertas: ut si quid laude & imitatione dignum, prudenter dictum & factum offendas, id imitere. Quod temerè susceptum intelligas, fuge & abstine. Imitationis sive in bonum sive in malum magna vis est. Et quemadmodum harmonia dum præsens in nostras aures illabitur vehementius afficit, quam dum præterita cogitatur: sic quæ proponuntur ob oculos imitanda aut fugienda, exactius animos concitant, quam quæ auribus referuntur.

Consilium

EPISTOLA.

Consilii mei rationes sic edoctus es. Vale, tui officii & muneris memor. Meditare animo diligenti, tuum esse quod animo possideas, reliqua esse fortuna & mutuo sumta. Omnia tua studia, vigilias, labores, cogitationes, huc sedulo refer: ut secundum DEI gloriam te Patriæ & Regi, utilem: praeceptoribus & parentibus gratum: amicis familiarem: inimicis terribilem suo tempore exhibeas. Dabatur Basileæ: ipsis Kal. Feb. Anni Christi DEI MDIOXIV.

ANDREAS KRAGIUS

Ripensis: Danus.

IN LAVREAM APOLLINEAM
MONSPELIENSEM

ANDREAE KRAGII RIP. DAN.
A. & B. ergo scripsit

SIGFRIDUS GRUBBIUS DANUS.

LAVRE tui præstas cultoris, nomen in annos:
Vivere: te Phœbus non moriturus amat.
Per te floret honos Phœbi: te propter in avras:
Surgit Monspesuli gloria: fulget honos.
Serta Jovis cedant: & scutum nobile Martis:
Et pulchram Veneris, contege terra rosam.
Nam suntserta Jovis nugæ. Quid nobile Martis:
Scutum quàm ferrum: quid vè caduca rosa est?
At tibi major honos: æquat te Phœbus olympo,
Quæ geris immotum fronte virente caput.
Ergo age pande comas, referens cultoris in annos:
Nomen, erit viridis dum tibi frondis honos.
Sic pars cum Phœbo tibi erit communis honoris.
KRAGI: erit, ut vivas cum moriturus eris.

Vinal

AD ZOILUM.

Vina bonis, antiqua velut sunt grata, palatis;
Sic veterum libris, dogmata, scripta probo.
Sint veteres grati: nova sit mihi gratiores ætas;
Sic juvenis vetula, bos bove grata magis.
Optima multa tulit gens Ethnica, multa vetustas,
Immutanda novis & polienda dedit.
Omnia non unus, nec seclum prodidit unum:
Sed data sunt rebus, tempora certa, suis.
Ergo quid insanis, carpendo Zoile mordax?
Invide, num nostris omnia jura negas?
Fingendi quidvis priscis sit plena potestas?
At verum nostris dicere grande nefas?
Detrahis ista piis, quæ sunt concessa prophanis:
Et variata negas, esse ferenda bona.
Arbitrer insignis, testes, apparitor, actor,
Omnia judicio, stentque cadantque tuo.
Tu quia dixisti, mihi iusta capeffere fas est?
Non desint meritis, præmia digna tuis.
Sic sua pontifices nesciunt & somnia firmant:
Illic momentum cultus avitus habet.
Scilicet eximio decoratur honore magister,
In studiis quisquis, tempora cuncta terit.
Ut vigeat verum, confusio terra recedat:
Barbaries fugiat: lux data clara micet.
Sic quia nescimus, quia non invenimus ipsi,
Damnamus stultis, optima, perfugiis.
KRAGIUS inverso procedens ordine: falsum
Respuit, hoc quantum est: cætera cuncta probat.
Candida veraci laus sit: candoris amico
Sit decus: & patrio gloria magna solo.
Sed quia tritarum veterumque cupidine rerum
Zoile tam flagras: en tibi munus erit.
Crede: meas veteres, caligæ mihi quando parantur
Denuo, gestabis Zoile care senex.

P. I. VII. Danus.

AD

AD
CLARISSIMUM VIRUM,
OMNIBUS DOCTIS,
MULTIS NOMINIBUS, HO-
NORANDUM:

D.D. PAVLLUM MATTHIAE:
SIELANDICARUM ECCLESIA-
RUM SUPERINTENDENTEM
VIGILANTISS. &c.

PATRONUM SUUM, PRO PA-
TRE, OBSERVANDUM.



RUDENTER, patrone colende, antiqui-
tas prudentissima, animadvertens genus
humanum, surdis auribus conciones de
virtutibus, rerumq; humanarum vicissitu-
dine haurire: fabulosa veritatis dissimu-
latione concitandum judicavit.

Inter alias verò fabulas, quibus uteban-
tur veteres: non occupat postremum locum ea, de Pandoræ do-
nis à Jove Prometheo missis, & Epimetheo postea traditis.
Quæ cum, aperto vasculo, evolassent omnia, sola spes in fundo
detinebatur, mortales nunquam desertura.

Nec, vir clarissime, hæcenus illa te reliquit. Quin sperans
me aliquando Deo gloria, patria, tibiq; si non utilem, at gra-
tum fore: nullos sumtus, nullos labores subterfugisti: aut tibi
graves esse voluisti. Orphanum me, & paternis bonis ferè eje-
ctum, in tuam familiam recepisti: & quasi pro filio adoptasti.
Moribus bonis & disciplinis honestis, incultum & rude meum
a pectus

"pectus ut emolliretur nihil reliquum fecisti. Tandem, te procurante, Hafniacæ iuventutis non contemnenda pars in patria: & postea celebrium familiarum aliquot nobiles Dani, in exteris nationibus, mea fidei sunt commissi. Nec tamen hic destitisti antequam mihi per regiones consiliarios, honestos in studiis sumtus à Majestate Regia conficeres: quibus etiamnum studia sine ignominia pertexo,

Cum tantos viros de me spem concipere intellexi: cæpi sollicité & omnibus ingenii viribus contendere, ut eorum de me expectationi facerem satis. Philosophicis & medicis studiis me totum insinuavi & dedidi: quæ eò perduxit: ut videar mihi, hodierno die, aliqualem fructum meorum laborum, vigiliarum, peregrinationum, periculorum, in celeberrima Monspeliensi Academiâ carpturus.

Ah: quid dixi me carpturum? Immo Tantali cupulas contemplantur famelicus: quas contingere meritò prohibeor. Tu enim, quidquid illud erit fructus aut honoris, quod mihi propositum est, optimo jure tibi vendicas & intercipis. Mihi nihil arrogo: nihil attribuo, præter solam ignominiam: quam retulerim, si in Gorgoneis præceptorum doctissimorum nodis retexendis turpiter me dederim.

En itaq; presentibus spem saturato: usquedum reliqui fructus tibi, in Pessulano monte & agro, consiti & culti maturescant. P.P. Monspeffuli XXI. Majji, Anno Cl. 15. XVC.

Alumnus T.

gratiss.

ANDREAS KRACIUS Rip. Danus.

QUESTIO,

QVÆSTIO,

PRO PRIMO IN ARTE MEDICA GRADU
DISPUTANDA AB ANDR. KRAG.
RIP. DANO.

HORIS POMERIDIANIS DIEI XXI. MAJJI:
ANNI CIO IO XVO.

*An omni phlegmonæ conveniat venæ sectio:
aut purgatio?*

QVÆSTIO THERA.
PÆUTICA.



UMORES nostrorum corporum, ut & reliqua contenta, dum naturæ legibus obtemperant, ad sanitatem constituendam & conservandam plurimum conferre, medicorum decretis accepimus. Immo sanitatem in eorum symmetria consistere. Cum verò limites à natura constitutos transgrediantur: perniciosorum morborum causæ effectrices, & quidem interiores seu proximæ, judicantur.

Límites naturæ modumq; duobus nominibus violant: Quantitate nimia: quod peccatum Plethora appellatur: Qualitate: nominaturq; id vitium Cacochymia.

PLETHORA.

Plethoræ appellatione inavditi cupio, omnem immo dicam humorum redundantiám: uno aut omnibus æqualiter humoribus, hoc malo, inquinatis: aut cum naturæ respectu nocuerint, in tanto onere ferendo, succumbentis.

Cacochymia nomine veniunt humores, qualitate perversa, noxam inferentes.

CACOCHYMIA.

Natura verò suæ conservationis sedulá curam gerens: propter fatales & sibi divinitus immixtas leges: quidquid ita vitiosè se gesserit, corrigere satagit & enititur. Correctione si parum aut nihil proficiat, variis modis id exclu-

a 2 dere

EXAMEN ET ACTUS

dere sustinet, & aggreditur: ut tandem se suarū dona quam diutissimē sarta & tecta tueatur.

Hoc pacto naturæ bonitate leviores morbi evincuntur, abiguntur, extirpantur.

Verum quando morbi pavllō severiores & contumaciores invaserint naturam imbecilliolem: irridetur à potentiori hoste naturæ conatus tanquam irritus vanusq; & aliunde suppetias advocatum iri necessitas monet, hortatur, postulat.

Hæc est illa necessitas, quæ sagacioribus rerum physicarum investigatoribus occasionem præbuit, natura præeunte, remedia artificialia ad se tanto onere levandam despiciere: ut potentioris hostis impetus hostilis conjunctis viribus, majiori cū fructu & minori cum periculo sustineretur. Et inter alia remedia excogitata est phlebotomia, ad humorem sua quantitate naturæ molestum diminuendum & eximendum. Purgatio ad materiam qualitate offendentem educendam.

PHLEGMONÆ.

PHLEGMONÆ est tumor præter naturam ex collectione sanguinis calidioris, quam partē ex usu sit: cum rubore, dolore, pulsatione molesta.

PURUS SANGUIS.

Materiæ varietas plures ei species constituit. Purus sanguis exquisitam Phlegmonem inducit: Quales sunt Ophthalmia, Parotis, Angina: & aliæ ex partibus nomina adeptæ. Sanguis impurus, aliorum humorum particeps, minus exquisitam Phlegmonem procreat. Unde oritur *φλεγμονή ἐρυσιπελατώδης* ex mixtione bilis: *οἰδηματώδης* ex pituita tenuis & aquosa: *σκιρρώδης* ex bilis crassæ & glutinosæ permixtione.

CONFLUXIO.

Causæ Phlegmonem efficientes sunt duæ. Confluxio: Quando partes potentiores, suo robore & virtute, peccantem

peccantem sanguinem in imbecilliores partes propellunt: aut materia sua sponte profluit. *Attractio:* *ATTRACTIO.*
 Quando propter depravatum calorem aut dolorem, partes ad se copiosorem sanguinem attrahant, quam par sit.

Subiecta, in quæ incidit phlegmone, diversa, curationem etiam diversam efficiunt. *Corpus impurum* *CORPUS IMPURUM*
 malis succis redundans aut copia nimia fatigatum, Phlegmone obsessum, curationem illudit levem. Quod suppetat copiose materia malum adaugens: quam topica adhibita, caloremque concitantia ad se advocabunt: & nisi ad remedia universalia, ut ad phlebotomiam & purgationem confugas, operam & oleum perdes: teque & remedia in contemtum deduces. Pars corporis unica, proprio aut alieno quodam malo, phlegmonem admittens hanc difficile curatur. Potest enim pars potentior, debilior, materia uno in loco peccans, calor immodicus, sine molestia & periculo, repercutientibus, corroborantibus, alterantibus, discutientibus, in integrum restitui: ut malo sublato amissa recuperetur sanitas: etiam si ad maiora remedia non confugas.

Ergo nec purgatio, nec phlebotomia, omni phlegmonæ convenit.

EXPLICATIO ET CONFIRMATIO, QUÆSTIONI

ANTE DISPUTATIONIS INITIUM, PRO MORE SCHOLÆ, COM- PARATA: & DICTA.

Quotquot sibi hactenus, viri Monspelienses, sectæ, teste schola Academica, Peripathetica & tota posteritate,

steritate, juventutis informandæ & honestarum disciplinarum tradendarum munus sumfere: certos & distinctos suorum discipulorum ordines & classes esse voluerunt: ut sunt artes & disciplinæ diversæ, & diverso ordine tradendæ. Ne aut multitudinē præceptorum, flexibilia & fervida obruerentur ingenia, aut inordinata docendi discendiq; ratione studia juventutis retardarentur.

// Hic processus & ordo in decernendis cuilibet idoneis exercitiis, commodè institui aut servari non poterat: // nisi prius ingenia, discendumq; profectus explorarentur: // quod sine sententiarum collatione & communicatione, // seu examinibus vulgò dictis, contingere grave erat.

Instituta itaq; sunt à pedagogis hæc, de quibus in præsentia agimus, examina: ut pro ratione progressus, omnia fieret à docentibus & discantibus decenter, prudenter, utiliter.

*Examinum
utilitas.* Sic examinibus à pueris datum initium est: quæ tamē temporis progressu maijora cōmoda humano generi attulerunt. Etenim per ea, pspicitur & cavetur: ne sine discrimine quilibet opibus & amicis potētior, ad munera publica temerè contendat: aut in ea se, amicorum vi & auctoritate, intrudat. Nam si delectus in rebus aliis maximī sit momēti: ad munera publicę rei sacra & necessaria ii meritō deligentur, qui virorum doctorū & iudiciū incorruptorū examina sustinuerunt: iisq; suam probarūt vitam, diligentia, studia.

Graves sunt hæc cavisse quæ vel stipitem ad talia exercitia concitarent: sed tamen ea quæ sequitur, nulli secunda est.

Quæritur Perspexit prudens antiquitas, adolescentum ingenia, fervore quodam juvenili & amore sui, in propriis rebus cognoscendis & iudicandis in transversum rapi. Ut sumus omnes à natura in nostris talpæ: in alienis lyncei. Qui amor multis impedimento fuit quò minus ad Musarum antra pervenerint, aut montem Parnassi conscenderint:

rint: jam dudum se conscendisse & nescio quod convivium
 aut conjugium cum Musis celebrasse falso persuadenti-
 bus. Hi ad doctorum aut saltem æqualium colloquia ad-
 vocati, quam procul ^{amore sui ipsi} *philautia* seducti à vero iudicio ab-
 erraverint docentur: & magis muti sunt quam pisces.
 Tandem si ut opinionem existimationemque suam tuean-
 tur, aliquid necessariò illis respondendum erit, clamitant
 secum sophisticè agi: & sibi per umbras philosophicas,
 cum tamen de corporibus ne quidem unquam somnia-
 verint, fucum fieri. Se res quidem intelligere, sed nugas &
 subtilitates disputantium tanquam inutiles sprevisse, (hoc
 enim nomine studia philosophica insigniunt) & imposte-
 rum spreturos. Ademta hac subterfugendi via: & iussi
 tanquam rerum veri inquisitores fucò detergo res profer-
 re: furore concitantur aut ira, extrema anchora: & si cum
 æqualibus & coætaneis sermo sit, ad arma sine mora con-
 fugiunt. Doctiores contra sua diligentia & laboribus ma-
 gis magisque præceptorum gratiā aucupantes: ad quosvis
 labores & pericula, gloriæ & honoris nomine incitantur.

Hac & similia cum ego ultrò citroque, diu multumque ani-
 mo voluisssem: cœpi de me ipso cogitationem instituire:
& meo me metiri pede. An ne in me etiam hoc vitii con-
 grueret: quod sapius aliis objectum memini: commo-
 dumque ne mihi foret, aliquo examine publico tanquam ly-
 dio lapide probari: ut de meo in arte medica progressu cer-
 tior fierem & admonerer?

Consilium meum ad meorum studiorum ducem D. Do-
 ctorem Johannem Hucherum Academię Monspeliensis
 cancellarium dignissimum adferebatur, me inscio, ab iis
 quibuscum de hisce rebus communicaveram. Quod, ille
 non solum non damnavit: sed pro suo in me iure: & mea
illi jurata & sacramento legata obedientia imperavit, ut
 hunc

*A verbis ad ver-
 ben.*

*JOHANNES HU-
 CHERUS.*

hunc locum in quo pedem figo conscenderem: proposita
etiam hac therapeutica quaestione in qua exercendus &
probandus sum:

*Axioma disjunctum. An omni phlegmona conveniat vena
sectio aut purgatio?*

Ut elegans sic difficilis quaestio est: satisq; digna, in
qua discutienda doctiores ingenii vires contenderent;
non studiosus suae artis primum tyrocinium factururus. Et
quia disjunctum in ea axioma latet, terminos continet
complures: quos omnes, ut decebat, explicare, tempus &
locus, disputationi non declamationi dicta, prohibent.
Adducenda enim esset phlegmones, phlebotomiae, pur-
gationis, plethorae, cacochymiae, putredinis tota doctri-
na: quod nec locus nec tempus, ut monui, nec vestrae au-
res permiserint.

Omnibus itaq; iis, tanquam probe vobis cognitis, su-
perfedens: quid de hac quaestione iudicandum arbitrer,
unico syllogismo breviter complectar: & partem negati-
vam propugnans, sic ejus summam facio.

*" Si omni phlegmona conveniet phlebotomia & purga-
tio, aderit plethora & cacochymia:*

*" Atqui plethora & cacochymia non semper in omni
phlegmone adsunt:*

*" Ergo phlebotomia & purgatio omni phlegmona non
convenit.*

*PROPOSITIONIS
PROBATIO.* Sententiam meam, ut cernitis acutissimi logici, per ar-
gumentum ex effectu purgationis & phlebotomiae sum-
tum defendo & tueor. Astruo enim, experientia medico-
rum consentiente, phlebotomiam ad quantitatem humo-
rum peccantem: purgationem, ad qualitatem corrigen-
dam, inventam.

Dogma

Dogma vestrum est, qvo nihil vobis carius, nihil magis receptum: contraria contrariis curari. Quod si verum est debet effectum remedii contrariari morbo. Effectum autem phlebotomiæ est evacuatio. Quare plenitudinem & copiam nimiam evacuabit. Effectum purgationis est emendatio & correctio. Quare peccantem qualitate humorem corriget & emendabit. Nam evacuare quod prius vacuum erat: aut purgare quod per se mundum est: nihil aliud est quam cæco lumen adimere: aut laterem lavare.

Quod de evacuatione dixi, non est in qualibet repletionem audiendum: sed de ea tantum, quæ in venis est: & tali materia constet, qualem phlebotomia evacuare poterit. Omnis enim actio per se ad proprium subjectum respicit & terminatur.

Eodem res redibit si ex definitione phlebotomiæ & purgationis, quod propono, confirmem.

Phlebotomia definitur evacuatio universalis multitudinem humorum peccantem evacuans.

Purgatio est eorum, quæ sola qualitate molesta sunt, exstirpatio.

Quæ definitiones si veræ sunt: ut jam à medicis Arabibus, Græcis, Latinis approbentur: nemo ægré feret me docere: non adhibendam phlebotomiam, non peccantibus multitudine humoribus: non adhibendam purgationem humoribus nulla mala qualitate inquinatis. Et vice versa. Peccantibus abundantia nimia humoribus, phlebotomiam: peccantibus qualitate humoribus, purgationem esse utilem & necessariam. Doctrina logica de definitionis & definiti necessario nexu & convenientia id monet, clamat, docet.

Sed cur vobis logicas rationes, rebus tamen naturalibus tectas offundo: cum nemo vestrum sit, qui non Hippocrati

b

pocrati

pocrati & Galeno potius credet sine rationibus aliquid dicenti: quam omnibus omnium Philosophorum laboribus, experientia, rationibus & Tantam obtinuerunt, apud partem maximam eorum qui Musis medicis militant, opinionem & auctoritatem: ut non solum principes & parentes Medicinæ: sed iudices rerum omnium: & quod miraberis, ipsum veritatis tribunal a quibusdam stultè vocentur. En itaque pronunciant vestri iudices: quid de hac propositione sentiant. Gal. lib. de Sangvinis missione: & lib. iv. de Sanitate tuenda, phlebotomia plethoram curat & curandam docet. Libro de plenitudine: & de purgantium medicamentorum facultatibus, cacochymiam purgantibus. Lib. vj. Aphor. xlvj. Aphor. pronunciat uterque iudex noster purgatione utendum, cum humorum qualitate vitiosa corpus molestetur: Phlebotomia iisdem quantitate peccantibus. Aphorismi verba sunt: *Quibus vena sectio convenit: hos vere purgare vel venam incidere oportet.* Similis locus est lib. ij. Aphor. xvij. Aph. & sexcentis aliis in locis.

Sed ut paucis multa dicam. Tota hæc doctrina comprehensa est Aphor. ij. & iij. lib. primi. Secundus Aphorismus purgationis usum docet. Tertius phlebotomiæ. Initium secundi est: *In perturbationibus ventris & vomitibus spontanis: si talia purgentur qualia oportet, &c.* Initium tertii est: *Habitus athletarum qui summum bonitatis gradum, &c.* & sequitur: *Hic de causis talem habitum sine mora solve-re expedit.*

Atque sic effectum arbitror, propositionem ex naturæ fontibus desumptam: iudice Hippocrate & Galeno veram esse.

*Assumptionis
decuratio.*

Assumptio mihi similiter rationibus & auctoritatibus communienda est.

Constituebantur a nobis duræ phlegmones causæ efficientes:

cientes: Confluxio & Attractio. Utam harum confide-
raveris, reperiēs phlegmonem induci sapius posse, etiam si
corpus ab omni plethora & caco-chymia liberum sit. <sup>CAUSÆ EFFI-
CIENTES TALES
MONES.</sup>

Ex ulcere, extraneo quodam calore, aut dolore, si pars <sup>ATTRACTIO-
JUDICIUM.</sup>
 quædam nimium incalascit: attrahet sanguinem copio-
 siorem quam ex usu sit: qui loco peregrino coercitus, nec
 naturali facultati obtemperans: facile putrescit & phle-
 gmonem parit: corpore existente purissimo.

Non dissimile de confluxione <sup>CONFLUXIONIS
JUDICIUM.</sup> judicium est. Quum ex
 cognitione anatomica satis pateat, partes nobiliores & po-
 tentiores, quæ sibi molesta sunt, ut plurimum ignobiliori-
 bus & sibi subjectis obtrudere: aut materiam aliquando
 sponte confluere. Quæ cum hanc copiam nec regere, nec
excludere queant: phlegmone molestantur. <sup>PHLEGMONES
CURIATIO.</sup>

Hoc animadvertit sapius Galenus reliquique medici-
 nam exercentes, & admonentes in phlegmone curanda,
 cujus indicatio generalis est evacuatio, sedulam confide-
 rationem habendam: fit ne corpus plethoricum aut caco-
chymicum. Quorum neutrum si adsit: curari phlegmo-
 nem (nisi magnus dolor, aut calor ingens impedimento
 fuerit attrahendo copiosiore ad se sanguinem) absque ve-
 næ sectione vel corporis purgatione posse: usu medica-
 mentorum à Gal. lib. xiij. Methodi relatorum: ubi ex pro-
 fesso hac de re agit.

Libro de sanguinis missione corrigat hanc sententiam
 Galenus: quæ tamen correctio contra me non facit. Nam
fieri potest, inquit, quod crudus humor per totum cor-
pus collectus sit: à quo talis affectio gignatur: quem san-
guinis missione non expedit educere: sed frictionibus, un-
ctionibus, mediocriter calefacientibus, potionibus, cibis
humoris crassitudinem incidentibus: & similibus. Idem
 docet initio lib. ij. ad Glavconem & alibi: Quid verbis

b 2 opus

opus est: Sunt mihi in numerato saneq̃ multa rationum
& auctoritatum, ex scriptis veterum & recentiorum, mo-
menta conquisita, mecum facientia: quæ temporis angu-
stia hoc loco percensere prohibet.

PURGATIO AUT
VENE SECTIO II
NON OMNI
PHLEGMONÆ
CONVENIT.

Quare finem facio: & concludo: *omni phlegmonæ non*
convenire venæ sectionem aut purgationem. Quod demon-
strasse oportuit.

PETRO DRESSELBERGH:
VIRTUTE ET GENERE NOBILI
VIRO D^{NO} DE KASTRUP.
REGIAE MAJESTATIS DANORUM,
NORVAGORUM, &c. SECRETAR-
RIO FIDELISSIMO:
AMICO VETERI ET COLENDO:
CONSECRAT HOS CURSUS.
ANDREAS KRAGIUS RIP. DANUS.



*Vousq̃ progressus eram, nobilissime Petre, in stu-
diis philosophicis & medicis, anteqvām te ex hi-
sce pulveribus scholasticis expeditum, negotiis
seriis traderes: tu omnium optimè mihi conscius
es: qui meorum laborum consors & socius eras: eosq̃ tibi com-
munes esse voluisti.*

*Ex eo tempore sepositis pavillulum philosophicis: sola medi-
ca meditabar & tractavi: & etiamnum illud saxum volvo.*

*Labores sentio graves & difficiles. Fructus patienter exspe-
cto: quorum dulcedinem magnoperè celebrari lubens audio.*

*Die abhinc xlii. dabatur mihi potestas inspicendi saltem
gloriam quandam, tanqvām laborum fructum, sub Baccalaureatus*

laureatus titulo: sed sudoribus copiosis, & disputatione trium
 horarum cum doctissimis praeceptoribus redimendam. Quam
 cum vix, ac ne vix quidem aspexissem: transmittendam ad ve-
 rum & legitimum ejus possessorem D.D. Pavllum Matthia,
 Sielandicarum Ecclesiarum superintendentem vigilantiss.
 &c. patronum meum, gratitudo suggerit. Obijciuntur mihi
 de novo, novi labores: antequam vel minimum de fructuum
 dulcedine gustare permittatur. Nempe disputatio de gravis-
 simis questionibus, per totum triduum: horis antemeridianis
 & pomeridianis. Quos labores non subibo: nisi tu partem ali-
 quam, more tuo, in te transtuleris. Transferes autem in te: si tibi
 gratum esse meum propositum & studia patefeceris. Hoc a te
Musa mea postulant. Hoc a te, Gallia illa Narbonensis, quae
 verè medica est, & Medicina parens, expetit: quam tam cul-
 tam, tam fertilem esse, ex nostri Caesaris commendatione, ut re-
 liquas provincias facile superet, nosti.

Si te exorari patiaris: nomen & opinionem virtutis Petri

Dresselbergh apud Monspeffulanos nulla delebit
 oblivio. P. P. Monspeffuli, diebus

VII, IIX, IX, Junii, Anno

CIO. IO. XVO.

b. 3. QVÆSTIO.

QVÆSTIONES MEDICÆ IIII.
 AXIOMATA RAMEA PARADOXA XVI.
 PROBLEMATA MEDICA X.
 LOCO TRIUM CURSUUM PUBLICÆ DIS-
 PUTANDA DIEBUS VII, IIX, IX, JUNII.
 LOCO ET HORA SOLITIS:
 AB ANDREA KRAGIO RIP. DANO.
 MONSPESSULI.

I. QVÆSTIO.

*Qua vi: Quaratione: Cuiq; parti venena
 maximè nocent?*

QUATTUOR ELE-
 MENTA.



QUALITATES
 ELEMENTORUM

Nanìmi consensu hæctenus, in schola Monspe-
 liensi, ut ferè in omnibus philosophorum &
 medicorum scholis receptum est: Quatuor esse
 rerum omnium primordia seu elementa. Ex
 quibus sursum deorsum ultro citroq; cõmeantibus, mun-
 di natura est continiata: & quorum postea vicissitudine,
 cum reliquorum animalium, tum hominis corpus confla-
 tur. Ea sunt Ignis: Aër: Aqva: Terra. His, ut facile qvam-
 vis mutationem subirent & conversionem: & ex eorum
 subita concursione, omnia concreverent aut dissolveren-
 tur, attributæ sunt & donatæ qualitates summæ quatuor
 & validissimæ: quarum beneficio ac ope omnia perficien-
 da perficerent. Igne dabatur calor summus & exupe-
 rantia caloris: Aëri humiditas: Aqvæ frigiditas: Terræ
 siccitas.

Est porrò sua cuiq; elemento retusior altera qualitas do-
 nata: sed etiam simplex: quæ tamen summum generis sui
 gradum non impleat. Ea est in Igne siccitas caloris co-
 mes: in Aëre calor: in Aqva humor: frigus in Terra siccita-
 ti copulatum.

Tales

Tales elementorum qualitates summæ & validissimæ
 exterius & interius corpori humano in quantitate me-
 diocri adhibitæ & admotæ: tantum abest, id interimant
 aut destruant: ut etiam ejus conservationi multum confe-
 rant & conducant.

Venena verò quæ sunt mista tota substantia humanæ ^{VENENA VEL}
 naturæ inimica: & ad depeculandum & depascen- ^{MINIMA}
 dum eam apta, id promptissimè faciunt: & vel mi-
 nima sæpius quantitate, extrinsecus & intrinsecus ^{VITAM ADIMUNT}
 admota vitam adimunt. Has tamen qualitates,
 qualitatibus simplicibus inhærentibus elementis, ^{NON Tamen ELEMENTIS SUPERIORA}
 superiores non esse, fatearis necesse est. Nisi volue-
 ris aliquod effectum confingere: quod toto genere
 suas causas superet: aut receptam hætenus doctri-
 nam elementorum pessundare & evertere.

- " Et cum vita humana potissimum in caloris nativi, do- ^{CALOR NATIVUS}
 miciliū in corde habentis, conservatione consistat: morsq; ^{IN CORDE DO-}
 " ejusdem sit corruptio & depravatio. Quidquid tam vio- ^{miciliū HABET}
 " lenter & sine longa mora vitam adimat, mortemq; red-
 " dat: id prius calorem nativum & cor ipsum lædet & cor-
 " rumpet. Ex hujus enim salutaris caloris præsentia, omniū
 rerum salutem oriri & dependere, ejus manifestum & evi-
 dens fiet, qui naturæ mysteria & effecta sectatur & asti-
 mat. Hoc calore vita finitur: ejusq; abscessu & deperdi- ^{MORS.}
 tione mors. Hujus tanta necessitas, tanta utilitas: ut ne- ^{CALORIS UTILI-}
 sine hoc etiam frigidissima dicta animalia existere pos- ^{TAS.}
 sint: nec etiam senes vivere.

Venena verò ita vitam auferre, eorum cum humana na-
 tura intestina & naturalis contrarietas ac ^{impugnatio, vel. vis}
 convincunt.

Ergo venena nulla aperta seu manifesta elementari
 qualitate,

qualitate, sed tota substantia: corrumpendo & de-
primendo calorem nativum: cordi maximè nocent,

II. QVÆSTIO.

Cur venena quosdam, non modò non necant, sed
nutriunt etiam: quædam etiam necant
citiùs seriùsq;?

NATURE IN ACTU
ONIS PROCESSUS

Inter agens & patiens ita à sagaci & provida compara-
tum & constitutum est natura: ut cùm actio aliqua sit per-
ficienda, semper à convenienti agentis potentia & prom-
ptitudine, in subiectum dispositum fiat progressus.

Etenim hæ conditiones totam actionis rationem mo-
derantur. Hisce variè dispositis & immutatis: nunc fit re-
missior actio & debilior: nunc fortior & vehementior
procedit. Quin & hisce inordinatè habentibus, actio sæ-
pius in contrarium vertitur: passionisq; officium suscipit
& obit. Tanta est horum adjunctorum, in actione per-
ficienda, necessitas.

ACTIO VENENI
VARIA.

In venenis autem, ad agendū progredientibus aut dis-
positis, plurima sese offerunt: quæ illorum poten-
tiam & ipsum subiectum impediunt & immutant.
In quorū numero hæc sunt præcipuè observata. Na-
turalis alicujus speciei, (scholasticorū individuum
speciem appello) medicamenti alicujus Bezoarti-
ci, veneni proprietas potentior aut impotentior:
corporis imbecillitas aut robur: aut etiam cum vene-
no familiaritas: Quantitas: cōponendi modus, &c.
Ergo venena propter innatam potentiam seu virtutem:
& propter subiecti dispositionem impeditas & im-
mutatas: quosdam non modò non necant sed nutri-
unt etiam: quædam etiam necant citiùs seriùsq;.

III. QVÆSTIO.

III. QVÆSTIO.

*An certa sit sanorum per Alexipharmaca, externa
internaq; contra venena præserva-
tio: curatio vè?*

Laborante corpore humano, medici prima cura erit &
summa, in affecta sede, morbi specie, & cavssa morbi co-
gnoscenda. ^{Symptomata semetipsa produunt & indicant.} Symptomata semetipsa produunt & indicant:
nec de eorum cognitione sollicitè inquirere operæ præ-
tium est. MEDICI PRIMA
CURA.

His cognitis rectâ ad remedia properatur: de pellendo-
rum morborum cavssa corpori adhibenda. 11

Nec tamē quælibet oblata accipienda: sed tria in omni
remedio requirenda: ut legitimè hoc nomen obtineant, &
finem suum consequantur: nisi rerum omnium extrema li-
nea mors adfuerit, medicum & remedia illudens. TRIA IN OMNI RE-
MEDIO REQUI-
RENTIA. I. Re-
medii genus morbo tollendo accommodum. II. Quan-
titas remedii. III. Utendi modus.

In Alexipharmacis, tam ad præservationem quàm ad
curationem comparatis, hæc tria reperire licet.

I. Remedii genus illa esse conveniens, multis jam retrò
seculis, præter auctoritates & medicorum consilia
comprobavit usus & experientia: sola in hac re ma-
gis tra: ubi ridiculum est de manifestis qualitatibus
commentum. Alioquin tot seculis si temerè fuissent
usurpata: jamdudum è scholis medicorum fuissent
explosa. EXPERIENTIA.

II. Quantitatem ex affectus magnitudine in his inveni-
re prudentiæ medici relinquendum est. 11

III. Utendi modum ex situ, sede & consensu partis affe-
ctæ conijcere nemini arduum est. 111

Ergo certa est, per Alexipharmaca, externa internaq;
contra venena præservatio: curatioq;.

C IV. QVÆSTIO,

An venenosis morbis, pharmacia & phlebotomia utilis?

Cum in rerum naturalium investigatione versamur: percipimus unius ejusdemque rei plures sapenumero esse fines subordinatos: unum tamē summum & primarium. Quod etiam, in iis actionibus quæ cum deliberatione suscipiuntur, non minus verum est.

PHLEBOTOMIA.

Sic Phlebotomia inventa propriè ad sanguinem quantitate peccantem evacuandum: usum etiam præstat in corrupto & depravato sanguine educendo: etiam si quantitate non peccaverit. Ut naturæ cum minori copia & hoste imbecilliori sit conflictus: aut etiam ut pabulum corrupto sanguini auferatur.

PHARMACIA.

Sic Pharmaciæ finis est, materiam in habitu corporis interiori qualitate peccantem auferre & excludere, viis à natura præfinitis: quæ tamen sapius, tutò & utilitèr adhibetur in quantitate minuenda.

Venena quæ cor infecerunt: caloremque nativum depopulari inceperunt, non solùm partibus cordi vicinis communicantur: ut ventriculo, pulmonibus, venis majoribus, arteriis, & eorum adjunctis, &c. sed etiam in cordis intestinam substantiam & vasa transfusa & spiritibus commista, in sanguinem totumque corpus transfunduntur.

Ergo venenosis morbis pharmacia & phlebotomia utilis.

AXIOMATA RAMEA PARADOXA XVI.

GRAMMATICA.

I. Grammaticæ partes duæ: Etymologia & Syntaxis.

II. Ortho-

II. Orthographia & Prosodia in Grammatica adjuncta sunt.

III. Scholasticorum historica Grammatica nulla. HISTORICA GRAMMATICA.

IV. Sermo grammaticus non semper elegans.

R H E T O R I C A.

I. Rhetoricæ partes duæ: Elocutio & Pronunciatio.

II. Inventio & Dispositio in Rhetorica nulla.

III. Memoria, si artium præceptis subjicienda est, quibus

juvetur, ad Dialecticam est referenda.

IV. Rhetorica ante Dialecticam docenda.

D I A L E C T I C A.

I. Dialecticæ partes duæ: Inventio & Judicium.

II. Inventionis doctrina tota decem argumentis absolvitur.

III. Prædicabilium & prædicamentorum doctrina, à doctrina argumentorum diversa, nulla est.

IV. Methodus tradendarum disciplinarum unica. METHODUS.

L O G I C O P H Y S I C A.

I. Physicæ subjectum est Ens mobile, omnia universalia intentionalia à Physica excludens. ENS MOBILE.

II. Doctrina Aristotelis de Materia & Forma, in primo libro ἀποστέλλεται tradita, tota logica est.

III. Doctrina cæssarum generalis, siue propriam agnoscat personam, siue naturæ tectorio se occultet, tota logica est.

IV. Privatio in natura nusquam existit: estq; otiosi hominis somnium. PRIVATIO.

M E D I C A P R O B L E M A T A X.

I. Medicina ad actionem non ad contemplationem comparata est.

ε 2

II. Physio.

PHYSIOLOGIA.

20

CURSUS

II. Physiologia pars Medicinæ non est: sed medico tamen necessaria.

III. Morborum curatio certa est: etiamsi in conjectura magna ex parte, sed artificiali, consistat.

CRISIS.

IV. Morborum per Crisin non est certa judicatio.

V. Consuetudo in curandis morbis nihil indicat. Permittit: non exposcit.

VI. Actio à morbo læsa, sæpius nihilominus editur.

VII. Morborum sunt continentes causæ.

PURGANTIA.

IX. Omnia purgantia ventriculo nocent.

IX. Medicamentorum certas constituere doses impossibile est: etiamsi temperatissimum corpus respicias.

SENECTUS &
MORS.

X. Sola experientia Senectutem & Mortem necessariò impendere docet: nulla physica ratio.

QVÆSTIONIS PRIMÆ EXPLICATIO:
DICTA,
ANTE DISPUTATIONEM MATUTINAM,
DIEI VII. JUNII.

Non me clam est, viri Monspelienſes, pro more ſcholæ, Baccalavreo deſideranti laudem & teſtimonium abſoluti curſus ſui in celeberrima hac Academia ad penates ſecum reportare, tres diverſos, prælegendo tribus menſibus, curſus conficiendos & abſolvendos: ut quid de eo etiam ſpei ſit in docendo palàm fiat.

Curſus T. ab
adjunctis.

Verumtamen cùm, præ ingenii memoriæq; difficultate, deſperarem me aliquid vobis & hac cathedra dignum hac in parte præſtiturum: ſciensq; ſatis eſſem vos condiſcipulos meos, toto hoc anno fideliter avdiendo & frequen-
tando præceptorum prælectiones deſatigatos & propè conſectos: magisq; propterea cupere occaſionem avdita & percepta exercendi & animi reſcindi: quam avſculta-
tandæ

tandæ alicujus, etiâ frigidè propositæ, prælectionis: mearum partium judicabam utriq; tam vestræ quàm meæ voluptati inservire: vel etiam hoc pacto me vobis deditum significaturus.

Est & aliud argumentum quod meum animum non parum movit. Sumtuum mihi habendam rationem, tanta viæ longitudine à patria & amicis distantî, qui faciendi interea essent: & studiorum, quæ interturbanda, dum tres menses, tribus cursibus tribuerentur.

Respicio etiam ad periculosum hoc tempus, bellicis rumoribus omnia turbans, in quod incidi: & locū ad quem magna belli pars spectat: ex quo me in tempore ut eximam admoner.

Hæc omnia præceptoribus exputanda proposui: sollicitaviq; ut, pro tribus cursibus, trium dierum disputationem substituere eorum permissu liceret. Præceptores, ut sunt eorum animi ad benemerendum & inserviendū commodis discipulorum promptissimi, difficiles se ad meam petitionem non præbuerunt. Quin, ut cernitis, hanc triduanam disputationem publicè instituendî potestatem fecerunt.

Nec est, quod temerè id factum existimetis, aut privato quodam consilio: cum leges Academiæ hac in re, certis de causis, peregrinis aliquid permitti patiantur.

Potestas hæc cum mihi daretur extraneo, cautio & admonitio præceptorum diligens accessit. Sedulo mihi animo perpendendum, disputationes Monspeliensium esse modestas, sine cōvitiis, & liberas. Sed tamen ita liberas: ut intra dialecticæ & syllogismorum terminos perpetuò permaneat: ne quid ignominia Academiæ, quid detrimenti legibus syllogismorum ex mea disputatione accederet. Admonitionem illorum mihi cordi futuram fidem dedi:

c 3 addidicq;

*Non solum for-
mæ sed etiam ma-
teriæ in syllogis-
mis submittenda
iudicio.* addidiq; me non solum formæ in syllogismis habiturum rationem: sed etiam de materia vos meos antagonistas admoniturum. Desumendam eam esse potius, ex argumentis artificialibus, Causis, Effectis, Subjectis, Adjunctis, Toto, Partibus, &c: quam ex inartificiali Auctoritatis & Testimoniis argumento. Nisi talis injiciatur in nostram disputationem materia: quæ nullo alio, quàm auctoritatis argumento, se confirmari patitur.

Auctoritatis argumentum, quare inartificiale appellem: & cur magis quàm alia semovendum moneam, quæso, Socratica similitudine ut explicem, patienter admittite.

*Similitudo Socratica
de iusto & iniusto
pro testimonio.* Colloquium & disputatio nostra confertur meritò convivio: ad quod convivæ diversi generis, boni & mali, docti & indocti, sed diversis temporibus, sint invitati. Doctiores si convivium celebrent: quales sunt viri philosophi, facile unum ex alio incidet: de quo conferentes & ultro citroq; communicantes tempus convivii sine tædio insument. Indocti & plebei convivium agitant, se tanquàm pecudes intuentur: nec quid, & ubi incipiendum sit invenient. Tandem si quis fuerit inter eos prudentior, tanquàm Strabo inter cecos: admonebit, histriones, tibicines, moriones advocandos: ne omninò inutiliter & cum molestia tempus terant. Reliqui, tanquàm Jovis consilio aut Apollinis oraculo audito, in hanc sententiam manibus & pedibus ibunt.

Auctoritas.

Quid hac similitudine velim, vel me tacente, quilibet vestrum intelligit. Auctoritates tibicinum cantus esse, & histrionum ludicra facta. Indoctos eos, qui auctoritates temerè & frequenter nimis in convivium philosophicum advocent. Reliqua contrario modo se habent.

Novum ne tiquàm est quod admoneo: quoniam etià tempore Ciceronis, contigit quod vituperamus: quemadmodum

dum videre est apud Ciceronē primo de Natura deorum. Nec verò, inquit, probare soleo id quod de Pythagoreis accepimus: quos ferunt, si quid affirmarent in disputando, quum ex iis quæreretur, quare ita esset, respondere solitos: ipse dixit. *supra autem sunt Bt. hugens. /* *αὐτοὶ ἐφα*

Desino plura in hanc sententiam conferre: ne vos offendat mea præfationis prolixitas tempus auferens: aut iudicii libertas, dum moneam auctoritates parcius in disputationibus adducendas. Et ad explicandam disputationis quæstionem primam, quod iussit D. cancellarius, rectâ propero.

Propositæ sunt mihi quæstiones quatuor, hoc triduo, *Summa diffinitio, finis.* pro tribus cursibus ad Baccalavreatum complendum & perficiendū necessariis, disputandæ: & forma syllogistica explicandæ. Quibus ego adjeci, Axiomata philosophica Ramea XV I. & problemata Medica X. quod etiam à reliquis meis prædecessoribus factum intelligo.

Quæstiones adeo sunt explicatu difficiles & intricatæ: *QUESTIONES* ut in tota rerum naturalium doctrina, & medica arte, difficilius invenias nihil.

Si enim materiam spectes: quid hac doctrina de venenis eorumque curatione obscurum magis & impeditum offeretur? Hercle nihil. Nam quod sapius tota substantia, sine manifesta, aut fortassis ulla qualitatū ope, effectum producant: sapius etiam qualitatibus in auxilium adscitis ea efficiant, quæ qualitatū proprietatibus sunt adversa, aut etiam superant: doctrinam venenorum adeo reddidit difficilem & obscuram: ut ratio humana ejusque subtilis labor, in harū actionum causis inquirendis prorsus succumbat. Quid quod, in tota hac doctrina nihil certi & explorati despiciere integrum est: nisi quod experientia memoria & historicorum litteris prodiderit. *MATERIA QUESTIONUM*

Hem.

*FORMA QVÆSTI-
ONIS.* Hem verò quid de materiae obscuritate queror: cum ta-
lis se offerat labyrinthus in ipsa quæstionum forma ob-
scurè & ambigüe propositarum: unde Thesei filo adju-
tus, vix educeris? Cum enim in syllogismo formando, ad
quæstionem seu axioma addideris tertium argumentum
seu medium terminum: promiserint dialectici sufficere ma-
teriã syllogismo: quod tamen in mea quæstione prima &
secunda nevtiquam convenit. Etsi enim ad hanc quæstio-
nem primam totius naturæ optimum argumentum ter-
tium excogitaveris: non tamen syllogismum magis con-
cinnabis, quàm si ex arena funiculum connectas.

DELIBERATIO. Quid itaq; mihi faciendum censes? Abjiciendane est to-
ta quæstio: tanquàm contra leges Dialecticorum proposi-
ta: Id præceptoribus animo ægré erit. Novum itaq; hujic
malo inveniendum remedium: & ex prima quæstione, re-
sponsioneq; ad eam allata, nova conficienda quæstio est:
ejicq; novum inveniendum argumentum: ut tandem sua
sufficiat syllogismo materia. Ita omnia conjicio de indu-
stria à præceptoribus comparata, ad meum ingenium
exercendum & excruciantum: cum meo prædecessori,
una solummodo dabatur quæstio: eaq; facilis & aperta.

Hanc difficultatem effugere volens, aut non animad-
vertens aliquis sibi ipsi satis placens, (novistis quem desi-
gnem) vel ex hoc loco jussus respondere & syllogisticè
explicare:

THERIACA. *Quomodo Theriaca morbis venenatis auxilietur?* hoc syl-
logismo videbatur sibi egregiè respondisse & rem digito
monstrasse.

ALEXITERIA. *Alexiteria quædam, manifesta qualitate, quædam occul-
ta proprietate venenis resistunt.*
Theriaca utraq; facultate venenis resistit.

Ergo

*Ergo theriaca & qualitatibus manifestis & proprietate oc-
culta venenatis morbis auxiliatur.*

Proh dialectice! In hoc syllogismo non maior est ter-
minorum connexio, quam si conclusum fuisset: *Ergo ba-
culus stat in angulo.* Medius terminus in utraq; propo-
sitione prædicatur affirmativè. Repetitur idem in conclu-
sione. Et nescio, quot hîc sint scopæ dissolutæ.

Tanta difficultate, quæ talem virum irretivit, cum ego
obruar: in spem magnam erigor, tam præceptores, quam
condiscipulos æqui boniq; facturos, si minus appositè
quàm de me sperent, ad propositum dixerò.

Prodeat itaq; in medium quæstio, quam primo loco
explicare jubeor.

*Quævi: Quæ ratione: Cujq; parti venena
maximè noceant?*

Prima Questio.

Graves habent & magni nominis singulæ hujus quæ-
stionis partes, protectores & patronos inter se concertan-
tes: quos nec inter se committo nec reconcilio. Hoc unum
exequar, quod mihi in mandatis datum est: & quæstio-
nem meam explicabo: explicatam communiam.

Id ut fiat, tribus singulatim mihi opus est syllogismis
tanquàm fossis & aggeribus: quos tamen tempori servi-
ens in duos contraham. Primus disputabit: *Qua vi no-*
ceant venena. Secundus: *Qua ratione: & cui parti maxi-*
mè noceant.

*Secundus rime
Questiois.*

Primus Syllogismus.

*Si elementorum qualitates summe, aut etiam aliorum cor-
porum, ea efficere nequeunt in magna satis copia, quæ
venena faciunt in exigua, in quibus qualitates sunt
remissiores: actiones istæ venenorum aliunde quàm à
qualitatibus progrediuntur: utpote à tota substantia.*

d

Atqui

*Syllogismus primus
modus primi
modi, quæstio
remissiores &
venenorum aliunde
quàm à tota substantia.*

Atqui qualitates elementorum aut aliorum corporum ea
nequeunt efficere, quæ faciunt venena:

Ergo venenorum actiones à substantia tota progrediuntur:
totæq; substantia nocent.

Axioma.

Propositionem in dubium vocare, est dialecticorum
dogma certissimum de comparatis evertere. Si enim illud
non inest, quod magis inesse videtur, multo minus inerit, quod
minus inesse videtur. Sine SIMMÆ qualitates & vehe-
mentissimæ, SIMPLICIUM & PERFECTISSIMO-
RUM corporum elementorum nempe, aut etiam alio-
rum, id possunt operari quod venenis perficitur: satis evi-
dens est id remissioribus qualitatibus nevtiquam effici:
& ad alias causas nempe totam substantiam esse con-
fugiendum.

RHABBARUM.

MANNA.
CASSIA.

Tota medicina sponte hanc propositionem amplecte-
tur tanquam axioma certissimum. Etenim si unc. j. Rha-
barbaribilem non expurgaverit: multo minus id speran-
dum est per drach. j. Mannæ aut cassiæ.

SINAPI.
ALLIUM.
PIPER.

Assumptionem corroborabit rerum natura & experi-
entia: quam tanquam testem firmissimam adduco. Ea sola
hac de re judicare & testimonium perhibere potest. Quod
etiam animadvertit & docuit Galenus multis in locis: sed
precipue lib. vi. de Simplici Medicina capite de Abrota-
no: & ix. de Simplici Med. & Averrhoes in lib. de Theria-
ca: & alii quam plurimi. Constat autem, Sinapi, Allium, Pi-
per & similia medicis quarto gradu calida, etiā magna sa-
tis quantitate intra corpus assumpta, nihil detrimenti cor-
poribus accersere. Aqua frigidissima, Aristotelicorum ter-
ra siccissima, Aer humidissimus sine ullo discrimine usur-
pantur: & necessaria sunt ad vitæ conservationem. Cum ta-
men Opium, Evphorbium mediocri, Arsenicum, Scor-
pio, Basiliscus, &c. vel minima quantitate mortem infe-

OPIMUM.
EUPHORBIIUM.
ARSENICUM.
SCORPIO.
BASILISCUS.

rant:

rant: ut ne quidem eorum tactum, aut fortassis visum sustinueris.

Ad hanc substantiam nolentes volentes confugiunt scriptores scholastici reddituri rationē: quare venena corpus interficiant: & barbarē sic inquirunt: *Est contrarietas pernecabilis totius substantiæ ad corpus humanum.* Ubi turpiter excidit præceptoris auctoritas, omnem contrarietatem substantiis adimentis.

Id pavllō clarius interpretatus est Ardoynus ille Italus editus Basileæ à CL.V. Doct. Theodoro Zvingero, dicēs: *Venenum per proprietatem seu specificam formam corrumpit substantiam corporis: agens in corpus humanum sua primaria obviatione: cū ipsi proprietati occultæ nulla elementaris qualitas contrarietur: quamvis contrarietur ejus effectui,*

Definitio venenorum substantiæ convenit non qualitatibus. Etenim venenum definitur corpus mixtum seu res non naturalis: quæ quomodolibet corpori humano admoveatur, naturam illius corrumpit & abolet.

Quod animadvertentes prædicamentistæ, locum illi inter substantias permiserunt. Dicuntur venena *φαρμακα* sed non quælibet indifferenter: verū ea quæ planē naturæ noxia sunt & inimica: & *φαρμακιδες* propter eandem causam mulieres veneficæ.

Arist. 1. lib. Probl. 46. appellavit *φαρμακα θανατηφορα*. Vocantur etiam *δυνατηγια*.

Galenus consentiente Hipp. & reliquis majoribus suis lib. 3. de Temper. cap. 4. opponit alimentum & venenum. Quod si verē dictum est: venena erunt substantia, ut alimentum: non qualitates. Cū opposita sint sub eodem genere: alioquin pugna erit inæqualis.

Hæc pugna obscura & clandestina non est. Alimentum quod corpus alit, corpori assimilatur, & à calore nativo evincitur:

evincitur : priusquam in corporis substantiam converti possit. Venenorum impar ratio est, quæ à calore nativo evinci nequequam possunt: sed excitata totam naturam frustra laborantem corrumpunt & prosternunt.

Ineptia etiam fuisset, à Galeno 2. de Acutis cap. 3. & 12. appellari venena medicinam à tota substantia nobis contrariam: si qualitates sint. Sed, quia res clara est, pergo.

Secundus Syllogismus.

Si quidquid vitam violenter adimit, id prius efficientem ejus causam calorem nativum, & huius subjectum precipuum cor, corrumpat & destruat necesse est.

Venena vitam homini violenter adimunt.

Ergo prius calorem nativum & cor, corrumpant & destruant necesse est.

PROPOSITIO.

Propositio ex naturali convenientia causarum & effectuum desumpta est: & ex arcta illa necessitudine & familiaritate subjectorum cum propriis suis adjunctis: semet invicem difficulter deferentium. Nemo enim in naturalibus effectum sustulerit: causa in actu permanente libera: aut contra. Nec adjunctum proprium sinit se à proprio subjecto, cui arctè inhæsit evelli: nisi etiam vis inferatur subjecto: & è diverso. Sic cum humana vita à calore nativo conservetur: qui subjectum suum proprium & precipuum cor agnoscat: mors autem istius vitæ sit ablatio, teste Aristot. in lib. de Vita & morte: nemo vitam ademerit: nisi qui calorem extingvat & cor lædat.

VITA CUA EFFICIENTI CALORE NATIVO SUBIECTUM VERO COR

SYMPTOMATA

Hoc symptomata quæ venena comitantur præ se ferunt, cordis tremor, syncope, debilitatio pulsus & spirituum vitalium: & cardiacæ affectiones reliquæ, calorem nativum, & cor ipsum afflictum docentes. Si sensum iudicio standum est, cernimus manifestius, quam si communibus

"nibus istis theorematib. evincatur, omnia viventia caloris
 "præsentia perfundi: & morte consumpta, hoc penitus extin-
 "cto, refrigerari. Quod nō solum in animantibus: sed in plan-
 "tis etiam locū habet. Ubi tamen id minus cōspicuum est.

Veterum philosophorum monumentis proditum est,
 "ā quo dogmate recentiores non dissentiunt: Animam ir-
 "rationalem, rationalis animæ in hominibus quasi actum
 "qvendam & splendorem esse, resultantem in tali cor-
 "pore velut in speculo: qui sanē splendor dependet ab
 "anima nostra fermē tanquā ex luna: ab anima sphaeræ
 "quasi sole. Virtus aytem rationalis manifestius suum offi-
cium exercet in capite: Naturalis in jecore: vitalis in corde,
quæ tanquā generosior rationi vicinior est. Hinc facul-
 tatum & spirituum, tanquā ex subjectis diversis, medi-
 corum & philosophorum usitatissima & multis seculis ap-
 probata, desumpta distinctio est.

Et cū spiritus durare sine respiratione nequeant, calor ^{SPIRITUS.}
 sine refrigeratione: sic enim caloris commoderatio & spi-
 rituum substantia conservanda: ordinatum est ā provida
 natura: ut ā corde instrumenta transpirationis arteriæ ori-
 ginem ducerēt, suamq; potestatem impetrarent: cui etiam
 postea de suis actionibus & operationibus iudicium defe-
 rent: omnia ad cordis arbitrium moderaturæ.

Galenus vester eadem argumentandi lege utitur lib. de
 Marasmo, demonstraturus impossibile esse marasmū impe-
 diri: nisi prohibeatur sedulo ne ullo pacto ipsum cordis
 corpus arefcat: ut ab omni opere vacet. Si quidem vite ter-
 minus vacuitas est cordis ab actionibus. Cū impossi-
bile sit mori animal: quā diu cor sua actione moveatur.

Aristotelicorum quantus fuerat conatus in hac senten-
 tia obtinenda, vel cuius defunctorie in eorum scriptis ver-
 sato obvium est.

d 3

Platonici

*Humiditas pri-
migenium.*

*e celo devec-
tū.*

*SPIRITUS
CALOR in fine
diversi.*

VITA.

Platonici totam controversiam quasi manibus palpan-
dam, palam fecerunt: & ad finem diduxisse sibi videntur.
Illud autem maximè observandum, inquit, quod nulla sit
in toto corpore particula, ubi non & primigenium humi-
dum, & qui humido hujic radicatus insidens, assidue id
depascitur innati caloris omnino inveniatur aliquid. Cui-
jus tamen caloris substantia ex materia elementari non est:
sed aliud quoddam corpusculum, quo, devectora demissaq;
coelitus, in mortale hoc corpus, induit sese anima nostra,
vehiculo iccirco appellato. Hoc nobilius licet & illustrius
sit, tamen hanc difficulter sociatur spiritui, sibi substantiae
tenuitate & splendore cognato: annexumq; hoc interme-
dio corporibus tenetur mortalibus immortale: annexaq;
secum retinet animam simul: donec laxatis ruptisve, aut
quocumq; tandem modo amissis retinaculis liberior facta
evolet, spirituumq; aut caloris nativi praesentia destitua-
tur. Sed ut subsistat vigeatq; refocillatione continenter in-
diget frigidioris aeris.

Animadvertendum est, cum diversi ad modum inter se
non sint spiritus & calor: quod non raro ab auctoribus pro-
miscue usurpantur: ut qui unum dixerit, dixisse alterum
videatur.

Quod si alium praeterea statuas a corde per arterias in
corporis partes omnes influentem spiritum, nihil absur-
di dixeris. Nam influens ille quoq; ab origine congenitus
ac insitus, quasi de foco aut penu proprio largiter aliis
subministrans, suamq; copiam impartiens, insitum conge-
nerem sociumq; suum usq; fovebit: unusq; in totum fiet.
Haec passim ex Platoniorum desumpta & congesta sunt
decretis. Similis locus est apud Marfilium Ficinum cap. 2.
lib. 2. de Vita longa. Vita tanquam lumen in naturali ca-
lore consistit. Caloris vero pabulum est humor aereus &
pingvis,

" pingvis, quasi oleum. Sive igitur humor ejusmodi forte
deficiat: sive prorsus excedat: vel inquinetur: calor natura-
lis statim debilitatus extinguitur. Si humoris defectu ca-
 lor debilitatur & perditur: mors resolutione contingit. Si
 potius obruitur humoris excessu vel vitio, vita suffocatio-
 ne perit, &c. In hac sententia fuisse veteres philosophos
 extra controversiam est, si verum sit, quod credidēre vete-
 res: cor eorum qui venenum sumere cremari non posse: ut
 relatum est de Germanico, à Svetonio & Plinio.

" Medicamenta quæ venenosis morbis adhibentur, om-
 nia sunt cordialia: cordi quæ tanquam sedi affectæ & parti læ-
 sæ applicantur. Quod temerè tot sæculis servatum, & cum
 fructu usurpatum non est.

Quo modo, & quæ viæ venena etiam exterius corpori
 admota ad cor perveniant, pavllò obscurius est: & multi
 hac obscuritate à nostra sententiâ sunt deterriti: nam in iis
 quæ ore aut spiritu assumuntur satis patent viæ. Varii modi
 & viæ à scriptoribus diversis recensentur: quos tamen præ
 hoc unico cōtemno. In qualibet corporis parte, insignem
 vitalium spirituum copiam reperiri nemo sapiens, naturæ
 amicus inficias ibit. Quibus cum venena adversa sint, fit
 ut illi hæc appropinquantia aut admota effugiant: & se ad
 cor, suum principem & dominum recipiant: quod, allato
 veneno, insigniter læditur, & quo spiritus erant infecti in-
 ficitur & coinquinatur. Ita jure & meritò cor locus affe-
 ctus in venenatis morbis statuitur. Quare & veteres di-
 xerunt venenum circumdare cor, quemadmodum feras
 venator.

Ad assumptionem quod attinet, in qua proditum est: ve-
 nena adimere hominibus vitam violenter, id, vel hac no-
 stra ætate, nimis usitatum & notum est eorum experientia,
 qui veneficiis homines è medio tollere, pro joco habent.

Atque

Atq; hoc pacto ex duobus syllogismis, diversæ sunt extructæ & diductæ conclusiones, & axiomata.

" Venenorum actiones à tota substantia progredi: eaq; tota substantia nocere.

" Venena, calorem nativum, & cor ejus subjectum corrumpendo & deprimendo, nocere.

Quæ axiomata si conjungatur: copulatae quæstioni copulata erit inventa responsio: & syllogisticè confirmatum erit.

COMPLEXIO.

" Venena tota substantia: corrumpendo & deprimendo calorem nativum: cordi maximè nocere. Quod demonstrasse oportuit.

QVÆSTIONIS SECUNDÆ EXPLICATIO: DICTA,

ANTE DISPUTATIONEM POMERIDIANAM,
DIEI VII. JUNII.

TRANSITIO.

Admonitus sum, hodiernam præfationem, parti cujdam vestrū, displicuisse: quod tempus disputationi dictum declamando insumatur. Eji rei medebitur, quæ est ad secundam quæstionem instituta: & quantum hodie deperditum est temporis, tantum jam addetur: ut vestræ voluntati mos geratur.

Argumenta, quæ hanc quæstionem non minus difficilem quàm hodierna fuit probarent, reservanda sunt. Ambigua & quæ in diversas partes à philosophis & medicis de hac quæstione dicuntur & disputantur in commodius tempus reticenda sunt: ne adversario arma suppeditare videar. Cum magis mihi vigilandum sit: quo pacto contra potentissimi hostis tela me muniam.

SCOPUS
ORIS.

Munimenti & propugnaculi loco erunt mihi agentis & subjecti recipientis seu patientis variæ dispositiones & muta-

mutationes: ad quas velut ad asylum tutissimum confugiens: sic meam sententiam iis cingo: & cinctam defendo.

In quacung, actione agentis potentia conveniens & subiecti dispositio legitima immutetur, aut non adfuerit, ipsa actio propter eandem mutationem & absentiam, immutatur, invertitur, impeditur.

In venenorum actione hec sepius immutantur aut desunt.

Ergo venenorum actio, sepius propter eandem mutationem & absentiam, immutatur, invertitur, impeditur.

Et per secundam consequentiam generis ad speciem: propter eandem mutationem & absentiam, venena quosdam non modo non necant, sed nutriunt etiam: quosdam vero necant citius seriusq.

Propositio à causæ efficientis, cum suo effecto & subiecto recipiente, conditione & natura desumpta est. Quæ nisi ita disposita sit & constituta, ut agentis mediocris & conveniens sit potentia ad effectum producendum: actio ejus & conatus vanus erit. Nec agentis solum conditio talis in actione requiritur: sed necessariò subjectum actionem recipiens, accommodum ad effectum recipiendum esto. Hoc omnia philosophorū scripta clamant. Hoc universa mundi machina, vult, indicat, sonat.

Placet nihilominus naturæ unicum exemplum hujus sententiæ confirmandæ confingere.

In conformatione fœtus in utero materno: nisi agens, id est plastica vis seminis ad conformandum embrionem conveniens adfuerit, frustra laborabitur: etiam si materia adfuerit purissima & accommodatissima. Sed adsit agens ad effectum producendum satis potens & efficax: propterea ne effectum sine impedimento producat? Nihil minus. Materia enim impura si adfuerit malis coinquinata adjunctis: & ad formam suscipiendam inconve-

e niens,

Syllogismus
propositio
agentis
potentia
conveniens
ad effectum
producendum
est
nec agentis
solum
conditio
talis
in actione
requiritur
sed
necessariò
subjectum
actionem
recipiens
accommodum
ad effectum
recipiendum
esto

PROPOSITIONIS
DECURATIO.

AGENTIS CON-
DITIO.

EXEMPLUM
DE
CONFORMATIONE
FÆTUS

5
13 14 15

niens, actum ages: etiam agente existente potentissimo & robustissimo.

ACCIPIA Ex hac naturali philosophia desumptum illud est quo omnes medicorum libri referti sunt. Omnes in corpore actiones pro instrumentorum, quæ causæ efficientes sunt, ratione mutari & diversi generis esse: quæ tamen ab una efficiente principali, Anima, progrediantur: iisdemq; instrumentis læsis mutari, corrumpi, impediri.

PLATO
OMNES ACTIONES A FORMA. Plato & ejus interpretes docturi omnes actiones à forma esse, eodem usi sunt argumento: hasq; conditiones in actione à me requisitas materiæ omni ademerunt. Unde confecerunt, ademptis materiæ hisce conditionibus: meritò adimendâ ejidem omnem actionē & agendi potestatem.

ASSUMPTIONIS PRÆTIO. Assumptio inductione probatur: in venenorum actione potentiam agentis & subjecti recipientis convenientem dispositionem variis nominibus impediri, illegitimè mutari & inordinatè habere.

*CAUSÆ CUI VE-
NENUM CONSCIT
SCIT SUICIDIO
ALTER VERO EVASIT
ILLÆSUS.* I. Naturalis alicujus hominis proprietas sæpius in causa est: quare venenum huic homini mortem consciscat, altero illæso: qui tamen eodem usus fuerat veneno.

HISTORIA Historicorum scriptis traditum est repertâ fuisse anum quandam quæ 30. drachmas cicute sorbebat sine omni læsione: quæ tamen nulla unquam medicina sibi præcaverat.

*STURVUS.
SUES.* Quod de sturhis accipimus eos à cicuta non interimere: sicut esu iosciviani delectari & impunè vesci: id nulla alia causa contingere, quam insigni corporis quadam constitutione contendo. Et Galeni rationem de meatuum latitudine III. de Simplicibus medicamentis prolatam, cum Avicenna improbo. Sunt enim in hominibus itidem tales diversæ proprietates: ubi Galeno ad meatus fugiendi præclusa via est. Huic homini prodest & placet: quod illi ingratum noxiumq; est. Hic vitam potius quam vinum deseret.

deferet. Ille quodvis venenum prætulit. Quamvis hoc rarum est.

II. & III. Veneni & medicamenti proprietas certa, potentiam tam venenorum, quam subjecti dispositionem etiam immutat & impedit. PROPRIETAS CERTA

Huius nature est illud venenū: quod auctore Aristotele provenit in monte Ciræo: hominesque sine mora interficit. VENENUM EX MONTE CIRÆO.

Avicennas distinctionē admisit inter venena proprietate agentia occulta: & manifesta qualitate. Quorum ea Avicennæ longē citius operantur. Hæc tardius. Sed viderit Avicennas ne offendat eos qui omnem actionem manifestis qualitatibus attribuunt. DISTINCTIO AVICENNÆ DE PROPRIETATIBUS VENENI.

In descriptione Aphricæ Joannis illius Leonis narratur in fine lib. VII. In Nubia reperiri quoddam veneni genus: idque si ejus unum granum propinatur decem hominibus, omnes statim jugulare spacio quartæ partis horæ. NUBIA

Notum etiam hoc est de venenis Basilisci & Scorpionis, sine longa temporis mora enecantibus.

Medicamentorum certam proprietatem, tam simplicium quam compositorum, actiones & subjectum immutare posse, quaestione tertia sequente copiose disputabitur.

IV. V. & VI. Corporis imbecillitas aut robur: aut etiam cum veneno familiaritas. Quod non solum in morbis venenosis: verum etiam in omnibus reliquis observandum est. Si quidem quibus debile & morbis obnoxium corpus a natura donatum est: ii facilius morbis corripuntur & gravius laborant. Hi facile morbos evitabunt & superabunt: qui corpus validum & robustum a natura consecuti sunt.

Rex Mythridentes a venenis non offendeatur: quod corpus habebat usu confectionis Mythridenticæ ita munitum: ut venena corrumpere & frangeret. HISTORIA

e 2

Mulier

Mulier illa Atheniensis Josqviānum naturæ familiaritate comedisse dicitur: quā usu longo sibi acquisiverat.

Idem judicandum est de illa vetula: cuius mentionem facit Gal. ^{lib. III.} de Simpl. Medic. facultatib. cap. XI. & XII.

quatuor

Refert Conciliator se vidisse quatuor comedentes venenosa fercula: quorum unus continuò moriebatur: duo lethaliter cœpère ægrotare: quartus omninò incolumis evasit.

VII. & VIII. Quantitatis & compositionis vim com-
monstrant nō solum venena, verumetiam medicamenta,
alimenta, & reliqua omnia quæ intra corpus assumuntur.

dosi.

Extant quamplurima medicorum monumenta & animadversiones de medicamentorum iusta quantitate & dosi: unumquod ex iis est, quæ in veri medicamenti noticiam nos ducunt.

Extant etiam quamplurima inter homines (proh dolor) exempla, de periculis adscitis ex iusta medicamentorum dosi diminuta & adavcta nimis. Utrinque enim magno cum periculo erratur & peccatur.

Galen. lib. III. citato, cap. XXIII. monet venena omniaque medicamenta suo frustrari fine: nisi iusta quantitate propinentur: etiam si sint efficacissima. Opus enim habent certa mensura ad actiones suas exercendas.

Et vel vulgus hominum concesserit in maiori quantitate maiorem vim positam: dicetque cum Gal. centesimam partem scintillæ ignis nihil facere: quia non est ea mensura, quæ possit vis ignis efficacissima operari.

De hac venenorum singulatim quantitate diligentissimè scripsit Arnaldus de Villa nova tractatu de Venenis: fol. 153. editionis Perneæ: & alii multi.

Modus compo-
nendi.

Modum componendi varium, venenorum actionem accelerare & retardare, medicamentorum compositio similiter

militer exemplo esto: quamvis exempla ex historiis non desiderentur. Citius dicitur operari calidum venenum quam frigidum: quod etiam sua ratione non destituitur.

Hinc errori occasio dabatur: in quo cum multis aliis videbatur fuisse Gal. lib. de Partib. artis medicæ, cap. v. & lib. III. de Simpl. med. facult. cap. xxii. parari posse arte venenum, certo die & hora hominem enecaturum: sic ut nec citra id temporis intervallum, nec ultra aut ante verti aut protrahi mors possit. Sed fabulam mihi narrare videntur huius opinionis sectatores: inter multas rationes hac maxime permoto. Quod etsi reliqua omnia cognoscantur, ex quibus brevis aut longitudo vitæ prædicenda sit: tamē ^{ἰδιον κρᾶσις} uniuscuiusque hominis quomodo comprehensam tenebimus? Quæ si nos fugit, ut semper fugit, vanum ac fallax iudicium de hisce rebus fiet.

Sed redeo ad compositionem, & addo venenorum actionem promoveri venenis ejusdem generis cōmixtis: protrahi & impediri si ea quæ commiscuntur contrariæ fuerint naturæ.

Illud quidem inavdiverat, sed malè intellexerat Eumprina illa apud Avsonium: quæ toxicum marito propinavit: cui ad accelerandum actionem miscuit magnam satis copiam argenti vivi. Sed sua spe frustrabatur, impeditis utrinque & debilitatis ex pugna naturali viribus. Sed de hoc casu disputare huius loci non est. Fides erit penes auditorem & lectorem. Versus Avsonii reperiuntur fol. III. editionis ultimæ Lugdunensis:

Toxica Zelotypo dedit uxor mæcha marito:

Nec satis ad mortem credidit esse datum.

Miscuit argenti lethalia pondera vivi:

Cogeret ut celerem, vis geminata necem.

e 3

Dividat

Dividat hæc si quis, faciunt discreta venenum.

Antidotum sumet qui sociata bibet, &c.

COMPLEXIO

Atq; hæc jam satis demonstrarunt firmiter, venenorum actionem, sapius propter agentis potentiam convenientem, & propter subjecti dispositionem legitimam immutatam aut absentem, immutari, impediri, inverti. Unde per eundam consequentiam, syllogisticè assumendo ex genere speciem, efficio: *venena, quosdam propter eandem mutationem & absentiam, non modo non necare: sed nutrire etiam: quædam verò necare citius seriusq;.* Quod demonstrasse oportuit.

QVÆSTIONIS TERTIÆ EXPLICATIO:
DICTA,

ANTE DISPUTATIONEM MATUTINAM, DIEI II. JUNII.

Disputatum heri erat acriter & diligenter de venenorum causis, effectis, & agendi modo, contra theses ex rerum naturalium ordine seu classe, aut ut vulgus medicorum loquitur, ex medicinæ parte theoricæ desumptas. Duæ quæ sequuntur quæstiones verè medicæ sunt: de ratione generali curandi morbos venenosos: & de speciali-
bus quibusdam medicamentis, de quibus controversitur: utrum venenis abigendis & tollendis sint accommodata.

Summa quæ sc.
hæc sunt quæ
syntactici.

MEDICUS.

Medicus rerum naturalium peritus, naturæ minister, sapius etiam dux, in hoc bello quod naturæ cum suo hoste morbo est, noctes diesq; insumet: ut hostem castra moventem & appropinquantem avertat & suo itinere prohibeat: præsentem verò & vi conantem adversarium opprimere, expellat, abigat, prosternat. Hoc curationem propriè: illud præservationem appellare medicis visum est.

In hac præsentī quæstione interrogor: An in veneno-
sis

sis morbis Alexipharmaca sint utiles milites in utraqve acie, aut alterutra contra venena instruenda: & utrum à venenis præservare possint, aut præsentia à corporibus auferre?

Ego subductis utrinque rationibus, per argumentum ex loco cavissarum & duobus adjunctis quæ in remediis requiruntur, antequam finem suum appositè assequantur, partem quæstionis affirmativam hoc syllogismo defendo.

- " Ubicunq; tria hæc in medicamento adfuerint cavisse consti-
 tuentes remedium, seu remedii verū genus: *Quantitas:*
 " Utendi modus: ibi verum esse medicamentum pronun-
 ciamus: cuius usus futurus est, tutus, certus, utilis:
 " In Alexipharmacis contra venena comparatis hæc tria re-
 periuntur:
 " Ergo Alexipharmaca sunt vera contra venena remedia:
 " certa q; est sanorum per Alexipharmaca externa inter-
 naq; præservatio, & curatio itidem certa.

Propositio ex ipsis medicæ artis fontibus desumpta est: quod hæc tria solummodo in medicamentorum examine requirantur.

Primum & summum est verum remedii genus: hoc est, ut remedium iis compositum sit causis, quæ ad morbum adventantem avertendum, ad morbum præsentem tollendum aptæ sint. Ne quid pro quo temerè sumamus: nevé arbitremur, cum circumforaneis, omnibus morbis unum sufficere catholicum remedium. Quare etiam à Galeno in medico requiritur totius mundi, laboribus & peregrinationibus comparata, cognitio.

Hoc remedii genus Galenicæ scholæ ex affectus specie per solam contrarietatem qualitatū extruendum visum est, certo sibi persuadenti: omnem actionem esse inter con-

traria:

CONTRARIA CONTRARIIS CURARI. **Contraria : contraria contrariis curari: omniq[ue] ratione remedium morbo contrarium esse debere.**

Quam sententiam, quia recentiores pavllulum mitigarunt: quod ridiculum illis videretur qualitatibus tamquam ministris omnem actionem ascribere, coepereq[ue] substantiis actionem tribuere: crabones videntur irritasse, coelumq[ue] terrae commiscuisse. Et propter tam avdax facinus escholae medicis exulant: etiam si ipso Aesculapio in facienda medicina essent feliciores.

REMEDII QUANTITAS. Secundum est remedii quantitas, investiganda ex magnitudine morbi & symptomatum: & ex recessu tum a pristino & naturali habitu, tum ab eo qui ante morbum fuerat. Etenim quod par morbo est aut superius fortassis: quodq[ue] tanto recessu, quanto & morbus a naturali statu distat: eum quidem omnino & universim eximit & persanat.

MODUS UTENDI. Tertium, utendi modus investigandus ex partis affectae conformatione atq[ue] consensu. Absurdum enim esset & naturae inimicum omnia remedia uno eodemq[ue] modo usurpare, aut diversis partibus similiter adhibere. Cum quaedam exterius admovenda: quaedam assumenda: eaq[ue] nunc in forma liquida, nunc duriori. In quibus prudens medicus de partium structura ex Anatome edoctus, & de remediorum natura ex naturalium rerum scientia, quid utile & quid noxium sit perspexerit.

ASSUMPTIO DE CLARITUR. Assumptio sola experientia & testimoniis probatis confirmari potest: propter materiae difficultatem, rationem humanam superantis & haecenus effugientis. Ut enim de

VENENORUM FORMA ET MATERIA. venenorum forma & materia nihil certi constat: sed ad occultam proprietatem, nostrae ignorantiae sacram anchoram confugiendum est. Sic de Alexipharmacis eorumq[ue] causis, res aequè dubia est.

PRESERVATIO EXTERNA CONTRA VENENA. Ad praeservationem externam, ne venena corpora attingant,

tingant, Alexipharmacorum usum certum esse tanquā exploratum posteris reliquerunt, Nicander & Dioscorides: qui inter alia commendarunt suffitum ex cornu cervi & gagate, ^{lapis, velut prae-} praeservantem locum aliquem a serpentibus aliisque venenis. GAGATES.

Virgilius in eundem usum galbanum & cedrum laudavit. GALBANUM

Origanum, serpillum, solanum, abrotanum, & similia venenatis animalibus inimica, substrata in his locis quae infestantur venenatis animalibus, ea abigunt.

Corpora item & loca a venenis tuta erunt, illita unguentis accommodatis: quorum catalogum invenies apud Nicandrum: a quo egregiam laudem nanciscitur unguentum rosatum. UNGUENTUM. ROSATUM.

Aëtius monet omnia cornua habere proprietatem conservandi a venenis: & propterea conijcio veteres propolis cornibus usos: qui mos neque hac mea memoria in universum est Danica sublatus erat. USUS CORNUUM.

Albertus Magnus topasium, smaragdum, adamantem, & similes pretiosos lapides portatos a venenis praeservare docet.

Reges & procures ad praeservationem ministris in cibis utuntur: qui panem in apposito jusculeo tinctum prius comedant: quam ipsi domini dapes gustent. MINISTRI.

Ad summam. Externa praeservatio in debita rerum non naturalium administratione magna ex parte consistit.

Quae assumuntur fidelius multo praeservant: impediuntque corpus humanum preparando & confirmando, ne aut venena assumantur, aut assumpta magnopere & violententer turbent. INTERNA.

Inter simplicia, quae ab auctoribus conscripta sunt, commendantur: lapis bezoar, bolus armena, terra sigillata, Turcica, vel etiam Silesiaca, vincetoxicum, zedoaria, dictamnum SIMPLICIA.

COMPOSITIO
RUTÆ, CITRII,
CITONII MALI

COMPOSITIO

COMPOSITIO EX
RUTÆ, CITRII,
CITONII MALI

MYSTRIDATUM

PILULÆ RUFFI

CURATIO VENENOSORUM
RUTÆ, CITRII,
CITONII MALI

EXTRACTIO VENENORUM

mum cretense. Sed præ omnibus tria hæc, ruta, citrium, citonium malum, quæ etiam à plebeis hodierno die in mea patria in usu sunt felici: & celebria apud Athenæum III. dipnosophist. suis singulatim historiis & usu. Composita ejusdem usus tot habemus, quot sunt auctores & medici. Etenim vix unus reperitur medicinam facientium, qui non jactitet se novam invenisse alexipharmaci compositionem: cui vel mors ipsa, nedum pestis aut alius morbus venenatus de via cesserit: ut hoc aucupio laudem capteret, quæstum faciat, principibusque & ditioribus spem prolixioris vitæ injiciat.

Apud scriptores vulgatissimum est quod componitur ex nucibus, ficubus, foliis rutæ & pavco sale: ut videre est apud Gal. & Rhazem: qui tamen in hac compositione discrepant. Mythridatium & theriacæ omnes, magno hactenus in pretio & merito fuerunt: vel Gal. ad eorum encomium conferente, lib. de Ther. ad Piso. XVI. & lib. I. Antidot. XVI. Sic pilulæ Ruffi vocatæ magnam multis seculis laudem meruerunt: & pestilenciales sunt appellatæ.

Hæc sunt quæ Alexipharmaca verum remedii genus esse ad præservationem convincunt. Nam illorum commentarios qui de hac rescripserunt, & prolixè satis, adducere vanum est. Mihi satis erat monstrasse Alexipharmaca esse verum remedii genus in præservatione interna externaque.

Curatio venenosorum morborum in tribus consistit & absolvitur. In extractione venenorum: in enervatione & debilitatione virium venenorum: in corporis corroboratione.

In extractione venenorum animadvertendum diligenter est. Annè venena sint ore assumpta: an verò exterius impacta.

Quod

Quod si extrinsecus admota sint, in eorum extractione conveniunt, præter chyrurgica instrumenta: gallus deplumatus, vel palumbus vulnere adhibitus: & similia complura alia apud medicos huc pertinentia: ut ruta, allium, dictamum cretense, &c. & præ omnibus theriaca.

VENENA EXTRINSECUS ADMOTA.

AB.

Galenus & nonnulli alii commendant animal venenatum, à quo malum inflictum est, tritum & vulnere applicatum. Sic similia similibus curantur.

Avicennas commemorat Aegyptiis in usu fuisse ad ignem confugere: quem tamen variis modis adhibebant.

Sed hæc extractio tentanda est in principio assumptorum venenorum. Quæ, si diutius in corpore commorata, totum corpus, sanguinem & spiritus contigerint, frustra tentatur extractio: & eodem modo instituenda cura est, quomodo ore assumpta extrahuntur.

Venena quæ ore assumuntur, educuntur purgantibus phlebotomia, Alexipharmacis. Sed quia de solis Alexipharmacis quæstio est: & de reliquis duobus modis nova sequetur quæstio: congeram solummodo duo aut tria testimonia, confirmantia, venena ore assumpta, aut exterius applicata, sed propter moram longiorē toti corpori communicata, Alexipharmacis educi posse.

INTRINSECUS

Ex Rabbi Mose lib. de Venenis tractatur 1. cap. 111. primum testimonium petatum est. Referam, inquit, meliores ex simplicibus medicinis apud nos reperiis & maioris utilitatis in proposito: quarum experientia est à pluribus approbata: ut sunt, pomi citri semen, smaragdus, bezoar lapidis, qui etiam Galeni testimonio celebris est, tormentilla. Usus, dosin & præparandi modum in singulis ibidem docet.

RABBI MOSES

Capite 4. ejusdem tractatus commendat theriacam magnam, mythrídaium, & theriacam diateffaron: quam con-

f 2 fecit

ARTIFICIUM THERIACÆ.

fecit ex æqvis ponderibus myrrhæ, baccarum lavri, aristolochiæ longæ, gentianæ: quas herbas convenienter tritas incorporat cum triplicato pondere mellis despumati.

Avicennas lib. de Viribus cordis commemorat agaricum, cortices citri, camphoram, doricum, terram sigillatam, &c.

COMMENDATIO THERIACÆ.

Theriacæ commendatio insignis apud eundem extat, capite ultimo de medicamentis compositis cardinalibus. Nulla medicinarum compositarum theriacæ æquiparatur in temperando complexionem humanam, & conferendo ei lætificationem cordis & ablationem tristitiæ: nec non tollendo & resistendo venenis, &c.

Simile testimonium & laudē consequuntur apud eundem, diamoscus dulcis & amarus, scylla, cyclamen, zedoaria, calamentum & innumera alia. Hæc de utraq; extractione sufficiunt.

INTERVATIO LENTIORUM.

Venenorum vim frangunt eadem de quibus hæctenus diximus: quæ etiam cum reliquis innumerabilibus à medicis collectis, cor, corpusq; à venenis tactum confortant.

CORROBORATIO.

Sic ad venena verum genus remedii esse alexipharmaca, tam in præservando, quàm in curando & tollendo, confeci.

Quantitatem & utendū modum, invento remedii genere, pro personæ & rei conditione invenerit & mutaverit prudens medicus.

COMPLEXIO.

Quare avdacter concludo: certam esse, per alexipharmaca, externam internamq; præservationem: curationemq;. Quod demonstrasse oportuit.

QVÆ-

QVÆSTIONIS QVARTÆ EXPLICATIO:
 DICTA,

ANTE DISPUTATIONEM POMERIDIA-
 NAM, DIEI II. JUNII.

Generaliter, matutina disputatione, secundum metho-
 di legem excussum fuit: Annē venena medicamen-
tis cederent. Nunc, secundum eandem procedendo me-
 thodum, inquirendum: *Utrum tutō & commodē in veneno-*
sis morbis adhibeantur purgatio & venæ sectio.

Memini me legere in magni nominis auctoribus, absti-
 nendum in morbis venenatis, & imprimis in peste, ab
 istis gravioribus & universalibus remediis, totum corpus
 perturbantibus: viresq; a venenis quibus resistendum es-
 set aliō avocantibus.

Memini & hanc opinionem ita probatam fuisse multis
 celebribus Germaniæ medicis: ut tempore pestis, absti-
 nendum a venæ sectione, etiam magistratus mandato cav-
 tum fuerat.

Sed horum auctoritates & rationes non tanti sunt apud
 me ponderis: quin partem affirmativam amplexus, sic mei
 syllogismi commentarium & summam faciam.

Impurius sanguis phlebotomia: (si alia ratione id fieri ne-
queat) & vitiatum interiorum partium humor purga-
tione evacuandus est.

In venenosis morbis talis sanguis: & talis interiorum par-
tium humor reperitur.

Ergo venenosis morbis phlebotomia & pharmacia utilis.

Propositio ex fine seu usu harum evacuationum de-
 sumpta: multorum felici successu, experientia, & testimo-
 niis confirmari potest.

Phlebotomiæ usus præcipuus est, sanguinem quanti-

f 3 tate

QVÆ.

tate peccantem minuere: quam tamen si ad sanguinem corruptum adhibueris nihil absurdi feceris: cum unius rei multi sint usus. Diminuta siquidem quantitate: quod reliquum est, natura & medicamenta facilius superaverint.

Revellimus quoque noxiam materiam a partibus intimis ad extimas eodem labore: ne malum cordi vicinum principi parti majus periculum adferat.

PLETHORA.

Et ne queratur aliquis solam plenitudinem phlebomia evacuandam, reliqua mitiganda & corrigenda: sciat etiam hic aliqualem plethoram, si non extendendo vasa, at saltem viribus prostratis & debilitatis pondere molestam, adesse.

AVICENNE MAN.
LATUM DE MOR.
DE VENENOSIS.

Avicennae & veterum multorum serium mandatum est, in hoc casu utendam venae sectionem: tum ut passim venenum hunc in modum evacuetur: tum maxime ut pabulum ipsi auferatur. Cautio tamen addit Avicennae id tum maxime servandum, si corpus sit sanguineum, aut venena symptomata aut signa inflammationis reliquerint. Et si venenum extrinsecus corpori sit admotum nec ore assumptum: initio a venae sectione abstinendum, propter praesentissimum periculum imminens, ab externis partibus ad internas veneno revocato. Sed prudentis medici erit prospicere: si aliquid adsit quod sanguinis missionem dissuadeat.

PURGATIO.

Purgationem sunt qui damnant: sunt qui approbent. Nihilominus cum non solum ventriculo, intestinis, reliquisque partibus interioribus venenum assumptum communicetur, verumetiam contenta ipsa hoc eodem malo inquinantur: sine controversia ea maligna qualitate diminuta aut extracta, mitescet malum.

Quod prius monui de phlebotomia, in hac etiam parte cavere & prudenter procedendum est: & alio modo in iis
venenis

venenis quæ exterius corpori adduntur: alio in iis quæ ore assumuntur.

In venenis applicatis exterioribus partibus, abstineto <sup>VENENA EXTRIN-
SECHS APPLI-
CATA.</sup> ab omni purgatione: ne turbatam naturam prosterneas aut venenum tua importunitate ad interiora advoces. Sed mitioribus & corroborantibus frustra tentatis & veneno tyrannidem in partes interiores exercente ad purgationem adcurrito. Nonnunquam etiam diuretica sunt accersenda: si eò venena esse progressa, indicantia indicaverint. <sup>DIURETICAM ME-
DICAMENTUM.</sup>

In venenis quæ ore assumuntur hic ordo servandus est. Confestim, cum intellexeris venenum esse assumptum: eadem via quæ ingressum est, eadem ut regrediatur, medicamentis vomitoriis sed tamen familiaribus opera danda est. Qui vomitus tantisper est concitandus: quousque nulla presentis veneni remaneat suspicio. <sup>VENENA INTRIN-
SECA.
CURATIO.</sup>

Vomitum sequi debet clysterum usus, si vis mali non cessaverit: quod citissimè à venis intestina offendantur, clysteribus eluenda.

Et si fortè venena ad ureteres pervenire, omne studium convertendum ad urinam provocandam: sed medicamentis mitioribus nulla insigni caliditate aut acrimonia offendentibus. ¹⁶

Postremò si hisce parum proficias, ad purgantia confugito: quoniam venena quæ ad corporis primam regionem pervenire, solis purgantibus eduxeris.

Nec hîc Galenum respicio, qui nullam purgationis mentionem fecit. Aëtius & Avicennas scammonii usum admittunt: sed perrarò. Agaricus omnium commodissimè ^{AGARICUS.} hîc adhibetur: quia præterquam quod humores expurgat & evacuat: habet etiam facultatem & vim resistendi venenis.

Assumptionem probant ea quæ hactenus de venenis prodita <sup>ASSUMPTIONIS
PROBATIO.</sup>

prodita sunt: tum etiam quæ miseris veneno infectis obtingunt: palpitatio cordis: syncope: intestinorum, præcordiorum, ventriculi, pulmonum, epatis gravissima tormenta: inflammationes omnium venarum, etiam ad partes exteriores pertinentes, periculosissimæ.

COMPLEXIO.

Quibus fundamentis jactis, concludo: *venenosis morbis utilem phlebotomiam & pharmaciam.* Quod demonstrasse oportuit.

EXPLICATIO.

PROBLEMATUM PHILOSOPHICORUM
ET MEDICORUM: COMPARATA
DISPUTATIONIBUS IX. DIEI JUNII:

SED NON RECITATA:

NE STUDIO SIS DISPUTATIONIBUS
PRURIENTIBUS TEMPUS
ADIMERETUR.

PARADOXORUM RAMEORUM
EXPLICATIO.

TRANSITIO.

EXcepi duobus proximè præteritis diebus, præceptorum, diligentissimè amentata tela: eaq; ut potui, in tanta rerum omnium perturbatione destinebam & rejiciebam. Sed quomodo à me id præstitum sit, vestrum, præceptores observantissimi, & condiscipuli carissimi, judicium esto. Hodierno die vobis condiscipulis me omnino expugnandum proposuerunt præceptores: meamq; hanc arcem, funditus vestris machinis everfam solo ævari jusserunt. Verumtamen non propterea animum abjiciam: quin constanter arcem meam aggere, fossis, vallo & muro cinctam & munitam defendere sustinebo: præsidiaq; undecunq; licet conquiram.

APOTROPÆE.

Tuas quidem video, doctissime Fulcrande Avzeri, academiae

demia nostre consiliarie princeps, cohortes contra me dirigi & duci: quas non ex calonibus aut indoctis scholasticorum libris, sed ex ipsius naturae fontibus conscriptas certum scio. Nec in iis conscribendis alicujus legati opera es usus: sed sola tua multiplici lectione, eruditione, & insigni illa rerum & lingvarum cognitione: qua esse te praeditum, patria tua carissima Monspeffulum novit, laetatur, triumphat.

Has tamen ego meis fisis munitionibus & praesidiis non vereor: sed, ut spero, si in alienos fines irruant, aut in locum iniquum progrediantur, repellentur, & in fugam conjicientur.

Sed quid hoc est? Cur tu Joannes Jacobe Vvolphi Tigurine, tacitus tecum fervens & gestiens caput concutis & argumentorum minas spiras? Mitte minas. Noli tuarum doctarum observationum ex intimis medicinae & philosophiae penetralibus experientia duce extructarum congeriem contra me, ad convellenda mea axiomata & quaestiones, adportare. Desine, inquam, minari. Novimus nos inter nos: & quid uterque possit vicissim sumus aliquoties experti.

Memini quidem quam benignè, & quanta cum gratulatione te Vascones à studiis Monspeliensibus revocatum exciperent: cum meis nobilibus & mihi comes itineris per Vasconiam eras.

Memini postea rediens à Parrisiensibus Musis quam felices, & in desperatis etiam casibus, tibi Apollinis Musae fuerint. Cujus rei tibi lubens testis esse volo & sum: etsi jam contra me arma susceperas.

Memini denique quam aegre sis dimissus etiam ab hominibus magnae auctoritatis: cum utrunque bella ex Vasconia exegissent: & ad suscipiendum illud iter per manus latro-

g num

CHYTATIO.

PROSTROPHE AD
JOHANNEM VOLPHI
UM CHIM VVULPHI G.
IN DIMENSIONE.

RECIPIT ATTENTIONE.

num compulissent. Hæc etsi in recenti memoria habeam, sciamq; mihi cum potentissimo adversario cōcertandum: non tamen propterea armis abjectis tibi palmam dabo. Quin ut maxima laus a potētissimo hoste reportatur: exiguaq; est contumelia ab illo superari: sic quidvis tentave-ro extremum anteqvām manus porrexero.

POSTROPHE AD
HUBERUM.

Minaris & tu mihi globulos & pila tua ingeniosē conficta & fabricata, & nescio quas præterea insidias & cuniculos, doctissime D. Bernhardine Hubere, familię Huberianæ & civitatis Schafhusianæ ingens decus: quas tibi siue disputandum siue docendum sit, soles ex recenti memoria tanqvām ex divite penu depromere. Nec certē dubito, quin ea tibi diurnis nocturnisq; laboribus in patria schola, in academia Argentinensi, Parrisiensi, & in hac nostra Monspeliensi constiterint. Vis dicam quod res est? Annues opinor. Videris mihi in schola peripatetica aut Jesuitica educatus & edoctus: ibiq; omnem philosophandi rationem aut clam surripuisse, aut iis philosophis consciis tuis laboribus redemisse. Adeo subtiliter & argutē omnia quæ postea ex Hippocrate & Galeno havseras, a te proponi solent & adversarium pungunt.

LAUDATA PHIL
LOSOPHIA R
DIA.

Verū ut res habeat. Sit tibi familiarissimus ipse Hipp. & Galen. Sic quovis Peripatetico aut Jesuita subtilior & acutior: Rameæ tamen scholæ tuas detegent insidias, ut spero: tuoq; te jugulabis gladio.

Acusio.

Sed quid singulatim meos adversarios commemoro: cum ea commemoratio tempus extrahet & invidiam conciliabit. Hoc potius agam: classicum canam & vos ad bellum paratos ordine per duellū excipiam: & ut sustineam dabo operam. Ah, quid dixi me classicū canurum: & vos provoco, tanqvām eqvos bello gestientes! Immo receptui canam. Reliquum enim mihi adhuc est aliquid in munitionibus

nititionibus perficiendum: quo perfecto, quando libuerit adcurrite, impetum facite, pugnate. Interea temporis patienter inducias servate. Ego istuc quantum possum propero.

Proposui problemata xxvi. philosophica & medica, ^{AGREDITUR RES.} præter quaestiones mihi à præceptoribus datas, disputanda. Quæ defunctoriè intuenti, & temerè cuiusvis auctori fidem danti, videbuntur procùl à vero abesse: & propterea è scholis explodenda & evertenda. Quod communibus scholasticorum scriptis non inserantur.

Vos tamen cum mei consilii rationes, & fundamenta ex quibus extruantur & confirmentur audiveritis, ut spero, mitiores & benigniores reddimini.

P. Ramus philosophus & orator Parrisiensis: vir ad ^{COMMENTATIO} artes & linguas docendas planè natus & factus: & in hac re ^{P. RAMI.} nulli secundus: noctes diesque id unicum cogitabat, ut artes postliminio revocatae, pristino nitore, sordibus excerptis, restituerentur.

Ad eam rem, duplicem in artibus & corrigendis & re- <sup>DUPLIX COM-
MENTATIO</sup> formandis commentationem instituit: ἀποδεικτικὴν, quæ ^{ἀποδεικτικὴν} artium veritatem & utilitatem demonstravit: quo modo Grammatica, Rhetorica, Dialectica, Arithmetica, Geometria, ab eo expositæ sunt: & aliæ artes fuissent similiter explicatae: nisi malus quidam genius, hanc bonis litteris felicitatem invidisset: ἐλεγκτικὴν ^{ἐλεγκτικὴν} alteram: quæ contrariarum opinionum vanitas refellitur: quo de genere sunt scholæ ejus variarum artium.

Has autem commentationes intra certas quasdam ^{LEGES ET LIMITES} leges & limites contineri voluit: quæ sunt de materia & forma artium: ut quodlibet artium præceptum sit κατὰ πάντας καὶ κατὰ πάντα καὶ αὐτό: καὶ ὁλοπρῶτον: necessario verum: homogeneous: κατ' αὐτὸ ^{κατ' αὐτὸ} universale primum seu reciprocum: & ut natura prius, præcedat. ^{κατ' αὐτὸ πρῶτον.} Quodcumque præceptum hisce legibus convenit: id

g 2 legiti-

legitimum esto. Quod eas violaverit, ab artium excluditor finibus.

Hoc Rameum consilium mihi aliquot annos probabatur: artesq; ad has leges compositas, magna voluptate, & ut mihi videor, non inutiliter sum amplexus: ex quibus artibus hæc sunt desumpta, quæ vobis examinanda propono Axiomata xvi. Quæ si legibus prædictis conveniant, vera sunt: sin easdem transgrediantur, rejiciuntor. En itaque tale instituitur examen.

καὶ οὕτως
ad ἡμετέριον.

GRAMMATICORUM.

διαλογισμὸς.

ὑποκείμενον.

ἔκφρασις.

ἡ ἐκφρασις ἡ
ἰσοτιμία.

ὑποκείμενον
ἡ γραμματικὴ.

ὀρθογραφία
ἡ προσῳδία.

I. Duæ sunt Grammaticæ partes: nec plures leges admiserint: Etymologia & Syntaxis. Quæ lex vetat plures esse: Lex καὶ ὅλα πρῶτον. Singulæ artes suum habent subiectum proprium, quod ab alia arte attingi nevtiquam debet: usus tamen jungatur. Sicuti in fundis & agris apparet, ut tuus ager in vicini agrum non incurrat, nec ejus in tuum: rerum tamen utriusque vendendo, emendo, permutando usus communicetur. Grammaticæ subiectum est sermo purus, consistens in vocibus singulis: & vocibus conjunctis. Quare de iis duabus rebus solummodo præcepta Grammatices erunt. At verò quæ de vocibus singulis doctrina est, unica esse debet: de conjunctis aliter: alioquin magna orietur in artibus ^{ῥησιμότητι} ταυτολογία. Unde duæ conficiuntur partes Grammaticæ de vocibus singulis Etymologia: de conjunctis syntaxis.

II. Quantum ad orthographiam & prosodiam spectat, nulla lege artis partes sunt: sed in Grammatica adjuncta. Non enim potius in præceptis artis statuendum de litteræ, syllabæ, dictionis & orationis orthographia & prosodia: quàm de vocum singularum significatione & constructione collectum à Grammaticis lexicon. Fusæ ta-

men

men sunt orthographia & prosodia per totam Grammaticam sicut sanguis & spiritus per universum corpus.

III. Hanc Grammaticam Etymologie & Syntaxis præceptis constantem, Quintilianus & Diomedes methodicam Grammaticam vocarunt: cui addidēre aliam Historicam dictam: in historicorum & poetarum enarratione necessariam. Sed id *καὶ αὐτὸ* non est. Nam si in poetis aut historico res naturales explicandæ, aut aliquod præceptum de moribus: id non Grammaticæ beneficio præstiteris: sed Ethicæ, Physicæ.

Dehinc si Grammaticam aliquam Historicam dixeris: quod in Historiis enarrandis opus sit Grammatica: reliquæ disciplinæ & facultates idem postulabunt: eruntque tot de re Grammatica artes, quot facultates & disciplinæ: novaque erit Grammatica Theologica, Juridica, Medica, Physica, Ethica, &c.

Cicero eundem errorem secutus, Grammaticis tribuit poetarum pertractionem, historiæ cognitionem, verborum interpretationem, & quendam pronūciandi sonum: sed cum Quintiliano ejusdem vitii insimulabitur.

IV. Quod verò dixi elegantem sermonem aliquoties *ELEGANS SERMO* à Grammatico differre: id eorum scriptis facile conficietur, qui nobis integros thesauros puri sermonis concinnarunt: & in legendis oratoribus delectum magnum habendum monuerunt. Grammaticum est: dare poenas: dare pecuniam: dare damnum: ubique enim accusativus verbum legitimè comitatur. At tamen, si unam eandemque vocis acceptionem servaveris, nec ad usum loquentium respexeris, risui te exposueris: nec eleganter locutus fueris. Grammaticus non reprehendit scholasticorum formulas in disputando. Quæritur primò. Arguitur secundò. Respondetur quod non. Videtur quod sic. Puri sermonis studiosus

diosus abhorrebit ab hac disputatione: magisq; illi dolebunt genæ, quam Prisciano, doctissimi Nicodemi Frischlini, ab inflictis plagis.

Simile est illud Horatianum præceptum de vocabulis obsoletis & usitatis:

*Multa renascentur quæ nunc cecidere: cadentq;
Quæ nunc sunt in honore vocabula: si volet usus,
Quem penes arbitrium est, & vis, & norma loquendi.*

Tale fuit examen grammaticum. Problemata rhetorica jam examini subjiçientur.

RHETORICORUM.

SUBJECTUM RHE-
TORICÆ.

Dictum fuit in examine grammatico subjectum Grammaticæ esse orationem puram: ad quam conficiendam omnia artis Grammaticæ præcepta sunt referenda. Tale subjectum Rhetoricæ est oratio ornata: sive ea scribenda sive pronuncianda sit. Quidquid ad hunc ornatum orationis facit, Rhetoricæ subjiçietur.

PARTES.

Ornatus hîc duabus partibus absolvitur: Elocutione in Troporum & Figurarum luminibus: pronunciatio in modulatione Vocis & dignitate Gestuum.

INVENTIO.

Inventionem hîc nullam consiliorum aut argumentorum requiro: nullam dispositionem axiomatis, syllogismi, methodi: quæ rationis opera sunt ab ornatu diversissima.

Hæc eadem disputatio est apud Ciceronem, initio Topicorum: ubi disputat Inventionem esse artis dialecticæ partem propriam, quia rationis est: non esse Rhetoricæ, quia nihil orationis.

ELOCUTIO.

Placet Ciceronis iudicium & disputatio: displicet quod sententiam in aliis locis mutaverat.

Alius locus est apud Cic. de Oratore: quo probat Elocutionem solam esse partem Rhetoricæ, ex notatione nominis.

nis. Elocutione una orator excellit: quod indicat nomen ipsum. Non enim inventor aut compositor, aut actor hæc complexus est omnia: sed & Græcè ab eloqvendo *ἐκταγ*, & Latine eloqvens dicitur.

Quid hîc sibi vult Cicero? Voluit solam Elocutionem complecti quæ Rhetoricæ sunt: id quod ex notatione nominis: ut excluderetur Inventio, Dispositio, Actio. Atqui Ciceroni Elocutio nomen generale est: quod se extendit non solum ad ornatum verborum: sed multo magis ad actionem, quam scriptam dictionem. Loqui enim, unde Elocutio diductum, potius ad vocem quam ad scriptum refertur: argumentumque Ciceronis à me est. Unde Ciceronis insistentis vestigiis conficio solummodo ad Rhetoricam pertinere, quæ solius Elocutionis vocabulo contineantur. Continentur verò sub eo ornatus, teste Cicerone: & quod eadem lege argumentandi effectum est, actio. Nulla Inventio, nulla Dispositio hîc locum invenient. Itaque à Rhetorica se contineant: ne ejus fines transgrediantur.

III. Quid memoria? Habet ne ea aliquid spei ut recipiatur? profectò nihil. Etsi enim aliquoties à Cicerone recipiatur: tamen postea excluditur: quod multarum artium communis sit. Consequens Ciceronis probo: quamvis ex hoc antecedente non extruatur.

Quid itaque ea fiet? Ubi locum inveniet? In dialectica dispositione. Si enim quid artis uspiam est, quia memoria juvari possit (de rebus Physicis hîc non dico) ordo & dispositio rerum est. Ordo enim memoriæ pater est: quo, quid primum, quid secundum, quid tertium omnino cernamus. Qui ordo & dispositio, quoniam sola dialectica doctrina est: ab ea sola memoriæ subsidium & præsidium peti potest.

Hujic dispositioni acceptum ferendum: quod à quibusdam

busdam adfertur de locis & imaginibus: quibus memoria
juvetur. Quamvis hoc à multis doctis, tanquam falsum sit
damnatum.

RHETORICA ANTE IV.
DIALECTICAM
DOCENDA.

Ex his jam palam est, quid me moverit & ad hanc
sententiam diduxerit: Rhetoricam ante Dialecticam, meo
judicio, tradendam.

Orationis opus est Rhetoricæ. At verò ad orationem
necessaria facilius quam ea quæ rationis sunt comparan-
tur: quod hinc tanto iudicio opus non sit ac res ipsas, consi-
lia, argumenta invenire: inventa disponere, ut iudicentur.
Deinde Rhetoricæ præcepta possunt sine Dialectica
percipi. Quare etiam priorem in ordine locum meretur
Rhetorica: cum artes ordine tradendæ sint. Potest enim
puer, cum à grammaticis discesserit tropos & figuras in
poëtis & oratoribus intelligere & materiam propositam
tractare, & per se exercere, & cum dignitate pronunciare:
quod solum Rhetoricæ proprium est.

PUER.

Nec tamen hinc Ciceronis Oratorem requiro: quin esto
verum usum Rhetoricæ in orationibus perfectum non esse
sine dialecticis virtutibus. Verum, non propterea pertur-
batio illa & confusio præceptorum confingenda & per-
mittenda est. Ufus artium quidem communis est: præce-
pta confundenda tamen non sunt: sed propriis & separa-
tis studiis declaranda: ut jam aliquoties monui.

DIALECTICORUM.

PARTES DIA-
LECTICÆ UNDE
VENIANT?

I. Examen Dialecticum eodem procedet modo quo ha-
ctenus progressi sumus: & quemadmodum Rhetoricæ
partes ex orationis opere: sic partes Dialecticæ ex ratio-
nis opere diducuntur & constituentur. Orationis opus si-
tum est in Elocutione & Actione. Rationis ponetur in In-
ventionem & Dispositionem: solæque Dialecticæ partes con-
stituentur.

Partitio

Partitio hæc essentialis est arti Dialecticæ: deducta ex illo fonte naturalis rationis & usus. Quia naturaliter cogitamus primum quæ differenda sunt. Deinde iis dispositis iudicamus. Tertium in hoc usu rationis nihil est. Sed hisce duabus saltem partibus aliena consilia iudiciaque perpendimus: nostra exequimur: totamque Logicæ artis essentiam & rationis usum complectimur.

Tota logica Aristotelis copiose in organo & passim tractata ad hæc duas partes referri potest: Aristotelisque Ciceronis & Quintiliani testimonio eadem hæc partitio, & revera, vera est. Si quidem Dialectica est ars differendi: quod inventionem & iudicio perficitur & absolvitur.

Quare Logicæ partitio nova non est: sed vetus, naturalis & essentialis: veterum auctoritatibus comprobata, & in scholas introducta.

II. Hoc jacto fundamento, superstruendum est quod paramus ædificium: totamque inventionis doctrinam, ad argumentorum doctrinam posse commodè referri & vocari, docendum.

Constituuntur à nonnullis loci xxxii. ab aliis xxx. ab aliis xxiv. nunc diminuitur numerus, nunc ad centesimum numerum protenditur, non sine offensione legis *καθ' ὅλην τῶν πρώτων* hanc inconstantiam & *ταυτολογίαν* sæverè punientis. Nominetur mihi aliquod argumentum in disputationis cursu: quod nisi domicilium inter x. argumenta à Ratione enumerata invenerit de pristina sententia discessero. Argumenta Ramea, de quibus ago, sunt: Causa: Effectus: Subjectum: Adjunctum: Dissentanea: Comparata: Nomen: Distributio: Definitio: Testimonium.

III. Nec est quod hinc verearis aliquid dari prædicabilibus & prædicamentis damni: eaque ab arte Logica excludi. Una siquidem eademque res est prædicabile, prædicamentum

mentum cum Argumento: quod ejus usu innotescet & notatione nominis.

Aristoteli & Porphyrio prædicabile, prædicamentum *κατηγορία* appellatur: id est, Argumentum: quod *κατηγορεῖν* propriè est accusare, arguere. Dicitur etiam *κατηγορία* à *κατηγορεῖσθαι*: quod non solum significat rem simplicem de alia affirmatam: sed quod aliquid arguit. Habent & alia nomina prædicabilium & prædicamentorum officia significantia.

Sed missa nominis notatione: usus prædicabilium & prædicamentorum ab Aristotelicis nunquam satis dignis laudibus decantatus, clarius quod petimus monstrabit.

Impetravimus intercessore & deprecatore Aristotele & Cicerone: rationibusque vicimus duas esse Dialecticæ partes: Inventionem & Judicium.

Fidem etiam dedimus nihil in tota rerum natura ab adversario objectum iri, quod ad inventionis doctrinam, quatenus inveniendum est, non admittetur, & in istis x. inventionis argumentis non recipietur.

Hinc jam conficio doctrinæ prædicabilium & prædicamentorum, si locum in Dialectica expetet, ad doctrinam inventionis hisce x. argumentis comprehensam confugiendum, ejusque libellum supplicem scribendum: ne tanquam vaga & erronea erret: & tandem à dialecticis præceptis alienetur. Nam apud judicii doctrinam, surdo narrabit fabulam: & vel ipsius Aristotelis & interpretum judicio, hac spe deicietur. Tales voluit esse suas categorías & categorēmata Aristoteles, cum ea fundamenta enunciationum vocaret: unde omnium enunciationum materies, facultas, & abundantia depromeretur.

Interpretes interrogati, quid conferant hæc de quibus differimus prædicabilia & prædicamenta: comminiscuntur

tur nobis quasdam utilitates in definitionibus, divisionibus, sed præcipue tamen in axiomatibus. Ubi imprudenter iidem ad inventionis doctrinam devolvuntur: quam tamen à prædicabiliū & prædicamentorum doctrina distinctam, in fine artis dialecticæ, post doctrinam iudicii collocant. Sed viderint tandem, quomodo artium leges, hanc injuriam & patientiam, gravitate supplicii & poenæ ulciscuntur.

REFUTATIO
UTILITATUM

IV. Methodi cōditio tolerabilior est: impetrabitq; suam propriam apud iudiciū dianoiticum sedem: modò, sua contenta sorte, non nimis umbrarum copiam magnam secum adduxerit. Unica enim est & sola quæ in dialecticam admittetur: reliquæ si sub ejus umbraculo accesserint, excludentur. Ea talis est. Ut *γενικώτατον* primo loco ponatur: *ὑπὸ ἁλλήλων* medio: *ἐν ἰσότητι* infimo.

METHODUS

UNICA

Sed quid cavssæ est, aut unde evincitur methodum unicam esse, tot auctoribus, tot nationibus & scholasticorum familiis reclamantibus: & asserentibus, artis ordinandæ varias & multiplices methodos necessarias?

Non est hujus instituti copiosam methodi doctrinam tradere & auctoritates philosophorum ad unicam methodum comprobendam aggregare. Rem in paucis contraham.

Si scire est rem per cavssas cognoscere: quemadmodum Aristoteli semper in ore fuit. Qui in rerū cognitione progreditur eji per cavssas procedendum est, & ab universalibus ad minus universalia ad specialissima. Si alia via progrediatur, rem non cognoscet, sed turbabitur. Tales cavssæ sunt semper generalia: quæ generalia propterea ab Aristotele *αἰτιώτερα*, *ἀρχαιότερα*, *ἐπὶ πλείονος*, ideoq; *ἐπισυμμερικώτερα* dicuntur.

PROBATIO
METHODI
UNICE

Deinde via hæc à generalibus ad specialia plurima se-

h 2 cum

ORDO INVERSO
CUIUS QUESIT. cum adfert commoda. Dispositæ enim hoc ordine artes, facilimè intelligentur, percipientur, ediscuntur. Via autem contraria à specialibus ad universalia, duo præcipua inter multa alia secum incommoda adducit & sophismata.

I. Obscurabis ea quæ illustrare constituisti. Quia procedes ab obscurioribus absolutè & ignotioribus ad notiora absolutè & illustriora: totamq; intelligentiam mentis turbabis. II. Memoriam obrues obscuritate & confusione repetitarum rerum. Quia necesse erit in singulis specialibus, quælibet generalia nondum definita & demonstrata repetere.

P. Ramus litteram Pythagoræ & Promethei ignem, non vitam ancipitem, non artes alias, sed methodi viam: ~ dubiam significare, non solum jucundè, sed doctè etiam monuit.

VIA VERA INTEL-
LIGENTIÆ.

Hæc vera est via intelligentiæ. Hæc catena est illa Homericæ: & vinculum artium Platonicum: monentibus id emolumentis ex ea servata & detrimentis ex eadem violata: svadentibus philosophis Socrate, Platone, Aristotele: judicantibus Hippocrate & Galeno. Quorum testimonia de industria prætereo: quibus hæc methodus celebris & clara est, tanquam sola necessaria, constans, perpetua. Hæc etiam ordinis collocationisq; præceptio, generalis & communis est omnium disputationum & artium: nec solum ad judicandum, quæ similia & dissimilia sunt: sed omnino ad omnem vel unius argumenti vel longioris disputationis propositionem perpendendâ & æstimandam.

Apostrophæ.

Quid multa? Nōne vosmetipsi medici Monspelienses ex Hippocratis decreto, & exemplo Socratis in omnium morborum cognitione & curatione à generalibus per intermedia ad specialissima proceditis? Nōne de cavisis primo statim ingressu perconctamini: deinde de subiecto

subjecto inquisitionem instituitis: ut tandem ad adjuncti
 & morbi cognitionem perveniat. Hæc vestra metho-<sup>METHODI IN-
 QIRATIONE.</sup>
 dus est quam prædico, defendo, ab inimicis labefactatam
 restituere cupio. Morbo cognito per hanc vestram me-
 thodum, cognitis causis continentibus, mediis, & evi-
 dentibus, cognita affecta parte: ad curationem accessuri,
 statimné parti affectæ remedia adhibetis. Vetat Hippo-
 crates. *Topica non sunt adhibenda, non præmissis generalibus.*
 Socrates in Charmide, oculis remedia applicanda negat,^{SOCRATES.}
 nisi curatum sit prius totum caput. Hæc eadem metho-
 dus unica vobis grata, recepta, approbata est: tonsoribus,
 chyrurgis, medicis, nota & in ore perpetua: nisi quid me-
 thodum cripticam hortetur. Hanc veram methodum qui
 negligit aut contemnit periclitatur & perit.

LOGICOPHYSICORUM.

Axiomata Logicophysica quatuor similiter sunt à me
 proposita, ejisdem legibus examinanda quibus hæctenus
 subjecti eramus. Sed quia in scholis à me cōtra Georgium<sup>SCHOLÆ CONTRA
 LIEBLERUM.</sup>
 Lieblerum physicum Tubingensem editis, ea sint satis mu-
 nita: sententiaq; contraria convulsa, labefactata eversa:
 unicum salum publicam cuiuslibet subiciam, ex iisdem locis
 desumptam, ex quibus præcedentia desumpta erant firma-
 menta & robora.

I. II. III. Physica definitur scientia corporum quæ<sup>PHYSICÆ DEFINI-
 TIO.</sup>
 motui & sensui sunt obnoxia. Quæ definitio etsi in Ari-
 stotelis physica temerè neglecta sit: tamē interpretes eam
 ex scriptis, sententia & mente præceptoris extructam glo-
 riantur. Aristoteli per totam physicam in ore est: physi-
 co propositum esse corpus tangibile, tactu tractabile, ma-
 nu palpabile, ^{corpus tangibile} σώμα αἰσθητόν.

Lib. II. Phys. disputat inter physicum & mathematicum

h 3 hoc

hoc intercedere discriminis: quod physicus nihil à rebus
physicis ut mathematicus abstrahat.

Physicus epist. Ad summum. Physicum nullum agnoscit nisi oculatum, nisi auritum, nisi tactus organo instructum: & sensu sensuumque ministerio res omnes definientem, partientem, concludentem.

Axiomata. Ex hac Aristot. mente procreata sunt & genita axiomata illa scholas omnes replentia: artificibus etiam manuariis & medicis grata. Nihil esse in intellectu, quod non fuit prius in sensu. Demonstrationis initium à sensibus. Om-
nem cognitionem experientia, historia, inductione, ob-
servatione acquiri. Tales sunt res naturales physicae dictae: coelum: sydera: ignis: aqua: terra: aer: meteora: lapides: metalla: aves: pisces: pecudes: homines, &c. quarum cognitio physica & naturalis est.

Sed quorsum haec tam copiosa inquires? Ad demonstrandum omne incorporeum, aut in solo intellectu existens, à physica prohibendum & exterminandum.

MATERIA. Universalis illa materia, quae fingitur aeterna, insensibilis, ^{αμορφος, αειδιουρος, αωσιος} sensum omnem effugit: & quod miraberis etiam iudicii partem: solaque ^{ἀναλογία} & id ne vix quidem, cognosci vult.

FORMA. Forma ejusdem naturae est cum materia: immo ea praestantior & principium divinum, longius se à mortalium intuitu & consortio seducit: non se conspiciendam, non tractandam, non palpandam profert.

DOCTRINA CAUSSARUM. Doctrina causarum apud Aristot. 2. ἀκροάσεων generalis est de causarum definitione, distributione, generibus, agendi modis. Nulla alia definitio, nulla distributio, quam ea quae in Dialectica traditur, auditur. Haec ne jure & legitime in physica sibi locum, arripiunt? Materia insensibilis est: solaque analogia seu similitudine existit & cognoscitur.

Forma

Forma quādam divinitatem redolet: & humanos sensus spernit. Doctrina causarum generalis est, omnibus artibus & scientiis convenientium: entium & non entium communium. ^{GENERALIS} Res in physica docendæ corpora sensilia ^{RES} erunt. Qui itaq; talia inter se commiscet: cœlum & terram commiscet: naturæ & artium legibus bellum indicit.

Attamen si materia hæc & forma Aristotelica non nimium superbierint propter donatam sibi ab Arist. æternitatem: & se cum artium legibus reconciliaverint in parem juris libertatisq; conditionem cum reliquis civibus dialecticis, ut recipiantur, à dialectica impetrabunt. Cum materiæ dialecticæ & formæ, enti & non enti communibus, conditiones Aristotelicis principiis attributæ competant.

In eandem spem erigenda est doctrina causarum: quæ fortassis facilius voti compos erit. Quod à doctrina dialectica parum solummodo diversa sit.

Sed respicias, quid tertio Aristotelis principio privatione fiat: & an ea rerum physicarum verum sit principium? Rem accipe. Huc cursum dirigo.

Disputat Aristot. lib. I. ἀπορώσεων, cap. VI. I. & sequentibus quibusdam locis: in genesi rerum, subjectam esse materiam: eamq; duplicem, subjectum & oppositum. ^{PRIVATIO} Oppositi nomine, privatio intelligitur formæ opposita: quæ postea nomen suum impetrat & privatio appellatur formæ oppositæ: & principium per accidens.

Hanc excogitare coëgit necessitas & natura rerum: quæ sine contrarietate non generantur, non corrumpuntur, non agunt, non patiuntur: qualis tamen contrarietas, inter materiam & formā, hac sublata privatione, nusquam existit. Tanta est necessitas: tanta privationis utilitas: quæ eji locum in physica impetrarunt.

iv Ego præsentī axiomate quarto animum induxi hanc privatio-

privationem rejicere: tanquā fabulosum cuiusdam Evbulidis somnium, hoc argumēto, inter alia multa, motus.

• "
 Inuitis

Principium hoc privativum, seu privatio principium per accidens, ad rem constituendam formamq; inducendam nihil in universum conferre potest. Quod sui conservationem potius quam alterius ambiat: quam deponeret & totam abjiceret, si introducenda formae aliquid emolumenti adferret: quia adveniente cogitur emigrare & perire. Idq; proprio merito & sponte sua: quod formae praesentiam sua deperditione redimere voluit.

CONTRARIA. Nec certè rei naturalis conditioni consonum est: contrarium aliud cōtrarium aut per se aut per accidens intro-
ducere aut adportare: propter eam, quæ est inter contraria,
pugnam & repugnantiam: sed simile simili delectatur &
secum ducit. Contrarium potius contrario & inimico suo
obstitit: quo minus se ejecto, aliud in suam possessionem
& imperium succedat. Quod etiam in re presenti locum
habebit: ubi formæ adveniēti cogitur privatio cedere.

Nec etiam rei constitutæ aliquid confert: & si maximè conferret, non propterea principium esset. Advenienti for-
mæ cessit, potentiōri possessione relicta: nusquā enim
existit: nec aliquid in re constituta ampliùs operabitur.

Nihil.

Privatio idcirco nihil erit in rerum natura existens: nul-
lum principium aut per se aut per accidens: sed solummo-
dò formæ negatio, & inter principia rerum naturalium fa-
bulosum commentum. Quod ne quidem ab ipso Aristot.
inter causas per accidens, ut remaneret, obtinuit.

Talem negationem privatione significari satis patet ex
iis exemplis, quæ ejus naturæ & officio declarando exco-
gitantur. Ejus contra formam contrarietas dicitur ^{in formis} ἀμορ-
φία, ἀχρηστον, ἀουσία, ἀναρμοςία, ἀταξία. ^{ἡ ἀμορφία}

Dicitur etiam privatio *κακοποιος*, quod non est ad con-
stitutionem

stitutionem rerum aliquid contribuere operæ. Postremo
hoc Epiphonemate ornatur: *φθαστικὰ ἐς τὴν ἀλλήλων ἐναντία.*

MEDICORUM PROBLEMATUM

EXPLICATIO.

Hoc fuit axiomaticum Rameorum examen & explica^{TRANSITIO.}
tio brevissima. Problemata medica nunc ejisdem se sistunt
iudiciis & examini.

I. Multorum animos, occupavit falsa quædam persua-
sio, jactantium se medicos esse & medicos facere: si subtili-
ter & in utramque partem de rebus naturalibus declaman-
do, disputando, rixando, multas horas & dies insumse-
rint. Sed se aliosque fallunt, & quidem turpiter: cum medi-^{MEDICINÆ AD}
^{actionem comparatam.}
^{28.}
cina tota ad actionem comparata, nunquam finem suum
in theoricis questionibus consequatur.

Usitata est Medicinæ definitio. Medicina est ars ad hu^{MEDICINÆ DEFI-}
mani corporis sanitatem tuendam, profligandosque mor^{NITIO.}
bos comparata. Cum quæ etiam consentit illa vetus apud
Galenum: Medicina est ars salubrium, insalubrium et nev-
trorum. Quæ definitiones, duo in medico requirunt: con-
servationem præsentis sanitatis: amissæ recuperationem
& instavrationem. Viderint theorici dum subtiliter in^{THEORICI.}
scholis disputent: anne alterutrum præstiterint: aut potius
ad actionem accedendum sit.

Ad sanitatem præsentem conservandam parum efficiet,
etiam acutissima speculatio & theoria nisi accesserit eo-
rum usus quæ mala impendentia impediunt, bona præsen-
tia confirmant & augent: & imprimis ratio vivendi, &
usus alimentorum, non cognitio sola, conveniens & com-
modus.

In morborum curatione multo minus effeceris: qui non
cesserint, etsi ipsius Mercurii speculationibus tuæ fuerint
acutiores & subtiliores.

i Medicina

MEDICINÆ FINIS. Medicina definitur ars & revera. Quare ejus finis est actio: nunquā theoria.

Id disputavit Galenus multis in locis: tum maximē in libro: Num ratio tuendæ sanitatis ad medicinalem artem, &c. spectat: & in fine conclusit. Propriē vocabulum Medicinæ referendum ad partem curativam: & nequidem hanc quæ sanitatem tuetur, etsi in actione consistat, propriē eō referri.

CONSTITUTIO ARTIS MEDICINÆ. De constitutione artis medicæ, palām Medicinam artem factivam appellat.

Aētius sanitatem conservare, & morbos depellere Medicinæ partes constituit.

REMEDIA. Rem in paucā contraham: quæ tamen ex Gal. lib. II. de Alimentorum facultatibus desumentur. Quandoquidem remedia nunquā rectē vereq; remedia dicētur: nisi cū remedium & auxilium attulerint: tum formam veluti accipiunt suam & naturam induunt propriam: quæ est ægrotis in tempore subvenire: antea materia solum quædam sunt: in quam introduci forma queat, ut prosint & juvent. Rectē itaq; dictum est: medicinam in theoria ponentem, medicinæ nomine abuti.

PLATO. Locus insignis apud Platonē, adducendus est: ut theoricis, speculatione gavdentes, se contemplentur & speculentur. In Phædro inquit Plato: Si quis cognita habens quæ calefaciunt, quæ refrigerant, quæ album subducunt, atq; huiusmodi plurima. Deinde pro medico is se gerat medicosq; se alios facere arbitretur: Hoc unum docens interrogandus erit: num præterea sciat in quibusnam, aut quando facere unumquodq; horum opus sit, atq; etiam in quantum: ut nisi ista sciverit ne pro medico quidem habendus sit.

II. Hinc non est difficile secundum problema confirmare. Physiologiam seu cognitionem rerum naturalium
 medicinae

medicinæ partem non esse. Quoniam nihil in ea actio-
nis est.

Addo legem *καὶ αὐτὸ* jubere: præcepta Physicæ in re-
rum naturalium doctrina docenda & nusquam alibi: ut ar-
tium fines & termini separerentur. Nec Medicinam, omnium
rerum quæ in mundo sunt, cognitionem sub suo imperio
consequi: nisi velit in aliorum fines cum periculo impe-
tum facere.

III. Qui nobis illud monstrum aut chymeram demon-
strationis obtruserunt, & in scholas invexerunt: persua-
dentes nihil certi concludi aut doceri, nisi ex infallibilibus
& proximis causis demonstratum & deductum: artem
medicam in maximum contemptum & calumniam dedux-
erunt: imprimis apud rerum imperitos, audientes curan-
di rationem magna ex parte in conjectura sitam. Eorum
enim doctrina in sola demonstratione certitudinem agno-
scit, consequentiam & veritatem. Conjecturam ejus oppo-
nit: quam spernit tanquam rationis humanæ lusum.

Sed magna afficiunt Medicinam & Dialecticam inju-
ria & ignominia: dum nec dialecticos terminos sincerè
interpretentur: nec de medici officio satis diligenter in-
quirant.

Demonstratio nihil aliud est, quam oratio ostendens
aliquid per prius cognita. Conjectura est rei latentis ju-
diciū. Quam itaque nobis confingunt inter Demonstra-
tionem & Conjecturam contrarietatem & bellum irre-
conciliabile. Cum etiam in illa de rebus ignotis inquisi-
tione & artificiali investigatione prius quædam cognita
erunt, nos in rei latentis cognitionem deductura. Quod
etiam in ipsa demonstratione, & eodem pacto fieri necesse
est. Cum itaque per artem medicam morbos inquirimus ex
causis antecedentibus, continentibus, reliquisque quæ nos

cognitio affectuum.
 eo ducunt: recte & certo ex iis effectum seu morbum inve-
 stigamus. Unde ad remedia, eadem arte duce, procedi-
 mus: quibus morbus tolli potest. Nec ridiculus humanæ
 phantasiæ lusus conjectura hæc nostra est: etsi Galen. 2. de
 Medicam. compos. secundum locos, tradat: maximam ar-
 tis curandi conjecturam in affectuum cognitione consi-
 stere: quæ ubi inventa fuerit: curationem non conjectura-
 liter sed scientificè procedere.

*Conjectura est quæ
 curationis artificialis.*
 Viden' curationem artificialem à suis progredientem
 causis æquè certā esse, ac fastuosa illa demonstratio sit: in
 quæ non minus sæpe erratur, quàm in conjectura ipsa, &
 curandi ratione artificiali.

CRISIS.
 IIII. Ad crisin seu ad illum naturæ cum morbo confli-
 ctum, conantis sibi noxium evincere & excludere, quod
 attinet: certi nihil potest inde judicari: utra pars potita sit
 victoria.

dies critici.
 Reddaturi ejus certaminis & dierum criticorum ratio-
 nem, veteres medici & imprimis Galenus: ad cœlū ejusq;
 exercitum stellas, & ut plurimum ad lunam confugiunt:
 pro cujus motu vario, corpora eorumq; adjuncta varia-
 rentur. Ita dubiam crisiū doctrinam, incerto & incon-
 stanti lunæ motu illustraturi, magis intricarunt & obscu-
 rarunt. Suum lumen à sole maxima ex parte mutuatur: pro-
 ratione situs & aspectus quo solem intuetur & observat:
 & minus uno tempore quàm alio accipit. Aliquando cele-
 riter movetur: aliquando tardiùs. Nunc stellæ fixæ, nunc
 planetæ se adjungit. Interdum calor ejus, ut lumen, poten-
 tior est, interdum remissior: nihilq; inconstantiùs & magis
 varium in hoc negotio excogitari poterat.

*EX CORPORA
 CELESTIBUS
 INDICIA.*
 Taceo materiam morbi & causas in corpore, efficien-
 tes morbum, graviores aut leviores, incertum reddere de
 morbis & diebus sequentibus, ex crisi judicium.

Quid

Quid quod, nulla crisis plenilunii tempus transgrede-
retur: in quo omnia vigent, lunæ virtus & corporis.

Nec tamen hîc disputo de dierum criticorum inconstan-
tia & incertitudine: aut nullam esse in morbis crisin sive le-
vem sive fortem. Sed moneo ex hac crisi judicationem
esse fallacem, nec tutò medicum ea, ad sequentia peragen-
da, duci. Anceps esse hoc certamen: & à qua parte fuerit
victoria, non posse judicari: nisi temporis progressu lon-
giori confirmetur.

Idem mihi videtur monuisse Hipp. lib. i. Aph. xxvii.
Non leviter esse in morbis confidendum: sive aliquid in-
pejus, sive in melius mutatum fuerit. Quod talium indi-
cationum, nisi ex effectis, veritas neviq̃vām certa sit.

Et cū ad crisis perfectæ cognitionem quā plurima
requirantur, quæ in tanta temporis brevitate & angustia
cognosci neviq̃vām possunt: cū in corpore partim la-
teant, partim extra corpus sint, neq; etiam crisis vera natu-
ra cognoscitur: & multò minus iudiciū de crisibus, tan-
quā cæci de coloribus.

V. Quinto axiome proponitur: consuetudinem in cu-
randis morbis nihil indicare: permittere, nihil exposcere.

Ea solummodò indicant primò & generalissimè, secun-
dum receptam curandi methodum, quæ sunt contraria.
Qualis contrarietas cū inter remedia & consuetudinem
non intercedat: quod ea sapius cum remediis contra mor-
bi naturam conspiret: non potest indicando usui esse. Ge-
neralissima hæc est curandi indicatio, ex qua speciales ex-
truuntur omnes. Cū sine iis genus exactè cognosci ne-
queat: nec ad contrariorum remediorum usum commo-
dè veniatur.

Differentiæ proximæ indicationis sunt: ut in diversis
Galenī libris, & præcipuè in libris iii. & ix. de Methodo

i 3 medendi

SIGNA.

medendi reperitur. Quod secundum naturam se habet, sui conservationem: quod contra naturam, sui ablationem indicat. Sunt itaque in universum quatuor quæ indicant: pars affecta: morbus: causa: symptomata. Si consuetudo inter hæc locum invenerit sui ablationem aut conservationem indicabit: aliàs nihil indicabit.

INDICATIO QUID

Hæc doctrina indicationis tota, brevissima definitione comprehensa est, desumpta ex Gal. lib. de Opt. secta. Indicatio est cognitio eorum, quæ in corpore sunt conservanda, aut auferenda: unâ cum iis quæ talia præstent. Sed viderint hîc Galenici quomodo inflicta neotericis vulnera sanaverint: negando ullam curationem institui per similia: & tamen indicationem sumi à natura, similibus conservanda & confirmanda.

Aphorismus est apud Hippocr. hûc conferens lib. 11. Aphor. 1. *Quæ ex longo tempore consveta sunt, etsi deteriora sunt, insveta minus molestante solent. Oportet igitur ad insveta permutari.*

In hoc aphorismo mirificè se excruciarunt Galenus & reliqui interpretes: quomodo hæc conclusio illata esset. *Ad insveta permutandum quod consveta minus turbarent.* Cum potius sequeretur ab insvetis molestantibus abstinendum.

Tandem inter eos convenit, Hippocrati in mentem venisse, consuetudinem servari perpetuò non posse: & oportere propterea hominem ad omnes mutationes paratum esse: & insveta usurpasse. Quasi verò, non potius unius insveti incommodum expectandum cum accederet: quàm omnia experiri, aut multa, à quibus singulatim damnum & detrimentum natura caperet.

Ego potius Hippocratem pro me dixisse moneo, & docuisse quiddam tribuendum consvetudini: ne utique tamen

men ej tanqvām scopulo adhærescendum: mutandumq;
quod mutationem requirit: nulla consuetudinis habita
ratione.

Verum quidem est, permittere aliquid consuetudinem: ^{CONSUETUDO PERMITTIT.}
non quia consveta est, sed quia pars sibi consvetis fortior
facta est, & facilius similia alterat. Nam ignis non magis
uret fagum quâm quercum, etsi quotidiè illam urat: nec la
pis citius movetur per eum locum per quem millies mo
vebatur, quâm per eum, in quo nunqvām fuit.

Nec etiam Hippocr. aphorismus eorum sensu explica
tus ^{est} ~~est~~ ^{est}: cum de solis debilibus & senibus audien
dus sit, in quibus consveta mutare periculosum est: non in
fortioribus: non in juvenibus.

Quare quod Gal. lib. 1 x. Methodi de virtute & viri
bus prodidit: primam indicationem à viribus sumi, non
tamen sic ut curationem nos doceat: id ego de consuetu
dine profero: nullam curationis legem per cōsuetudinem
indicari. Immò omnia in majoribus morbis contra con
suetudinis indicationem tentanda: eamq; omninò sper
nendam.

VI. Tria in universum sunt quæ corporibus humanis ^{ALIQUANTIA CORPO}
præter naturam accidunt: morbus, actionem lædens: caus- ^{LIB. HUMANIS}
sa, quæ morbum proximè præcessit: & symptomata, quæ ^{PRÆTER NATURE}
morbum tanqvām effecta comitantur. Cum itaq; morbi
propriū sit actionem lædere: non tamen fidem excedit,
quod dixi læsam actionem sapissimè fieri & edi: sed non
perfectè, nec modo à natura præstituto. Omnis enim
actio læsa, aut omninò tollitur, aut depravatè, aut dimi-
nutè editur.

Galenus in doctissimis illis libris de morborū & sym
ptomatum causis & differentiis, si quis usqvām alibi, in
ductione probavit, symptomatum quæ actiones læsas na
turales

Exemplum rurales & animales comitantur, læsam actionem non semper aboleri: sed edī diminutē, aliquando etiam depravatē. Exempli loco erunt, in principe animæ potentia, paralyſis motus imaginationis abolitio: delirium quod est motus quidam depravatus, qui nihilominus aliquatenus fit: lethargus & veternus, motus infirmus & deficiens. In naturalibus functionibus exemplo & testimonio sunt: facultatis appetendi, abolita omnino appetentia: difficilis appetentia: & immodica ciborum cupiditas. Si enim, quam primum læderetur actio, etiam aboleretur, nec amplius fieret: nihil humana vita tot morbis & miseriis obnoxia foret miseri: totaque medicina inanis esset persuasio. Cum a privatione ad habitum nulla aut perquam difficilis spectetur regressio. Quare recte cum Galeno hanc sententiam amplector. Actionem nihilominus edi, quamvis lædatur: nec omnem læsionem comitari abolitionem aut deperditionem.

Causæ morborum VII. Septimum axioma brevissime convellat & conficiet eorum errorem: qui causam continentem in nullis morbis factis reperiri prodiderunt: sed in iis solummodo, qui adhuc in quadam essent successione. Idque ex mente Galeni: qui Stoicorum causam continentem damnaſſe putatur: & in suis de causis divisionibus præterisse.

Galeni dicta, a Fuchsio reliquisque huius opinionis parentibus & nutricibus, adducta: ejusque auctoritas in philosophicis disputationibus etiam negative prolata, passim & a multis doctissimis viris copiosa satis explicatione illis adempta sunt. Et si quæ novæ auctoritates ex Arabum scriptis eruantur, hodie inter disputandum adempta fecero. Nunc, quanta fieri potest brevitate, docebo: reperiri in morbis quibusdam, causam quandam conjunctam seu continentem: quæ præſente, morbus adest: quæ sublata, morbus

morbus tollitur. De hac enim re nobis quaestio est: etiam si Gal. aliquando a nomine, quod Stoicorum sit, abhorreat: aliquando variè in eo ludat. Nostra disputatio de rei veritate erit: non de nomine.

Primum omnium in hac controversia admonendum: ^{MORBUS ACTIO,} morbum actionem laedentem actu existere. Alioquin, ^{si non laedens,} si sola potentia existat, nihil aget: sed agere poterit, si in actum deducatur.

Quo posito fundamento, superstruo, experientia & natura teste, causas quasdam morbos efficere: quæ tamen id cuius opera & maleficio utuntur, a se nunquam dimittant: nec alii corpori communicant. Quod si est, morbos, quos sua præsentia inducunt, sua absentia auferunt. Nam causam, per quam morbi inducebantur, nulli communicarunt: sed secum abstulerunt.

Ejusmodi morbi sunt instrumentales dicti: & imprimis, ^{MORBI INSTRUMENTALES,} ii, qui ex additione & subtractione nomenclaturam accipiunt. Ad justum digitorum numerum, sextum digitum adijce: morbus erit in numero. Hoc iterum sublato, morbum una eademque opera, sustuleris. Calculus in vesica sæpe obstructionis causa est: quo manente morbus durabit. ^{ALCUIUS,} Calculum tolle: morbum curasti.

Hicne causam continentem confiteberis, cum rei definitio aptè competat: aut aliam proximiorē superstitione investigabis? Non opinor. Potius concedes, haud invitatus, causam continentem in morbis organicis manifestam & necessariam: & contra eam pugnare, esse naturam & experientiam irridere. Fateor equidem in continui solutione vera, talem causam continentem non desiderari. Non enim ablato gladio ab inflicto vulnere, confestim morbus evanescit: aut partes distractæ consociantur. ^{PREOCCUPATIO,}

In ea tamen continui solutione, quæ etiam ab ipso Gal.
k leno,

leno, sed minus exquisitè loquendo, hoc nomen accepit, quod diximus de cavssa cōtinente etiam verum est. Quæ-
lis est coli intestini à flatibus distractio, aut in longitudi-
nem seu latitudinem majorem diductio. Quæ, sublata
cavssa, dissipatis flatibus fugit.

MORBI SIMILIA.
RES.

FEBRIS LEVIOA

In morborum similarium una specie, intemperie, ali-
quando etiam objicitur cavssa continens: ut videre est in
febre leviori, quādo, sublato febrili calore ejusq; materia,
febris deperditur. In omni tamen intemperie eam affutu-
ram aut inventum iri, non tibi recipio: cum intemperiei ve-
hementior cavssa, in multis, abiens sui reliquat firmum
vestigium: unde morbus: & actionis læsio.

AXIOMA.

His jam satis docuisse videor: in omni morborum ge-
nere sapissimè continentem seu conjunctam cavssam oc-
currere: contra eos, qui nusquam & in nullo genere eam
agnoscunt: à specie ad genus sophisticè disputantes & ra-
tiocinantes. Rem unico verbo complectar. Omnis cavssa
proxima continens non est: nec ejus continentis definitio
competit. Sed omnis cavssa continens proxima est.

PURGATIO
VIS VENTRICULO
INIMICA.

IIIX. Ad faciliorem hujus axiomatis intellectum, mo-
nebo statim in principio, me non de particulari quadam
purgatione, sed totius corporis, differere. Quæ, quæ pote-
state fiat, non hîc disputo. Satis mihi est, efficere: purgan-
tia omnia ventriculo inimica.

Duæ sunt præcipuæ, de hac purgatione universali con-
troversæ sententiæ, quomodo ea contingat: quæ utrinq;
suis sunt munitæ rationibus & auctoritatibus.

ATTRACTIO
HUMORIS.

Hippocrates, Galenus, omnesq; ad unum Græci, pur-
gationem attractione familiaris humoris confici prodi-
derunt: sive illa manifesta, sive occulta quadam propieta-
te fieret: eaq; sententia per multa secula, quasi per manus
tradita, approbata, & in pretio fuit.

Recentiores

Recentiores quidam, eam oppugnandam susceperunt, & multis argumentis evertendam: quasi nullo naturę fundamento, sed sola veterum auctoritate, fundatam. Novam ^{EXPLSIO} vicissim commenti sunt, perturbationem seu stimulationem expultricis facultatis, ad ea expellenda, quę sibi videantur inimica & noxia.

Tertia etiam quędam ratio & modus offertur, quo purgantia operentur: comprimendo partes: easque compressione ad expurganda contenta cogendo. ^{COM PRESSIO}

Omnes hæ sententię subductę, conficiunt quod dixi: purgantia ventriculo & aliis quibusdam partibus vim inferre & nocere.

Galenus & reliqui prioris sententię affectę aperte id consentunt: ut videre est apud Galenum lib. Quid, Quibus, & Quando purgandum. Item Aretæus lib. VII. cap. v. Similiter Aëtius lib. I. Sermon. III. cap. XXV. & multi alii. Idque non temere. Nam medicamenta, cum in substantiam ^{EVERSIO} nostri corporis converti non possunt, eam evertunt: aut ad minimum ei nocumento sunt & impedimento. Inter quę, cum purgantia sint vehementissima, etiam maxime lædent.

Turbationis & stimulationis istius in purgantibus inventores, hoc tanquam ^{GALENUS SIBI} ^{IN CONTRARIUM} triumphum arripiunt, ad evertendam Galeni sententiam, suamque confirmandam: Galenum huius sententię disseminatorem proprio gladio jugulantes. Si enim, inquirunt, omnia purgantia naturę sunt inimica & humoribus in corpore contentis. Attractio verò omnis per similitudinem. Qui docet purgantia corpori esse contraria & inimica: eademque attrahere & secum extrahere corporis contenta: contradictoria statuit: & semetipsum inducit, unde difficulter educetur.

Addo, si purgantia nullam vim inferrent ventriculo fru-

k 2 strā

Recentiores

COMPLEXIO
PURGANTIA
ADICIT.

stra admisceri tot corroborantia, corrigentia, mitigantia:
& stultitiam magnam esse dosin adavgere. Cum etiam mi-
nima quantitate idem efficeretur: nisi periculum corpori //
ex purgantibus non emendatis impenderet. //

DOSES MEDICAE
MENTOR

IX. Non pugno contra medicos, qui cognoscendis co-
gnitis, ea adhibent remedia, quae morbi magnitudini &
aegroti viribus proportionem quadam respondeant: ne ni-
mum, aut in quantitatis excessu, aut defectu declinetur.
Cum hic morbum indiscussum relinquat: ille leviores mor- //
bos demendo, graviores inducat. //

IMPERITI

His me oppono, qui sine aliquo discrimine certam cuj-
libet medicamento dosin seu quantitatem attribuunt: qui
omni pedi unum calceum inducunt: magna cum artis
medicae ignominia & aegrotorum iactura: imperitis hisce
dosibus confidentibus, ad quaelibet & cujlibet avdacter
propinandum, occasionem praebentes.

TURBITA.

BRIONIA.

RHABARBARUM

RADIX HELENII.

IRIDIS.

Exempli loco. Turbith & Brionia in decoctionibus &
syrupis purgantibus dabuntur a dr. j. ad unc. ij. In substan-
tia datur dr. sem. Rhabarbarum in substantia a scrup. j. ad
dr. ij. In Infusione a dr. sem. ad dr. j. Helenii radix recens a
dr. j. ad un. j. Sicca ad unc. sem. Iridis radix recens a dr. ij. ad
un. j. Sicca a scr. j. ad dr. ij.

CONSTITUTIO

His, inquam, me oppono, qui haec tam avdacter pro-
nunciant: non perpendentes in omnibus hominibus
corporis constitutionem & temperaturam esse diversam.
Sunt enim qui quovis medicamento mutationem prom-
pte celeriterque subeunt: alii vero aegerrime. Quo fit, ut in-
ter homines, quidam solo cathartici medicamenti odore
ad excernendum stimulentur: cum alii, ne illius quidem
magna quantitate moveantur.

ETAS, ANNI
JENIUS.

Præterea ætas & anni tempus medicamentorum doses
magnoperè immutant: & quæ vere feliciter operabantur,
hyeme

hyeme sæpius & æstate parum aut nihil movebunt. Pueri & senes non convenire in eadem quantitate medicamentum, luce meridiana clarius est. Puer
SENEX.

Regionum & locorum dissimilitudo, dissimilem etiam medicamentorum quantitatem postulat. Nam si speres te Danum aut Norvagum dr. ij. aut dr. iij. Electuarii de succo rosarum ad exercendum concitaturum, frustraris: quæ tamen Monspelienſi suffecerint. REGIONES
LOCI.

Morbi, symptomata, causæ, diversitatē in medicamentorum doses maximam inducunt: & pro horum ratione recte ea augentur & minuuntur. MORBI
SYMPTOMATA,
CAUSÆ.

Nunc si quæras: quantum fidei dandum sit iis, qui de medicamentorum dosibus integros commentarios annotarunt? Quantum fidei dandum his, qui litteris prodiderant: Calsiæ & Mannæ dosin esse a dr. ij. ad un. j. Aloës a dr. j. ad dr. iij. Sennæ in substantia a dr. ij. ad un. sem. decocti a dr. iij. ad un. j. Scammonii a gr. v. ad xij. diaphœnic a dr. ij. ad dra. vi. &c. Quantum tibi commodum visum fuerit. Tuum erit, si prudens vis haberi medicus, subdudtis rebus omnibus, medicamentorum, morborum, symptomatum, partis affectæ, &c. natura cognita, justam & hiscerebus omnibus correspondentem medicamentorum quantitatem decernere. Hoc tuum artificium, in medicina faciendum, esto. Sic Stephanus ille Atheniensis, sui Galeni & Hippocratis artificialem conjecturam intellexit: & Evsoxus institui voluit. Sic vocabulum *εἰς δύναμιν* ad vires, de laborantibus, morbis, & remediis doctè interpretabatur. CASSIA
MANNA
ALOËS
SENNÆ
SCAMMONI
DIAPHÆNIC
STEPHANUS
ATHENIENSIS.

X. Qui hætenus naturalis mortis causas investigarunt, quam ego sententiam amplector, duabus adducti rationibus, invitis theologis & sacrarum litterarum auctoritate sprete, damnarunt. Contenderunt humidum primigenium

k 3 nium

*Humidum pri-
migenium.*

nium quotidie a calore nativo insumi & confici. Quod in-
staurari cum non possit: & propterea deficiente pabulo,
calorem extingvi, per quem vita conservatur. Nihilomi-
nus simile quidpiam humido primigenio ex alimentis con-
fici, impediens, ne humidum tam brevi temporis momen-
to totum, a calore nativo absumatur.

REFUTATIO

Falso fundamento innixi falsa superstruxerunt. Non
enim ea est natura caloris nativi, quæ ignis, pabulum suum
consumentis & alterius corruptione se sustentatis. Quem-
admodum falsò hæc similitudo a medicis adfertur. Inqui-
unt enim: Calor noster cum habeat alimenta quæ confice-
re possit, auget nostram substantiam: cum verò ea desint,
convertitur in materiam propriam. Quæ mihi improba-
bilia videntur.

CALOR NOSTER.

Calor noster instrumentum proprium est facultatum
naturalium, mitis, benignus, conservans & avgens sibi
subjectum corpus: non urit: non absumit: sed perficit: nec
unquam depopulatur aut deficcatur aliquid, nisi igneus, id
est febrilis, fiat.

AUGMENTATIO

Nec si maxime absumeret suum proprium etiam humi-
dum aut materiam, mortem propterea inferret. Restaurari
enim potest quod insumentum dicitur: nec satis est simile
quidpiam regenerari. Nulla siquidem fit in corporibus
vera augmentatio: nisi quod augere debeat, transeat in
substantiam & veram speciem augmentati: non in ali-
quod simile.

Addo: humidum illud apparens, ne ad brevissimum
quidem tempus calorem nativum sustentaturum: nisi
ejusdem substantiæ cum vero humido nativo, ejus dicto
pabulo, esset: nedum toto juventutis tempore duraret,
quo plus restauratur humidum quam deperditur.

Postremo si verum est, quod apud Galenum & medi-
cos

cos alios de temperamentorum permutatione legitur: & ^{TEMPERAMENTA.} ficcum hominis temperamentum posse in humidum permutari: quid prohibet senectutis siccitatem humiditate mitigari, ac calori sufficiens alimentum subministrari?

Simile iudicium est de rebus non naturalibus: quæ si huius siccitatis causæ censentur: curandum est, ut iis hoc pacto utamur, quo nihil detrimenti adferant. Sunt enim pro vario usu salubres & insalubres: ut copiose docet Galenus in arte medicinali: & de causis salubribus.

His itaque rationibus destructis & debilitatis: nihil reliquum est firmi, cum nuper inventa opinio de defluviæ necessitate nondum fidem meruerat, quo proba-

COMPLEXIO.

bitur mortis & senectutis causas

necessario nobis immine-

re: sed sola id con-

stat experien-

tia.

VIRTUTE

EXAMEN I.
VIRTUTE ET GENERE
NOBILI VIRO: GEOR:
GIO SPEJGELIO

I. F.

AMICO VETERI: ET OBSERVANDO

S. D.



um redirem ad Monspelienses, dilecte Speigeli, accepi omnibus quibuscum tibi intercessit familiaritas, tuam vitam & salutem curam fuisse & cordi: eosque anxie & sollicitè quærere: annè omnia tibi ex animi sententia in tuo itinere accidissent: cum me solum, absque te comite, redire viderent. Eorum ego animum omnium explevi gaudio: referendo te, itinere Gallico absoluto, ad dulcissimam patriam, carissimum parentem & dilectos amicos, quam maximis diurnis nocturnisque itineribus contendere. Hæc sunt tue humanitatis & modestie premia: quæ à quovis, de sola facie tibi noto, reportaveris. Mirum est, donapaterna in te tam manifestè transfusa & elucere: ut paternis insistent vestigiis tua facilitate omnium corda lucreris. De me ingenuè fateor: mirificè mihi semper tuos mores probatos: nosque non sine ingenti animi utrinque perturbatione distractos. Cuj rei testis erit ille dies, qui nos Parrisiis separavit. Testis etiam erit Academia Monspeliensis: quæ hisce tribus examinibus, & actu, quo, ut spero, mihi Licentia in Medicina conferetur, tui honorificam & gratam fieri à me mentionem testabitur. Vale optime Speigeli: & cura ut antiquum obtineas, aut in pejus ne ruas. P.P. Monspessuli XVI. Junii, Anno MDXCV.

T. Andreas Kragius
Ripensis Danus.

QVÆ.

PRO INTENTIONE.

QVÆSTIO

IN EXAMINE PRO INTENTIONE,
CLARISSIMI VIRI, &c.

D. DOCTORIS JOHANNIS SAPPORTÆ:
DISPUTANDA

AB ANDREA KRAGIO RI-
PENSIDANO.

DIE JUNII XVI. ANNI MDXV.

*An ordo in assumendis cibis ser-
vandus?*



Um diversi cibi sint adsumendi, controvertitur ^{CONTROVERSIA}
inter medicos, quo ordine id commodissime ^{INTER MEDICOS}
fiat: nec etiamnum inter eos convenit. Magna ^{DE ORDINE IN CIBO}
tamen pars consensit, naturæ libidini & arbitrio ^{ASSUMENDO.}
morem gerendū, & qui magis placeat potius sumendum:
sola cautione de crassis & tenuibus, in quibus ordo neces-
sariō servandus, adhibita.

Pro crassis pugnatur, ut primum locum impetrent. ^{CRASSIORES}
Quod nisi id servaretur, tenuia in ventriculi fundum im-
missa, brevi tempore coquerentur, & ad exitum propera-
rent: inconfecta q̃ crassiora secum educerēt: aut ut dilabe-
rentur efficerent. Quid, quod, ventriculi pars inferior car-
nosa cū sit, & magis propterea calida, & avgeatur insu-
per ejus calor undiq̃ partibus calidioribus circumjacen-
tibus: ingerenda prius crassa, inferiorem & calidiorem
partem, post tenuia superiorem & debiliorem occupatur-
ra. Ut habita, partis concoquentis & alimenti concoquen-
di debita proportionē, concoctio uno tempore tota absol-
vatur: ne aut corruptionis incidat periculum ob retentum
nimis diu tenuiorem cibum in superiore ventriculi parte
concoctum:

^{CRASSIORES}

^{PARS INFERIOR}
^{VENTRICULI}
^{CARNOSA.}

concoctum: aut eodem per pilorum dimisso, durioris sed nondum concocti dejectio & exclusio.

*TENUIA
SIMPANDA.*

Hæ rationes eorum avres non animum implent, qui tenuium cavissam susceperunt. Firmiter enim & sine ulla dubitatione sibi animo persuasum habent: tenuia post crassiora assumpta, & facilius concocta, a crassis in inferiori ventriculi parte stationem habentibus, prohibita ne exeant, corrumpi: & nondum concocta, una secum inficere. Sicque turbari totam concoctionem: concocta que perperam, in deleterium, non in alimentum conveniens commutari. Rem autem nullius periculi esse: si tenuia in inferiori parte cocta laberentur, durioribus & reliquæ coctioni viam præparatura. Immo hoc quidem ad sequentes coctiones necessarium.

*PRECEDENTIBUS
REFUTATIS NULLUS
EST ORDO SEQUENTI.*

*VENTRICULUS CIBUM
IMMISSUM FOVET.*

Sed animadversione & philosophica consideratione dignum est: utrinque de re ignota disputari: & falso fundamento falsum extrui. Falluntur enim & falluntur turpiter, nec concoctionis modum considerant: qui cibum arbitrantur in ventriculo coqvendum, eundem ordinem & locum habere, quem dum adsumebatur habuit. Cum enim ventriculus ad cibi coctionem adsurgit & aggreditur: non permanet ille in ventriculo sedibus distinctus: quasi primò ingesta ventriculi fundum occupent: reliqua ordine ut adsumebantur succedant & collocentur. Sed ventriculus concoctionis operi incumbens, omnibus suis lateribus & partibus cibum immissum fovet & comprehendit: comprehensum in unum cogit: alia cum aliis, arida cum siccis confundit: dura mollibus mala bonis: fitque omnium una massa. Alioquin nulla fieret perfecta coctio ejus, qui in capacitate & medio contineretur.

Ergo

PRO INTENTIONE.

13

Ergo ordo in assumendis cibis servandus non est.

EXPLICATIO, ET CONFIRMATIO.

QVÆSTIONI,

ANTE EXAMINIS INITIUM,

COMPARATA: ET DICTA.

Sunt inter medicos, qui omnino à diversitate ciborum tanquam cane pejus & angve abstinendum svadent. ^{"UNUS GENUS"} ^{"CIBUS UNUS"} ^{"NATURA UNA"} ^{"FICIT"} Quod naturæ longè sit facilius & commodius unius generis, quam multorum, cibum conficere. Quod convenien-
tior alendo corpori procreetur, ex tali cibo, sanguis: quam si multa & varia genera uni naturæ obtrudantur.

Sunt qui ab hac sententia tanquam impossibili & naturæ inimica abhorrent. ^{"NATURA INI"} ^{"MICROL"} Natura enim uni rei adsveta, parum aut nihil, ad eam permutandum in sui similem substantiam, permovetur & concitatur: sed pertæsa quotidiana cibi, minus eum fideliter amplectitur & conficit. Diversæ naturæ, nostrorum corporum partes, diversum & varium requirunt alimentum: & diversimodè nutriendæ sunt. Quale nutrimentum unius generis cibus hanc commodè suppeditabit. ^{"VARIETAS"} ^{"SOPHIA"} ^{"215"} Experientia etiam quotidiana convincit omnino utilem & necessariam esse ciborum varietatem. Non enim temerè natura diversos cibos expetit: nec ii sunt tot seculis usurpati sine gravi consilio: ut appareat verisimile, priori sententia repudiata, alteram hanc de diversitate ciborum admittendam.

Postquam hæc dubitatio in scholis decisa fuisset, peperit superstitiosa curiositas aliam. ^{"ALIUD EST"} ^{"ALIO ALIUM"}

Annè in adsumendis hisce cibis ordo servandus sit?

Disputatur utrinque acriter. Maxima tamen pars in hanc partem calculos suos conjicit: naturæ libidini morem ^{"NATURE LI"} ^{"OMNINO GERE"} ^{"DUS CIBI"} ^{"EST"} rendum & arbitrio: sola cavtione de crasis & tenuibus observata. Ne quod invito naturæ obtrudatur, rejiciatur,

1 2 aut

aut negligentius concoquatur. Idem de qualitatibus aliis, & quantitate judicandum est.

Qui hanc dubitationem & scrupulum, de crassis & tenuibus injecerunt, suas sibi videntur habere rationes: quas si ademero, non dubitabo concludere. In assumendis cibis ordinem non servandum. Sic itaque contra illos disputationem instituo.

Si in assumendis cibis ordo servari debet: necessario id fiet in crassis & tenuibus:

Atqui in crassis & tenuibus ordinem servare vanum est:

Ergo ordo in assumendis cibis non est servandus.

Propositionem per manus adversariorum mihi traditam, eorum voluntate & permisso, sciens & volens retineo.

Placet, quod asserunt diætæ maximam partem naturæ permittendam: nisi unum obstaret de crassis & tenuibus cibis: in quibus ipsimet inter se discrepant.

Suas utrinque jactitant rationes: quæ tamen deductæ sunt ex hoc fundamento, de locorum diversitate quos cibus in ventriculo occupet. Unde extruunt, ex horum locorum ad assumtum cibum diversitate, magnum haviri commodum aut damnum.

Assumptio in qua docetur, fundamentum prædictum debile esse, ex ipsa concoctionis, concoquendæ materiæ, & partis concoquentis natura desumitur. Longè enim alia est naturæ, in cibo concoquendo, ratio, quam illi falso opinabantur: asserentes cibum talem ordinem in ventriculo servare, qualem habuit cum ingerebatur. Non ita manet sedibus & locis distinctus: sed totus inter se confunditur ultrò citroque: sursum deorsum commiscetur: ut ne minima aut prioris aut posterioris cibi nota appareat.

Quotidiana experientia pro hac sententia facit: in qua primo loco assumpta per eructationes se produnt: & inter
coquen-

coquendum per exhalationes tam in caput, quam in œsophagum partesque vicinas se demonstrant. Quod prohiberetur, si parte ventriculi infima, ut somnium disputatorum somniat, depressa manerent.

Galenus in lib. de Alimentis boni & mali succi tradit: accuratam illam ciborum electionem necessariam esse otiose viventibus & male habentibus, eos vero qui se debitis exercitiis exercent, ut sunt constitutiones salubres & bonæ exercendæ, non esse subjectos superstitionis, de virtus ratione, legibus.

Quæ sententia & auctoritas Galeni, si in generibus ciborum locum habet: multo verior erit in qualitate, quantitate, tempore, modo: quæ omnia minoris sunt momenti.

Aristot. IIII. Meteor. cap. III. coctionem elixationi recte, cum medicis & natura, assimilatur. Quare, ejus regnante in scholis auctoritate, nihil refert, quamcunque partem in ollam prius conjeceris. Omnes enim inter se commiscuntur. Nam quod à medicis adfertur: aquam prius in ollam infundi, & liquida prius assumenda: similitudo & assertio est tam jejuna, ut eam refutare sit cum umbris decertare.

Addo Celsum in principio sui operis non solum hunc assumendorum ciborum ordinem damnare & contemnere: verum etiam superstitionem in delectu variorum ciborum curiositatem: & jubere, ne sanus ullum cibi genus fugiat.

Diruto itaque & solo æquato, rationibus & auctoritatibus, non cuniculis aut subtilitate logica adversariorum fundamento, pronuncio: *In assumendis cibis non esse servandum ordinem.* Quod demonstrasse oportuit.

1 3

CONSUL-

EXAMEN I. CONSULTATIO.

DE INTEMPERIE FRIGIDA ET
HUMIDA VENTRICULI.

EXcussa duabus præterlapsis horis quæstione jucunda, difficili, utili, clarissime D. Præceptor: quam mihi paucis abhinc diebus explanandam & defendendam tradidisti. Quod reliquum est temporis, dicis te in morbi aliqujus curatione à me instituenda, insumturum: & de meo iudicio in morbis cognoscendis & curandis periclitaturum: omniaq; quæ à me temerè dicantur & agantur everfurum.

Occasione ex præsentì quæstione sumta, proponis mihi ventriculum intemperie frigida et humida laborantem: cujus ut consultationem philosophicam & medicam, & curationem brevem, sed appositam comparem, in mandatis mihi das: idq; quæ methodo vos præceptores in consultationibus medicis usos coràm accepissem.

Ut grave mihi erit, doctiss. D. Saporita, novo medico morbos curare: sic tibi facile erit, etiam benè dicta mea refellere. Quid enim tu non destruxeris etiam verissimum & firmissimum? Attamē est quodam prodire tenus, si non datur ultra: omniumq; rerum aliquando fuit initium.

Omnes nostri labores medici, & ipsa medicina, eo spectat: ut convenientibus remediis morbus occurrens avertatur & prohibeatur: præsens tollatur & auferatur.

Verba pauca sunt. Quod significant præstare: hoc opus hic labor est. Plurima enim prius cognoscenda & meditanda sunt: anteqvàm eo devenias, remediaq; ritè & debite adhibeas, morbum depulsura. Ea sunt Signa: Symptomata, quæ semetipsa indicant & produnt: Locus affectus: Affectus species: Causæ morbi, quæ artificiali & medica conjectura ex notioribus sunt inquirenda & investiganda.

da. Quibus cognitis, ad remedia recta & expedita via est.

In præsentī morbo, quia omnia proponuntur tanquā probe explorata, Symptomata: Causæ: Affectus: Affecta sedes: non est operæ pretium sollicitē de iis quærere & investigare: quod faciendum erat, si ignota fuissent & in corpore occultata.

Sed esto (quod tu etiam D. Saporita mones) hæc omnia ignorari et in occulto esse: medicæ conjectura inquirēda.

Obijciatur nobis aliquis, qui sua solummodo enarret symptomata, & signa monstret sensibus obvia. Conqueratur de difficili, imperfecta & debili concoctione ventriculi: cum gravitate & depressione molesta, præcipuē ingesto cibo: cū dejectione appetentiæ etiā vacuo ventriculo: & cibi fastidio. Sentiat frequentes exhalationes cerebrum gravantes, eructationes, et fumositates humidas et frigidas.

His auditis inspiciat medicus excrementa, quæ sint pituitosa, cruda, imperfectē cocta, & malē coctum chymum demonstrantia. In quibus etiam assumti cibi nonnihil appareat. Causæ antecedentes docebuntur ab egro ipso aut assistentibus, de usu rerum non naturalium: ubi repperiet medicus, in nimio usu frigidorum & crudorum ciborum & fructuum horariorum peccatū fuisse: exercitia immodica post eorundem usum accessisse coctionem interturbantia: humores in toto corpore copiosos: corpus plethoricum: omniaq; ad constitutionem pituitosam frigidam declinantia.

Hæc facilia cognitu sunt, necessariō tamen cognoscenda: quod hucusq; pertingat signorum, symptomatum & causarum antecedentium cognitio: nos in rerum latentium cognitionem manuducens.

Affectam sedem commodissimē indicabit partis ipsius situs: (nemo enim tam rudis est, & oraculi Delphici immemor,

mor, qui non ventriculum digito monstraverit) actio læsa, imperfecta illa concoctio: appetentiæ dejectio: cibi fastidium: eructationes & exhalationes frequentes: excrementa cruda & imperfecte cocta, in quibus etiam assumti cibi appareant rudera & reliquæ.

Affectum ipsum proferunt excrementa & excernendi modus: quæ cruda non essent solummodo si ex continui solutione malum inductum fuisset, sed sanguinea, cum pure admixto. Morbum organicum seu dissimilare, frustra hic in parte similari quæsieris. Reliqua itaque est sola intemperies. Hæc frigida esse, convincitur per eorundem excrementorum cruditatem & frigiditatem: per actionem imperfectam & læsam, quæ perfectior ex causa calida foret. Idem præstat species doloris gravatis & deprimentis, non pungentis aut acriter erodentis. Eructationes non sunt calide, acres, subtiles: sed frigidae & crassæ. Exhalationes morbos procrearent calidos, insomnia, delirium, phrenitidem: ubi jam contrario modo, somnum & morbos somnolentos, spiritus sistendo & incrassando inducunt.

Frigida itaque intemperie ventriculus tentatur. Quæ cum sit aliquando sine materia, aliquando humoralis cum admixto humore: haud difficile est, hic invenire humorem admixtum ex totius corporis constitutione humida: & ex ea humiditate, quæ tam superius quam inferius ex ipsa parte affecta, pfluit. Omnia enim humida apparerent, nulla sicca aut arida.

Quare hæc intemperies humoralis erit: laborabitque ventriculus intemperie frigida & humida.

Causam continentem hunc affectum inducentem & foventem præ se ferunt: dolor gravans, qualem nec melancholia nec bilis induxerint, sed sola pituita. Excrementi genus seu natura, quod est frigidum & humidum ex frigida & humida causa progenitum: quale excrementum non melancholici

lancholici humoris nedum bilis esse possit. Humor in corpore dominium, pituitam prodit: nihil sanguineum: nihil biliosum: nihil melancholicum.

Huc usque signis diagnosticis relatu ægri & assistentium ducti: concludimus in presenti casu ventriculum laborare interperie frigida et humida ex pituitoso humore pgenita.

Prognostica signa admonent hanc intemperiem omnium morborum chronicorum ferè matrem fore. Quales sunt cachexia, cacoehymia, scabies, hydrops, lethargus, cæcus: nisi in tempore prospectum fuerit.

Fugio prudens, disputatione digladiari, an hic morbus sit per *ἰδιοπάθειαν* aut *συμπάθειαν*: an sit *προσπάθεια* an *δευτεροπάθεια*: nam ex præcognitis in confessio est, per *ἰδιοπάθειαν* ventriculum attentari: & ad remediorum usum debitum me refero.

Remedia adhibendi tres percensentur modi: diætæ: chirurgiæ: pharmaciæ. Diætæ à quovis qui vel à limine Musas medicas salutavit huic affectui ordinari potest. Chirurgia, non necessaria, negligetur. Pharmacia brevissimè morbum curabit, formulis in hac schola receptis. Cum Aristarchi iudicium chymicorum usum damnans, me ab eorum auxilio deterreat.

Morbus similis intemperies humida & frigida ventriculi, sui ablationem subindicat. Eam avferre frustra conaberis, dum cavissa, pituita frigida & humida eam foveat. Quæ propterea prima tollenda est secum morbum educitura: methodo curandi legitima instituta.

Tolletur autem hæc cavissa per vomitum aut per recessum ad naturæ nutum & admonitionem. Quo enim natura declinet & vergat, ducendum est.

Pars affecta, ventriculus, sui restavratione & corroboracione hoste expulso indicat & exposcit: si etiamnum imbecillis maneat: ut tandem, quam amiserat temperaturam

m recuperet:

recuperet: hanc sollicitus id ne fiat ori exhibitis, aut extrinsecus applicatis. Quantitatem & remedii modum prudentiae medici concedemus.

In eorum commentario quae cavissimam morbi aggredientur, vomitoria haec sunt: semen atriplicis, semen & radix raphani, succus radicis nostratis iridis, helleborus uterque, balanus mirepsica, sambucus, ebulus, lathyris, esula: & quae plurima composita: inter quae etiam hoc unguentum vomitum promovens non est contemnendum.

Rec. Succ. Hellebori & Esulae: vel pulver. eorum ana, & cum felle tavrino & albumine ovi commisce: quo si ungatur supra umbilicum venter, vomet.

A vomitu sine mora ad clysteris emollientis usum descendendum: cuius talis forma praescribi tuto potest.

Rec. Herb. malvae, althaeae, pariet. mer. branchae ursinae, menthae, salviae, &c. ana. ma. sem. anisi, foenicul. foenugr. ana unc. j. Florum chamomil. meliloti, centaurii minoris, hyss. ana p. j. decoquantur. In colat. lib. j. sem. dissol. diacathol. & diaphoe. an. unc. j. sem. Mell. Mercurial. & ol. chamemil. an. unc. ij. salis communis dr. j. aut salis gemmae scrup. j. Fiat clyster injiciendus hora convenienti.

Post clysterem accedet purgatio: cuius forma potest esse communis.

Rec. Decoctionis herb. convenientium: aut aquae stillaticiae ex iisdem unc. iij. vini generosi albi unc. j. In quibus dissolve diaphoe. & diacarth, ana dr. iij. Hierae Galeni dr. j. Adde syrup. de absinth. q. s. Fi. purgatio danda jejuno stomacho cum custodia.

Herbae convenientes sunt, hyssopus, absinth. calaminta, puleg. major. basil. mentha, salv. cort. citri, sem. anisi, cumini, citri, borago, sp. celti: & spica nardi, stoechas utraque: & alia ejusdem generis & virtutis.

Dantur

Dantur etiam pro arbitrio medici commodè alia purgantia quæ in officinis myropolarum in promptu sunt: pilulæ de quinque generibus myrobala. avreg. ruffi. aggregat. diacathol. diafena. cōfect. Hamech. elect. Indū utrūq; &c.

Ejecto hoste ventriculus internè novo subsidio munendus & corroborandus est, ne iterum superetur, aqua & decocto prædictarum herbarum. Item syrupis & apozematibus ab iisdem confectis: elect. ex aromatibus, citro, aromatico rosato, gariophyllis, diatriopipereo, nardino, &c. utendis antè & post pastum de consilio medici, superbibendo havstus boni vini.

Pulveres etiam ex prædictis herbis cum aromatibus congruis conficiuntur: addita sacchari copia idonea: aut etiam iidem pulveres excipiuntur syrupo accommodato.

Galenus hîc suum diaspoliticon magnoperè commendat: nec ullus reperitur medicus, qvî non gloriatur de novo quodam stomachi confortandi invento.

Accedet deinde corroboratio externa, quæ fit oleis & extractionibus ex herbis commemoratis.

Prodest etiã oleū nardi: garioph. cinamo. galliæ mosch. lavr. mastich. &c. Item decoctiones ex herbis prædictis in vino coctis, spongia inbibitæ & appositæ loco dolenti.

Hac methodo & hisce mediis spero me ventriculi frigidam intemperiem humoralem inhibiturum aut funditus extirpaturum.

Verum si contumax morbus non se morigerū præbuerit, redeundum mihi puto ad præparantia, oximel, acetum squilliticum, decoctū fœniculi: additis aromatum prædictorum nonnullis: quibus contumax materia corrigenda & in ordinem redigenda est. Conveniet etiã hujc rei mel rosatum, syrupus & apozemata ex iis herbis quas demonstravimus hîc aptas: ut de mentha, de evpatorio, de absinthio, &c.

m 2 Materia

Materia præparata, tota cura iteranda est. Vomitiones fortiores, & purgationes vehementiores: confortantia & roborantia advocanda. Ubi nō tām abhorreo ab antimoni, scammoni, diagridii, hellebori: a metallorum & unionum, seu ipsius avri, spagyricæ præparatorum, usu: quam a magnificis & sesquipedalibus eorum jactationibus, qui nunquām fumum olfacere, præ disputationibus istis scholasticis voluerunt: aut etiam ab eorum speciosis promissis, qui de iis præparationibus integros commentarios scriptitant, quas ne quidam é longinqvo aspexerant.

Hæc sunt, quæ præsentī casui, tempori & loco serviens, adducenda judicabam.

QVÆSTIO,
IN EXAMINE PRO INTENTIONE
MAGNIF. D. CANCELLARII, &c.
D. DOCTORIS JOANNIS HUCHERI,
DISPUTANDA,
AB ANDREA KRAGIO RIP. DANO
DIE III. JULII,
ANNO CIO IO XVO.

An somnus meridianus insalubris?

Somnus seu cessatio spirituum in ventriculis cerebri, sensum & motum etiam in partibus exterioribus impediens, in qua feriarum vice vacationē quandā sensus omnes habent: nunquā corpori insalubris est aut vim infert: dummodo ex naturalibus causis & moderatis, debito modo & tempore constat. Ingrati siquidem & imprudentis animi est, de natura rerum omnium parente cogitare, et animum inducere eam de industria condidisse & ordinasse quibus læderetur & deprimeretur. Cum certo certius constet, eam sui conservationem avidissimè ambientem, omnia eo destituisse.

Perlustran-

Perlustrantur omnes causas somnū inducentes & conciliantes: & conspicuum fiet providam naturam ex variis & diversis causis, propter prædictam conservationē, hoc stupendum suum effectum produxisse. Labor, vigiliæ, defatigatio, immodicæ curæ, æstus, balnea, exercitia, &c. absumunt animales spiritus: ut non amplius sicut prius, diminuti & absumti, ad motum cōcitantur. Vacuantur spiritus in vacationibus nimis & compressione ventriculorū cerebri: in quibus domiciliū habere dicuntur. Disperguntur à nimio gaudio & cessant. Balnea humida, vaporosi odores & exhalationes, & omnia humectantia ignavos reddunt spiritus, & quieti idoneos. Refrigerantia omnia eosdem cogunt, compingunt & ad quietem deducunt. Reliquæ causæ leviores, mollis strepitus, cantus, murmura, titillatio savis, lectio parum attenta, silentium, tenebræ, & quam plurimæ similes leviores causæ, sapius eosdem cerebri spiritus placidē sistunt, à motu ad quietem invitant: & ne dispergantur aut celerius moveantur faciunt.

Perlustrantur, in quā, hæc omnia, & apparebit ab iis eam cessationem quæ in dormientibus conspicitur induci: id quod nullo sanguinis aut caloris nativi defectu aut recessu: sed hac ratione cōmuni, dum spiritus ventriculorum cerebri, prædicta quiescere faciunt, & ad quietem invitant: natura ipsa sic omnia gubernante & ordinante, ut debita spirituum animalium & virium somni tempore & quiescentibus spiritibus succederet instauratio: ac quies, defatigatis nimia vigilia & motu, sensuum organis daretur.

Meridianum somnum ex hoc genere & ordine censeri, nemo mihi, rationibus alicujus ponderis, in dubium vocabit, aut, animo ut deponam, faciet.

Causas habet easdem: imminuentia spiritus, dissolventia, vacuantia, exprimentia, densantia, humectantia: quibus proditum fuit naturalem somnium acciri.

-m 3

Formam

Formam habet eandem: cessationem spirituum in ventriculis cerebri, cum sensuum exteriorum quiete.

Idem cum vero & naturali somno subiectum: animales in ventriculis cerebri spiritus.

Finem eundem: spirituum animalium & virium instav-
rationem: & organorum sensuum requiem.

Ergo somnus meridianus non est insalubris.

CONFIRMATIO ET EXPLICATIO,
QVÆSTIONI,

ANTE EXAMINIS INITIUM,
COMPARATA, ET DICTA.

Vetus est: nullam rem hominibus frequentius in ore
& usu versari, quam somnum: quid tamen essentia
somnia habeat: & quare mortalibus tam acceptus & tan-
ta utilitati sit, maiorem hominum partem fugere.

Insudarunt diu multumque in ejus causis & effectis ve-
stigandis, tam philosophi quam medici, quotquot natura
hactenus protulit. Testes sunt Plato, Aristoteles, Hippo-
crates, Galenus, poëtae, oratores: & neoterici philosophi
& medici ad unum omnes. Quorum si ratione & consilio
studeas dissentientes sententias in concordiam & gratiam
reducere: nihilo plus ages, quam si Rhenum in Rhodanum
derivare contendas: hic orientem versus, ille occidentem fluit.

Nec sola somni causa & effectum in controversiam ve-
nit: verum etiam quid de singulis speciebus iudicii ample-
ctendum sit, totius natura cognita, æque inter medicos
controvertitur.

Hinc liquet, non mihi ludum jocumque fuisse, hisce tribus
diebus: quibus D. Cancellarius peregre rediit, in tanta dis-
sentientium sententiarum cōgerie certi aliquid cōstituere:
et oneri tanto vires succubuiissent, nisi vestra me in judican-
do æquanimitas erexisset. Quæ cōfessum animum meum
perculit:

perculit: quod benignas mihi prius avres præbuiſtis, de rebus in medica arte abſtruſis, balbutienti: & æquè fortaliſis indoctè ac hodie ſim facturus.

Quocirca ex tam variis, & utrinque viriliter munitione cinctis ſententiis controverſis, ea ſelecta quæ propius ad veritatem accedit: & maximè accommoda apparet ad ea excuſanda quæ dormientibus & circa ſomnū obtingunt: interrogatus de ſomni quadam ſpecie: *Anne ſomnus meridianus ſit ſalubris?* ſic negativam partem argumentando à genere ad ſpeciem in meam conſervationem recipio.

Somnus naturalis in ſalubris non eſt:

Meridianus ſomnus eſt naturalis:

Ergo meridianus ſomnus non eſt in ſalubris.

Propoſitionis generalis certitudinem in animis dubitantium procreabunt mecum, rationes, experientia, auctoritates.

Somnus naturalis definiſitur, qui in corporibus ſanis & ſecundum naturam habentibus obtingat: quicquid moderatus ſit & utilis animantibus: à naturalibus & utilibus cauſis ortus.

Ex qua definitione planum redditur: omnē ſomnum naturalem, ad utilem in vita finem, à natura in hominum conſuetudinem advocatum: nec uſquā in ſalubre aut homini incommodum eſſe. Ordinatus ſiquidem eſt ad utilitatem: virium reſtaurationem & corporis quietem. Niſi quis voluerit naturam in calumniam vocare, aliquid ſine ſine utili producentem. Quod animadvertens poëta exclamavit: *Quod caret alterna requie durabile non eſt.*

Hodierna dies, proſit dolor, quæ omnium noſtrum oculis objecit matronā illam nobilem, lethargo depreſſam, ſomnum naturæ limites tranſgredientem innumera incommoda adferre, commonet: ut in re notiſſima tacendum mihi & prætereundum Aphoriſ. III. lib. II. Hippocr. judicem. Unde facile per contrariorum legem obtineo: ſomni
naturalis.

naturalis permulta commoda inveniri : nec eum insalubrem esse. Cum contrariorum contraria sint effecta.

Ad experientiam quod attinet, nemo mihi inficias, constans animo sano & mente integra, ibit, somnum naturalem magno sibi usui fuisse. Quam vestram experientiam plus facere ad immittendum & inferendum vestris animis, somnum naturalem utilem, nunquam insalubrem esse, quam omnes omnium auctoritates, confido. Cum nihil in rerum natura certius experientia constet. Sic somnus Galeno teste, experientia auctore, sapientius intemperiem devincit. Ebrii levi quasi furore correpti somno restituntur: ut reliquos in quotidiana vita & morbotum curatione usus fileam.

Somni usum auctoritatibus indicare non est magnum pretium operæ: quamvis ex uno auctore sexcentas decerpas. Unicum saltem animo collubet ex Ovidio somni elogium referre.

*Somme quies rerum, placidissime somne deorum,
Pax animi, quem cura fugit: qui corpora duris
Fessa ministeriis mulces, reparasq; laborem.*

Quid quod, & post medicamenta aliquando somnum inire convenit: aliquando suis de causis jubemur: ut apparet ex Aphor. xiv. & xv. lib. iv. Hippoc.

Assumptio secundum dialecticorum imperium & decretum, ut species è suo genere, derivatur.

Nihil rerum omnium in somno naturali requisitarum, in somno meridiano desiderabis. Quæ una nota est speciei à generis essentia constitutæ. Materia seu subjectum, forma, finis, reliquæq; in somno naturali reperta, eadē sunt in somno meridiano. Immo plura in specie, quam ipso genere reperies: quod ad speciei constitutionem, præter genus, materiæ vicem obtinens, accedat propria speciei forma.

Quibus

Quibus sic suis munitis munitionibus infero. *Somnum meridianum non esse insalubrem.* Quod demonstrasse oportuit.

CONSULTATIO.

DE EPILEPSIA.

Confingis animo casum, mihi objiciendū M.D.C. jubescq; hominē in plateis prostratū publicis: sine sensu & debito motu supinū decubentē: spumas ē naribus & ore expirantē & profundentē: caput tanquam jugulatus taurus concutientem, à me sanitati restitui. Triste, medius fidius, est spectaculum. Quid enim tristius esse potest, quā sensu, motu, ratione, memoria & intellectu, quasi in momēto temporis, privatum hominem aspicere. Turpis finis timetur, desinentia cum stercore, lotio, & spontina ventris solutione. Origo morbi multis infamis est: quod propter scelus quoddam insigne, videatur à diis immissum, & propterea sacrum appelletur. Tyrannicum & fastuosum morbi hujus dominium est: qui ut plurimum cum homine vivit & commoritur. Nec etiam per intermissiones ejus dedititii citra noxam vitā transigunt. Abjecti sunt animo, mœsti, hominum fugiunt consuetudinem, decolores, plumbea facie, auditus hebet, aures tinniunt, lingua titubat, & tandem ratio ipsa ad ejus nutum conturbatur, ægroti deniq; infatuantur.

Ex qua re fit, hunc morbum, multis medicorum principibus, videri desperatum, sola nominis divini ope & invocatione curandū. Quod etiam ego passus fuisset mihi aliquot annos adhuc persuaderi: nisi tua auctoritas intercessisset, jubendo hominem miserē afflictum & succumbentem levare.

Antequam verò in morbi cognitionem mihi concedatur penetrare, & aliarum rerum ad curationem requisita-

n rum:

Quibus

rum: videor mihi operę pretium facturum ab hoc paroxismo (non enim morbus est quod cōspicimus, sed ejus symptoma) ægrum excitando & erigēdo: ut nos de rebus incognitis & abditis, quas tamen inquirimus, doceat.

Ad ægrum excitandum hæc à me adhiberentur: vociferatio, vellicatio, conversiones: confortantia spiritus animales læsos, theriaca, mithridatium: olea quamplurima, roris marini, salviæ, anisi, irinum, Cheyrinum in nares, aures & os indita & temporibus illita. Tandem necessitate exigente ad pilorum evulsiones, ligaturas, caveria potentialia & actualia, & cucurbitulas accederem.

Sunt qui credunt ex digito pedis ab alterutra parte diviso & vulnerato, effluentem sanguinem collapsi labiis illitum eum excitare.

Inter composita hoc à scriptoribus magni fit.

Rec. Sagapeni, piperis, castorei, amygd. amar. rad. peucedani, galb. ana dr. ij. opobals. dr. j. Diluantur aceto & formentur pastilli. Usu expectete aceto solventur & naribus illinentur.

Erecto ægro, absoluto paroxismo, de sede affecta diligens instituetur inquisitio: per ea quæ hanc patefaciunt: ut sunt excrementa, spuma oris & narium: quæ & qualia nusquam nisi à solo cerebro excerni possunt. Actio læsa, sensus, motus, memoriæ, imaginationis, judicii deperditio: quæ cum à solo cerebro proficiantur, læsa, læsum cerebrum commonent.

Facilis & expedita hæc est in affectam sedem investigatio: quæ sequetur de affectu ipso plures habet salebras & impedimenta.

Conjicimus ab excrementis & doloris proprietate materiam quandam malignam cerebro insidentem has turbas & incommoda sua malignitate dare: tantamque & tam turbidam

turbidam totius corporis convulsionem cum cognitionis & memoriae deperditione. Quod enim affectum producit, nullis remediis ferè obsequentè, & humanā rationem ejusq; benè excogitata consilia contumelia & contemptu afficientè, id utiq; aliud quidpiam singulare accipit, quàm in morbis invenis, qui se regi & gubernari non inviti patiuntur. Eadē materia arguitur ex paroxysmi celeritate. Tantam enim celeritatē, nulla elementaris qualitas consequuta est, ut hominem eodem temporis momento quasi attonitū aut fulgure tactum humum prosterнат, & abeundo, ut erigatur permittat: quod saepius Epilepticis accidere nimis verum experimur. Nec etiam cum vero congruit aliquam elementarē materiā, tantum dolorē in parte sensus experte (secundū Galenum) cerebro concitaturam, nisi eadem malignitate insigni praeſtaret.

Agnovit hanc materiā Galenus cum suo praeceptorē Pelope cap. v. lib. ii. de locis affect. ubi comparat Galenus hanc materiā perniciosam, cum perniciosarum ferarum venenis, & cum eo quod uterum sua malignitate eodem modo strangulat.

Non dissimulabo hīc quid sentiā: sed sciens & vigilās cū doctissimo Fernelio, & praecelsae Paracelsicae medicinae tutoribus, ut in venenosis morbis, in substantia morbi similem agnosco. Quae sententia in quaestionibus de venenis seriō a vobis lacerata fuit: nescio an omnino eversa.

Nullus locus hīc relinquetur obstructioni Galenicā: nullus dispositioni cerebri recentiorū: de qua interrogati sine pudoris ulla significatione profitentur se nescire quo pacto cerebrū, in hac dispositione a se conficta, habeat: se tamē malle in dispositione dubia haerere, quàm malignitatem materiae apertē actionem laedentem & quidē proximē, morbi nomine, contra Galenum, dignari.

n 2 In

In altera Epilepsiæ specie quæ sit per consensum, materia quædam venenata evaporante & exhalante, & Galeno auctore, cerebrum perturbante: necessariò obstructio deferenda est: alioquin offenditur Galenus. Adeò ea subtilis est & tenuium partium: ut insensiles & angustissimos meatus & poros liberrimè transeat. Quid itaq; impedimento esset, quo minus vel spiritibus commixta velocissimis & subtilissimis, amplissimos & satis patentes in cerebro canales percurreret, cui jam ad celeritatem in cerebro subtiles spiritus accesserunt.

Iam cum omnium specierum de suo genere participantium eadem sit natura: in speciebus Epilepsiæ una eademq; erit continens causa, materia maligna & venenata cerebrum afficiens: ad quam excutiendam tantis se viribus concurrit & componit. Alioquin in distributione, tanquam in hereditatis divisione, genus plus uni speciei quam aliis discerneret: cui distributioni leges Aristotelicæ intercedent & resistent.

Quid Apoplexia? Cur in ea tot talesq; motus & concussiones non conspiciuntur: in qua etiam obstructionem & longè majorem requirit Galenus? Hanc ex tali obstructione inductam fore concederem: aut quendam gravem somnum: non Epilepsiam.

Ebrii quoq; omnesq; ii qui gulæ & crapulæ dediti sunt non multis annis ab Epilepticis doloribus immunes manerent: quibus in singulos ferè dies tales evaporationes crassæ cerebrum replent.

Qui dispositionem excogitarunt, vanitate obstructionis derisa, magis à vero aberrant: & quid doceant se ignorare profitentur. Perspiciunt quidem ab externis & internis causis cerebrum mutari, diminui sæpius, extendi ejus dispositionem, nec tamen aliquid simile hinc inveniri.

Qvare

Quare prudenter & sapienter occultam quandam dispositionem comminiscuntur: omniaque tandem in medicina occulto modo peragentur.

O prudentia & sapientia id velle quod haberi non potest! Quam primum ab iis edoctus fuero, quæ & qualis hæc sit quam prædicat dispositio: & quo modo dispositio imaginaria hæc à contenta materia inducatur: in eorum sententiam manibus & pedibus, non ibo, sed volabo. Interea ut assensionem suspendeam, patienter ferant rogo: & credam quod res ipsa docet: hunc morbum esse materiam venenatam cerebrum sua malignitate lædentem & ad expulsionem irritantem, idque tanto cum conatu, quanto omnia peragi oculis notum fit: quæ Epilepsiam vocare visum est.

At cum Epilepsia duæ sint species, primaria & per consensum: quamnam harum infestet noster patiens, tum ad remediorum inventionem, tum ad medendi rationem, cognoscere commodum est.

Si itaque nos doceat, an ne repente attonitus, quasi fulgure percussus corruat: nec quandam insignem mutationem in partibus inferioribus ante paroxysmum præsentiat, conjiciendum est: primario cerebrum affectum.

A partibus interioribus corporis vitiatæ originem duxerit malum: si antequam cerebrum afficiatur, percipiatur in hoc transitu cordis & orificii ventriculi subversio quædam aut molestia: seu præcordiorum coarctatio inimica: oculisque obversentur peregrini colores aut figura, qualis est iridis in cælo: aures sonent, &c.

Quando à partibus exterioribus, ut à manibus & pedibus (cujus exempla vidit Galenus etsi rara sint) vapor quidam instar aeris tepidioris aut tanquam formicarum transitus sensus apparet: ab exterioribus partibus initium sumit Epilepsia.

Verum hinc tuum erit, M. D. C. seligere, quam speciem curari velis. Primariam, respondes, jubeo ut cures: nam in hac curanda optimè elucebit, quid iudicii habeas.

Confecto itaque, nostrum patientem Epilepsia primaria cerebri laborare: causa ejus continens ad curationis perfectionem & facilitatem etiam inquirenda est. Hæc est noxius quidam humor in cerebro collectus, siue pituitosus siue melancholicus sit, &c. qui diutius in loco peregrino detentus, præcipuè in cerebro, temporis progressu acquirit malignam naturam & venenatam: in qua mali essentia latet.

Sed quæris ulteriùs, quæ hinc humor constitutam? Dicam brevibus. Fingam excrementa esse alba, spumosa, ad frigiditatem declinata & pituitam arguere. Dominium humorum in corpore idem denotat: nam omnia quæ ab eo percensentur, cor, jecur, ventriculus, frigida, totiusque corporis consentiens constitutio, pituitosum dominium incusant. Habitus ejus obæstior, color albicans, ætas senescens, &c. Partis natura pituitam citissimè colligentis eodem cõspirat: & omnibus hisce collectis causam morbi continentem pituitam esse astruo.

Causa antecedens est mala aliqua constitutio, hepatis, ventriculi, cordis, aut alterius alicujus partis: aut etiã rerum non naturalium inordinatus usus: unde cacochymia hæc inducta est & digestionis imbecillitas, per quam alia proximior fovetur & alitur.

Ducti diagnosticis signis, huc usque sumus progressi, in causæ, morbi, sedis affectæ, cognitione.

Prognostica signa cum Hippocrate admonent ejus curationem fore difficilissimam, quia annum vigesimumquintum excessit. Nam simpliciter incurabilem esse &
omnia

omnia medicamenta reiecturam, non est quod speret se mihi persuasurum Hippocrates: cuius Aphorismus *ἡ ἀνὰ τὸν χρόνον* de hoc morbo non est. Simile iudicium est de mulieribus, ante & post tempus menstruorum. Si citò liberatus est à paroxismo patiens: spes bona est de salute. Desperatur, si modo contrario se habeat. Epilepsia in somno concutiens, medicinam mortalium magna ex parte contemnit. Epileptici iracundi & ad iram proclives, facillimè hūc inducuntur: difficilimè expediuntur & liberantur. Epilepticus gulæ & crapulæ deditus, Epilepsiæ opprobriis nunquam carebit.

Sic inventa sunt ea quæ curationem indicant: eamque methodo dialectica instituendam. Quia etiam methodo Galenus puerum illum epilepticum lib. iii. cap. v. de locis affectis curavit.

Evacuatio universalis cavissarum & totius corporis præcedet: ut tandem in toto corpore latens vitium & inde pululans materia exstirpetur: & quod deperditum est reddatur. Si enim hæc non præcesserit, omnia turbabuntur: & irrita manebunt quæ loco dolenti applicantur. Quātum enim abstrahes malignitatis aut peccātis in capite materiæ: tantum reddet vitium in corpore latens, & ibi collecta mali prima cavissa.

Particulares evacuationes ponē sequentur: ut sublata in capite contenta materia, sponte effectum & morbus fugiat.

Postea nihil omnium negligendū est quæ cerebrum confirmant & ad resistendum huic hosti suppetias ferunt. Sive illud faciendū diæta convenienti, sive aperta aut etiam occulta proprietate cerebrum confortantibus.

Evacuatio universalis tentanda est clysteribus emollientibus & pituitam intestinorum abludentibus: quibus
semper

semper addendum erit aliquid purgans, naturam potentiùs stimulans: ut est diaphoenicon, confectio Hamech, Hierapicra Galeni, in omnibus evacuationibus huius morbi commendata. Forma clysteris vulgaris hæc esse potest:

Rec. Herb. borag. bugloss. chamæp. chamæd. salv. maior. pæoni. primulæ ver. beton. ana M j. Rad. pæon. enulæ camp. angel. ana unc. ij. Fiat omniũ decoctio. In col. lib. j. dissolve Hieræ picr. & confect. Hamech ana unc. j. olei rutæ & anethi ana unc. sem. parum salis. Fiat clyster injiciendus hora cõmoda.

Si materia ad vomitum propendeat, concitandus iis est vomitoriis de quibus examine præcedenti actum est.

Purgatio, cui jam preparata via est, etiam accedet, & quod reliquum est impuritatis exturbabit. Catapotiis hinc neglectis, potionis formula, in hac prima corporis regione mundanda, commodior apparet. Cuius hoc esto exemplum:

Rec. decoctionis accommodatæ, (cuius descriptio dabitur in apozemate sequenti) unc. v. Infunde foliorũ sennæ mund. dr. ij. agar. trochis. scr. iij. cinã. par.

Fiat omniũ expressio. In express. dissolve hieræ simpl. Galeni & syrapi capill. Veneris ana unc. sem. fiat potio.

At quia periculum sit crassam hæc, lentam & viscosam materiam partibus penitiùs impactam & insidentẽ, purgantium vim aspernari: frangenda ejus vis est & præparanda, ut postea purgantibus obediat, cui rei confici potest tale apozema:

R. Rad. Scyllæ prepar. brion. angel. enulæ camp. pæoniæ, acor. ireos florent. ana unc. j. Herb. beton. hyss. chamæd. chamæp. sal. majjo. meliss. primulæ veris, pæon.

ris, pœon. ana M. j. Semi. sifele. fœnicul. anis. carvi,
aneth. pœoniæ maris, ana unc. sem. Flor. anthos,
genist. Stoech. utriusq;, cordial. ana p. j. decoquan-
tur. In decoct. lib. j. dissolve syrupi de hyssopo, de
bizantiis, & oxymell. simpl. ana unc. j.

Fiat apozema clarificatum & aromatizatum pro tri-
bus dosibus, alternis diebus sumendis.

Potest etiam ex colatura coqvi syrupus ejdem humo-
rum præparationi & digestioni conveniens: addendo ad
colaturam sacchari tantundem & coqvendo ad cōsisten-
tiam syrupi, secundum artis præscriptum.

Aqva stillaticia, ex prædictis & similibus ingredi-
bus, usum eundem præstant. Quamvis non ignorem apo-
zemata per totam Galliam & hîc Monspeffuli in frequen-
tiori usu esse. Sunt etiam qvi ex aqva stillaticia earundem
herbarum syrupum & apozemata huic proposito confe-
rentia coqvunt.

Præparatam hoc pacto materiam nova aut eadem
purgatione repetita excludes: primamq; corporis regio-
nem diligentissimè mundatam & partim etiam caput
procurabis.

Regioni secundæ mundandæ apta est, sanguinis emis-
sio tempore commodo, qvantitate debita, & pro virium
ratione administranda.

Nihil hîc dubitationis dari potest, totû corpus frequen-
tibus hisce evacuationib. macerari & debilitatis aliquid
contrahere: & has præ cæteris partes quas prius debilita-
tas & morbum fovere diximus. Ex qua re ne præceptum fiat
ad malum ruina & reditio: corpus confortandum vide-
tur, omniâq; impedimenta præscindenda, qvæ similè ma-
teriam minantur.

Confortantia ea simplicia & composita in omnibus
o medicorum

medicorum tabernis reperiuntur: quibus si aliquid additum fuerit sua proprietate morbum inhibens: tanto felicius cum nostro ægroto agetur. Hoc in censu sunt: theriaca, mithridatium, diamoscus, diateffaron, diambra, diacameron, diamargariton, diatrion pipereon, diaspoliticon Galeni, diacidonium, confectio anacardina, alkermes vestra confectio, x hyacintho. His enim compositis ingeruntur simplicia omnia, cinamomum, cassia, piper, fiseleos genera, santala omnia: & reliqua confortantia appellata.

Carolus v. hoc quotidiè pulvere usus dicitur, ad digestionem promovendam, partes confirmandas, & utiles humores creandos.

Rec. Salvie unc. ij. florum lavendul. hyssopi, menth. ana unc. j. gariophyll. nucis mosch. cinam. elect. zinzib. albi, granorum paradi. zed. galan. ana unc. j. calami arom. dr. ij. granorū junipe. dr. iij. granorū pœoni. unc. j. Fiat pulvis: de quo detur dr. j. mane & circa somnum.

Nec etiam chymicorum confortantia damnaverim: ut sunt, tinctura corallorum, avri, argenti, olea & extractiones ex metallis, herbis, seminibus, animalium partibus: aurum potabile, lavdanum: modò adulterata pro veris non supponantur, & muscerdæ pro pipere, non substituantur & vendantur. Vina generosa, malvaticum, & muscatellinum contemnenda non sunt: nisi copia nimia peccetur.

Hoc curationis est, per universalia, initium. Particulare hic ordo erit.

Principio hujus curationis regio tertia, caput, exinaniendum est: morbusque seu materia maligna omnibus partibus oppugnanda & aggredienda.

Abrasio capillis sudores provocandi, gvajaci decocto, vel

vel aliis sudoriferis : quibus semper aliquid commiscendum, Epilepsiae contrarium.

Prorumpente sudore caput calidis linteolis detergendum & mundandum, aut etiam aqua calida lavandū, vel aqua destillata ex iis herbis quæ capiti cōsentiant: ut apertis poris, materiae peccati pateat perspiratio, caputq; redatur perspirabile.

Errhina usurpanda, ex radice cyclaminis, elaterii & similibus. Quæ trita cum pulvere salviae ac majoranae in vino macerentur: expressusq; succus servetur usui: ut suo tempore in nares immissus, hauriatur, & retineatur donec pituita effluat.

Sternutationes per piper, castoreum, helleborum, euphorbium, non sunt negligendae: pulveribus in nares hauritis: aut etiam addito oleo aut aqua quadam destillata, ut fusilia facta in nares destillentur.

In aures etiam ejusdem liquoris aut pulveris tenuissimi parum, cum aqua vitae aut succo caprarū immittatur: quæ postea bombace obturabuntur.

Apophlegmatismi, qui per os pituita eliciunt, etiā servient: sinapi, granū cnidiū, piper, mastix, &c. Quæ cū saepius exspuenda sunt, cū aliquo mixta liquore ad os abluendum adhibentur: extētoq; collo & ad tonsillas impulso liquore expirationis flatu lavandū os est. Aut etiam iidem pulveres in nodulos relati usui servantur.

Cucurbitulae etiam affigendae: nunc scarificandae nunc sine sanguinis emissionē. In verticē aut sinciput altera imposita scarificari potest: altera inter scapulas sine effusione sanguinis admota, ad uberiore sanguinis attractionē.

Sanguis ē naribus interioribus extrahendus herbis asperis digitis agitantis: aut etiam instrumentis chirurgicis eo comparatis.

Venæ post avres diffecandæ.

Capitis ad ruborem usq; frictiones fiant: ubi tamen suspectæ sunt cantharides, propter vesicæ læsionē: nisi usus medicamentorum, id incommodi avertentiū, precesserit.

Cavteria tandē actualia & potentialia adhibenda. Item ea quæ tubercula in capite vesicis similia proferūt: ut succus thapsig, &c. Immò ipsum os calvæ ad membranā usq; duriolem perforandū: vulnere postea diligenter curato.

Quod prius monui totum corpus post tot tantasq; evacuationes & cōflictus debilitari: idem capiti evenire post similes evacuationes nemo inficias iverit: & necessarium ea propter usum caput cōfortantium, lotionum, lixiviorum, suffituum, oleorum, unguentorum: & reliquorum ad capitis confortationem accommodatorum.

Cū sic aliquandiu cōtra morbum pugnatum fuerit: adhibita, toto curationis tempore, victus ratione convenienti, tenui, siccante, attenuante: & rerum non naturalium aliarum mediocri & idoneo usu: in spem bonam adducor, magnam partem luxuriantis materiæ insumtam, partemq; læsam aliquatenus in naturalem habitum rediisse: reliquaq; cura in eorum adhibitione erit, quæ tota substantia Epilepsię adversantur.

Ea sunt simplicia, cornu cervi, ebur, cranium humanū, radix & semen pœoniæ maris, viscum quercinum, lapis lazuli, corallū, smaragdus, lapis in pullis hirundinū, sanguis humanus, spiritus vitrioli, aqua ex hirudinibus, &c.

Composita ex his & similibus quā plurima reperies in eorum scriptis, qui hunc morbum curandum susceperunt aut curasse gloriantur. Suum cuiq; auctori secretum est, quod plus millies probatum seriō tibi iurabit. Duo saltim adferam aut tria eaq; brevissima ē probatis auctoribus desumpta.

Arnaldi

Arnaldi Villonovani est hoc, inter multa alia, quod se felicissimè probasse scribit cap. x x i. brevii lib. i.

Rec. Cinamo. electi, Spicæ nardi, galan. ana unc. j. Cranii humani humati ad pondus omnium. Fiat pulvis subtilissimus, ex quo detur patienti dr. j. qvolibet mane jejuno stomacho. probatum est.

Ex Paracelso, libro præparationum de vitriolo.

Rec. Vitrioli cuperosi lib. j. Ejus phlegma per distillationem abstrahe. Hoc iterum ad corpus affunde. Rursum destilla & affunde qvater id repetendo igne qvarti gradus. Dosis ejus est scr. sem. ad scr. j. ante & post paroxysmum.

Addi etiam possunt ad hujus vitrioli præparati dr. j. liquoris visci qvercini, Horizontis ana dr. j. & gr. iij. Fiat mixtura. Nuca potest ungi pingvedine castoris, &c.

Suum etiam magnoperè extollunt Empyrici.

Rec. Myrrhæ electæ, coralli rubri, ras. cornu cervi & eboris ana dr. sem. sem. pœoniæ maris, visci qvercini, & cranii humani interioris ana scr. j. cum saccharo in aqua buglossæ soluto: Fiât tabulæ pondere dr. j. capiat æger j. mane & vespero.

Atqve hæc sunt quæ in præsentiarum licuit & libuit de Epilepsiæ curatione, per pharmaciam, chyrurgiam, & diætam dicere: nihilq; dubitationis datur nostrum ægrum, omnibus debitè administratis, & Dei ope implorata, sanatum iri.

P R A E

3

Arnaldi

PRÆLECTIONES II.

IN EXAMINE RIGOROSO,
HABITÆ:DIE VI. MENSIS JULII:
HORIS POMERIDIANIS.

PRÆLECTIO I.

EX CAPITE LXXXVII. ARTIS
MEDICINALIS SEV
PARVÆ GALENI.

TEXTUS GALENI.

Instrumentariarum verò partium cavissæ salubres, quemadmodum & hîc ab optima constitutione delinquitur, ita & invicem distabunt. Aliæ enim sunt salubres erroribus qui in conformatione consistunt, aliæ in iis qui in magnitudine, vel numero, vel situ.

In formatione igitur plures contingunt errores: nam & figura partis & si quæ in ea cavitas est secundum naturā, vel meatus, vel orificium, vel asperitas, vel lenitas, quando à naturali mediocritate recesserit: si quidem parum hoc patiatur salubrium corporum retinent appellationem: si verò amplius, insalubrium: quod si tantus fuerit recessus, ut operationi adferat detrimentum: iam agrotare dicentur.

Secundum quantitatem autem excessus atque defectus ad easdem ducit differentias.

In numero verò sive una sive plures, quæcunq; ex similibus partibus fuerint, aut deficient, aut superabundēt. Ex hoc genere etiam sunt, quæcunq; in nobis substantiæ præter naturam consistunt.

Reliquum est aliud genus, quod ad situm cuiuslibet simplicis attinet partis: in quo & ipso quatuor sunt differentiæ. Pri-

ma qui-

ma quidem, quæ optima existit: secunda verò quæ parum eva-
riat, atq; ideò salubre adhuc efficit corpus: tertia quæ insalu-
bre, quando amplius à modo recesserint: & quarta quæ jam
agrum, recessu plurimo, reddit.

Quæcunq; igitur partes in figura delinquant, veluti quæ
bleſæ, varæ & obliquæ appellantur: hæ, cum fœtus nuper na-
tus atq; tenellus est, formatione atq; alligatione ad naturalem
habitum traducuntur: at si jam, avc̃to infante, ad duritiem
pervenerint, emēdari non possunt. Sic & errores quidem qui
ad cavitatem attinent, cum adhuc augeri perseverant cor-
rectionem admittunt: cum autem jam ad ultimum pervene-
rint, nullus est remedio locus. Cavitates igitur quæcunq; quie-
te & alligatione parvæ redduntur: magnæ verò partium
operatione & spiritus retentione fiunt. Sic etiam quæcunq; fo-
ramina oraq;.

Quæ naturalem magnitudinem partes excedunt, quiete &
commoda ligatione minores redduntur: augentur autem &
naturalis motu & frictione moderata, & quibuscūq; aliis plus
sanguinis attrahere natura aptis.

Deficientes verò partes quæcunq; ex sanguine ortum ha-
bent, corrigi quidem non est impossibile: quæ vero ex semine,
propemodum impossibile existit. Licet tamen aliquando loco
eorum alia facere, quæ usum haud dissimilem præstent. Ea-
rum vero omnium natura opifex est: medicus minister. Quæ
vero numero excedunt, his, ablatio, causa salubris existit.
Inspicere verò oportet, in quibus id fieri possit: nam si impossi-
bile appareat transponere tentandum est.

Eadem & eorum est, quæ in situ vitia sunt, emendatio.

Nec vero in obscuro est, quod duo sæpius aut tria vitia, ean-
dem partem possint occupare: sicuti in eo qui ventriculū par-
vum simul atq; rotundū, atq; adversus septum habuit incum-
bentem. In ipso enim magnitudo, formatio ac situs erant de-
pravati:

pravati: temperatura quoque frigidior existebat. Hic nullo artificio ad naturalem habitum transferri poterat: at ne adeo infestaretur, erat remedio locus. Nam quoniam repleto ventriculo difficultate spirandi premebatur, minus cibi, sed magis ad alendum oportuni, & qui non difficulter subduceretur, ter die assumebat. Alteri vero cui obstructio in jecinore ob vasorum angustiam saepius contingebat, extenuans victus pro remedio inventus est. Haftenus Galenus.

Cum die hesterno à baccalavreis & studiosis hujus vestrae Academiae, amictus veste talarì purpurea, viam monstrante Mercurio vestro, per publicas plateas ad te Mag. D. Cancell. & clariss. vicecancell. D. Iohannem Saporitā in proprias cujusque aedes singulatim deductus fuisset: constitutus in eorum medio, & duce fortuna graphium in artem parvam Galeni medicinalem immittens in caput l x x v i i. ejusdem libri incidi. Quod à me hac prima prælectione interpretandū: & cujus vobis, præceptores observandi, postea rationes reddendae sunt. Prius tamen cohaerentia & contextus percensenda videtur, & quæ occasione Galenus ex præcedentibus, in præsens caput digressus sit.

Exiguo hoc, sed omnium doctorum calculo, eruditissimo scripto, animum induxit Galenus totam suam medicinam sub brevem commentarium & summam concinnare & conscribere: quæ alioquin in variis ejus scriptis sparsim & fusè tradita est. Ut lector librorum ejus haberet indicem & compendium: in quo tanquam in speculo contemplaretur, quæ à Galeno latius in aliis libris sunt tradita. Siquidem hic liber est veluti picta tabula Galenicorum scriptorum: in qua navte, hoc pelagus Galenicorum scriptorum conscendentes, cursum suum observent & dirigant. Ipso Galeno in proœmio operis, hoc testimonium proferente

proferente & indicante : qui se talem tabulam seu commentarium conscripturum fidem dat: idq; methodo vera & legitima: procedendo à generalissimis per intermedia, ad species infimas & naturas particulares, salubres, insalubres, nevtas: in corporibus, signis, causis.

Fidem datam liberaturus, præponit definitionē medicinæ, totius artis capita continentē, generalem: quod medicina sit scientia salubrium, insalubrium, nevtorum.

Definitionem obscurā cum reddant nova illa & inusitata in hac definitione vocabula, salubre, insalubre, nevtum: ea definitionibus suis exponens docet se, exclusa & sprete subtilitate logica, iis vocibus significare sanū, morbidum, & inter utrunq; medium.

Explicatio quia pluribus rebus convenit: distributione subiecta docet Galenus tria esse in quæ hæc adjuncta distribuuntur & inhæreant: corpora, signa, causas: quæ, salubria, insalubria, nevtra dici possunt.

Tribus hisce subiectis cum suis adjunctis explicandis, Galeni hic commentarius & reliqua ejus scripta servient & cōgesta sunt. Ac in præsentis scripti parte prima de corporibus salubribus, insalubribus, nevtis agitur. In secunda (sic enim totum scriptum ab interpretibus in tres partes distractū est) de signis salubribus, insalubribus, nevtis, talia corpora indicantibus. In tertia, De causis salubribus, insalubribus, nevtis, talia corpora cōservantibus aut ad pristinum statum reducentibus.

Ne verò prælectio hæc prolixitate molestiam adferat, satis est, in præcedentibus duabus partibus, methodum & argumentum monstrasse, oratione ad tertiam conversam partem: ex qua hoc L X X V I I. caput exponendum desumptum est.

Monui prius Galenum post explicationem corporum

p

& signo-

& signorum in præcedentibus reliquum sui scripti insu-
mere in causis investigandis & declarandis. Et primò qui-
dem de salubribus sanitatem præsentem conservantibus,
postea de insalubribus causis & neutrís. De quibus ta-
men parcius: cum ex salubrium doctrina magna ex parte
intelligantur: propter eam quæ est inter opposita ad se in-
vicem illustranda naturam & aptitudinem.

Causæ salubres, de quibus primò dicendum, duorum
sunt generum, conservatrices præsentis sanitatis: Effectri-
ces absentis. Sic enim ipse Galenus has definivit causas
in operis initio.

Habet quod reprehēdat in hac distributione Argente-
rius: sed hîc & multis aliis locis modum in scirpo quærit:
qui tamen hoc tempore à me non est refutandus.

Salubres causæ præsentem sanitatem cōservantes va-
riæ sunt & multiplices: propter sanitatis diversitatem &
latitudinem. Quæ aliquando accipitur pro optima sani-
tate & corporis cōstitutione optima: aliquando pro me-
diocri: & propterea causas esse varias: cum causa alicuj-
us effecti causa erit.

Hîc itaque denuò initium sumendum ab optima cor-
poris cōstitutione, ac quæ ejî salubria sunt consideran-
dum. Eorum autem numerum investigat Galenus per ea
quæ corpus corrumpunt: & invenit, præter fortuita, v. r.
res non naturales medicis sic appellatas junioribus: quæ
salubres causæ, optimum statum conservantes, appella-
buntur.

Inventis salubribus causis in optimo statu sanitatis,
pergit ad ea corpora quæ paululum ab optimo statu re-
cesserunt: ita tamen ut adhuc in sanitatis limitibus conti-
neantur.

Hæc corpora dupliciter pro diversitate harum causa-
rum.

rum tractantur: aut ut in præfenti ftatu eadem ferventur:
aut ut ad optimam & amiffam conftitutionem caufsis fa-
lubribus reducentur & mutantur. Conſervatio fit per ſi-
milĩa. Mutatio per contraria.

Opus magni confilii & prudentis ingenii eft animad-
vertere: ne dum uni parti corporis remedia applicemus,
alteri damnũ nefcii inferamus. Cũ non fit una eademq;
partium ratio, ſtructura, temperies, &c. Et certẽ non abs-
re fuerit qvomodo hæc conſervatio & mutatio in ſingu-
lis totius corporis partibus tentãda ſit, breviter, epitomes
habita ratione, exponere & expromere.

Qvod itaq; ad partes ſimilares nuncupatas attinet: le-
vis intemperies (nam de ſola levi intemperie hæc omnia
avdienda ſunt: cũ Galenus nullum morbum ſimilarem
præter intemperieẽ admittat) ſi totius fuerit corporis com-
munire medio utendum eſt. Sin partis cuiuſdã propria,
particulare remedium erit: huic ſoli parti conſonum: ne
aliã partes interea lædantur.

Atq; hæc ſunt qvæ ante capitis L X X V I I. explicatio-
nem præmittenda duxi.

Præſens caput L X X V I I. eſt de organicarũ partium
caufsis ſalubribus, qvibus ad bonum ſtatum, parũ de-
clinantes, revocentur. Nam qvatenus ſalubribus caufsis
in ſuo ſtatu ſunt conſervandæ: eadem ratio organicarum
partium eſt, qvæ eſt temperiei in ſimilaribus: unaq; id ope-
ra perficitur. Si enim utaris convenienti cibo, potu, ſom-
no, vigilia, exercitiis, &c. tam præſentem diſſimilarium
partium ſtructuram tueberis & conſervabis: qvã ſimi-
larium temperiem. Qvod tamen ſi ſperes in reducendo
partes læſas ad ſtatum priſtinum, falleris: cum hĩc maijora
& alia avxilia, cauſſæq; ſalubres implorandæ ſint. Qva-
te Galeno vitio vertendum non eſt: qvod præter fidem

p 2 datam,

datam, omiſſa conſervatione ſanitatís præſentis in partibus diſſimilaribus, totus in correctione vitiorum ſit per cauſſas ſalubres.

Harum cauſſarum ordines varii ſunt & multiplices, totidemq; numero, quot ſint vitia quæ partibus diſſimilaribus obtingunt. Ea ſunt in figura, magnitudine, numero, ſitu: in quibus curandis & ad ſanitatís locum priſtinum reducendis, reliquum capitis inſumetur.

7. In conformatione errores & vitia ſunt partis figura vitata: ut quorum crura in exteriorem partem contorquentur valgi dicti: aut in interiorem vati dicti. Cavitas, alicujus partis venter ſeu capacitas: qualis eſt in ventriculo, utero, inteſtinis. Meatus ſeu ductus ad ipſam cavitatem. Oriſicium ſeu meatus extremum. Aſperitas & levitas. Sic oſſa quæ aſpera deberent eſſe levia fiunt: & contrà: quod tanquam vitioſum damnatur.

Tales ſunt errores obtingentes partibus diſſimilaribus propter conformationem vitiatam: qui ſuis cauſſis ſalubribus ordine tollendi ſunt.

Vitia & errores in figura duobus modis tolluntur, formatione & ligatura. Formatio eſt illa reductio ad figuram debitam, quæ fit manibus aut instrumentis. Ligatura ſignificant illam reductiorem quæ fit ferulis & faſciis. Quæ tamen remedia locum habebunt, dum adhuc tenera ſint oſſa & propter abundantiam humiditatis quoquo verſum ſecti poſſint. Nam duriora oſſa quæ jam ad conſiſtentiã & duritiem juſtam pervenire: potius frangas, quam ſectas.

Cavitatum, meatuum, & oriſiciorum vitia propter nimiam amplitudinem tolluntur ligaturis & quiete: ſive illa quies ſit voluntarii motus ſive officiî partis. Sic concoctione absoluta latera ventriculi inter ſe concidunt: minorq; redditur ejus capacitas. Sic Terentius virgines Romanas

manas ligatura, à matribus juncas reddi derisit: sangvine, ad partes medias liberè accedere, prohibito.

Eadem si propter diminutam formam vitiantur: magnitudo adaugebitur motione & spirituum retentione. Motione: nā sicut quies minores, sic motus majores reddit partes, cum contrariorum contraria sit consequentia.

De retentione spirituum quod dixit Galenus, admittimus & recipimus in iis partibus, quæ ex retētis spiritibus repleti possunt: quales sunt pulmones, aspera arteria: & similes. Sed hoc remediū *ἡ ἰσχυρὸς* non est: nec in ventriculo, utero, intestinis tanquam verum admittitur.

Asperitatem & levitatem emendare superedit scripto epitomico serviens. In his enim facile apparet, contrarium contrario, secundum Galeni dogma, tollendum.

II. In magnitudine, excessus & defectus errores sunt & vitia.

Excessus corrigitur quiete & ligatura moderatis. Quie enim partes corporis, mediocrē motū ad attrahendum sibi familiare alimentum requirētes, incipiunt contabescere: ut etiam nimio motu calorem corrumpente & in febrilem permutate, & postea omnē humorē & pinguedinem insumēte. Ligationes depellunt nutrimentum à nutrienda parte aucta: remedioque sunt ad partē diminuendā.

Monet etiam hūc Galenus avgeri partes mediocri motu, frictionibus, & similibus aliis, sanguinem attrahere & avgere aptis. Quare etiam plura sunt præsidia quantitatis minuendæ hisce contraria: & quæ sanguinem minuunt & à parte prohibent: ut inedia, vigilia, labores, studia, amor, veneris studium, &c.

Deficientes partes sanguineas, inquit Galenus, corrigere non est impossibile: ex semine ortas restituere prope modum impossibile est. Licet tamē aliquando eorum

p 3 loco

loco alias substituere, quæ usum similem præstabunt: natura opifrice: medico ministro.

Perplexæ hæc contexuntur, ab interpretibus Galeni, disputationes, de partium origine & regeneratione. Anne quædam ex semine tanquam materia ortæ dicantur? Et cur eadem, si hoc datum fuerit, non regenerentur?

Ego eorum argumenta nec citabo nec refutabo: sed ingenuè fatebor: me in semine duo agnoscere, formale & materiale: & utrunque ad partium conformationem plurimum contribuere. Quod verò partes quædam regenerentur aliis facilius, aliis nunquam succrescentibus: causam maximam rejicio in plasticæ virtutis feriatiōe: quæ jam consecuto fine, ad effectum sustinendū potius, quam ad novū aliquod procreandū aut novā formā, tota convertitur.

Nec etiam in omnibus partibus una eademque ratio est. Quippe in carnosissimis partibus non talis formæ nova generatio requiritur, sed sola materiæ præparatio & assimilatio: quæ postea circumjacentium partium beneficio in similem substantiam concrevit.

Hanc sententiam amplector: & hodierna disputatione post prælectionē propugnabo. Quavis & alias quasdam, materiæ defectum, impedimenta intercedentia, & similes non propterea in universum respuo: dum hanc principem agnosco & invenio.

III. In numero sunt similiter defectus & excessus: ut digiti in manu sex aut quatuor: aut etiam ex sententia Galeni, quando alia quædam substantia præter naturam in corpore reperitur, ut in vesica calculus. Quavis & hæc, in posteriori genere, morborum in numero, Galenū non excusabo aut defendā: nisi passus fuerit suæ doctrinæ de Morborum & symptomatum causis & differentiis aliquid decedere: aut, se paullo liberius solito hæc locutū, confessus fuerit.

Defectus

Defectus raró aut nunquã refarcitur, nec Galenus ullum exemplum aut curam hîc adduxit.

Excessus duobus modis emendatur. Ablatione eorũ quę tolli possunt: ut sextus digitus sectione auferatur: lapis in vesica sectione & extractione eximitur: vermes necati medicamentis exturbantur, aut vivi eliciuntur. Transpositione: quando tolli commodẽ mali causã nevtiquam potest.

Quod Argẽterius de humore in suffusione pupillæ obiecto interpretatur: & similibus. Qui cum auferri nequeat propter partis præstantiã remedia vehementiora recusantis, ad oculi partes subiectas deprimendus est. Reliqui interpretes hanc transpositionem de lapide in vesicæ collo intellexerunt. Qui cum ad eam magnitudinem pervenit, ut per collũ extrahi nequeat, magnũ periculũ minatur, & frangere illũ ut educatur ferẽ impossibile videatur: integrũ vesica discissa extrahere mortale. Unum ergo licet, illum à vesicæ collo disponere, ut urinæ pateat exitus.

IV. In situ peccatur, quãdo partes, aut malum aut peregrinum situm & connexionem nactæ fuerint.

Hæc vitia iisdem remediis quibus partes numero peccantes transponuntur. Si itaq; pars quædam prolapsa est: elevanda erit. Si ad latus detorta, restituetur. Si ligamentum iusto laxius, adstringendum.

Sic demonstratum est à Galeno partibus similaribus suas reperiri causas salubres.

At quia in obscuro nõ est, sapius duo aut tria vitia eandem partem occupare: de causis salubribus hisce subvenientibus sibi monendum iudicabat. Exemplum ponit ventriculũ parvum, rotundum & adversus septum incumbentem: in quo magnitudo, forma ac situs depravata erant: graviaq; symptomata accersebant. Parvitas impediebat:

diebat alimenti iustam copiam & quantitatem: rotunditas illius retentionem: altior situs spirituum liberum transitum & praesertim dum impleretur.

Quod si talis unquam casus Galeno visus fuit aut nobis objiciatur, nec ut tolli possit spes sit: mitiganda sunt mala haec suis remediis. Qualia hic ponit Galenus cibum paucum, facilis concoctionis & alvum subducentem: frequenter sed parce exhibendum.

Quibus, ordine dicto, expositis & confirmatis: pergit sequenti capite, ad demonstrandum rationem causarum salubrium in morbis communibus. De quibus verba ulterius facere non est mei muneris. Tempus ad examen subeundum & praelecta defendenda me avocat.

Prius tamen sine simulatione moneo: esse quaedam perperam a Galeno hic dicta: quae etsi a me explicata sint, potius tamen reprehensionem quam excusationem merentur: a qua me tamen continui, ne mihi ipsi malum fabricarer.

PRÆLECTIO II.

EX LIBRI I. APHORISMORUM
HIPPOCRATIS. APHORISMO XII.

*Aestate & autumno cibos difficilime ferunt: hyeme
facilime: secundum locum
ver habet.*

Quemadmodum de praecedentis praelectionis veritate in caput LXXXVII. artis medicinalis Galeni, integra hora vel eo plus contra me decertastis: sic secunda hac praelectione, XII. Aphorism. lib. I. Aphorism. Hippoc. itidem mihi hesternae die, duce fortuna traditum, explicatum, vestrae censurae & iudicio submitto.

Hippocrates: Cuius, qui post Aesculapium medicinae
parens

parens salutatur: quod artem medicam suo sepultam tempore & dissipatam, & sine omni ordine ac coherentia diffusitam, erutam in certas classes & theoremata congerere primus ceperat. Cui rei testimonium præbent lucubrationes post eum relictæ: in quarum etiã numero principem locum obtinet liber aphorismorum: succinctè & breviter artis medicæ præcepta continens: quæ alioquin proluxa oratione in aliis ejus scriptis proponuntur. Singulis enim aphorismis rei longioris tota natura breviter cõclusa est.

Quæ etiam res interpretibus suspiciõnẽ injectit: hosce aphorismos ab ipso Hippocrate non fuisse conscriptos: sed ab alio aliquo amicorum, ex ejus scriptis, secretos & selectos. Cùm ne unus quidẽ sit, qui in ejus aliis scriptis non reperiatur, aut extrui possit.

Ac si lubet, licet dicere & cogitare: Galenum, exemplo & imitatione Hippocratis, Artem Medicinalem suorum librorum Epitomen conscripsisse. In quo scripto palmam Galeno defero, præceptore fidelius methodi ἀκριβέστερον servanti. Quamvis in nonnullis promissi immemor & aliõ cogitationem referens, in scrupulos pedem impingat.

In hoc autem scripto Aphorismorum methodus nulla est: nec Galenus methodi, ut ille gloriatur, studiosissimus, hîc de methodo mutire audebat. Sed uno eodemq; libro: uno eodemqve aphorismo res dissidentaneæ sæpius commiscuntur.

Etenim post proœmium libri, commonefactionem de medici, ægri, & assistentium officio instituit. Medici officium esse, ut sit sapiens, mansuetus, modestus, patiens: & ut omnia secundum rationem rectam & doctam administret. Aegrotorum, fideliter interrogata referre, & dicto audientes esse: ne sibi propria pervicacia periculum consciscant aut mortem. Astantium, & eorũ qui ægro & me-

q

dico

dico inserviūt, est: omnia avertere quæ agro perturbationem aut molestiam conciliant: ut exteriora & res non naturales circa eum ritè administrantur. Hinc ad purgationes & evacuationes se recipit: de quibus tribus aphorismis, præmium sequentibus, continenter agit. Unde dilabitur ad doctrinam copiosam devictus ratione: & copiosiore fortassis quàm aphoristica doctrinæ ratio patitur. Quod vel ab ipso Galeno aliquoties reprehensum est. In eadē tamen de diætā doctrinā sæpius admiscetur & ponē sequuntur quædā de purgantibus. Ita ut liquide appareat, ordinem hīc quærere otiosi hominis esse.

Ad Aphorismum præsentem quod attinet de diætā in ægris, temporis ratione servanda, sollicitus est Hippocrates. Cum enim in aphorismis aliquot præcedentibus tradidisset, quantitatis & qualitatis habendam sedulam curam in victu præbendo: monuit xvi aphorismo huius libri, generaliter pro temporis, ætatis, & consuetudinis ratione, cibum nunc esse in diversas partes distrahendū, nūc totum conjunctim dandum. In hoc autem aphorismo xlii speciatim monet sine ullis rationibus, in diversis temporis partibus id singulatim observandum, quod in genere de tempore, præcedenti aphorismo, prodidit: & in qua anni parte plures, ex hisce ciborum separatis partibus, dabuntur.

Galenī hæc est pro Hippocrate, à tautologia & inanī repetitionis ignominia, excusatio: ne videatur xv aphorismum temerè repetivisse. Cū ibi de quantitate totius cibi: hīc de partito cibo sermo sit.

Addit Galenus ad firmiorem satisfactionem: illū de sanis: hīc de ægris dici. Quod tectoriū magis placuit interpretibus: quāvis unum idemq; utriusq; aphorismi sit fundamentum.

Sed

Sed interrompis meum cursum, M. D. C. inqviens: nō hoc est qvōd exspectamus: qvō pacto excusandus sit Hippocrates medicorum coriphæus, qvem tamen non videris absolvere: cūm sciamus eum extra culpam tautologiae esse. Aphorismum propositum illustrare tibi injunctum est: ejus rationes in Hippocrate desideratas adjicito. Quæ, postea, qvām verę fuerint, ex nostris disputationibus certior fies. Fiet.

Significavi prius mea oratione Hippocratē maximam hujus libri I. partem insumere in diætæ doctrina dubia & necessaria eruenda: in qva, inter alia præcepta, sibi inferendum statuit: qvō tempore cibi essent copiosiores offerendi, sive partitim, sive conjunctim id faciendum esset. Qvāvis in hoc capite præcipuē de ægrotis, judice & teste Galeno, intelligi vult.

Copiosiores autē cibi meritō tum dandi sunt, qvando calor copiosior est: idq; duobus nominib. I. Qvā copiosior calor multa dissipās & insumens, copiosiore opus habet alimento, qvō nutriendus est. Proportionē habitā inter id qvōd dissipatur, & qvōd instaurandū est. Alioquin in partes corporis irrueret, si nihil ejus obviā fieret in qvōd opus suū exerceret. II. Qvā copiosior calor facilius copiosorem cibum conficit. Addit Hippocrates tertiam confirmationem ab exemplo athletæ & puerorum desumptam: qvī etiam abundantiorē cibum expetunt. Pueri propter calorem nativum, qvī illis abundē suppetit plus alimēti requirunt. Athletæ qvī exercitiis avgent calorem nativum: & propterea largiori gavdent alimento.

Hic autem calor non est uno eodēmqve tempore anni æqvē potens, vehemens aut copiosus: sed pro diversis anni temporibus & partibus variatur: avgetur & decrescit.

q 2

Hyeme

Hyeme maximé excedit avctusq; est: qvod insensiles corporis & cutis meatus tēpore hyemis á frigore circumfuso concludantur & constipentur: nec sinunt calorem, avt humorem, in qvo etiam magna pars caloris consistit, exhalare avt diffluere.

Verúm calor non solúm hyeme in corpore continetur & coërcetur. Sed cú calor, densatis propter pororū obstructionem exterioribus partibus, exhalare more suo & motu naturali contendat, exitum non inveniēns rursus intró defertur & repellitur. Rursus ad exteriora progreditur, non enim quiescit, ut libertatem assequatur: & multiplici hac motus specie calefactus seipso calidior fit.

Aristotelis ratio non dissimilis est ejídem rei comparata. Calor natus extrinsecum frigus persentiens intús refugit & vires colligit: ut extrinseco frigori resistat. Sed æstivo tempore ad extrinsecum calorem sibi feré familiarem & affinem proficiscitur. Qvam cavssam Aristoteles ἀντηρείσασιν appellavit. Sic puteorum aquæ, hyeme calidæ sunt: æstate frigidæ, calore in hyeme ad centrū fugiēte.

Somni longiores hyberní, calorem reddunt copiosíorem. In quibus cum omnium operationū feriatio sit: minus caloris dissipatur & insumitur: sive illi fiant propter noctium obscuritates longissimarum: sive propter exhalationes ex copiosiore cibo. Utraq; enim cavssa militat. Galenus in suis in hunc Aphorísmum commentariis ab effectis. & experientia idem disputat. *Qvod omnia utilius in corpore hyeme quám aliis anni tēporibus administrentur. Cibi in ventriculo probé concoqvuntur, superflua expurgantur: quæ si tenuia sint & bené extenuata per cutem exspirant, si crassiora per urinam. Nam urina hyeme plus habet sedimenti quám æstate: & amplior etiam est. Hyeme argentur corpora secundum carnem & multitudo boni sanguinis accumula-*

accumulatur, &c. Eadem causa movet eos qui afferunt nos incolentes regiones frigidas voratiores esse: quod habeamus ventres calidiores. Sed videant ne se proprio exemplo condemnent & confutent.

Receptum est apud medicos, calida aliquando refrigerare, frigida calefacere: sed hoc eodem loquendi modo avdiendum. Quę sententia medicorum, nostri Hippocratis mentem non incōcinnē patefacit. Aqua frigida si in corpus affatim perfundatur: primo quidem attactu cutim & subjectas partes refrigerabit: at paullo post universo calore in unum se colligēte, maior fit ejus ad exteriora impetus. Hinc vehementior quā prius caliditas percipitur, rubore id certissimē testificante. Eadem de causa jubet Hippocrates Aphorif. x x i. lib. v. juvenem benē carnosum tetano laborantē, æstate media larga frigida perfusione madesieri.

Æstate omnia modo contrario habent: quod hæ anni partes sibi invicem contrariantur. Et quemadmodum calor copiosissimus dictis de causis hyeme fit: sic æstate minor propter causas contrarias est.

Ver secundum locum obtinet τῷ λόγῳ τῆς ἐνκρασίας, inquit Philotheus, ratione bonę temperaturę: & mediam temperaturam habet. Quia robur hyeme collectum partim duret tempore veris: & quas ver attulerit injurias facile discutiat. Ejus tamen partes, principium, medium, & finis negligendę non sunt: pro quarum ab hyeme recessu, calor copiosior & minor censebitur. Et quę hyemi proxima est, calorem copiosorem faciet: quę æstati proximior est, eundem minimum.

Autumnus simile aliquid æstati habet, ut ver hyemi: quod imbecillitas in æstate contracta, & calor diminutus, adhuc perseveret. Est etiam inæqualitatis nomine sur-

spectus: temporis matutini & vespertini frigiditate, medii diei caliditate, mutationes in corpore subitas & cum iis pericula corporibus accersentibus.

Ex hisce fundamentis Aphorismo x v. iactis: quod constituit de diæta in ægrotis, & partiendo cibo pro partium anni constitutione varia, hoc Aphorismo sine ulla ratione protulit. Aestate & autumnno cibos difficilimè ferre ægrotos: hyeme facilimè: secundum locum ver habere. Semper enim oportet alimenta nativi caloris multitudini & viribus proportionalia esse & ejus substantiæ, quæ quotidie diffatur.

Galenus eundem hunc aphorismum suis munimentis roboraturus, ea ex eodem aphorismo x v. est mutuatus.

Doctrina hæc nuper inventa, aut temerè, non est: sed Hippocrati familiarissima, quod prodidit in libris II. & III de victus ratione. Item de victus ratione privatorum. Quibus in locis, Quid, Qvale, Quantum edendū, in singulas anni partes, annotatum copiose est.

Galenus utraq; manu eandem est amplexus, cui rei indicio sunt ejus, in Aphorismos & in prædictum librū de victus ratione privatorum, commentarii.

Celso adeo placuit hic aphorismus ut eū in suos commentarios, quasi de verbo ad verbum, transcribere non turpe duxerit. Scribit lib. i. cap. i. i. *Hyeme plus esse convenit: minus sed meracius bibere. Vere parvulum cibo demendū adjiendumq; potioni, sed dilutiū bibendum. Aestate verò & potione & cibo corpus sapius æget. Autumnno cibo parvulo pleniore uti licet: minus sed meracius bibere.* Et reliqua huc pertinētia: de totius vitæ regimine in hisce temporibus abundè congeſta.

Coronidis loco addam: quod etiam monuit Galenus: Aphorismum de solis hominibus audiendū: non de animalibus

malibus in latibulis tempore hyemis delitescētibus. Nec tamen de iis hominibus, ut Indis, qui perpetua æstate fruntur & perpetuum habeant æquinoctium: neq; de his qui sub polo habitant & perpetuam habeant hyemem. Tales enim semper uno modo cibandi sunt.

O R A T I O:

DE VERO MEDICINÆ FINE,
AD MEDENDUM

NON AD DISPUTANDUM COM-
PARATÆ: HABITA,

IN ACTU LICENTIALI MEDICO,
AB ANDREA KRAGIO RIP.

D A N O:

ANNO DOMINI MDXV.

DIEI XV. MENSIS

JULII.



Isleratur & deplorat poëtarum antesignanus
Vergilius, classē Aeneæ, in Italiam cursum
dirigētis, post excidium & cōflagrationem
Trojjanam, suo cursu & itinere prohiberi &
intercludi: idq; non propria qvadam, qvam
in se admiserat culpa: sed qvia invidiosæ Junoni

—manebat alta mēpte: repostum:

Judicium Paridis & spreta injuria formæ.
Verba poëtæ sonant:

Musa mihi carissas memora, quonumine lesō:

Quidve dolens regina deūm, tot volvere casus,

Insignem pietate virum, tot adire labores,

Impulerit. Tante ne animis cælestibus ira! &c.

Ego hodierno die poëtā æmulans (nam magnis com-
ponere:

ponere parva licebit) qverar & voce hac lugubri deploro: Medicinam cursu & itinere suo prohiberi: & invitā ac immerentem, quæ finem habebat *ἐν τῷ ἀφίειν*, morborū ē corporibus expulsionē & abjectionem, ad disputationum & disputatorum subtiles & argutas concertationes & collisiones distrahi & rapi.

— *Longa est injuria. Longa*

Ambages: Sed summa sequar fastigia rerum.

Adeste viri Monspelienses, ut corporibus sic æquis animis & iudicii æquanimirate. Adhibete in huius gravissimæ causæ avditione & cognitione diligentiam & sapientiam: in disceptatione & iudicatione æquitatem & iusticiam: quam muneris officiiq; vestri & causæ præsentis gravitas & dignitas postulant.

Medicinā nostram divinitus aut hominum mentibus inditam, aut prioris seculi civibus, patribus nostris, ad familiarius cum deo colloquium admisis, traditam: cōvincunt eā quas præter alias scientias, post S. S. scripturā habet in Ecclesiaste commendationes & encomia.

Dei donum appellari meruit: quod certō constitutum est, non temerē aut fato quodam stoico obtigisse: sed propter eam quam hominum afflictio, multis necessitatibus, generi præbet utilitatem & commoda. Quæ, in necessitatibus & afflictionibus commoda, qui in scholarum concertationibus & scholasticorum conflictationibus constituat: medicos ejus patronos, theologos religionis & divini cultus præceptores, atq; adeo totū mundum huius commoda expectantem & experientē, contra te concitaverit.

Nec tamen cum hoc elogio Medicinam decorem cum Ecclesiaste, quod deorum donum sit: volo videri Enthusiasmum quendam stoicum inducere: aut cum illis spiritibus

tibus familiaribus, de quibus hac mundi senectū, nugato-
res multa nugantur, conversationis vinculum amplecti:
sed potius cum Hesiodo agnoscere, donum quidem dei
esse, sed laboribus redimendum. Omnia siquidē sub deo-
rum hasta prostant: laborum pretio, & sudorum, numera-
to, acquirenda.

In hanc cogitationem se dimittentes, qui avreo illo se-
culo terras incoluerūt: & huius medicinæ tantum usum,
in producēda à morbis & calamitatibus tanquam inimi-
cis immuni vita, animadvertentes, cepere eam magis ma-
gisq; contra suos hostes morbos armare, ejusq; imperiū
adavgere.

Quilibet sua in medium contulit arma, quibus in hac
cōcertatione feliciter fuisset usus, & in pace: conjunctisq;
viribus & copiis medicinæ robur, potestas & imperium
amplificabatur: prius inventis certitudo accessit: obscu-
riora & nondum in lucem prolata vestigabantur: angusta
copiosioribus, dubia certioribus confirmabantur.

Talis fuit istis seculis per conspirantem animorum con-
junctiōē, experiētia coadjuvante, medicinæ in pulchri-
tudine, honestate, modestia, brevitate & utilitate facies.

Sed ut sunt rerum humanarum certæ periodi, nihilq; in
iis stabile & firmum, hominumq; à labore ad libidinem
& otium proclive ingeniū est, & injuria præceps: & quod
durum graveq; erat huius belli sumtus & labores in lon-
gum tempus proferre: cepit tam principes huius militiæ,
quā milites ipsos laborum tædium, exprimentaq; am-
plius conquirere & congerere intermissum est. Sat esse pu-
tabatur ex quibusdam experimētis, exercitatione cogni-
tis, theoremata quædam generalia extruere: ex quorum
intuitu tanquam in speculo, postea de morbis iudicium
esset instituendum: exigua aut nulla ratione & consilio,

r

de ætate,

de ætate, tempore, viribus, quantitate aliisque circumstantiis accedente.

Morbi interea temporis, in observanda occasione & celeritate nihil reliqui facientes, sine mora in imprudēs & saporis poculis ebrium genus humanum impetum fecere: nec ullum sibi tempus vacuum laboris dederūt, usque dum devicti hostis triumphum agitarent.

Firma hac spe fretos nihil potuit proposito dejicere: & dum medici experimētorum certitudinis immemores, suis cōsiderent theorematib. plus quā nature operationibus: morbi superiores & victores, ad suas possessiones sanitatem, fuga sibi salutē petentem, redire prohibuerunt.

Qua ex negligentia & socordia factū est, quod ab ipso patrum seculo ad tempora Hippocratis & Galeni, qui inventæ medicinæ fama celebrantur, nihil aut parum reliquum sit: quod vel saltem solidæ & naturalis medicinæ reliquias indicet.

Quid, & pauca illa, in Arabibus, & iis coætaneorum scriptis reservata, ita sunt logicis involuta quæstionibus, ita fabulis, mendaciis, superstitionibus, incantationibus, conspurcata: ut non possis non in admirationem profundam incidere: quo malo fato tot & tam foetidae sordes, in tam purum ex Dianæ fonte dimanantem rivulum confluerint.

Hæ sordes in cavsa sunt, quod medicina nunc virgini castissimæ, nunc impuræ meretrici assimiletur. In schola meretrix est astuta & fallax, cuilibet argutē & acutē disputanti arridens: iisque egregiē fucum & fumum vendit, qui cupiunt videri apud auditores absolutissimi in negotiatione medica, si in theatricis illis & scholasticis conflictibus sint invicti disputatores. Ad ægros cum ventum fuerit imis gemitibus & suspiriis clamantes: sana me: cura me:

me: hoc aufer: illud redde: tum se tanquam forex suo inditio prodit, & quam miserè illis & fraudulenter imposuerit, qui tali delectabatur fuco, indicat. Tum disputatores, pudore suffusi, intelligunt se contumeliosè tanquam ridiculos amatores deceptos: & nescio quam de libris, uncis, scrupulis, fabulam sint apud ægrotos incepturi: aut cum astantibus de erroribus ægroti disputationem. Usq; dum, prostratis morbo viribus, simulare possint, se nimis tardè advocatos, aut aliam quandam effugiendi viam, & occul tandi suam infantiam, comminisci.

Sed habet quo se consoletur medicina: si solatiū est miseris habere in miseria sociū. Quod sophistica quæstionaria, superioribus proximis seculis, academias universi orbis occupaverat: ut non solum medicina omnesq; disciplinæ, verumetiā ipsa prora & puppis omnium scientiarum Theologia, commodissimè percipi exerceriq; putaretur, si de ea clamose & in utramq; partem in scholasticis theatris & congressibus disceptaretur.

Grammaticam quæso perpendite qualem ante annos plus minus 150 in omnibus Europæis scholis habebamus. Regnabat Alexander de villa dei, & barbari alii, tot præceptis, carmine & hieroglyphicis nodis conceptis, quæstionibus, annotationibus, exceptionibus, observationibus referti: ut antequam te inde exsolveris, & ad cogitandū de genesi & analysi alicujus exempli perveneris atas perierit.

Sed hoc vitium hac memoria prudenter multis in locis est emendatum: quod perpauca præcepta falsa fuere, sed usus solummodò requirebatur: qui postquā verī Aristarchi accesserunt unā adiit.

In Rhetoricis & Logicis idē vitiū est, sed labor in correctione propè desperatus: propter summos aliquot auctores,

r 2

veluti

veluti tot seculis consecratos, & in deorū numerū relatos.

Tandem verò, quia in Rhetoricis usus provenit magnus eorum inditio, qui praecepta Rhetorica emendarūt & exemplis illustrarunt: animadversiones rhetoricae sunt avscultatae & receptae, magnumq; usum praestiterunt.

Sophistica, nescio quæ rabies, adhuc manet tanta in scholis, ut logicos de logico, in poëtis, oratoribus, historicis, mathematicis, in omnibus deniq; humanæ vitæ partibus, usu commonefacere: idem sit, quod ursos, leones, tigres concitare.

Nemo est qui humanū illum logicæ facultatis fructum non mirificè complectatur: sed logicum ad usum reducere, qui, præ pertinaciâ, velit, reperitur nemo.

Evbulides solus in scholis regnat & dominatur. Nullum præceptum verum: nulla thesis declamanda aut retexenda proponitur: sed logicæ finis in altercatione constituitur: disputationumq; materia & exempla sunt, Omne *A* est *B*, Omne *B* est *C*. Nec etiam satis est falso hoc sine logicam conspuere & dedecorare, ni unum idemq; præceptum plus millies, magna cum navsea repeteretur. Cuj repetitioni variæ excusandæ, in singulis præceptis nova sunt excogitata tectoria, obscuram & prolixam artem, per se clarissimam & facilimam, reddentia.

Physica nostra in feliciorem non incidit fortunam. Vix enim ac ne vix quidem in octo libris acroaseos apud Aristotelem, qui Physici dicuntur, totidem versus Physicæ veritatis comperies: sed eos inanibus sophismatis, plurimis logicæ, nonnullis mathematicæ, quibusdam etiam impuræ theologiæ refertos.

Physica materia solida est de rebus cœlestibus in Ptolomæo & Copernico: De meteoris in Aristotele, Plinio: De metallis, plantis, animalibus, in aliis Aristotelis libris, Platone,

tone, Hippocrate, Galeno, Theophrasto, Alberto Magno, Paracelso, Agricola, Matthiolo, Ruellio, Lobelio, &c.

Hæc vera physica est, cui nostra medicina subalternata dicitur: ex qua fructum in medicina magnū habriendum experimur. Hæc constans rerum naturalium & physicarum doctrina est.

Metaphysicam xiv libris comprehensam potius deploro, quàm incuso: in quibus ne vix xiv versiculos de Theologia & quidem eos impietatis Epicureæ plenissimos offendes. Cætera illa tam copiosa, maximam partem Evbulideæ logicæ tapeta, mathematicis quibusdam & physicis sophismatis exornata, continent. Ut meritò hîc cum Socrate ejulemus. Proh Deum atq; hominū fidem: ubi mens: ubi ingenium! Quis tam perfrictæ est frontis, qui separare sustinet utilitatem ab honestate! Cur oblati laetissimis fructibus putri glande, inepti vescimur.

In præceptis de moribus, nescio quo fiat fato, quod multi ex ingeniosissimis semper malint vel totum devorare Aristotelem & Ciceronem, quàm usu discere artem frangendi cupiditates. Artem etiam dico illam patiendi: quæ non alia in ærumnosa hac vita mortaliū magis est necessaria. Philosophari sese dicunt & philosophos morum, qui de moribus, deq; omni natura acutè & perspicuè disserere possunt. Sed spurii hî sunt philosophi, qui nulla per philosophiam sanati sui animi signa in vita ostendunt. Alios absentes rodere: præsentis fannis obruere eorum philosophia est & delectatio.

Legei & Jureconsulti idem fatum experiuntur: & qui omnium benè dicta dubia reddere, leges inter se committere ingeniosissimè didicit, vocabulorum novas & inusitatas notationes & significata excogitaverit, omniaq; jur-

r 3 ra hu-

ra humana & divina perturbaverit, in roſtro & foro popu-
lum ſuis clamoribus ſtrepituq; commoverit: hic imperito
populo optimus aliquandiu iudicabatur Jureconſultus,
dignus quem reliqui tanquam alterum Moſen aut Apol-
linem oracula evomentem admirentur & ſuſpiciant.

Attamen feliciores ſunt huius noſtræ & parētum me-
moræ juris candidati: qui præceptores naſti ſunt Alcia-
tum Gvacium, Donellum, Vefenbecium, Hotomannū
& alios: quos hæc ætas tulit clariſſimos & doctiſſimos: à
quibus hæc ſpinæ ex arvo juridico expurgantur, & à rabu-
lis indoctis conſutæ leges reconciliantur.

Sed & ſtudiū Theologicum eadem obſtacula & im-
pedimenta naſtum eſt. Summa laus theologi alicubi in
quæſtionariorum altercatione conſiſtit: quod Sorboni-
ſtarum hodiernæ diſputationes palam facient. Et qui ſex
totos annos, de rebus quibuſdam inutilibus, ut de Eccle-
ſiarum quibuſdam ceremoniis, de veſtium colore & for-
ma, de ordinum & fratrum dignitate, &c. acerrimè cla-
maverit: qui concertantes perturbârît & perverterit: qui
tenebris perſpicuum locum offuderit: qui ſcholas totas
tanquam Pericles aliquis fulgurare, tonare, & permiſce-
re viſus eſt: is unanimi magiſtrorum noſtrorum voce &
acclamatione, primum & principem locum in ſchola &
menſa meretur. De lingvarum, Hebraicæ, Græcæ, Latine
purioris & artium cognitione non eſt neceſſe ut ſit ſolli-
citus: modo fasciculum argumentorum ex doctiſſimo (ſi
diis placet) Aquinate, Magiſtro ſententiarum & reliquis
ſcholasticis doctoribus ex memoria effundere potuerit:
ut omnia, per Verſoris ſubtilitates, pervertat.

Dubius animi ſum: an artibus manuariis hanc felicita-
tem, quam præ liberalibus acceperunt, gratuler né potius
quàm inideam. Quod tot theorematum & quæſtionum
involucris

involucris non sint obscurata. Cum calcearius, perceptis paucis annis suae artis theorematibus, tyrocinium artis facturum est: non tam diligenter examinatur de difficilima suae artis forma & quaestione, quam eji difficilimum exemplum imitandum & perficiendum proponitur, antequam magisterium artis consequatur.

Similiter in vestris pharmacopaeis ad magisterium promovendis non estis contenti, eos scire quinque esse mirabolanorum genera, tria fantalarum: nisi eadem singularum vobis praesentibus secreverint. Non vestris animis fecerint satis profitendo se Syruporum, Juleporum, Apozematum, perfectam & iustam coctionem cognitam satis habere. Non quieveritis si dixerint sibi tanquam numerum digitorum cognitum, quo pacto clyster coquendus aut injiciendus sit: nisi etiam experientia aut probatorum hominum testimonio, eos saepius hoc praestitisse & operatos fuisse, comprobatum vobis fuerit.

Quod si in artibus sola manuum opera perficiendis & absolvendis necesse est: temere fidem adhibemus clamantibus: Medicinam aliquando in theoria suum finem consequi: quae tota hoc solo fine inventa & culta est, ut morbos avertat & auferat.

Ad aegrotos appellere animus fert, paullo in hac mundana scena oculatiores, qui omnium optimè hanc diriment, pro sua auctoritate, controversiam.

Hi mihi in principio controversiae cognoscendae interrogandi sunt: an ne contenti fuerint, si duo aut tres acutissimi ingenii medici illis ad lectum de causis & symptomatibus morbi, de remediis quibus facillimè cesserit, argumentis & ingenii subtilibus speculationibus concertaverint.

Hi, ut conjicio, inimicis aegrotantibus tales disputatores precabuntur, aut ad corvos hosce remittent medicos inutiles:

inutiles: dummodò incidāt in aliquem, manum & remedia ad tollendum morbum adhibentem. Malumus, vociferabuntur, accersi medicum auxiliari manu quam lingua promptum. Fugimus hunc anserem strepitum.

Si aliud iudicium ab iis contra me pronunciatum fuerit, manum dabo, adversariiq; pila & palma esto.

Quid moror? Fatebitur ne aliquis vestrum theoricum seu theoremata medica, ne dicam philosophica speculantem, & nullo cum fructu in vita communi, meritò medicum salutaris? Quod si quis protulerit, eum juxta ignorete, quid mederi, quid medicina, quid medicum agere, sine longiori deliberatione & cunctatione pronuntiabo.

Nonne omnia quæ discimus & cognoscere cupimus, propter finem & usum addiscuntur? Ars siquidem ex iis constat præceptis, quæ finem habent in vita communi utilem: non quæ inani pascunt animū spe & voluptate. Nonne theoria propter finem & usum inventa est?

Temetipsum quæro, qui hanc sententiam nudius tertius infirmare aggressus eras. Quare medicina non indiligentem operam tribuas? Quare artes & linguas magno cum labore & sumtibus hætenus tibi acquirendas statuisti? Respondebis nisi contra mentem dixeris: omnia tua studia juvenilia eò comparata fuisse, ut facilius & fidelius medicinam addisceres: quæ postea tibi in morbis utendū erit. Nam non est quod speres te medicum vocatum iri, propter subtiles tuas disputationes de causis, morbis, symptomatibus: sed inanis speculator ab omnibus iudicaberis: qui ea quæ in temetipso sunt negligas, ea quæ nusquam existant quæras.

At occures, credo, magnis clamoribus significaturus: theoriam etiam suam habere finem veritatem. Egregium tectorium! Quasi veritas in rebus non insit sed in imaginatione.

natione. Veritas in rebus consistit, non in tuo de rebus iudicio, aut ingeniosè conficta speculatione: & tuum iudicium si ad hanc lancem veritatis non fuerit libratum, & tibi & aliis imposueris. Nec ego unquam credā, etiam perspicacissimam contemplationem tuam ita in rei veritate habere, nisi in effecto, usu, & fine ea comprobata fuerit. Omnes theoricæ speculationes adhuc sub iudice sunt: quæ usu & fine non sunt comprobatae & confirmatae.

Hæc cum tam libero & philosophico animo à me iudicentur & dicantur, nolo ea aliter audiri aut accipi, quàm à me intelligantur. Nec quenquam patiar, fideliorē me ipso, meorum verborum esse interpretem. Nolo cuiquam ne quidem per somnium in mentem veniat: me aut disputationes è scholis tanquam inutiles exigendas & abigendas consilium dare & frigidam suffundere: quibus in liberalium artium societate excogitari nihil potest fructuosius. Quod iis cuncta doctrinarum genera purgentur, acuantur ingenia, aperiantur januæ ad artium penetralia, moveantur & tententur omnia, nihil in tenebris relinquantur absconditum & obscurum: aut me eorum approbare libidinem, qui sine ullo rationis iudicio ad medicamenta ægrotis propinanda convolant & accurrunt: magna cum artis ignominia, sed majiori miserorū ægrotorū dispēdio.

Absint & exulent hæc à meo animo & procul absint. Disputationes scholasticas hæcenus, ut vidistis magnifici, & in tempus posterum magnificiā, suoq; debito prosequar honore: manente hac mente sana in corpore sano. Etenim disputationes tollere, esset artis differendi usum, magna ex parte, tollere. Certamen non reprehenditur nisi ventosum & inane, nihil solidioris continens sententiæ. *Φιλονεμία* illa quæ in hisce cōgressibus est, æmulatio, scurrilitas, convitiandi licentia & acerbitas: odia unde accen-

s duntur

duntur & in rebus claris dissensio, similitates, schismata, mihi cum omnibus bonis invisa sunt.

Nec est quod mihi aliquis in nares conjiciat illud Evripideū, quod in memoria prius habeo recenti: *ὁμιλία ἐπεὶ πικρὰς*. Nam cum parere & confirmare sententiarum certitudinem collatio debeat: disputare oportet materias: non Pyrrhonio more, non involvere petulanter caliginem quod sensibus patet, ratione satis firmatum, & a claris & magnis receptum est ingeniis.

Non ita res habet in Medicina ut in rhetorum scholis: in quibus qui exercentur possunt pro libitu ludere praestigiis verborum etiam *πρὸς ὅντας σκιάς*, & in longissimum, si velint, litem producere. Non ita hic licitum est in arte medendi, quae tota consistit in actione seria & ardua: nullum ubi scholastica illa gerrae locum habent.

Nec tamen propterea disputationes damno (ut prius dixi) modo quae ad veritatis lucem methodo investigata sint, suo tempore opportuno ad artis usum referantur. Hoc vocifero & clamo. Hoc ago: ut tandem doceam eas debere esse mediocres & non nimis frequentes, ne in iis consenesamus: utiles, de rebus in arte medica necessariis, & fructum ad medendum adferant: de Medicinae definitione, partibus, subjectis, adjunctis necessariis: & quomodo prioribus seculis ea inveniebatur & propagabatur. Ibi praeperta fuerunt brevitas: usus magnus. Ibi quilibet ea, quae explorata habebat praeperta & experimēta, in medium candidē contulit, ut alius in simili exemplo eadem usurparet: nunc ejus generis perquam exiguum in libris medicorum inseritur. Quin potius asperguntur quaedam secreta, ipsis intestinis secretiora. Eadem novis quibusdam & hieroglyphicis characteribus & verbis semilatinis aut Arabibus teguntur & occultantur, ne a quovis dignoscantur. Nova quotidie

paradoxa

paradoxa & problemata excogitatur & eruuntur, de quibus natura nunquam cogitationem instituit, aut usui fore animadvertit. Paradoxa sequuntur quaestiones logicae, de causarum, effectorum, subjectorum, adjunctorum, doctrina generalis: De medio inveniando: De demonstratione: De methodi speciebus & generibus: & plus istius fecis in medica arte est, quam unquam abluere licet.

O nostra misera fors: qui hac via cogimur in studio medico ingredi & hos duces sequi! Nam prius ad vitae terminum perveniemus, antequam quid sit medicina, intelligamus, aut ejus discendae ratio quomodo instituenda.

O si Socrates, exorato Plutone, exiguo temporis momento ad superos revocaretur: quanta vehementia tales in medicina itineris duces insequeretur! qui Gorgiam, Prothagoram & alios tantoperè est infectatus, non ob aliud, quàm quia in magna professione rerum ignari erant. Constat eos quos Socrates voce tam acuta incelsit & increpavit, homines fuisse in multiplicis philosophiae genere ad miraculum usque instructos: quod Socrates non damnasset, disputationes si suas illi, à rerum umbris & corticibus ad res veras & mortalium vitae utiles traduxissent. Sed turpe judicavit quenquam animo efferri placereque sibi in disputantium circulis ex acumine & facundia, & nihil peritiae interim habere in his quae de sui sunt officii & muneris proprietate: illa nempe quae in Physicis artibus sola unicaque ad vitam commodius degendam prodest.

O ter quaterque beatam medicinam si iudicio & animo equo perpenderetur, aliarum exemplo artium, actum altercationis Medicinae levissimam partem esse: in usu maximam consistere. Cum navte, pictores, architecti, unoque nomine opifices universi omnes, nulla de praeceptis suarum artium altercatione opificia sua discant: sed praestantissimam partem attentione, imitatione, observatione.

Fastuosum illud exercitationis genus, per quā exiguum in societate humana usum habet & solum in litibus & strepitu consumitur: cultoresque reddit suos loquacitate temulentos. Medicina huiusmodi multiloquentia non est: sed physice doctrine tanquam manus & praxis, tota in actione consistens, quæ poscit prudentiā & usum maximum.

Ad circumforaneos amulos, pelle & persona Chymiae ac medicorum se tegentes, quod attinet, eorum patrocinium suscipiam, & pro iis dicam, nunquam.

Ignari siquidem rerum & disciplinarum omnium, per mortes hominum experimenta agunt: ubi medicas quasdam præceptiunculas aut Arabica quædam experimenta seu Paracelsica (sub hisce enim umbris, opes & thesauros suos jactitant & miserabilem in populo carnificinam exercent) ab alio communicata, aut à se inventa acceperunt: per omnes circumvolant civitates & regna, vociferantes & verbis sesquipedalibus sonantes, se lapidē quendam philosophorum, auspice Lemnio quodam deo, adjuvante Vulcano, invenisse: quo semimortui ab orco ad superos, etiam in cimba Charontis navigantes, revocari possunt: hominibusque credulis vitam ultra annos cornicum pollicentur.

Res mira, quod ne hoc satis est laudis ad tantum arcana: ni addant se habere medicamentā, quæ multis parasangis superant illud Moliū, quod adversus omnes morbos Ulyssi dedit Mercurius: quæ virtute & efficacia, paria sunt Gorgonis sanguini, quem Pallas dedit Aesculapio: quæ denique fatalē hominis diem producant: eosque insensibiles & contra Parcarū propere decreta longævos reddunt. Cū tamē vix calcanthum calcionatū & aceto solutum ad externos, vitrum seu sal antimonii, ejus infusionē, seu vinum philosophatum (ut jam appellant) circumferant:

in. qvi-

in quibus omne suum praesidium collocant.

Hæc cum in Germania & mea patria his oculis conspexi & his auribus audivi: in principio ad sermones tales tamquam ad Gorgonis caput obstupui. Censens ullum me verbū potuisse proloqui: Sed cum me paululū ex perturbatione & admiratione recepi, ac mente integra hæc meditabar: vix lachrymas continui, & sic, in loco solo abditus, medicinæ humanæque vitæ infelicē statum sum miseratus.

Proh deū atque hominum fidem, quid est, si non hæc contumelia est & injuria! Quid est homicidam aut carnificem agere, si hoc non est! Ubi cruce! Ubi furcæ! Ubi rotæ! Et cum hoc hominum genere, perniciosius in Republica nihil esse potest: hoc hominum portento nihil pestilentius: cur cessatis leges in hosce carnifices uti meriti sunt animadvertere! Hi titulotenus, & persona medici recti scioli, non verius sunt medici judicandi: quam quondam apud Aegyptios ventris crepitus inter numina: & quod inter poma natat equi excrementum.

Explosis itaque ex hac arena istis circulatoribus, requiro medicum non elingvem aut mutum: ut cum maximè fides facienda est ægrotanti, de morbi ingenio & exitu, deque remediorum, adversus ipsum potentia, disertum eum volo. Medium requiro, qui artem quam didicit, exerceat: & quam exerceat didicerat: & ab ea se contineat, cuius inscius est. Medicinam talem posco, quæ usum habeat in morbis abigendis, non quæ in scholasticis theatris exerceatur & quiescat.

Animum attendite, vos quæso viri Monspelienses, & quid velim advertite. Medicinam postulo ad morbos curandos ab altissimo creatam & hominibus datam. Quo etiam nomine cives primitivæ ecclesiæ medicinam coluerunt: excultam posteris tradiderunt. Abusus in aliis

s. 3. artibus,

artibus, tam liberalibus quam mechanicis, cum eorum finis in altercatione ponitur, monet, eum medicina abuti, qui ejus finem in theoria collocat: sicut & verus usus aliarum artium & disciplinarum in similibus exemplis, aut etiam in praestantioribus confingendis, medicinae verum usum in actione & morborum curatione situm commonefacit. Aegri quibus cum morbo conflicus est, medico auxilium rem manum adhibenti honores & praemia deferent: theoricus, de rebus singulis sua solus subtilitate judicante & disputante, ad corvos relegato. Hi sunt verum subjectum circa quod ars medica versatur & exercetur, non quaestiones jejuna, inanes & logicae.

Approposuit enim hic Sed quorsum hic vester strepitus, commilitones? Quorsum istae manuum & pedum turbae? Videmini mihi iis & vestro creatu oratiunculam meam interrumpere velle: & hanc contra me comparatam strepitu & musitatione significare.

Quid haec tam proluxa & copiosa oratione a te tractantur & moventur Kragi? quum nemo nostrum sit, qui non omnia argumenta a te comparata, sibi animo egregie praemeditata habeat.

Constat nobis satis, & nostro damno exploratum habemus: medicinam jam multis annis sic jactatam cursu suo & sine phiberi ac impediri: & saepius quasi fluctibus obrutam. Nescimus tamen quis malus genius, aut quae perversa Juno Aeolum ad hosce fluctus & tempestates concitandas commoverat. Neque id angustae & sollicitae inquirimus & scrutamur. Hoc magis nobis cordi est. Hoc dies noctesque sursum deorsum animo versamus: quia Venere deprecante Jovem patrem, & pro Medicina dicente: iurabitur Aeolus etiam graviter objurgatus fluctus componere ac ventos sedatos in antrum & speluncam abdere & recludere.

recludere. Hūc omnia nostra consilia & cogitata fideliter, sed infelicitur, referuntur. Tu itaq; qvi in medio mari pro-
genitus es aut ad ejus ripam: & ista Neptuni & Aeoli in
mare & vētos imperia sapius perceperas: si qvid habeas,
qvo speres hanc tempestatem in qva extremē periclitatur
navis medica sedatum iri, & qvibus postea mediis ad por-
tum appellat optatum, apertē & sine fūco in medium
conferas jubemus.

Vestrum ego mandatum & imperium defugiam, cōmi-
liones carissimī, nunqvā: & qvid hac in re cōpertū habeā
pavcis & clavis verbis dabo: modō vos ad momentū tem-
poris mihi benignas avres, sine pedū strepitu, tribueritis.

Duabus rebus perficitur modus sedandae hujus tem-
pestatis. Qværenda Venus est, Jovem deprecatura: qvi
pro suo imperio; jurgiis dignis exceptū Aeolum propter
levitatem, ventos & fluctus componere & sistere jubebit.
Aeneas cum fido Achate & sociis reliqvis in tenendo ve-
rum & propositū cursum, officium nō indiligēter facient.

Venus pro Aenea apud Jovē dictura & oratura, eum
avdacter sui officii cōmonet. Sic ego liberius pavllō prae-
ceptoribus in memoriam suggeram (hi enim Jovis perso-
nam sustinent) praecepta nostrae artis debere esse brevīa: ut
reliqvuū temporis, ætatis, studiorum, laborum, experien-
tiae difficilimae & observationi omnium scientiarū & co-
gnitionis matri tribuatur. Et præterea qvīcqvīd illi diuti-
na exercitatione & longo usu certum & exploratum ha-
beant, in cōmune ingenuo liberaliq; animo cōferendum.

Qvod, ut cōmodius perficiatur & constiat: habēde sunt
ob oculos bonarū artium leges, siue sint Aristotelicæ siue
Ramee: qvibus arcetur ab artibus, qvod nō est *ἡ τῶν τε*,
καὶ αὐτὸ, καὶ ὅλα πρὸς τὸν: Qvod nō est semper verum, ho-
mogeneum, reciprocū: & illa de methodo artium legitima.

Vos.

Vos designo, medici Monspelienses, & noto. Assumite vobis, quia digni estis & fruimini, libertatem philosophicam: & nolite servi esse in excusando veterum quamlibet contradictionem & errorem. Nolite jurare in verba magistrorum. Sed qualis fuit Galenus erga Empyricos tales vos lubes patietur erga sua scripta. Estote vobismet ipsis Galeni & Hippocrates. Nec iniquum iudicate de natura aut desperate: quod, tota posteritate sterili facta, in unum aut alterum hominem sua dona omnia contulisset.

Hac itaque libertate philosophica utentes, conscribite nobis medicinam seu artem medendi, sensibus congruentem & rationi, ex veteribus & recentioribus: cuius usus erit in medicina facienda, non in altercationibus de praeceptis, aut quaestionibus logicis ab ipso Galeno toties damnatis. *πλὴν γὰρ* Galeni, qui plus quam sexcentos libros de rebus philosophicis & medicis, quam confuse & inordinatè conscripsit, tantaque librorum copia multorum studia destineat, in ordinem redigite, purgate, asteriscis & obeliscis notanda notate. Suos enim naevos & verrucas Galenus habet: multas logicas logomachias. Homo fuit, humani nihil à quo alienum fuisse puto. *ὅς ἐστι πρῶτον* corrigite. Ex universis Galeni libris hi solummodò necessitatis sunt, quos conscripsit de corporis partium officiis: de patientium locorum noticia: de methodica indicationum per varia morborum genera tractatione: de rerum simplicium facultatibus: & de compositione medicamentorum, primò generalium: deinde de compositionibus, quae cuique parti affectae sunt familiares. Qui in reliquos libros Galeni se demergunt, ad disputandum multò, quam ad medendum, promptiores evadunt. Aetium, Pavllum, reliquosque juniores Græcos, sicut etià nostros Latinos, partim nimis jejune, partim sine rationibus scri-

scribentes, emendate. Arabes spurcè, foedè, & barbarè, in Latinum traductos exornate. Sapius multa dicunt pauca probantes: quod illis condonandum non est. Praecellum illum Paracelsum illustrate & tot ænigmatum pelibus contextum detegite & nobis conspiciendum producite. Restituite nobis jam multis annis desideratam, veram illam chymiam & naturalem Physicam in metallis, mineralibus, vegetabilibus, animalibus: per quam multa in naturæ visceribus & pericardiis latentia eruuntur: quemadmodum Prometheus beneficio ignis hominem fabricasse dicitur. Huius, credite mihi, beneficio, medicamenta divinum quid in suis intimis penetralibus recondentia extrahuntur, & ad salutares producuntur usus: & materia, qua morborum multorum curatio fit, mutuo sumenda est ex hoc penu, in quo resolutionum & compositionum servantur arcana. Quod illi etiam ipsi comprobaverunt multipliciter in medica exercitatione & sua experientia, qui in morbis filum diducunt totum ex sui Galeni methodo. Empiricos illos, in quibus solius Vulcani vultus & medicina subrostraria remaneat, vestris legibus damnatos & fugandos, ex hisce arvis medicis repurgate.

Vos, inquam, Monspelienses medici, tanquam Ioves in sedanda hac tempestate imploro & invoco. Cum perpauca in Academiis Europeis feliciter et facilius voto meo fecerint satis: idque sine rei familiaris & studiorum iactura. Nullus siquidem obscurus adeo angulus est, aut in medicina aut philosophia, quem vestra diligentia, ingenii felicitate, iudicii dexteritate non perspexistis aut perlustrastis.

Nec vos audiam respondentes, utendum & standum clarissimorum virorum iudiciis, à quibus magna & insigni verborum ubertate ars medica sit consummata: ut progredi ulterius nemo queat. Ars siquidem ipsa clarius hinc

t illuxisse

illuxisse videtur apud vos, quam uspiam alibi. Sive quod omnium rerum vicissitudo sit: sive quod multarum rerum causæ vobis cognitæ sint, quæ hæcenus alios effugiebant.

Quocirca, ut à vobis petii, lites has dirimite: dubia stabilite: obscura illustrate: abdita proferte: à vobis potius, quam ab ullo alio probata & explorata, candidè communique. Sic unanimi consensu totus Apollineus chorus, hoc solenne laudis meritum vobis deferet: & precetur:

Semper honos, nomen vestrum, laudesq; manebunt.

Nec verò satis est, ut prius etiam monui, præceptores suo officio & munere fideliter perfungi, & in hac parte discipulis totiq; mûdo benefacere & inservire: nisi etiam discipulorum diligentia accesserit.

Quare nostrarum erit partium, commilitones optimi sapientiæ & Minervæ filii, qui hoc phanum Aesculapio dicatum quotidie visitamus: theorematibus præceptorum cognitis & perceptis, omnia ad usum transferre: manum operi adhibere: & animo perpendere cū morbis & agrotis, non cum sophistis nobis impostum negotium fore.

Hem itaq; eamus unâ omnes: vendemus ades, agros, vestes, annulos & libros si necessitas postulaverit: emamus calceos, mōtes cēscendamus, accedamus valles, solitudines, littora maris: terra profundos sinus inquiramus: animalium discrimina, plantarum differentias, mineralium ordines, omnium rerum proprietates & nascendi modos notemus: rusticorum astronomiam & terrestrem philosophiam diligenter ediscamus: nec nos pudeat. Tandem carbones emamus, fornaces construamus, vigilemus, & coquemus sine tadio. Ita enim perveniemus ad sapientiam, aliâs non. Ad eam dico sapientiam, quæ in nostris dispensationibus & morborum desperatorum curationibus læti utemur.

Hac

Hac via ingredientibus nobis, si natura faveat & diligentia accedat: tantum beneficiorum supra communem medicorum sortem accipiemus: quantum aquila canendi acie noctuam: & lucinia coccygem jucunda vocalitate & modulatione superet.

D I X I
EXAMINIS RIGOROSI REPETITIO:
SINE REPLICA VOCATA.

Cum examen rigorosum inter parietes privatos in scola professorum & baccalavreorum praesentia habitum erat: monet religiosus D. Vicarius ejus summam & commentarium repetendum, antequam Licentiam mihi in arte medica conferat: sed sine argumentorum replica, vobis recepta loquendi formula. En itaq; eorum summam: quae a me erant proposita & a vobis oppugnata.

Subiturus examen rigorosum, duce fortuna, pro more hujus celeberrimae scholae incidi in LXXXVII. caput Artis Medicinalis Galeni: & in XIII. Aph. lib. I. Aph. Hippocratis: in quibus duobus capitibus & punctis sum exercitatus.

Nunc cum jubeam eorundem tunc copiose tractatorum brevi summa commentarium referre, id faciam, dummodo vos patiens mihi silentium concesseritis.

Sit itaq; mihi quaestio objecta: *An Galenus logicè & verè salubrium cavssarum ordines quatuor in partibus instrumentariis constituat, in figura, magnitudine, numero, & situ: & pro Galeno per hunc disputabo & agam Syllogismum:*

1 2

Tot

*Tot sunt salubres causse in partibus organicis, quot sunt in
iisdem errores & vitia.*

*Atqui errores & vitia in partibus organicis sunt quatuor:
Quare salubres causse etiam quatuor erunt.*

Propositioni robur subijcit remediorum natura & ingenium: in quorum classes causse salubres, de quibus hic sermo est, referuntur: quæ nevtiquam plura esse aut debent aut possunt, quam errores & vitia quibus sunt inventæ aut accommodabuntur. Relatorum enim hæc est conditio, ut se ponant & perimant: ut uni relato, suum respōdeat correlativum.

Assumptio à Galeno, per inductionem partium ad totum, prædicto capite roboratur. Quandoquidem nullus error in partibus organicis committatur, nisi in figura, magnitudine, numero, situ.

Quibus adductus & pro Galeno sic dicta caussa & cognita, pronuncio: *eum verè & syllogisticè salubrium caussarum ordines quatuor in partibus instrumentariis collocasse.*

Videor mihi hoc pacto Galeni auctoritatem salvam tenuisse & illabefactatam. Hippocratis itidem honorem & opinionem tuebor: sine ratione tamen asserentis Aph. xlii. lib. i. Aph. *Aegrotos hyeme cibū facilimè ferre: æstate & autumno difficilimè: vere mediocriter: idq; tali Syllogismo:*

Calore existēte potentiori & efficaciori ad concoquendum cibum, ægroti (de sanis nihil dissimile iudicandum) facilius; etiam copiosorem cibum ferunt.

Hyeme calor est copiosissimus: æstate & autumno minimus: vere mediocris.

Ergo ægroti hyeme facilimè cibum ferunt: æstate & autumno difficilimè: vere mediocriter.

Propositio ex Physica caussarum et effectorum & quotidiana experientia depromitur. Cū enim omnis in corporibus

poribus animatis actio, beneficio caloris inchoetur & perficiatur: nihil dubitationis dari potest, majorem calorem melius & facilius coquere & agere, difficiliori et minori. Major virtus, magis operatur se ipsa minori reddita.

Assumptioni firmamentum comparat Hippo. & Galen. Aphorif. xv. ejusdem hujus lib. i. Aph. ut alios philosophos præteream.

Hyemali tempore, propter condensatum ab externo frigore corpus, caloris minus dissipatur aut exhalat, sed intus is coercetur & continetur. Quia inimicum frigoris fugiens, ad interiora recurrit & adavgetur. Aestate omnia modo contrario habent: sicut etiam autumno ferè. Vere omnia sunt temperiora.

Quibus de veritate Hippocratici Aphorismi, edoctus, pro Hippocrate sententiam profero & edico, rectè proditum: *Aegrotos hyeme facilius cibum ferre: astate & autumno difficilius: vere mediocriter.*

Hæc est eorum summa, quæ à me in examine rigorofo, copiosa satis explicatione erant prælecta.

NOBILISSIMO VIRO,
D. FRIDERICO MUNCK
DE OXVANG:
AMICO, REVERENTIA OMNI
COLENDO.



*U*n in hoc meorum studiorum cursu, nobilissime Friderice, visum fuit eorum mentionem facere & gratam iis declarare memoriam, quorum egregia in studiis beneficia præcipue levaveram: nefas duxi te præterire: à quo non exigua sunt in me profecta.

Beneficiorum nomine complector, non tamen ea premia laborum, quæ mihi numerabatur satis honesta: quàm tuam in lit-

t i teris

teris diligentiam, animi & nature ad quævis arripienda & conservanda promptitudinem & fidelitatem, in moribus mansuetudinem, in religionis cultu pietatem.

Hæc beneficiorum maximorum loco semper collocavi, cū mecum viveres. Pro quibus quid nunc potissimum referam, suppetit nihil, præter hoc scholasticum officium: quod tibi defero, tui absentis recordationem Monspelienfibus, hac tridua disputatione tibi dicata & januis templorum & locis publicis decentibus affixa, revocando.

Tu fac progrediaris similiter toti patriæ, exterisq; nationibus eadem beneficia conferendo: & sine familiaris rei iactura, quod amplurimos tibi fauentes & benevolos habebis: amicorum de te expectationi respondebis, aut fortassis superabis. P. P. Mossessuli: xxvi, xxvii, xxlii. Julii: Anno Christi dei 1510.

T. ANDREAS KRAGIUS Rip. Danus.

QVÆSTIONES PHILOSOPHICÆ
ET MEDICÆ IV:

PROBLEMATA VARIA XL.

PRO SUPREMO IN ARTE APOL-
LINEA GRADU, EXPLICANDA
ET DISPUTANDA:

AB ANDREA KRAGIO RIPENSI
DANO: DIEBUS xxvi, xxvii

xxlii JULII:

HORIS ET LOCO SOLITIS.

QVÆSTIO I.

An febribus continuis patridis purgatio conveniat?



Articuli quæque corporis, cacochoymia malisq; & vitiosis humoribus contaminatæ, nullum potest aut debet præsentius remedium purgatione ex-

ne excogitari. Quod vel in prima regione verum esse, nemo mihi in controversiam vocabit: cum etiam venarum majjorum cacochymia, sola phlebotomia copiam diminvente, reliquias sanguinis non emendante, tolli nequeat. Nisi cum peccante humore totus sanguis exhauriatur. Purgatio enim hujc humorum cacochymia ejusq; correctioni proprium remedium & medela est.

Febris contra putrida, de qua sola hic verba sunt, fit: cum putrida materia tanta copia, in venis arteriisq; collecta fuerit majjoribus, aut aliis partibus cordi vicinis: ut cor ipsum continenter & sine intermissione attingat & labefactet: a quo postea eadem labes toti corpori communicatur.

Duplex ea est. Primaria: quando putrescens humor, in ipso corde, aut vasis majjoribus quae inter alas & inguina excurrunt, accenditur. Hujus species variae sunt, pro vincentis humoris varietate. Synochus & cæsus ex incenso & putrescente sanguine, proportionem humorum inter se convenient: Quotidiana ex pituita. Tertianæ, ex bile. Quartana ex melancholia. Symptomata: quæ visceris cujusdam & partis præcedentis quasi comes sequitur: ex qua parte, putredinis quiddam, aut teter putridusq; vapor in cor obrepit. Vicinarum enim partium cordi & maxime principum phlegmone, vel erysipelas ex sanguinis bilisq; putredine, vapor aut humor in cor subit: quo per arterias fuso, febris fit putrida symptomata.

Satis palam est, validas ob causas humorem in quacunque corporis parte putrescere, qui putredini magis obnoxius erat: deinde alium: & sic sensim perpendo

perrepando usque dum calor præter naturam, in eū malignitatis gradum pervenerit: ut non desinat antequam partes omnes sanguinis putredini obnoxias, in sibi similem substantiam converterit: quemadmodum etiam in phlegmone conspicuum est, quæ à parvis initis originem ducens, ad vigorem, temporis progressu, feratur.

Omnibus absumptis, quæ putredini erant apte, partibus aut putredine medicamentorum naturæque beneficio inhibita, cessat ejus imperium: remanetque illa pars sanguinis melior, quæ satis fuit ad eī resistendum potens. Quæ quamvis putridis partibus infestabatur & admiscebatur: tamen subjecta non est, sed parum aliquando incaluit. Restincta putredine & qualitate noxia, in pristinā suæ bonitatis possessionem facile succedit: acceptamque injuriam talionis lege ulciscitur, & amissa bona instaurat. Signum hæc devicta aliquando fuerit à calore & putredine vehementiori: vita in periculo & mors præsens est.

In utraque hac febris continuæ differentia, humoris corrupti dominium & imperium qualitatis vitio per putredinem inducitur: febrisque alioquin nulla orta fuisset.

Ergo febribus continuis putridis convenit purgatio.

II. QVÆSTIO.

An paralysis ulla ab humiditate convulsio à siccitate nervorum fiat?

Cū in nervis partis alicujus humani corporis, calor natus in situ officia partium perficiens & consumens, nimium refrigeretur: infidelius ea munere perfunguntur suo,

suo, nec ut prius aut ut debitum erat, sentiunt, operantur, moventur: sed relaxatae concidunt.

Huius refrigerationis, relaxationem secum adferentis cum motus & sensus deperditione, duae sunt principales causae: humiditas & siccitas. Nam quemadmodum partes nimis tumidae redditae, sua copia nimia humoris calore refrigerant, eoque refrigerato relaxantur & remolliuntur: sic etiam siccitas, partis humidum absumens, in causa est, quare calor etiam refrigeretur, qui hoc humido ad motum & sensum opus habebat, & quod partes relaxentur: calore depravate officium peragente.

Ad hanc noxam inferendam, ut humida sunt siccis frequentiora & promptiora: sic quae a siccis contingit refrigeratio, difficilius medicorum se submittit industriae. Quod absentem restitueret materiam deficientem, longe sit difficilius: quam praesentem copiosiore tollere.

Paralysis talis est nervorum relaxatio propter refrigeratum calorem, cum actionis, motus, sensus, in aliqua parte, defectione.

Hac nunc perfecta dicitur, in qua motus, sensus, & actio partis intercipitur: imperfecta, uno praedictorum pereunte, altero illaeso.

Est & paralysis absolute dicta: quae dimidiati corporis est, vitio in spinalis medullae, primo a cerebro processu existente: partialis, una solummodo parte infestata & laborante.

Aliud quidpiam evenit etiam nervis brevioribus iusto redditis: cum suis musculis & tendonibus, praeter voluntatem, ad suum principium & partem sanam adducantur.

Ingentes hoc malum dolores infert, & sanatu difficiles. Causas habet infinitas quas tamen ad genera duo revocari voluit Hippocrates: inanitionem & repletionem.

u Si qui-

Siquidem cū nervi ebrietate, crapula, suppressa usitata vacuatione, &c. nimium replentur: aut cū ex ardēte febre, nimia purgatione, fortioris medicamenti usu inaniuntur & siccātur, breviores redduntur & suum principium versus contrahuntur.

Quæ harum cavssarum, morbum peperit, ex antea acta vita conijcere licet: quod tamē etiam ex ipsa contractione indicari potest. Corporum sanorum, de quibus tamen suspicio est plethoræ & cacochymia, ex repletione convulsio nervorum est. Breviores redditi nervi post sudores, vomitus, alvi dejectiones, vel humorū aut sanguinis præcipuē quascunq; fluxiones, vigiliæ, famem, vehementiores motus, ex inanitione contrahuntur.

Convulsio, cujus hīc naturam venamur, talis est nervorum, suam versus originem, contractio involuntaria. Quæ nunc totius est corporis, nervorum initiis offensis: nunc singularis cujusdam partis, ejus musculis læsis.

Ergo quædam paralyxis ab humiditate: convulsio à nervorum siccitate fit.

III. QVÆSTIO.

An à sensu & dolore benè colligatur, constare corpora nostra, pluribus & contrariis elementis?

IN omnibus rebus creatis, major reperiri nusquam potest connexio & magis arcta familiaritas, ea, quæ est inter cavssam & effectum. Quibus non satis est se invicem prodere, ut unum alterius semper referat naturam: nisi etiam hoc sibi beneficium præstent, ut, altero cognito, reliquum etiam ferè & æq; perfectè dignoscatur & innotescat. Quid, quod, & reperiuntur famæ celebrioris philosophi, qui nullam perfectam cognitionem nisi inter cavssam & effe-

& effectum inquiri posse prodiderunt: suæq; inde demonstrationis duxere originem.

Sensus & dolor cum elementis nihil habent commercii, nihil communis: nedum in iis reperiuntur, aut tanquam effecta ab iis in animalia proficiscuntur. Formæ ea sunt effecta. Hanc produnt. Hanc arguunt. Huius officia & beneficia, & aliquo etiam modo essentiam præ se ferunt.

Ergo non bene colligitur à sensu & dolore, cōstare corpora nostra pluribus & contrariis elementis.

IV. QVÆSTIO.

An mortis naturalis necessitas é mutua elementorum contrarietate pendeat?

Nihil obstat, quin anima à divinis descendat, capiatq; divina, & tamen per naturam propriam moveatur: & postea omnia, quæ moveantur, ejus moveantur auxilio.

Cujus rei signum est, quia corpora quæ carent anima, impulsu solum agitantur externo: quæ animam habent, sua moveantur sponte. Hæc vita est tota & essentia rerum. Si quid enim esset in ea quod vita non esset, illud quidem non esset pars animæ: & anima potius animatum quiddam, quam ipsa anima, diceretur. Quare ipsa per se præstat alteri, cui accedit, vitam. Ea præsentem nullo momento fit à vitæ operibus cessatio. Ea abeunte desinit corpus vivere: omnesq; quæ in corporibus & animalibus conspiciuntur actiones, ab ea, tanquam fonte dimanant: & sine ea collabuntur.

Quæ hanc vitam seu animam habent, ab ea imperata suo quæq; modo peragunt, & ejus mandata exequuntur: ne illius præsentia destituantur.

Et si qua in re ejus
u 2 despiciant

despiciant imperium, instrumenta & corpus, tot acceptis beneficiis, pertaesa huius ergastuli & inobedientiae, emigrat, alia loca quarens: morsque ejus abscessus appellatur, vitae contraria.

Cum enim anima per lucidissimum illud corpus, quem spiritum appellamus, insinuatur, primo per illum totum se fundit, quo postea medio per corpus universum se transmittit: vitam primum huius praestat & motum, facitque vitalem, per hunc regit movetque corpus: & quicquid postea a corpore in hunc spiritum permanat, anima ipsi praesens continuo percipit, quam perceptionem sensum nominamus: deinde hanc ipsam perceptionem iudicat.

Verum si paullo gravius laedantur haec subiecta, emigrant animae, ad suumque centrum unde digressae erant confugiunt: quemadmodum oculo clauso lumen Solis quod ipsi influxerat, effluit integrum suumque solem sequitur: ut inquit Plotinus.

Satius etiam iudicat, hoc cum corpore commercium amittere, quam ejus calamitates intueri, dignoscere, iudicare.

Ignis, aer, aqua, terra, quae hactenus naturalium & rerum compositarum elementa sunt habita, solam materiam congerunt: & formae nihil, praeter solum domicilium, praebere (si quid etiam hic praestant) confirmo.

Statuas ea simplicia, composita: actu in mixtis, aut potentia existere: tamen hoc solum illis a medicis & philosophis beneficii, elogii, ac dignitatis attribuitur. Elementa mixtis solam materiam suppeditare.

Ergo ex elementorum contrarietate non recte colligitur mortis naturalis necessitas.

PRO

DOCTORALES.
PROBLEMATATA PHILOSO-
phica & medica.

157

- I. Status in Rhetorica nullus: ut & genera cavsa-
rum nulla.
- II. Species argumentationis unica: Syllogismus.
- III. Tertiæ figuræ Syllogismorum, apud autorem
classicum, expressum exemplum difficulter, aut nunquam
reperietur.
- IV. Locus non est superficies.
- V. Tempus est adjunctum logicum.
- VI. Cognitio anatomica, in iis partibus quæ non
natura, sed difficulter arte separatur, magis ad ostentatio-
nem, quam ad usum in Medicina facit.
- VII. In eodem ordine censetur herbarum minutissi-
marum scrupulosa investigatio: imprimis cum nomina pro
arbitrio imponantur, herbæque novum subire baptisma co-
gantur.
- VIII. Calor primigenius cœlestis est: nec potest cum
igneo conferri.
- IX. Omnes animantis partes simul procreantur:
sed non simul perficiuntur.
- X. Jecur venarum origo: arteriarum cor: nervo-
rum cerebrum.
- XI. Omnem arteriam, comitatur vena: sed non om-
nem venam, arteria.
- XII. Quatuor humores qui in sanguine dicuntur in-
esse, specie non differunt.
- XIII. Testes in partes principes non sunt referendi.
- XIV. Fœmina non est viro imperfectior.
- XV. Cruda nutritioni minus, coctis, inserviunt.
- XVI. Nutritio fit iis solummodo, quæ ore assumuntur.
- XVII. Clysteres & Emplastra nulla nutriunt.

u. 3

XVIII. Ven-

- XLIX. Ventriculus chylo nutritur.
 XIX. Non omnis conservatio fit similibus.
 XX. Frigere à pastu salubre.
 XXI. Urina tertiæ coctionis excrementum est, soliusq; vesicæ.
 XXII. Ex urinis prædictio incerta.
 XXIII. Coctio in acutis morbis raro expectanda, quia raro materia non turgat.
 XXIV. Aqua non semper febricitatibus imperanda.
 XXV. Aquæ stillatiæ, ut & quinta essentia, humores præparant & vires corroborant. (pore.
 XXVI. Topica sæpius adhibenda non purgato cor-
 XXVII. Sæpius similia similibus, quàm contraria contrariis, curantur.
 XXIX. Medicamentis compositis non est utendum, ubi simplicia conveniunt & sufficiunt.
 XXX. Medicamenta exotica non sunt magis utilia nostratibus, si ea dignoscamus.
 XXXI. Perperam per Germaniam & in regnis Septentrionalibus, balneæ, scarificationes, purgationes, & venæ sectio in singulos annos aut menses, aliquoties usurpantur propter consuetudinem.
 XXXII. Adstringentia purgantibus non miscenda.
 XXXIII. Purgatio in gravidis, sanguinis missione periculosior est.
 XXXIV. Assumpto pharmaco dormire incommodum.
 XXXV. In sanguinis missione astra considerare utile est: sæpe necesse.
 XXXVI. Chyrurgi rectè urendo, secando, partes quasdam etiam utiles abscindendo, medicorum imitatione, aliquando morbis morbos curant.
 XXXVII. Ulceribus aliquando obsunt suppurantia.
 XXXVIII. Mer-

XXXVII. Mercurius præcipitatus in morbis pestilentialibus & lue venerea utilis.

XXXIX. In confectiōe Alkermes, Hyacinthi & similibus, parum aut nihil, lapides pretiosi, folia avri & argenti profunt.

XXXIX. Non est inanis fabula de lapide philosophorum: nedum de avro potabili.

XL. Veteres sub velo poëticarum fabularum occultarunt artem chymicam. Cū dicerent Jovem se convertisse in pluviam avream: occultarunt præparationem avri philosophici. Sub Orphei fabula ejus dulcedinem & usum. Destillationem ex aliis rebus cælârunt: proferentes Jovem conversum in aquilam, subvolasse cum Ganymede in cælum. Et sic de multis aliis fabulis.

QVÆSTIONIS PRIMÆ EXPLICATIO:

DICTA,

ANTE DISPUTATIONEM MATUTINAM DIEI XXVI. JULII.

Investiganti mihi caloris nativi, sive insitus is sit, sive influens, naturam & essentiam, ad hujus quæstionis primæ explicationem adprimè necessariam, longè plura objiciuntur, quæ ejus officia & munera commendant, quàm ejus essentiam patefaciunt.

Experientia communis oculis subjicit & menti ingerit: eum animantium omni generi à natura attributum & cōcessum, ut ejus auxilio & ope vitam agant & conservent: alimenta trahant, tracta conficiant, confectis nutrantur, &c.

Qua etiam re motus Aristoteles, vitam hoc solo calore contineri, & sine eo neq; animalia, neq; stirpes vivere memoriæ & posteritati mandavit.

Hujc

Hujc accessit Hippocrates noster ipsam animam solo calore dimetiens. Nec quidquam inter mortalia reperitur, ejus præsentia nō appetens dona: quamvis in essentię cognitionem penetrare vel hominibus sit ademtum.

Tanta cū sit hujus caloris necessitas & utilitas, rationi & veritati consentaneum est, quamplurima incommoda accedere: si quid detrimenti acceperit: aut ab alio quodam, sibi inimico, offendatur.

Offenditur autē & læditur multis nominibus, sed tum maximē, quando ejus natura, noxio quodam aut extrinseco elementari dicto accedente, vitietur & vim patiatur. Quod quanta ferat cum impatientia & molestia, in febrili constitutione manifestatur.

Hoc incommodum avertere cuius hominī cordi erit: imprimis verō iis, qui se naturæ ministros, aliquando magistros gloriantur, medicis dictis: & quibus cura conservandi generis humani quam diutissimē incolumis, à diis immortalibus concredita est.

Quare etiam mihi, in eorum numero nomen profiteri ambientī, proponitur in hujus caloris, à febrili calore molesto, liberatione, quæstio: *An febribus putridis continuīs conveniat purgatio?* occasione ab anni tempore & loco sumpta: in quo tales febres putridæ dictæ, præ solito, se offerant.

Argumēto seu probationis medio desumpto à fine phlebotomiæ, sic ad quæstionem, forma Syllogismi responsione conclusa, responsum do.

Si cacochymia adfuerit in febribus continuīs putridis, iis conveniet purgatio:

At cacochymia adest in febribus continuīs putridis:

Ergo febribus continuīs putridis conveniet purgatio.

Propositionē luce meridiana clariorem, & cacochymiam purgan-

purgantibus auferendam, demonstrare, est in oceanum aquam comportare & Soli lumen addere. Precedentibus aliquot, adeo fuit vobis, rationibus, ex causis, effectis, definitione, comparatione, auctoritatibus id confirmatum, & ad navseam usque: ut nolitis amplius hac iteratione rei manifestissimæ & vobis familiarissimæ cognitæ, surdas vobis reddi avres & tempus eximi: probando nempe cacochymiam purgantibus commodè tolli: quia de re nemo vestrum sit qui dubitet.

Sola assumptio videtur suas postulare, quibus niteatur, rationes: in putridis febribus continuis præsentem esse hanc, de qua dicimus, cacochymiam.

Febris hæc continua putrida, cui locum in venis majoribus, aut aliis vasis cordi proximis statuimus: suam essentiam & demonstrationem à putri materia & humore accipit. Putris autem hæc materia & humor, non reperitur in corpore, nec ulla putris materia febrē excitabit, nisi eadem à naturali statu ad præternaturalem, ab evchymia ad cacochymiam declinaverit: & propter calorem in ea contentum ab alio & noxio devictum, ipse humor calore suo destitutus corrumpatur & tandem intereat, & quasi in pavculos & nihili cineres redigatur. Id natura putredinis & febris ab ea orta indicant, & sua appellatione seu nomine monstrant. Et vel in pure, in cuius tamen confectione, naturæ in coquendo magnum beneficium agnoscimus, necesse est humores ad cacochymiam defecisse.

Sublata cacochymia, sæpius comperimus febres sponte solvi: ut vel hinc appareat eas à cacochymia fuisse progenitas & conservatas.

Omnia quæ febricitantibus hisce accidunt, materiam corruptam monstrant: sive ea consideretur in corporibus adhuc permanens: sive jam è corporibuseducta, sensibus

x

probanda

probanda venit. Quæ etiam in sanguine perversitas, adeo conspicua est, & à naturali statu decessisse videtur: ut in multis putridis febribus continuis, concreescere amplius non possit.

Practici omnes ferè, ex Galeni sententia x i. methodi, hanc rationem curandarum febrium putridarum continuarum acceptant & usurpant: per separationem putrefactæ materiæ, & reliquæ partis reductionem ad symmetriam rebus moderatis. Hic Galenus cum reliquis practicis eandem sententiam approbat: in qua statuo, propter cacoehymia præsentiam, post concoctionem materiæ (hanc enim in arte parva priorè requirit Galenus, & ego sæpius eandem ante purgationem postulo) cavissam febris commodè purgantibus auferri.

Idem Galenus docet in Arte Parva, putridas febres curandas alterantibus & vacuantibus. Quæ alterata, si è corporibus sint exturbanda aut educenda, purgantium opera opus est. Quod etiam cum consensu Galeni assero: qui legitur in commentario Aphorismi: Concocta medicari oportet, non cruda.

Fateor quidè Galenū in hac curatione prædicti lib. x i. per evacuationem propriè intellexisse venæ sectionem: postea tamen ipsemet purgantia implorat & admittit.

Quid illum purgantia admittere dico? qui in lib. i. ad Glavconem de arte curandi, monet & præcipit ab omni ulteriori vacuatione abstinendum, si febris cum ventris spontina solutione & fluxu fuerit, venterq; propria sponte profluat. Arbitrabatur enim talem evacuationem benevolæ alvi, sufficere ad febris solutionem & curationem, materia, eam conservare solita, effluente.

In Tralliani & Jovberti nolo incurrere odium, aut contra illos, non provocatus, in arenam descendere: qui evincere

cere contendunt argumentis leuiusculis, in vasis maioribus nullum humorem posse putrescere, sed solum accendi & calidiorem fieri. Vos enim præceptores & commilitones, qui hodierno die & sequentibus aliquot contra me estis acturi, id mihi prius tanquam exploratum & ratum tradidistis: reperiri febres continuas putridas, quarum materia in venis computruit, & magis magisque putrescendo pergat & serpat.

Possem quidem ex cavissarum omnium ordine, materia, forma, efficiēte, fine, ex subiecto loco efficere, nihil absurdum aut peccati eum in se admittere qui asserat, humorem in vasis maioribus putredine infestari, & aliquando etiam penitus corrumpi: sed quia rei per se manifeste & mihi datae, non est operæ pretium robur addere, aut contra eum pugnare qui à meis stat partibus: quod proposui concludam: *Febribus continuis putridis convenire purgationem.* Quod demonstrasse oportuit.

QVÆSTIONIS SECUNDÆ
EXPLICATIO:
DICTA,

ANTE DISPUTATIONEM POME-
RIDIANAM, DIEI XXVI.
JULII.

Dum caloris, itineris, aliarumque circumstantiarum curam habeo, nec mihi nec vobis in hac quæstione satisfacio: *An Paralysis ulla ab humiditate: convulsio à nervorum siccitate fiat?* sed hoc solum contendam: ut mihi, ex hisce labyrinthis expedito, fuga salutem quæram & petam.

Quæstio composita est, de duobus gravissimis malis humano generi incumbentibus: quorum ego exempla

x 2 tama

tam horrenda hisce oculis conspexi, ut ad eorum recordationem totus horream & contremiscam.

Causæ utriusq; mihi investigandæ sunt, sed duobus syllogismis: cum unius ejusdemq; naturæ & essentiæ non sint: etiã si mihi ad tenebras offundendas, in una quæstione sint copulatæ.

PRIMUS SYLLOGISMUS.

Quantum ad paralyin attinet: utrum ea ab humiditate aliquando fiat: non verebor id in vestra præsentia astringere, nec ea re vos me offensurum spero, hoc syllogismo concitatus:

Refrigeratio caloris nativi, cum remollitione & relaxatione nervorum, & sensus motusq; deperditione, fit tam propter humiditatem, quàm propter siccitatem:

Paralysis talis est nervorum remollitio, & ex caloris refrigeratione, relaxatio:

Ergo paralysis quædam ab humiditate fit.

Propositio, prima fronte, aliquam præ se fert novitatis speciem, sed revera res non ita habet.

Calorem nativum refrigeratū, aut alio quodam modo impeditum, actiones producere imbecilliores, & indiligentiùs officio satisfacere: non spero quenquam vestrum mecum certaturum: sed sponte omnes assensuros quamplurima comitari incommoda, non solum relaxationem & remollitionem partium: sed, pro diversitate partium, quamplurima alia.

Hoc in controversiam vocatum est: annè hæc remollitio fiat per solam siccitatem, an verò aliquando etiam ab humiditate. Nam hæ sunt duæ principes in hac nostra relaxatione causæ.

De siccitate, videmini præceptores à meis stare partibus, quod ab ea induci hæc remollitio possit. Quod calor
nativus

nativus in suis operibus, nimia non sit cōtentus siccitate, Et si enim alimentum copiose satis influat, tamen male conficietur, calore suum humidum comitante, & ad ejus discessum recedente. Reperiri autem multa sicca, quæ tam calorem minuere, quàm humidum illi subtrahere possint: videmini mecum & recte sentire.

De humiditate movetis dubitationē, quamvis hīc minor erat dubitandi occasio.

Quando nervi aut aliæ quædā partes humido perfunduntur copiosiori: natura humidī est, eas solito longē reddere molliores. Cuj rei indicio sunt viridia omnia humoris copia abundanti adhuc perfusa præ mollietie, & hac laxitate se in omnes partes flecti & deduci patientia. Quod absumto humido exsiccata recusant.

Hanc diximus prius, cum Galeno, fuisse causam quare infantium ossa ultrō citroq; contorqueantur: quod illis ademtū erit ætate juvenili, in qua humiditatis bona pars fuerit absorpta.

Aretæus has causas agnovit, quamvis idem fecerunt multi alii. Inquit enim:

Ultima & potissima causa Paralysis, est ingenua caliditatis refrigeratio, quando ab humiditate aut siccitate injuriam patitur. Causæ progredientes præcipuè numerantur sex: vulnus, percussio, refrigeratio, cruditas, venus, vinolentia: ex quibus facile mea relaxatio per humiditatem cōfirmabitur.

Assumptio videtur ab opinione communi medicorum dissentire: quod convulsionem, relaxationem & remolitionem, præter communem consuetudinem definiam.

Audīo quidem hīc fabulam de nervorum obstructione: quam tamen non approbo.

Spiritus in partes paralyti læsas adhuc influunt, quæ etiam nutriūtur: ut vel alimētis non sit præclusa via: quod

x 3 in

Assumptio f

Nota.



in sua non admiserint obstructione, ejus assertores. Sentiant enim & adhuc moventur aliquo modo partes paralyticae: omnes ferè nutritionis beneficio conservantur, et si non multum avgeantur. Quæ via alimentis potiùs, quàm spiritibus subtilibus præcluderetur.

Quod si paralytis ab obstructione fieret, eadem obstructio convulsionem sua copia generaret, per repletionem & nervorum coarctationem: idemq; cum convulsione ex repletionem esset paralytis.

Inter remedia, quæ ad paralytin ex humiditate comparantur, omnia ad materiam humidam tollendam destinantur: nulla ad obstructionem. Scarificatio, cucurbitulæ, purgationes, emplastra, unguenta, exsiccantia id fatentur: quæ omnia ad remollitionem & humiditatem tollendam conferunt.

Galenus hoc diligenter observavit in fine lib. i. de locis affect. ubi curat aliquam partium resolutionem calfacientibus: quod hic refrigeratus sit musculus solummodo, obstructio nulla. *Frigus, inquit, sæpenumerò unum ledit musculum, maximè eum qui in superficie sedis est: si ve sederit quis super lapidem frigidum, si ve in aqua frigida supra modum fuerit versatus. Igitur puer cujus vesica & sedes ladebatur: cum in fluvio pisces venaretur, sic fuit affectus. Nonnullis etiam in aqua frigida natantibus idem accidit. Hos itaq; affectus curare oportet, calorifica auxilia, locis affectis adhibendo. Quam refrigerationem etiam agnoscit lib. i. v. de Sympt. causis cap. v.*

Aegroti talem remollitionem & relaxationem sentientes: cōqueruntur se ne posse quidem membra levare, præ hac remollitione.

Et vel sola nominis notatio definitionis vicè gerit: quæ nullam obstructionem aut spirituum præclusionem, sed solam relaxa-

relaxationem denotat: quæ tamen ab aliquo primo argumento, ut effecto, vim & arguendi naturam impetravit.

Quare, quod in animo proposui, profero. *Paralysin aliquam ab humiditate.*

SECUNDUS SYLLOGISMUS.

Accepistis quo pacto primam partem quæstionis, per argumentum à definiti & definitionis mutua convenientia, deduxi. Secundam partem de convulsionis causa, eodem cursu percurramus.

Nervi duabus de causis, versus suam originem contrahuntur: propter repletionem & inanitionem:

Convulsio talis est nervorum, versus suam originem, involuntaria contractio:

Ergo quædam convulsio ex nervorum siccitate fit.

De propositione dubitatum fuisse tempore Galeni, apparet ex lib. III. de locis affectis cap. V. Quæ etsi ab Hippocrate fuit prolata, lib. Aph. VI. Aph. XXXIX. tamen quibus rationibus fulcienda esset, doctis duntaxat viris notum fuisse annotat Galenus. Sibi autem verisimilem factam hanc Hippocratis sententiam fatetur, postquam ejus causas & rationes has animo diligenter perpendisset. Quippe si omnis motus qui à voluntate procedit, attractis musculis in eas quibus innascuntur partes, fieri videtur, neque possit fieri attractio nisi ad suam originem retrahatur musculus: constat convulsionem, in convulsis partibus factam, hac sola ratione à motu naturali differre, quod præter voluntatem nostram fit, &c. Eandem sententiam sed pavillo brevioribus verbis habet in Aphorif. XXXIX. prædicti libri.

Nec temerè Hippocrati & Galeno hæc probabatur sententia: cum etià quotidiana in rebus naturalibus cōversatio indicet, sicciora in longitudine diminui: nec fenes eum habere:

habere proceritatis gradum, quem iuvenes habuerunt: & quæ humida fiunt aliquid etiam longitudini detrahare ut in latitudinem extendantur.

Idem confirmant remedia, quæ huic contractioni tollendæ, diversæ naturæ sunt inventa.

Quæ enim repletioni tollendæ adhibentur, inanitionis remediis sunt opposita. Quam diversitatem in remediis, ex morborum & causarum diversitate si non observes, morbum adaugebis & patientem in præsentissimum vitæ periculum conjicies.

Nolo ea referre quæ in practicoꝝ scriptis reperiuntur: sed unum aut alterum testimonium, exempli causa, subjiciam.

Libro Aphorismorum IV. Aph. LXVI, LXVII, LXVIII. docet Hippoc. in febribus convulsiones malum, vitæque discrimen secum adferre.

Idem tamen Hippoc. profitetur Aphorif. LVII. lib. VII. & alibi: bonum esse si ad convulsionem febris accesserit.

Ecce Hippocratem damnare utriusque morbi contranaturam cōspirationem: & eundem tamen confiteri unum alterius vim auferre aut destruere.

Quare prudentis consilii erit putare Hippocratem, hæc de diversæ naturæ contractione proferre: cum contraria ejus effecta tribuat.

Si contrahantur nervi propter repletionem ex humore nimio glutinoso & frigido, febris superveniens magna ex parte eum calefaciet, extenuabit, & digeret, naturæque auxilio venerit. Hisce itaque febris optanda contractis.

Si verò in corpore sicco, propter ariditatem & siccitatem convulsionem patiente, febrem aut excitaveris aut adesse desideres, malum adaugebis: & quod per se siccum erat & aridum, totum torrefacies & combures.

Sunt

Sunt & alii Aphorismi, quibus utraq; causa potest extrui: ut de Helleboro: vigiliis: sanguinis missione: ad quas si accedat convulsio, duplicatur malum: & quod siccum erat, per illas evacuationes suae malitiae graviora symptomata generabit. De quibus legatur Aph. lib. v. Item 11. & 111, &c.

Assumptio est propositione desumpta est: convulsionem de qua quaestio sonat hanc significare nervorum contractionem, quam jam confeci duabus causis produci. Idque tanquam ex genere speciem, propter eorum medicorum loquendi usum, qui ad unum omnes per convulsionem, hanc contractionem intellexerunt. Quamvis & nominis notatio huc etiam adduci poterat: quod convellere nihil aliud sit, nobis hac de re disputantibus, quam contrahere, & convelli contrahi. Vos si aliud quidpiam huc significari velitis, in tempore monendus sum: ne homonymia nominis in disputationis cursu moram injiciat. Ego unde sum digressus redeo: & concludo: *convulsionem aliquam a siccitate nervorum fieri.*

Syllogismorum horum conclusiones, si per copulativum vinculum vinciantur, copulato axiomati & quaestioni, conveniens erit inventa per duos Syllogismos responsio. *Aliquam paralyin ab humiditate: aliquam convulsionem a siccitate nervorum fieri.* Quod demonstrasse oportuit.

QVÆSTIONIS TERTIÆ EXPLICATIO, DICTA:

ANTE DISPUTATIONEM MATUTINAM, DIEI XXVII.

JULII.

QUæ somniarunt veteres, posteritati credulae reliquerunt, de elementis somnia: & ut persuaderent, nihil reliqui fecerunt.

y

Hippo-

Hippocrates, Galenus, Plato, Aristoteles, eorum se de-
liramentis opposuerunt: aliamq; naturam elementorum
à se inventam, suis monumentis prodiderunt.

Eorum tamen dicta Delphica non sunt, aut è tripode
prolata: sed à recētoribus, vel etiā huius memoriæ natu-
ræ scrutatoribus, ad veritatis tribunal advocata, cavssam
frigidè tuētur suā. Omnes evidēter sibi perspexisse viden-
tur, rerum generatarum præexistere aliquā materiā ex qua
eæ fierent: sed quæ ea sit, & qualis, expiscari non poterant.

Vos, Monspeliēses medici, me in eodē salebroso itinere
vultis probari, & quid sentiā, & à qua parte stem indicari:
hac quæstione, ex veterum scriptis desumpta, metæ loco
proposita: *An benè ex sensu & dolore colligatur: constare
corpora nostra pluribus & contrariis elementis?*

Avribus lupum teneo: & nec Hippocratem & Galenū
deserere avdeo, à quibus hæc approbatur: nec etiā temerè
illis me adjungere, propter eam, quā habent in medica ar-
te laudis & cognitionis opinionem, si à veritate deficiant:
ad cuius tribunal à recētoribus, ut se sistant, jam dudum
illis dica scripta est. Pluris tamē facienda est veritas, quā
omnium philosophorum avtoritas: quæ ad partem nega-
tivam, invito Hippocrate & Galeno, inclinat: propter eā,
quæ est inter effectum & cavssam, naturam & vinculum
indissolubile.

Effecta suam cavssam indicant, ejusq; naturam:

*Dolor aut sensus in corporibus, ex pluribus & cōtrariis ele-
mentis non sunt: nec eorum effecta.*

*Ergo ex dolore & sensu non rectè colligitur: constare corpo-
ra nostra ex pluribus & contrariis elemētis: nec hanc
cavssam indicabunt.*

Propositio videbitur pavllò alienior à proposito, quòd
alia quædam sint, quæ cavssam indicabūt quā effecta: ut
adjuncta

adjuncta propria: & propterea non recte ex solis effectis argui hasce causas. Sed recordari vos volo, me eadē cum Hippocrate & Galeno hīc uti argumētandi lege, quasi ex pacto & præsinito: qvī hōc in loco de causis & effectis audiri volunt, ac ex effectis causam arguere. Qvam cōsequentiam solam illis adimere volui: cūm qværat secundu Hippocratis & Galeni hypotheses: An ne ex dolore & sensu, tanqvā contrariorū elementorū effectis, arguantur hæ causæ, elementa, plures esse & contrariæ.

Inter causam & effectū à natura inditam talem convenientiā, ut se invicē arguāt, ex rebus in natura existētibus deduxerunt logici. Non enim potest effectū tota natura, à sua diversum esse causa. Qvīn si aliquid accesserit inimicū, qvōd hanc convenientiā in effecto producendo distraxerit aut dissecuerit, jam effectum aut infelicius aut nullum proferetur. Dicuntur à logicis absolutē consentanea argumenta, propter hunc consensum: Aristotelicq; hīc solū cognitionem pendere visum est.

Hippocrates & Galenus judicabāt non esse operē pretium rem tam manifestam & omnium rerū naturalium consensu approbatam, probatione cōmunire. Qvare enthymemate, hac prima parte relicta, sua postulata & sensa proposuerunt.

Homo sentit, dolet, qvæ sunt effecta cōtrariorū & plurium elementorum:

Ergo ex pluribus & contrariis elementis constat.

Avt si mavis: audiat Syllogismus Hippocratis cōnexus: qvō pluralitatem & contrarietatem elementorū evincit: qvī tamē ejusdem erit cum Enthymemate sententiæ.

Si homo unum esset, ne utiqvā doleret, aut sentiret.

Sed homo dolet & sentit:

Ergo homo unum non est.

Y 2

Propo-

Propositionem ut confirmet, sollicitus valde est Hippocrates de natura humana: & Galenus de Elementis ^{11.} Cujus tamen probationes omnes extruuntur ex causarum & effectorum natura. Quod corpus humanum constet, ex elementis quæ sentiant & doleant: non ex atomis impatilibus & sensu destitutis. Quia nullum patibile ex impatilibus: aut contrā. Nullus dolor aut sensus, nisi ab alio & sibi aduerso.

Sed obtineant Hippocrates & Galenus quod velint: hominem ex diversis constare partibus, non ex una simili substantia. Quid postea postulabunt? Hominemne constare ex diversis & contrariis elementis?

Quid hoc est? Quorsum hic paralogismus? De homine diximus toto. Jam ad materiam hominis, ex diversis constituendam elementis delapsi sunt: quæ ex diversis & contrariis constituetur elementis. Quare hoc non fuit prius admonitum, de partis materialis elementis disputationem institutam, non de toto homine. Sic enim illa propositio, & inde ducta conclusio, nunquam fuisset admissa. Fac itaque hanc substitutam, de materia propositionem, confirmes Hippocrates:

Si hominis materia una esset nunquam doleret.

Hanc si probaveris, conclusionem tuam per me obtinebis: hominem constare pluribus & contrariis elementis, propter sensum & dolorem. Quia juxta tibi docendum erat, sensum & dolorem ex elementis proferri.

Quod si, pro te assumens, docuero nullam esse rationem aut potestatem sentiendi & dolendi, in elementis: nonne concedes, non bene extrui de elementorum natura & numero aliquid ex iis rebus, quæ in elementis aut ex elementis non sint: nonne concedes, nullum impatibile producere patibile: ut conveniat, naturam, causam cum effecto: &

& sentiens omne fieri ex iis quæ vim habent sentiendi & patiendi?

Animæ proprium est sentire, non corporis: aut rei corporeæ. Quod hætenus in disceptationem rapere, nullus unquam philosophorū voluit aut potuit: sed totum sentiendi munus, ad animæ facultatem sentiendi delatum est. Cū itaq; explicatum fuerit (quod sequenti quæstione copiosè satis peragetur) elementa, nihil animatum ad rei naturalis compositionem contribuere, sed solam materiā corpoream: evidens quoq; fiet, non posse ex sensu & dolore, de elementorum natura aut numero, cōjectationem ullam commodè institui.

Mirandum est, Galenum negare in principio libri 1. de Elementis: posse sensuum beneficio, quæ nusquā existunt aut apparent, elementa investigari. Qui tamen cum Hippocrate, ex motu & sensu oculis apparente, eorum naturam & numerum expiscari aggreditur.

In eodem etiam loco fatetur Galenus prima elementa, sine sensu, impatibilia esse, & nonnulla etiam ex iis cōposita ejusdem naturæ. Quomodo itaq; ex sensu, qui nec in iis est, nec ab iis provenit, cū nullum impatibile patibile producat, nec corpora ex impatilibus atomis progenita sentiant, elementorum naturam & numerum venatur? Etsi enim omnium optimè inter se cōmisceantur elementa, aut tota totis, aut qualitatibus qualitates (de quare nihil hætenus firmi constitutum & iudicatum in philosophorum decretis est) nihil tamen aliud generabunt, quàm frigidum, humidum, calidum, siccum: nullum sensum, nullum motum, nullam doloris perceptionem, quæ omnia à corporis organici perfectione & ἐνδ' ἐλεχέια producant. Quæ anima diviniore longè est calore elementari: ut Aristoteles vel de seminis calore disputat: quem elementalem

talem non esse ab effectis divinis conficit.

Quod de sensu dixi, eo destitui elementa, nec quicquam habere cum eo commune, de dolore itidem verum est: qui est sensuum & præcipue tactus symptoma.

Verum cum hoc argumentum, in quo adimetur materiae elementisque omnis agendi potestas, pomeridiana disputatione uberius, favente Deo, ad examen & incudem revocabitur. concludo: *non bene colligi ex sensu & dolore: constare corpora nostra pluribus & contrariis elementis.* Quod demonstrasse oportuit.

QVÆSTIONIS QVARTÆ EX-
PLICATIONO:

DUCTA,

ANTE DISPUTATIONEM POMERIDIANAM, DIEI XXVII.
JULII.

HOdierna disputatione matutina fuit confirmatum, sensum & dolorem ab anima tanquam e fonte perenni diffluere: nihilque commune cum elementis habere. Progredior ulterius, & convincere enitor, non solum hoc veritati consonum esse: verumetiam omnes actiones & motus, animæ præsentia, beneficio, favore, gubernari & effici: nulloque pacto ad materiam seu elementorum potestatem aut qualitates hinc refugium patere.

Congerenda ea sunt, quæstioni huic explicandæ: *An mortis naturalis necessitas ex mutua elementorum contrarietate pendeat?*

Recepta & inhibita fuit multorum animis opinio: omnes actiones in corpore, & actionum potestatem, ex elementis & eorum mixtione, harmonia, seu temperamento per qualitates prodire: & deinde mortem esse horum
solutio-

solucionem ex inimicitia & lite. Quæ opinio, quàm mihi modis omnibus inepta, & philosophica cōstantia & naturali indigna videatur, syllogismus hic indicabit. Sic itaq; in eam opinionem disputo:

Si mortis naturalis necessitas ex mutua elementorum contrarietate pendeat: elementa formā rebus inducent, & eas quæ formam comitantur actiones.

At elementa nec formas, nec ulla actiones proferunt:

Ergo ex mutua elementorum contrarietate, mortis naturalis necessitas non dependet.

Propositio ex rerum naturalium doctrina desumpta est: in qua, omnibus consentientibus philosophis, rerum essentia formæ attribuitur. Quæ accedente, res suam essentiam, & operationes consequuntur.

Ejus est beneficium res constituere: quæ decedente, eadem corruunt & labuntur, nec amplius nomen & officium suum tuentur & sustinent. Ex hac solum de vita & morte iudicium peti potest.

Corpus hominis, anima præsentē, accipit hanc appellationem, ut cum anima dicatur homo: & quamdiu animæ visum fuerit in corpore habitare, hoc congruit nomen & officium. Anima quando suis mota rationibus emigraverit, non amplius appellationem hominis retinebit mortuum illud cadaver, nec suas actiones ut prius obibit. Cum tamen anima, perfectiūs multo quàm prius, quæ sibi grata fuerint exequetur. Hinc itaq; ex forma, vita. Hinc mors. Hinc operationum principium & finis. Hinc earū dū motus, cessatio, defectus. Mortis enim causa in eo subjecto quærēda est, in quo vita ipsa consistit. Cū cōtrariorum unum idemq; erit subjectum: alioquin nulla erit contrarietas. Quod autem incommodum elementis accidit, nihil ad vitam, quæ in animæ conservatione posita,

posita est, spectat & refertur: modò confectum fuerit animam & formam aliud ab elementis naturâ esse.

Forma est quæ dat esse rei. Non solum materiâ ea perficit: sed omnium, quæ circa materiâ sunt, perfectionem complet. Quare etiam ab ea omnium actionum & operationum fons petendus est: quæ cum rei perfectione accedunt.

Logicorum & Physicorum hoc dogma est: quemadmodum Aristoteles doctè disputat contra Empedoclem i. de Anima. Animam esse omnium actionum & motus principium: & propterea ab Aristotele *ψυχή* appellatur, omnia inchoans, perficiens, sustinens.

Disputat copiosissimè idem, Plato in Philebo: & in omnibus ferè dialogis, de rerum cōpositione conscriptis.

Aristoteli & ejus asseclis nihil magis in ore est, quàm formam esse principium activum, materiâ passivum. Materiæ enim aut ejus potentialibus seu actualibus qualitatibus aliquam actionem primò & per se permittere & adicere: idè est, ac instrumentis actiones decernere, quorum ministerio opus habeat in operando artifex.

Ejus tamen constitutio, in quibusdam effectis, formæ cum auxilium præbeat: aliqve ejus actiones solent attribui: formæ, suæ singulares ad earum differentiâ, in quibus nulla materiæ aut qualitatum ope indiget.

Sed judicato tu an id fiat, tam ex rei veritate, quàm ex recepta in scholis loquendi consuetudine. Forma per se est efficiendi principium: nec ut consistat, principiiq; naturam obtineat & munus ab instrumento accipit: quod, post ejus constitutionem, adscitum est. Vim & potestatem existendi, agendi, prius accepit quàm per instrumentum ageret, aut in subjectum demigraret. Quemadmodum artifex vim agendi ab instrumēto non mutuatur. Ad summam.

mam. Forma omnia producit, perficit, sustinet: omnes operationes secum auferat & abolet.

Assumptio maiorem difficultatem & obscuritatem parit: in qua, Elementis eorumque qualitatibus quibus hactenus se efferebant, surripiuntur actiones & potentiae: & confirmabitur ab iis nec formam, nec ullam actionem induci.

Principio in memoriam revocandum & paullo fusiùs explicandum, materiae nullam esse perfectionem rerum adscribendam, sed soli formae. Dehinc Elementa solius materiae locum & munus obtinere.

Materiae munus officiumque non esse rem perficere, aut re perfecta postea aliquid agere, materiae definitio & natura indicio est. Quae hoc pacto a forma sua differt, hoc fine ad rerum compositionem & productionem accedat: ut quae a forma adportantur, illa suscipiat & in suum recipiat domicilium, lubensque se a forma gubernari patiatur. Propterea, ut prius etiam monui, forma dicitur principium motus & quietis.

Si enim ea aliqua agendi polleret vi, ad formam inducendam: quod se longe praestantius esset, contra rerum naturam, opus faceret & effectum produceret.

Et si aliquo valet agendi robore: cur non agit forma discedente? Cur suum, sponte, deperdit dignitatis locum: & in deterius ruit?

Plato in Epistola ad Dionysium, confuse tamen, disputat Animam seu formam corpore longe antiquiorem: si non placet tempore antiquiorem dicere, dic saltem dignitate praestantiorum: (Marsilii Ficini explicatio est) atque eo praestantiorum, quod a principio corporibus superiori habet originem: ideoque motum anima ex se habet, corpus vero ab anima. Quomodo itaque, quae motum nullum habet nisi ab anima, aliquid agere dicetur absque ea: aut ad eam

z indu-

inducendam, unde motum suum accipit, aliquid conferet.

Sed simulabimus materiam, aliquid sua natura agere nec solo patiendi dono contentam. Quibus tamen instrumentis utetur? Qualitatibus ne seve potentia sua potentiali: quæ tandem in actum ducta, fit forma? cum forma videatur quibusdam, ex materiæ potentia e ducta.

At jejunum & frigidum est commentum, formam ex potentia, quæ est accidens fieri: eam quidem quæ omnem potentiam & materiam viribus & dignitate superat. Materia non potest uti formâ pro instrumento: nam ea cum præstantior sit, non permittet materiæ super se imperium: quam forma pro suo arbitratu & nutu, quo modo velit tractaverit. Sed quia videmini huic mecum sententiæ assentiri: ad Elementa me conféro.

Elementa solius materiæ officium sustinere & consequi, nunquam autem formæ: ex eorum definitionibus & rationibus accipite.

Definit Aristoteles Elementum ex quo fit aliquid, cum insit: & est indivisibile secundum speciem. Galenus definit Elementum minimam rei quam constituit portionem. Ex quibus definitionibus Elementorum natura, & usus conspiciendus profertur: Quod materiam rebus corporeis præbeant, & in ea res resolvantur tanquam partes materiales.

Contendit in libro de Anima Aristoteles, formam nequequam esse harmoniam, nec à materia elementari aut ab ipsis elementis productam aut inductam, sed diversum quiddam, elementis, & corpore ab ipsis composito, præstantius & nobilius. Corpus enim animæ gratia factum: non animæ corporis.

Motio-

Motiones in corporibus non possunt esse ab elementis, sicut neque aliae actiones: cum elementa nihil tale à natura exorârunt. Quare elementa nihil ad formam, sed materiam solam, contribuant.

Si res compositæ, ut materiam, ita etiam formam ab Elementis sibi communicatam agnoscerent: rerum nulla discrimina, sed omnium similis & una foret natura & conditio: una constantium formâ & materiâ.

At cum earum diversi sint ordines & conditiones, & differentia genera: & cuiusque sua propria natura: præter communem illam elementarem materiam, aliud quidpiam agnoscendum est, à quo res singulæ suam adeptæ sunt speciem, essentiam, & diversitatem.

Elementa quæ nunquam in vita fuere, aut, quid sit vita frui, ex sese sine forma experiebantur: nullo pacto viventibus viventem formam, quam non possident, dare poterant.

Jucundum magis quam veritati gratum est, Elementa illa, tanta inter se irreconciliabili dissita & confuta pugna, in gratiam sine formæ intercessione reditura, cuius dicto sunt audientes, eorum repugnantiam & discordiam moderantis, ut materiam subministrarent.

Nam forma est, cuius copulantur et conciliantur beneficio: quæ decedente, ad veterem pugnam cuius memoriam nondum deposuerunt, devolvuntur.

Ad firmiorem satisfactionem extruam ex scriptis Platonis commentarium quendam, ex quo de hac controversa sententia, iudicium corroborari potest.

Cōpositi una & simplex forma erit: quæ non erit multiplex

Z 2 ex

ex elementorum concursu: nec qualitas quædam ex elementorum harmonia & potentia. Sic totius compositi una est compositio & concordantia.

Hæc cum sit operationum causa: quæcunque imperfectissimas operationes obeunt, habent etiam formas imperfectissimas, suis respondentes actionibus. Talia sunt Elementa, quibus satis est, sursum & deorsum moveri: & vix alias actiones per se aggrediuntur. Stirpis adhuc perfectior est ad nutritionem & procreationem. Animantis perfectior multo est ad motum & sensum. Omnium perfectissima est hominum, qui supra omnia, mentem, munus divinum, à diis immortalibus impetraverant. Conveniens enim est ut, qui pluribus functionibus incumbere, perfectissimam haberet formam.

Ad hunc modum, simplex rerum omnium forma est. Sed quanto sublimiorem in locum erecta est, quanto plures in se continet efficientias: tanto naturam & subjectum absolutius, instructius, & ad singula commodius efficienda obtinuit.

Aspice & contemplare formam compositi, elementis longè superiorem, ab elementis neququam inductam aut profectam. Quod de materia itidem protulissim: nisi hoc, in tempus commodius, dissimulandum fuisset. De Galeno quidem, aliisque quibusdam philosophis, verum est, eos consilia agitalle & cœpisse, ut formam ab elementis extraherent: ne viderentur aliquid in toto mundo ignorasse: quos tamen forma latebat. Sed iidem, vix se suis limitibus continentes, aut propositi immemores, clam & quasi furtim in occultas rerum proprietates se abdunt. Nec tamen iis se adeo occultant: quin formæ omnes actiones deferant.

A nomine abhorruit Galenus, non à rebus: in hominis &

nis & aliarum rerum generatione ad hanc divinitatem rebus insidentem ē vestigio se recipiens: id est, ad formam, a materia, aut potentia, aut etiam variorum concursu elementorum minimē productam.

Quid verbis opus est? Plus laboris est quā ingenii, Platonis, Aristotelis, & medicorum scripta hūc transcribere: cum res per se clarior, hisce illustrata rationibus, clarissima evasit. Elementa solius materiae munus subire in rebus componendis & compositis: nec ea ullatenus formam accersere aut a se gignere: & *propterea mortis naturalis necessitas ē mutua elementorum contrarietate non dependere: in quibus nec vita nec mors est.* Quod demonstrasse oportuit.

Est tamen quod vos velim, antequam finem dicendi faciam, auditores, admonitos. Suppeditari mihi commodum medium, ad conficiendum & astruendum quod intenderam, ab iis, qui, Elementa nec pro materia nec pro forma in rebus agnoscant naturalibus, gravibus causis ē Theologia & Philosophia desumptis, moti: sed solum locum & subjectum rebus naturalibus commodum subministrare: tanquam matrices & uteros, suos foventes & conservare desiderantes incolumes fortis. Verum quia mihi loquendum erat presinito: & quasi ex pacto cum iis agendum, qui vel hanc saltem dignitatem & potestatem Elementis decernant, ut materiae, si non formae, vim ex se profundant: videbatur conveniens, cum iis ex accepta & grata eorum avibus philosophia agere. Reliqua sententia in suum tempus & locum memoria fideliter rescribitur: & quo in loco ea apud me sit, olim palam fiet.

z 3

EXPLI

C U R S U S
E X P L I C A T I O,
P R Ō B L E M A T U M P H I L O S O P H I C O -
R U M E T M E D I C O R U M:
C O M P A R A T A D I S P U T A T I O N I B U S
D I E I x x i i x . J U L I I:
S E D N O N D I C T A : N E B A C C A L A V -
R E I S E T S T U D I O S I S
T E M P U S D I S P U T A N D I E T C O M M U -
N I C A N D I P R Œ R I P E R E T U R .

CUm mihi, diebus retrō ab hīnc aliquot, potestas & licentia, medicinam faciendī, percepta docendo & agendo exercendī, & doctorales dignitates in hac Academia accipiēdi, ex Auctoritate Regia, Episcopali & Academica, fieret: accessit admonitio & cautio, restare mihi disputationem tridui cum quovis oblato antagonista, antequam hoc privilegium censeretur confirmatū & ratum.

Hujus disputationis capita, quæstiones quatuor sunt mihi à præceptoribus in manus traditæ: quas etiam hoc biduo magna cum cōtentione, & sine omni animi remissione ab iis propugnatas, ut ab his quibus pro aris & focis sit decertandum: meamque sententiā omnibus armorum & stratagematum generibus petitam & incessam avdivistis. Quod tanta fiducia præsumseram, (ut taceam vocabulum temeritatis) meas ratiunculas tot seculis approbatis & receptis, ab omnibus ferē medicis & philosophis, sententiis præponderare, & anteferre: & iis etiam ex quibus medicina nostra magna ex parte diffluit & derivatur.

His quæstionibus de more scholæ subnectebam problemata philosophica & medica x. de quibus etiam præceptores aspergebant nōnulla, ex disputationis itinere &

cu. su,

cursu, problematum correctioni destinata. Quod adhuc in iis restat virgula & asteriscis dignum, propter novitatē, vobis notandum et incusandū reliquerūt: quos etiam hoc sine paratissimos & frequentissimos accessisse conspicio.

Immo non solum vos medicinae & Apollinis candidatos: sed etiam iurum & legum peritos viros, ad hanc novitatem in rebus philosophicis & naturalibus evertendam, praeter solitum, convolasse: non tam miror, quam laetor, & mihi laudi fore spero.

Sed prius quam animo morem geratis, summis a vobis contendo precibus: ut patientia & modestia utamini, dum quid velim in his problematibus, a communi & vulgari hominum opinione, pavllulum deflectentibus, mea explicatione didiceritis. Postea vestrum certamen non defugiam: modo iisdem vos legibus circumscribi & coerceri pasci fueritis, quibus priores nostrae disputationes cingebantur. Non hic in philosophia & Medicina ut in legum doctrina, Justiniani, Bartholi, Baldi, aut Acurtii regnabit & valebit auctoritas, praedictum & interpretatio. Non tam quid Hippocrat. Galenus, Plato, Aristoteles, suo cerebro genuerint: quam quid veritas admittat & patiat, in disputatione nostram veniet & suo fruetur pretio, & honore. Sed ad problematum explicationem recta me recipio.

I. Statum in Rhetorica nullum: & genera cavillarum nulla, primo loco a me proditum est: idque non temere.

Definiunt Rhetores, qui de arte dicendi praecpta concinnarunt, statum, propositionem principalem ad quam omnia quae dicuntur, sunt referenda. Quod nisi servet, oratio similis picturae Horatianae erit: in qua, humano capiti cervicem, pictor, equina, jungit, &c. Huius postea varia ascribentur cavillarum genera, de quibus inter Rhetores non satis convenit: pro quorum diversita-

diversitate, loci seu argumenta varia attribuentur & servient. Suo enim, quævis argumenta, statui, tanquam satellites nomen professi sunt & iurarunt: aliiq; suum imploranti auxilium, fidei datæ & jurisjurandi memores, meritò denegant.

Statuum genera ex tribus generibus quæstionum: An sit: Quid sit: Quare sit deducuntur: & appellantur status conjecturalis, legitimus seu definitivus, & juredicialis.

Primò hæc quæstionum & statuum distributio inutilis est, (quæ etiam nec vera nec sufficiens est) (quæ novam nobis inventionis doctrinam cõfingit præter eam, quam vel ipsi Rhetores communem astruunt, ad singulas quæstiones & status accommodandam. Non enim esset *ἡ ἀπὸ τῶν* doctrina de quinque partibus orationis Rhetoricæ (quævis de ejus veritate hîc non certo) nisi inventio, dispositio, elocutio, memoria, pronuntiatio in omnibus quæstionibus declarandis adhiberi & usui esse possent: & temerè oratio ex his insufficientibus partibus composita diceretur. Præcepta artium sint omnibus in arte contentis æq; communia: alioquin *ἡ ἀπὸ τῶν* non erunt.

Sed & hæ eadem quæstiones & status per omnia argumenta tractantur. Judicamus enim in statu conjecturali de voluntate & facultate: de quibus, ex omnibus argumentis, causa, effecto, subjecto, adjuncto, &c. conjectura desumi potest vera & probabilis.

Status juredicialis, in quo jure né an injuria aliquid factum sit & acciderit, quin ex omnibus argumentis judicetur, jureconsulti nō permiserint: ægrè laturi, si eorum Dialectica aliquot locis seu argumentis diminuat, quibus sepe multumq; in disputationibus & concertationibus est versandum: nec passuri se intra tria aut quatuor argumenta, tanquam intra cancellos concludi.

In statu

In statu legitimo seu definitivo de rei definitione agitur: quæ si perfecta est, ex causis, in imperfecta prolixior erit, & ex omnibus argumentis aliis constabit.

Quare cum omnia argumenta, omnibus communiter questionibus & statibus convenient: nullus locus relinquatur in Rhetorica, novæ de statibus doctrinæ & traditioni.

Genera causarum eodem nomine sunt in Rhetoricam adscita: quæ propterea idem sustinebunt cum statibus iudicium & sententiam: nec magis inventionis argumenta convenient iudiciali generi, quam deliberativo aut demonstrativo. Cum enim oblata fuerit materia tradenda & tractanda, artis dialecticæ præceptis imbutus, facili invenietur inquisitione, quæ proposito serviant & quæ dissonent argumenta: & iniquum est in re impossibili, inutili, vana, novas confingere ad excarnificandam juventutem disciplinas.

II. Cum enunciato dubio robur addendum est, ut fidem mereatur: tertium quoddam argumentum iis duobus clarius & verius excogitandum est, quibus illud enunciatum constet. Postea idem cum dubiis istis propositi enunciati argumentis ita confingendum & disponendum est: ut propter ea quæ ita ponuntur & in hac dispositione argumentorum verè & probabiliter dicuntur: axioma prius dubium, jam comitetur, tanquam verum & confirmatum.

Talis autem dispositio, duabus partibus absolvi potest & debet, nec ulterius se extendet: nisi à proposito ad alia peregrina dilabi voluerimus: appellaturque hæc dispositio Syllogismus. In prima parte, argumentum tertium inventum, cum utraque parte enunciati dubii copulatur, quocunque, visum fuerit commodum, modo: nec alia

A

quædam

qvædam dispositio aut possibilis aut necessaria est, quàm ea quæ inter tertium argumentum & partes enunciati dubii fit. Altera pars est repetitio enunciati hac dispositione, confirmati.

Omnis itaque talis argumenti, cum suo enunciato, dispositio Syllogismus est. Quæ dispositio si plena & perfecta, perfectus: si imperfecta, imperfectus oritur Syllogismus.

Inductio & exemplum Syllogismi non sunt: nec aliquam significant dispositionem. Nam Inductio nihil aliud est, quàm argumentum ex loco distributionis sumtum, quo probatur ex partibus totum: ad confirmandam aliquam partem antecedentis sæpe accommoda. Exemplum certi generis argumentum nullum est. Potest enim e simili, dissimili, specie & aliis argumentis desumi.

Sunt & aliæ Argumentationum species à dialecticis receptæ, ut Climax, Sorites, &c. quibus omnibus occasionem præbuere, istæ, quæ Syllogismis accidunt *κρίσεις*, defectus (de quo tamen prius) redundantia, ordinis inversio: Enthymema, Prosyllogismus, Inversio dictæ. Quæ si dubitationem aut errorem alicui patiant, emendabuntur opera facili: explendo desiderata: amputando superflua: & quælibet in locum proprium redigendo.

III. Protuli problemate tertio: raro aut nunquam reperiri in tertia figura Syllogismorum Aristotelica, perfectum & plenè conclusum exemplum. Quod alia ratione confirmare nequeo: quam sine fraude liberè profiteri, mihi nunquam occurrisse in ullo auctore classico exemplum contrarium: omniaque ea, quæ in dialecticorum reperiuntur præceptis, esse ab iis ingeniosè conficta exempla.

Valla propterea tertiam figuram penitus ex arte dialectica

ctica

etica ejiciendam existimavit. Cui se opposuit Ramus: qui diligenter in auctoribus exempla quaesivit sed frustra: ut Vallæ judicium irritum faceret. Usus tamen ejus magnum perspexit, etiamsi non tractetur perfectè, in specialibus quaestionibus contractè & concisè, per exempla confirmandis & illustrandis. In quibus etsi ratiocinatio contracta sit: tamen mens absolutum ibi Syllogismum perfectumq; concipit. Nec jure etiam talis ab agro dialectico radicitus extirpatur, quæ usum magnum præstat: etiamsi nunquam plenè explicatum exemplum occurrat.

Admonitum autem me non dissimulabo, ab homine probatæ fidei, & cōfirmati in his & multis rebus philosophicis judicii: esse congesta quædam à nescio quo logico Vellejo sibi lecto & viso exempla perfecta ab auctoribus probatis desumpta. Sed cum auctorem ipsum demonstrare non poterat, propositum nondum mutavi. Cum data potestas fuerit hunc auctorem ejusq; exempla allata ad examen revocandi: melius edoctus sine pudore aliam sententiam veriore amplexar.

IV. Plato cum maxima parte suorum antecessorum & communi sensu, locum definivit spacium locati, omnibus partibus locato adæquatum.

Sic corporis locus, est spacium trium dimensionū quas in loco dimetiendo consideramus. Locus superficiei, est spacium duarum dimensionum. Locus lineæ est spacium unius dimensionis. Quid, & angelis & animabus, & rectè quidem suis attribuitur, à theologis sacrarum litterarum interpretibus, locus.

Nec tamen refert: utrum hic sit corporeus an incorporeus, sola imaginatione conceptus: modò accipiat pro spacio, quo res contineantur.

A 2 Hunc

Hunc locum oppugnandum susceperunt Physici Aristotelei: & aliam ejus naturam substituerunt per superficiem, eamque concavam: sed quam feliciter, hæc documento erunt.

Terminus Aristotelicus, seu superficies illa cōcava quæ corpora cinguntur, ad motum corporis movetur: & si illa superficies in aëre, siue in aqua cōsideretur, notum est, nec corpora perpetuò in uno consistere loco certo: nec aquam aut aërem tranquillum statum servare.

Corporum itaque & superficiem ipsius respectu, necesse est hanc mutationem admittas: quæ tamen tanquam argumentum Herculeum ad evertendum Platonis *διδασκαλίας* & veterum spaciū ab Aristotele, est excogitata: Argumentumque & arma Aristoteli erepta, jam contra ejus superficiem & immotum terminum relata sunt.

Ex hoc Platonis spacio usum habuimus magnum in rerum naturalium cognitione, ipso Aristotele teste: qui tamen in spe bona erat eo se usu, destructo spacio, superficiem suam erexisse, quæ tanquam pallio locata tegeretur. Nam hoc Platonis spacio Astrologi demetiendis cœli spaciis & locis utuntur: sola mentis designatione, paralelos, meridianos, horizontes, coluros, longitudes, latitudes, altitudes dimetiendo: nec unquam pro loco, Aristotelis superficiem adhibuerunt, sed illud incorporeum Platonis spaciū semper usurparunt.

Nec omnino Geometra aut agricola quisquam dimetiendis corporum locis, terminos exteriores, sed tota intus spacia dimetienda sibi proposuit.

Quod etiam perspicuum est in totius mundi loco dimetiendo: ubi non exterior mundani globi superficies, sed totum interius spaciū, cujus medium appellatur & fingitur centrum, mensuratur.

V. Tempus:

V. Tempus cum vocem adjunctum logicum, noto illam durationem cum oratore & philosophis, rebus omnibus convenientem: etiamsi illa commensuratio per primum mobile, umbras, horologia, clepsydras non accedat. Hoc enim enti & non enti, rebus veris & fictis commodè adhibetur: quamvis illa duratio variis modis mensuretur & observetur, non solo cœlestium orbium motu.

Enti & non enti cum indifferenter cōveniat sitq̃ res generalis animo concepta, non inconvenienter Aristoteles eji unam ē categoriis decem attribuit: & ego locum in argumento adjunctorum concessero. Nulla enim doctrina generalis & communis in arte speciali locum obtinebit: nisi quis putet cum servis philosophiæ Aristotelicæ, *posse etiam modo quodam peculiari, in arte speciali rem generalem tradi propter accuratorem ejus cognitionem.* Quasi verò quæ in logica tractantur, non æqvè explicentur & cognoscantur accuratè, ac ea, quæ in physica illa jejuna & nuda proponantur: de qua à me prius dictum est.

At lex *καθ' ὅλην πρῶτον* tam imparem & inconvenientem rerum tractationem non feret: nec ea, quæ *καθ' αὐτό* est, patietur logica in physicam transcribi.

VI. Anatomica humani corporis cognitio, imprimis medicinam facituro necessaria est, tanquam puero in Grammatica edocendo litteræ: sine qua, nec remedium genus, nec quantitas justa, nec utendi modus in medicamentis, nec affectus ipse inveniri possit. Cum partium diverso inter se situ & consonantia, diversimodè sit remedium adhibendum & usurpandum: & ex anatomica inspectione, essentia cuiusque partis indicetur.

Hoc qui inter medendum negligenter expendit, currit quidem, sed extra viam, nec ad propositum scopum

A. 3.

sine

Tempus

sine periculo aut molestia perveniet.

Ἀνατομία Anatomicorum, non tamen propterea necessaria est medico: nec ea, scrupulosè & superstitiosè curanda. Eas dico partium & membranarum interpretationes, quæ sensus omnes effugiunt: & elixationibus ac violentis per instrumenta divulsionibus expediuntur, improbo: tanquam in morborum curationibus inutiles, & ad ostentationem non ad usum in vita communi comparatas: & ad ingenia adolescentum retardanda & remoranda, ut tardius cursum finiant, nec tam subito in Medicinæ secreta ingrediantur.

Non deterreo quenquam à cognitione anatomica, tanquam vana & inutili: sed potius calcar medicinæ candidatis addo, &, ut recta via currant, non quavis semita, moneo.

Qui ingenio, otio, & opibus abundant, hîc se ad ostentationem exercent per me licebit: & vel sextum illud par nervorum à cerebro in partes inferiores descendentium, in musca quærant: quam ad atomos usque dissecent. Eos tamen ab aliis cōtrario modo habentibus potius admirandos quam imitandos consilium do.

Perceptis necessariis & utilibus, si quid temporis super fuerit, quod impendi huic jucundæ speculationi poterit, id lubens admittam.

Veterum iudicium hac in parte magni faciendum est: quibus erat tam familiaris, tamque in communi usu anatomie (teste Galeno 1. 1. de anatomicis administrationibus in principio) ut domi apud parentes, etiam ab ipsa pueritia, in ea omnes exercerentur, nullisque opus fuisset conscriptis & conceptis de ea præceptis.

Verisimilitudinē autē habet veteres non inutiles nugas tradidisse nullius usus: sed ea tantū quæ liberis posteritati

in vita

in vita conservanda & à morbis liberanda conducere poterant.

Quid, Galenus ipse in lib. x. cap. x. de usu partium, noluit aut non potuit investigare musculū, qui in majiori angulo oculi inferiūs palpebram detrahat: sed posteritati hoc exputandum aut judicandum commisit.

VII. Palām est ex præcedentis problematis explanatione, me non damnare anatomicam cognitionem, medico ad primē necessariam: sed illum abusum & inanestudium, quod temerē in hanc rem dependitur.

In herbariæ rei cognitione non dissimilis ratio est. Usus ejus in medicina tam necessarius est, quā ipsa medicina, cujus magna pars ex hac doctrina dependet. Hinc medicamentorum componendi methodus, compositorum vires & usus est desumenda.

Medicus hac in re imperitus, si aniculis aut indoctis pharmacopæorum ministris, se suaq; commiserit: periclitatur sæpe medici ignorantia & pharmacopæi, ægri valetudo, medici ipsius, quantumvis prudentis in aliis, existimatio & fama. Cum ea quæ medicus doctē præcipit, minus dextrē exequatur pharmacopæus. Cui incommodo aut periculo, à medico perito occurri potest.

Hæc ego sic singula confiteor. Ad eorum tamen non conniveo libidinem & temeritatem, qui nihil in arte medica posse se sperant, nisi tāquam digitos omnia auctorum nomina herbis indita, in numero habeant. Desperant de se, nisi eas contradictiones, quæ sunt in herbis baptisatis à Plinio, Galeno, Theophrasto, Dioscoride, Matthiolo, Trago, Ruellio, Dodonæo, Fuchsio, Lobelio, &c. omnes in amicitiam & gratiam redegerint. Unde tam profundī errores in nostram medicinam irrepserunt: ut quid agas, & quare, parum certus sis aut animo

animo confirmatus, tot schismatibus distractus: præcipue cum avdias, unam eandemque herbam, variis baptisatam nominibus: ejus varias & contrarias prædicari virtutes. Ex quibus erroribus, quam sit arduum emergere, experiuntur qui manum medicamentis componendis & usurpandis adhibent.

Quanto omnia prudentius agerentur & felicius: si, hac superstitiosa spreta subtilitate, contenti veris nominibus acquiesceremus: & virtutibus, quas usus & experientia in suis singulatim regionibus comprobavit: & doctiorum observatio annotavit.

III. In memoria habeo, quanta vehementia & constantia de hoc problemate inter philosophos & medicos concertetur, anne calor ille omnia in corporibus fovens & gubernans elementaris sit: an verò magis illustrem & nobiliorem referat prosapiam & progeniem.

Veteres sapius quidem se in hanc controversiam dimiserunt: sed ad finem nondum perducebatur.

Fernelius & Argenterius eam magno cum apparatu redintegrarunt: & eam conficere, viriliter, aut in acie velle se occumbere, scriptis manifestum fecerunt. Hic elementis: ille cœlestibus orbibus militabat & nomen professus est.

Quibus illi utebantur militibus & copiis, & quam ingeniosa argumenta utrinque conscripserant, delectu ex philosophia & medicina instituto, non est hujus temporis lustrare: vos certum scio ea multoties recensuisse.

Ego, qui sub Fernelio, aquilam et signum ferente, arma coepi, sic novas quasdam machinationes & tela, contra Argenterii elementarem calorem fero & dirigo.

Quæ prodidimus in præcedentibus aliquot disputationibus, de calore nativo miracula, vos impulerunt ad credendum me-

dum mecū: nativi caloris opificio peragi, quæ in animantium corporibus perficiuntur actiones. Nunc, de ejus essentia & origine, institutio nova instituta, efficiet, hæc munera quæ miraculorum vim obtineant, à solo cœlesti, & naturam elementarem excedente, calore proficisci.

Avdivimus prius actiones ejus miraculosis similes, omnem elementorum & temperamentorum potestatem superare: ut etiam verisimile & firmum sit causam aliam esse, quàm ab elementis & eorum mixtione dependeat.

Dictum etiam fuit: animali, propter hujus caloris privationem, extincto: remanere nihilominus ex elementis mixtum temperamentum. Id non repero.

Aristotelis argumentum est, quod calor hîc cœlestis nō sit ignis, nec igneus: quia ignis nullum animal generat.

Aristotelis iudicium mihi mirificè placet, (quamvis aliter persuasus, in aliis locis, omnem agendi vim temperamento acceptam ferat) qui verum doceat, ignem non generare aliquod animal: nec quidquàm ab igne produci, quod ejus naturam representet. *in ignis.* Contrà verò, omnia hujus caloris beneficio produci & conservari cernimus: ejus discessu perire.

Addo igneum calorem, urere, exsiccare, infumere, devorare sibi objecta: omnia denique depopulari & depasci: hūc autem nativum calorem omnia fovere, adaugere, conservare. Nam si tam mitis nō esset, placidus, benignus, in momento temporis suum proprium absumeret humidum: non exspectaret usque dum aliud quidpiam instauraretur, quo sustentandus esset. Sic homo, quo esset à natura constitutus meliori corporis habitu & dispositione, tanto precocius periculum extimesceret: vixque ad tempus brevissimum in prima conceptione consisteret. Posita enim causa naturali non impedita, cum idoneo subiecto, non cessabit

B bit

bit actio: nec impediatur effectum. Sed pergo.

IX. Semen in animantibus prædestinationem & scientiam à Deo & natura nactum, specierum perpetuitati inhians, semper sibi simile producit: nisi impediatur.

Hoc agendo, non unū animantis membrū altero prius format, sed omnia simul. Quæ tamē certis de causis maiora sunt, quamvis priora nō fiant, prius tamē apparent. Simul enim omnia formantur, sed nō simul perficiuntur: propter eorum, temporibus discrepantē, usum. Perfici autem dicuntur, & pro perfectis habentur, quādo propter adjuncta sua cōmodē usurpantur ad operationes sibi destinatas.

De hac re obscura, non tam ingenii acie, quam observatione, iudicium faciendum est.

Talis est illa observatio Hippocratis, quam in ancilla sua & aliis instituit, annotata in libro de Fœtus natura. *Si semen (inquit) ab utrisq; profectum in mulieris locellis remanet: primum quidem simul miscetur, utpote femina non quiescente, cogiturq; & crassescit, calefactumq; densatur. Spiritum deinde concipit tumescitq;, utpote in loco calido existens, &c.*

Hippocratis observatio & iudicium est, cū hoc consentiēs problemate: totū semen in unā massam ad pilæ formā compingi & confundi: nec ullius partis etiā Aristoteli aut aliis laudatissimæ, præ alia conformationē suscipi, sed omnes uno inchoari tempore, non tamen uno tēpore perfici.

Natura non agit cum deliberatione & delectu, sed uno semper modo, nō impedita. Puriorē seminis partē, tanquā per manus accipit uterus & amplectitur, fover, & sibi ordinata ac innata lege in varios modos cōmisceri usq; dum mēbranas, & in iis abditas animantis partes cōformaverit. Et quia nulla pars illi singulatim proposita est, nec in materia ad hāc vel illā partē inest quidā appetitus & inclinatio: omnes partes, quas asseruimus p̄ores similes, inchoantur simul,

simul, tāquam quādam ^{ἀνισογένεια} *ανισογενεία*. Earū tamen cū magna
 sit varietas tam dignitatis quā operationum nomine: im-
 possibile erat nature, unum quidem idemq; agentī, omnes
 æquē promovere & uno tēpore sua absolute perfectione
 sed aliæ citiūs, aliæ tardiūs hanc absolutam perfectionem
 nanciscuntur, genitæ apparent, & usibus accommodantur.

Qui ex usu ordinem partiū in procreatione estimarunt,
 hos minus dextrē observarūt. De partiū cōstitutione & or-
 dine, ab ipsa natura agente, nō ab effectu formatoq; opere
 ratiocinari, philosophi & medici prudentis est.

X. Problema hoc decimum etiā non exiguas lites in-
 ter philosophos & medicos excitavit.

Aristoteles sibi confinxit paradoxon quoddam de or-
 dine partium procreandarum: ex quo induxit aliud simi-
 le, cōr primū generari & vivere, ultimō mori & extin-
 gui: ut hisce suā opinionem de venarum & nervorum
 origine tutaretur & muniret.

Medicorū familiæ accedere cōsultius videtur: quæ ana-
 tomicorū doctis & cōfirmatis, contra rationū subtilem &
 inanem impetum, observationibus munitur & cingitur.

Disputat Galenus, pro venarum ē jecore origine cap. v.
 lib. vi de Placitis Hippoc. & Platon. cuius argumentis
 niti non me pudebit.

„ Multa animalia in dextrum cordis sinum non habent
 venam cavam pertinentem: quod esse oportuit, si ex cor-
 de venæ haberent originem, sed solummodō supernē dif-
 fusa videtur. In jecore hoc conspicuum est, in quo omnes
 venæ obliterantur & in cuius substantiam dissipantur,
 quemadmodum in terra radices arborum, ne evellantur.

Dehinc reperiuntur in corpore veng, quæ nulla cū corde
 cōiunctione, suo tamen principio, communicantur: quod
 fieri non poterat si à corde deducerentur. Tales sunt venæ

B 2 quæ

qvæ meſeraicę vocantur, nullam omninó cum corde conſociationem habentes. Magnam avtem habent cum jecore convenientiam, in cuius ſimam partem per portã venam ingreſſæ, mox minutiffimé diſſipatæ, in totam jecoris ſubſtantiam abeunt, nec cavæ ramis ulla ex parte committuntur, ut conjunctæ dici & unitæ videantur.

Quod ideó monendum duxi: ne quis cavæ portioni ad cor pertingi eas unitas avderet dicere. Jecori ſuo fonti & principio ſunt conſociatæ: non cavæ: non cordi.

Hæc argumenta de venarum origine à conciliatore intacta relicta ſunt: qvî tamen alia ſibi videbatur evertiſſe omnia.

De Arteriarum ex corde origine, promptius eſt aſſenſum: qvę ex corde initium trahere arguuntur, propter eum, quem ad cordis habent imperium, impulſum & motum. Corde moto & pulſante in arteriis itidem pulſatio ſentitur: qvæ, quam primum inter cor & alia membra impedita avt intercepta fuerint, cordis pulſatio etiam ceſſat. Hæc enim pulſatio beneficio arteriarum fit: qvas propterea cor principium agnoſcere æqvum eſt. Nam ubi principium virtutis eſt: ibi etiam erit principium instrumenti. Instrumentum enim ordinatur ſemper ad virtutem ipſam, & ad ejus operationem perficiendam. Et meritó quidem ac neceſſarió facultas requirit & format ſibi instrumentum proprium, idoneum, aptum, concinnum: qvo qvaſi inhabitare commodé poſſit, & uti in obeundis functionibus.

Diſſonum illud commentum, de partium origine, prius improbatum eſt: ex qvo ſolo argumentum contra hanc ſententiam duci conſuevit. Propterea arterias non poſſe cordi ſuam originem aſcribere: qvòd eo prius ſint à natura generatæ & productæ.

Cerebrum nervorum eſſe originem, eadem firmamenta,

ta, quæ hætenus pro venis & arteriis attulimus, demonstrant.

Galenus maximè urget illud argumentum ab instrumentis sumtum: quod ab adversariis allatum, in eos à Galeno regeritur. Nam nervi propter cerebrum dissecti, intercipiunt spiritus animales & functiones ab iis obeundas: non arteriæ: non venæ. Arteriæ, contrâ, pulsationem læsæ interimunt.

Disputatio hæc reperitur in multis apud Galenum locis: sed præcipuè in lib. 11. cap. 6. de Placitis Hippocratis & Platonis.

XI. Cùm sic ex origine venarum, arteriarum, nervorum, conspicuum sit, in venis sanguinem, in arteriis vitalem spiritum, in nervis animalem ferri: nulla necessitatis ratio exigit, ad omnes partes ut nervos sic arterias pertingere spiritum delaturas: nec, ut omnem venam comitetur arteria, quemadmodum ad omnem arteriam se comitem addit vena.

* In omnes corporis partes alendas sanguine, necessarij sunt canales & ductus: per quos nisi feratur sanguis, uno in loco coercitus & concretus consistet, nec ulterius promovebitur. Crassior enim est, quam objectas sibi corporis partes duriores & densiores penetraverit: & propterea necessariò ad omnes partes venæ pertinent.

Spirituum substantia subtilior est, magis aërea & cœlestis: quæ tamen densiores partes non potest facili opera, & modo ac tempore debito permeare: ut etiam ejus aliquando vasa fuerint necessaria & canales. Sed cùm in partibus exterioribus carnosis & superficiariis, nihil densum ejus iter remoretur, in eas facile insinuabitur: nec requirit vasa per quæ feratur. Sed tum solummodò, quando partes densiores ejus cursus prohibere potuerint.

B 3 Hæc

Hæc mihi in animo fidem generarunt: omnē arteriam comitari venam: sed non omnem venam arteriam.

Commemorantur quidem à Galeno aliquot arteriæ, sine conjugibus venis, in fine libri de dissectione venarum & arteriarum. Sed cum eadem partes, ad quas arteriæ protendantur, etiam sanguine nutriendæ sunt: non credo me anatomicos offendere, attribuendo iisdem venas: etiam si tam propè arteriis non copulentur, quàm Galenus requisivit.

XII. Ad expurgandum sanguinem ab humoribus vitiosis & excrementitiis, sua destinata sunt, à provida natura membra & corporis partes: ne homo perpetuis morbis conflictaretur. Melancholiæ expurgandæ datur lien: felle propria cystis: pituita cum sanguine manet & manere, si medicis credendum est, debet: ut in sanguinem suo tempore convertatur: serum per emulgentes, renibus & postea vesicæ demandatur & appellitur.

Nihilominus (inquiunt medici) sanguis constat ex suis quatuor humoribus inter se natura diversis: cogentibus & ad eam rem suadentibus, diversis corporis partibus, diversi generis sanguine & nutrimento alendis: & ipso etiam alimento diversæ naturæ, unius generis sanguinem minime procreante.

Id, tanquam falsum magna ex parte, evertere in animo habeo. Nulla enim ratione, ne quidē probabili, evinci potest hæc partes sanguini datas, inter se natura & specie diversas, nedum desperatas esse. Sed sanguis unius ejusdemque est naturæ, quæ omnes partes etiam diversissimas alet.

Cum cibus diversæ naturæ offeratur, dabo quidem confici sanguinem qui uniformis per omnes partes non sit, sed ex philosophorum & medicorum calido, frigido, humido, sicco constabit. Anné propterea, quia frigidior & hu-

midior

midior est, diversam accipit à toto naturam & speciem? Eæ qualitates nihil addunt essentiae rei compositæ. Homo, natura frigidus, non minus homo est, quàm calidissimus aut temperatus: nec siccus quàm humidus.

Partes diversas nutriendas diverso nutrimento, requirere has in sanguine diversarum naturarum partes, iocularium est. Cum durissimum os, ac densissima vena aut nervus, non minus gaudet tenuissimo sanguine, quàm caro mollissima. Immo ad ossis nutritionem videatur necessaria subtilis sanguinis substantia & tenuis: ut commoda fiat alimentum ad partem alendam appositio & agglutinationo. Natura non difficilius se nutrit, sibi assumit & convertit in substantiam congruentem, quod subtile et aëreum est, quàm crassum & terreum.

Apertiùs dicam quid sentiam. Ex sanguine nutrimur unius naturæ, non ex eo qui ex diversarum specierum constituitur humoribus. Nunquàm bilem aliquam aut pituitam in sanguine reperies aut monstrabis: quia à natura uniformis conditus est.

Quare diversas in sanguine naturas indagare, est inanem fabulam in philosophia commemorare. Nisi quis humorum & harum specierum vocabulis adjuncta sanguinis audiri voluerit: ut calidior bilis, frigidior & siccior melancholiæ, frigidior & humidior pituitæ naturam æmuletur. Hujc me non opponam, sed cum eo concordabo: & clarè proferam cum eo. Sanguinem temperatum esse quo nutrimur, ex suis partibus qualitatibus elementorum correspondentibus compositum (si modò verum sit, quod de elementis constituentibus corpora circumfertur) nullam pituitam, nullam bilem, nullam melancholiam admixtam habere: nisi in partibus corporis vitium, id cavsetur.

XIII. Magno

XIII. Magno sunt præsidio corpori, testes, ad perfectionem & salubrem statum conservandum: & sine iis animal ægré iustum sanitatis gradum accipit aut tuetur: suntq; testes benè vivendi, vt existendi organa.

Esto. Sint testes partes corporis ad usum meliorem additi hominibus. Hinc né inferes inter partes principes esse eos referendos?

Partes in corpore principes sunt, quæ aliarum gubernationi præsent, neque aliunde gubernantur: aut insitas habent à natura potentias à quibus regantur: doctore Gal. lib. VIII. de placitis Hippocratis & Platonis ferè in principio. Quamvis diversum sentiat lib. Artis medicinalis.

Sed non solum hæc definitio, testes à tanta dignitate deiecit: verum etiam virtus illa propter quam testes in partes principes à Galeno & reliquis referantur, à virtute naturali diversa non est: quamvis instrumentis testibus perficiatur, & ab illis novum robur addatur.

Non ludo in vocabuli variis notatiunculis aut significatis: sed principes partes voco, quæ in corpore principatum obtinent, non quæ à Galeno dicantur primò productæ, & propterea primariæ nuncupandæ.

Disputatio hæc est mutuo sumta à Galeno VI. de usu partium: principes dicendas esse partes, quæ ad ipsam vitam utiles non tam, quam necessariæ sunt: minus nobiles quæ ad vitam meliorem, vel ad principum custodiam pertineant.

Tales sunt testes, quibus præsentibus commodè vivitur: absentibus iisdem, non adimitur vita, sed melior & commodior vivendi conditio.

Logici docent, ad partis principalis ablationem & absentiam totum corruere & destrui: cum tamen ex partis unius aut plurium, minus principalium deperditione, totum

tum quidem incommodū sentit, sed nihilominus persistat.

XIV. Pro fœminis intercedo & ago: quæ nec sunt nec volunt viris imperfectiores esse: quibus nihil ad perfectionem hominis deficiat.

Quid causæ sit, cur imperfectæ judicarentur?

Respondet Galenus lib. III. de Usu pulsuum in principio, & eum imitari quidam neoterici: viros esse calidiores & sicciores: ut eorum etiam pulsus sit longior & vehementior.

Respondet Galenus lib. II. X. & XIV. de Usu partium: quia frigidior est fœmina viro, & propterea imperfectior.

Atqui pro fœminis Galeno resisto & meæi oppono. Hem Galene! Fœminæ omnes habent partes, ut vir, quæ ad vitam sunt necessariae & utiles, ex quibus totum componitur. Eo solum discrepant: quod in mulieribus quædam intus sunt conditæ, in viris extrâ quædam pendeant: te ipso, Galene, teste lib. XI. V. de Usu partium. Fœminæ habent animam, ab iisdem progenitâ principiis, quibus anima virorum prodisse demonstrari potest.

Temperamentum illud, quod viris præ mulieribus additur, non est sufficiens causâ quare imperfectiores judicentur. Cum perfectio & imperfectio in debita formæ & materiæ ratione consistat. Adjuncta, fateor, læsionē quandam & incommodum substantiis ingerunt: sed substantiarum perfectio, ab adjunctis res omnino diversa est.

Admittemus tamen adjuncta & temperamenta perfectionem & imperfectionem addere substantiis. Quam propterea perfectionem in adjuncto calido & sicco collocas Galene? Calidum & siccum magis imperfectos reddet viros ad omnes ferè actiones: nec si perfectiores essent, eorum hæc dignitas diu duraret. Fœmineum humidum & frigidum actiones perfectiores proferet & durabiles.

C

rabiliores. Cum nec diu, nec benè actio obitur in corpore sicco: sed ex moderato calore per humidum non inconueniens.

Nam simpliciter frigidum & humidum, verebitur appellare Galenus sexum fœmineum: cui etiam suus inest calor, ad regendum humidum, sufficiens: obtinebuntq; fœminæ suum ad iusticiam temperamentum.

Natura ita comparatum est, ut sint pavllò ad iusticiam frigidiores, collecturæ succum copiosiore: ut tam corpori mulieris alendo, quàm fœtui aliquando futuro alimentum suppetat.

Iusticiam & naturam à suis datam principiis mulieres cum habeant & servant quantum in se est: dolebunt se imperfectionis alicujus reas peragi. Quod illis solummodò obijciendum est, quæ sibi nimiam humorum copiam vita desidiosa & otio conciliârunt, unde calor obruatur & præcipitetur.

Hinc illæ viragines nihil præter naturam suam faciunt & expetunt: (absit invidia dicto) quæ viris superiores & potentiores sunt & esse volunt.

In generibus rapacium animalium, fœmellas maribus potentiores & fortiores esse, ad quærenda alimenta & ad repellendas injurias promptiores, venatores omnes testes volo vocari.

XV. Dum vita fruitur animal, sive firma sive infirma sit valetudine, nutritione perpetuò opus habet, per quam adjectum & assumptum alimentum in corporis substantiam cōvertitur & adsimilatur. Nunquàm enim otio perfruitur, vis illa altrix, quæ planè naturalis est, & sine deliberatione aut consilio agit: ut deperditæ substantiæ par vel portio major refarciatur.

Restauratio hæc temerè speratur, nisi fiat assimilatio commoda

commoda nutrimenti cum parte nutrienda, & in millese formas nutrimentum verterit, ut tandem assimiletur.

Cruda quæ nullam aut quàm exiguam alterationem prius subierant, hanc conversionem agrè admittunt, sed sua substantia permanent qualia fuerunt, aut difficulter mutantur.

Cocta quæ alterata quomodocunque sunt, & propriæ naturæ aliquam mitigationem admiserunt, promptius concoctiones & conversiones in corpore nutritioni præmittendas recipiunt: attrahuntur, expelli sinunt superflua, adponuntur & in partis substantiam convertuntur.

Et quemadmodum ex horum coctorum convenienti usu, multa accipit commoda corpus nutritum: sic ex usu crudorum, non solum intestinorum, verumetiam magis principalium partium graves dolores in promptu sunt. Quibus avertendis occursura natura sagax, concoctionis multa genera in corpore & extra corpus peperit: ut quod minus exquisitè extra corpus, aut in prioribus corporis concoctionibus elaboratum attraheretur, posterioribus emendaretur, aut aliquo pacto in meliorem & convenientiorem statum commutaretur.

Quare nihil absurdi ab eo dictum est: quæ crudis cocta nutritioni magis accommoda asserit.

XVI. XVII. Cepimus de nutritione aliquid dicere, & de iis, quæ ei sunt necessariò præmittendæ, coctionibus. Ad pavllo hîc altiùs reperemus: & testabimur, nullam fieri perfectam nutritionem, nisi ea præparatione præmissa in ore, formam & aliquandiu constantem in ventriculo sedem cibus acceperit. Ex quo ad reliquas coctionum sedes & domicilia delabitur, prout natura ad singulas partes nutriendas, diversas coctiones produxit. Sunt enim partes quibus nutriendis sufficit una coctio: sunt quæ

C 2 duas

duas expetunt: reliquæ tres: ut prudens præteream eas, quæ interea temporis, in omnibus & singulis corporis partibus, obtingunt mutationes, quæ etiam sunt particulares coctiones ad nutritionis perfectionem coadiuvantes. Omnibus tamen necessaria est ea, quæ prima dicitur, & in ventriculo, commemorante ibi aliquandiu cibo, perficitur, sine qua reliquæ omnes in vanum laborant.

Quapropter ventriculus inter partes nutritivas, quarum maxima est in corporibus animantium utilitas & necessitas, secundum à jecore locum obtinuit apud auctores medicos. Quod de dignitate verum admitto. Nam de ordine dicendo ventriculus sibi primum locum vindicat: jecoriq; parum solummodò dignitate cesserit.

Hunc processum, hunc ordinem in nutritione propriè dicta requirit natura: requirit Galen. quarto de usu partium: primo de Facultatibus naturalibus: ut nutrimentum in partis nutriendæ substantiam convertatur, non solum adponatur aut agglutinetur: quod verè nutriri non est.

Inolevit contra hæc dicta usus in medicina: & ubi parum expedita est per os nutriendi via, clysteribus & emplastris, partes nutritione indigentes sustentari putantur & nutriri.

Clysteres coqvuntur ex re aliqua ad nutritionem apta, lacte, ptisana, vino, melle, ovis, jure gallinæ, &c.

Emplastra ex carnibus, ovis, pane, vino, &c. quibus admiscantur penetrantia & aromata.

Præcorum hanc receptam consuetudinem non abjiciendam volo: sed eripiendam illis opinionem falsam, sperantibus se partibus humanis, iis rebus nutrimentum præbere.

bere. Cum solum exiguam & levem inde confortationem nanciscantur & robur.

Clysteres nunquam possunt supra majjora intestina ascendere, nedum ad ventriculum pervenire: ubi primam, ad omnem nutritionem, necessariam coctionem sustinerent: alioquin in cassum nutritionis gratia adhibentur.

Nam de intestinis, quibus etiam permittitur aliqua vis coqvendi, tam est absurdum quam quod absurdissimum: quantum ad hanc perfectam & nutritioni necessariam coctionem attinet.

At concoquantur clysteres in intestinis: tamen priusquam a venis meseraicis, ad intestina majjora pertinentibus, ad jecur cōcocti attraherentur clysteres, dilaberentur & eadem qua admissi sunt via se reciperent. Quod enim in intestinis est majjoribus, facibus admiscetur & excrementi nomen retinet: nec etiam compertum est, venas meseraicas ab intestinis majjoribus multum (si aliquid deferant) deferre.

Insensiles comminisci huic errori meatus, quibus ad ventriculum alimentū perveniret: est omnium partium in corpore munera & officia tollere, easque a natura temere excogitatas confiteri: si sensiles meatus in hisce crassis rebus transitum & meatum excusaverint.

De emplastris magis absonum est: assumi ex iis aliquid per poros, quod postea ingressum venas & arterias nutritioni aptetur.

Arteria illa & vena, qua vi hunc succum attrahant docendum est. Quæ potius ex naturæ suæ constitutione, ad motum cordis & aliarum partium, ex se foras propellant, quæ contineant: quam forinsecus aliquid ad se propoliant.

Emplastrorum verò natura non est, ut sua sponte in corporis penetralia progrediantur, sine aliquo familiari ambiente & attrahente: sed promptiora sunt, ad ea extrahenda & immutanda, quæ in corporibus secum similitudinem aliquam habent, nisi superentur.

Quocirca consuetudinem eorum approbo, qui emplastra debito tempore & modo adhibent, sicut etiam clysteres. Ab iis, qui sperant se ita partes alimenti indigentes nutrire, me sejungo.

XIIX. Quæ sic de nutritione disceptantur, nullam fidem huic problemati derogant, in quo ventriculus perfectè suo chylo nutrirî adstruitur. Quod omnium partium in humano corpore, non sit una similisq; nutriendi ratio: sed quasdam requirere plures alimenti mutationes & conversiones, quot tamen ab aliis atq; perfectè nutriendis & nutritis non desiderantur. Jecur duabus contentum est anteqvam nutriatur coctionibus. Quæ postea nutriuntur post jecoris nutritionem tres ad minimum poscunt. Ventriculus sola ea, quam ipsemet absolvit, quiescit & à se solo concocto alimento nutritur: ut in hoc problemate evidens fiet.

Nutritio est, quando id quod nutrit, parti nutriendæ assimilatur: ut ex definitione & natura nutritionis commodissimè de hac controversia edoceamur. Definitio hæc est Galeni lib. I. de Naturalibus facultatibus. Huic postea subjungitur definitio quædam specialis concoctionis, tanquam speciei ex suo genere. Concoctio in ventriculo, est nutrimenti, in propriam ejus quod nutritur substantiam, mutatio.

Finis autem nutritionis & concoctionis, est, mutatio in propriam suam substantiam. Quam quia ventriculus in hac sua concoctione consequitur, præter fidem non erit, ventricu-

ventriculum perfectè nutritum. Finis enim ex suis causis
introducitur, quarum naturam refert.

De hisce causis pavllò diligentior instituta inquisitio
totam hanc controversiam dirimet: & finem, perfectam
nutritionem, declarabit.

Quatuor sunt in singulis corporibus facultates, altri-
ci facultati & nutritioni servientes. Quæ si liberæ in ali-
mentum conveniens inciderint, procedet ea quam expe-
timus nutritio. Attractio, Retentio, Alteratio, Expulsio:
de quibus cum aliis in locis, tum in libro prædicto tertio
Galenus copiosè agit.

Attractionem habet ventriculus & avidè satis alimen-
tum expetit: præcipueq; ea, quæ circa orificium sint par-
tes. Tanta ejus aliquando est ad attrahendum cupiditas,
& desiderium: ut cibum non satis commodè masticatum
& confractum, gula & palato invitis, surripiat.

Attractum retinet, fovet, complectitur cibum: quem
admodum uterus foetum: & tam amicè, ut etiam omni-
bus suis lateribus eum amplectatur: suum orificium in-
ferius, pylorum, obserrat, ne quid se invito aut nescio
emittatur.

Hujc operi tantisper incumbit, donec ejus cupiditati
& desiderio factum satis fuerit, totumq; quod familiarita-
tis & amicitie nomine gratum erat, absumserat. Non enim
secus, inquit Galenus loco prædicto, ventriculus ac par-
tes reliquæ, quod sibi conveniens est expetit & arripit.

Tandem si aliquid fastidiat tanquam alienum & incom-
modum: id aperto pyloro rejicit, & in partes se imbecillio-
res, vi & robore à natura sibi concessio, extrudit.

Quid in hac nutritione desiderabis, qui aliarum par-
tium nutritionem contemplatus fueris? Quod chy-
lus, respondes, non subiit tantas mutationes, quantæ in re-
liquis

liquis partibus requiruntur. At non omnium partium nutriendarum ratio una est: sed quædam citius, quædam tardius, pro naturæ suæ ordinatione nutriuntur. Quod etiam in ventriculo observare fas est.

Verum quoniam hoc argumentum satis & copiose & doctè à clarissimo viro, vestro Jovberto ad amussim paradoxo v. decadis 11. deductum est: unicum solum de ventriculi nutritione addendum mihi iudico.

13 " Omnes partes proprii commodi causa, alimentum, ut
 " eo fruantur, attrahunt, conficiunt, retinent, sibi assimilant,
 " & suis solum incumbunt commodis & muneribus. Id
 " in ventriculo, tanquam falsum refelletur, si ventriculus
 " non nutriatur attractis & retentis tanto temporis spa-
 " cio alimentis, sed ut aliorum nutritioni suam operam tri-
 " buat: & moram hoc solum nomine cibus in ventricu-
 " lo trahat, ut in cremorem convertatur. Nam animalis vi-
 " debitur præ reliquis partibus induisse naturam.

Fruitio autem illa & delectatio, quæ hæc incommoda objecta deleri & expungi solent, lusus est puerulis præbendus, partibus naturalibus aut earum actioni explicandæ nequaquam aptus: quæ hoc delectamento nec conservantur, nec quiescunt.

13 " Quare non in scitè aliquis hinc aggressus est defendere:
 " omnia membra corporis excrementis nutrirî: quem ta-
 " men moneo, ut ventriculum excipiat.

XIX. Non excidit mihi animo præceptum Galeni in examine riguroso tractatum, de conservatione præsentis status per similia. Quod ὡς αὐτὸς & omnino ac semper verum non esse, hinc percipies.

Optimè ad pondus temperatum corpus, si usquam à natura productum fuit, aut, ut producat, spes sit, posse similibus in præsentî statu conservari non pugno seriò:
 modò

modó etiam incidat in aliquē tam emunctæ naris & acuti iudicii medicum, qv̄i illi gradu & specie similia alimenta & medicamenta paraverit.

Nunc, ut sint res humanæ constitutæ, in conservatio-
ne presentis status, siue is salubris fuerit, siue à sanitate de-
viaverit, ad contrariorum opem est confugiendum.

Adolescentem natura calidum, vino, pipere, zinzibe-
re, cibis & medicamentis calidis, si in hoc statu conserva-
re præsumseris, infelicem exitum experieris, eumq; in præ-
ceps periculum conjicies.

Senes frigidiores, naturali temperamento, noli frigidis
conservare: qvos ad marginem sepulchri ambulantes fri-
gidis præcipites dabis.

Et vel nostra alimenta, ad frigiditatem magis qv̄am ad
caliditatem declināt: qvibus tamen calor cōservādus est.

Imaginaria hæc, Paracelsica, carbonica avt etiam Phæ-
dronica non est opinio: sed naturalis, Hippocratica, Gale-
nica: tota in tribus prioribus Aphorif. lib. . . . conclusa. In
qvibus Galenus, post longam cōmentationem, qvomo-
do senes, juvenes, morbidī, sanī, &c. benē avt malē se ha-
beant, ex similitum & contrariorum usu, & qvomodo ab
iis vel conserventur, vel mutantur: tandem sententiā con-
clusionē Rhetorica & vehementi absoluturus, inqvīt:
*Nam calidiores ad frigidiores, frigidiores veró ad calidiores,
& sicciore qvidem ad humidiores, humidiores veró ad sic-
ciores benē se habent. Et ut simpliciter dixerim: cōtrarii qvi-
dem ad contraria benē: similes ad similia malē: præterqvam
si ætas temperata, & victui & regioni & loco temperato com-
paretur: hoc enim modo solo, similes á similibus benē afficiētur.*

XX. A' pastu frigere, manus, pedes, totaq; exterior cu-
ris & corporis superficies ut pavllulū horreat, præ frigo-
re, qvibusdam in usu est qvotidiano hominibus.

D Si

78 " Si huius rei causam medicos rogent: respondetur cum Galeno: Exteriorum partium sanguinem & spiritus, promovendæ concoctioni, ad partes interiores confugere: & propterea à pastu frigere salubre esse.

Arteriaz p. sumuntur Recentiorum quidam hanc sententiam argumentis ab experientia & natura rerum petitis evertere aggressus est, quod partes singulæ suum calorem alteri non communicant: aliamq; nobis substituit ex frigidiorum usu sumtam. Quibus in primo statim concoctionis vestibulo & conflictu refrigeratus ventriculus, sibi continuis partibus & connexis eandem qualitatem communicat. Hæc sic deinceps, propter eam, quæ est inter partes, consonantiam, prorepit & progreditur, usq; dum extremæ etiam partes ejusdem frigoris participes fiant. Contrarium autem usuvenire assumtis cibis calidioribus, in quorum concoctione non frigeat ventriculus aut aliæ partes, sed omnia calidiora redduntur.

Nolo mihi odium recentiorum conciliare pugnando contra hanc causam, quæ à vero non videtur dissidere: eaq; per me militabit suamq; obtinebit fidem: cum meæ sententiæ per ejus dignitatem nihil detrahatur.

In hac lucta & cōcertatione quæ est ventriculo cū cibo frigido, dū frigeat ventriculus & unæ partes reliquæ: indicatur feliciter esse cōcoctionē vetriculi inceptā & cibū frigidū jam mutationē aliquā subiisse, halitusq; frigidos à se se emittere antequam evincatur. Hoc salubre esse volo & pronuncio: eaq; vel partium exteriorum frigiditate, causam salubrem indicari & inceptam feliciter concoctionem.

Nolo tamē nimis diu eam perseverare frigiditatem, significantē, in hac ventriculi pugna devicto calore victoriā ad frigiditatem declinasse. Sed multo magis expeto, ut intra breve temporis spatiū hic conflictus perficiatur: & renitente:

renitente & rebellī illa ciborū frigiditate prostrata & profligata, tam ventriculo quā partibus reliquis, suus redeat calor & quidem adactus. Quod etiā quotidie fieri in eorum parte maxima hominū, qui post pastum frigidās habent partes exteriores, periclitamur. Talibus a fastu frigere, salubre esse, credo vos mecum credere.

XXI & XXII. Postquā ex hepate egressa est vena cava, quod in alimentis & sanguine serosum & aqvosum erat, ad nutriēdum propter aqveam substantiā minus aptum, a renibus per emulgētes attrahitur. Qui cum aliquandiu ejus familiaritate & cōsuetudine sint usi: quod sibi familiare & congruū intellexerunt: quā etiā gratia attrahebatur, sibi assimilant & in suam convertunt substantiā. Reliquum nutritioni inconueniens per ureteres ad vesicā ablegatur, a qua etiam avidē expectatū attrahitur: ut ea postea similiter sua fruatur in materia idonea voluptate. Singula enim corporis partes, ad se alimentum attrahunt familiare, ut eo nutriantur: & saturatae reliquias aliō transmittunt.

Attractionem hanc ex mandato naturæ, desert & donat Galenus vesicæ v. de usu partium cap. x. i. docens: *Vesicarum tunica, rectos, rotundos & obliquos habent villos: una enim vesica tunica cum sit, ad omnem motus speciem accommodata adepta est constructionē. Siquidē & eum motū, quem attrahendi causa villi recti, & eum quē excernēdi transversī, atque etiam eum, quem ut retineant quæ undique constricta sunt, obliqui conficiunt, ipsam habere æquum fuerat.*

Idem etiam docet . . . de naturalibus facultatibus, cap. i. & apertē, candidēque hanc vesicę attractionem prodit: ejicq̃ esse cum partibus corporis reliquis hanc, & alias altricis ministras facultates, communem.

Vesica, hoc modo, attractio alimento utitur ad necessi-

D 2

tatem

tatem & libitum. Superfluum & inutile tanquam excrementitium postea expellit, eoq; se exonerat: nullaq; alia ratione aut privilegio quam reliquæ partes corporis, vesica suum in urinam officium peragit.

Expellentibus renibus vesica ad se urinam attrahit tanquam alimentum more aliarum partium: amplectitur, fovet & mille modis convertit & conficere conatur, ut sibi assimilet. Sed eji idem, quod reliquis partibus evenit, totumq; evincere nequit, nec toto indiget. Itaque satiata re expetita & prius desiderata, reliquum tanquam inutile & molestum sibi pondus, per expultricem suam vim excludit & egerit.

Hem urinarum speculator! Quid ex hoc vesicæ excrementitio humore, certi iudicii & consilii arripies? Quid arte Vulcani & ignis vi extorseris? Substantia urinæ ab aliis partibus emissâ quidem erat, suo in suis perfuncta officio. In renibus diu commorabatur: in ureteribus aliquale etiam tempus insumsit, & eorum calore non contemnendam mutationem sustinuit: in vesica diutius adhuc multo manet, & insignes, subit & experitur conversiones: ut non solum ejus adjuncta, sed substantia necessariò immutetur. Quia ex re, tui iudicii & conjectationis firmitas jam desumetur & dependebit.

Si urina talis è vestigio emissâ fuisset, nulla intercedente longiori mora & commutatione seu conversione in partibus variis, qualis erat cum à vena cava per ureteres eliceretur: tunc de partium, virium & humorum conditione ex ea aliquale peti iudicium (hoc enim adversariorum est Herculeum argumentum & palmarium) posse, non pertinaciter dimicarem. Quamvis etiam hæc, ex communi adjuncto petita, fallax esset conjectatio: & præcipue, ex humore excrementitio ad partis substantiam, vires & robur,

bur,

bur, consequentia ducta. Atqui cum aliarum partium se-
tām sæpe submisisset regimini & imperio: per renum den-
tissimum corpus, sit quasi destillata & percolata, in qvi-
bus fuit elaborata & immutata: in ureteribus ducta, com-
mota: in vesica perfectē, quantum ejī sat est, alterata: fert
animus dicere. Urinam solius vesicæ excrementum esse: &
judicium ab eo sumtum, de viribus, caloris officio & ro-
bore esse obscurum, incertū, fallax. Ni placuerit leviuscu-
lum quidpiam de vesica, aut de iis quæ in ea contine-
antur, ejīque vicinitate conjunctis renibus divinare &
conicere.

Mirari juxta subit, eorum avdaciā qui ex urina de cor-
de, pulmone, hepate, utero, judicium & quidem firmum
poscunt: ad quas urina nunquā accessit aut pervenit par-
tes. Quare non minus lepidē quam doctē, a barbaro quo-
dam poëta, olim lusum est:

Urinæ fraudes aperit discretio pulsus.

XXIII. Aphorismus est apud Hippocratem Aphorif.
xii. lib. i. de convenienti purgandorum ægrotorum tem-
pore & modo. *Concocta medicari atq. movere oportet, non
cruda: modō non turgeant, plurima verō non turgent.* Quem
Aphorif. etiam in libro de humoribus de verbo ad ver-
bum describit.

Imitatur idem Galenus in plurimis locis: qui ejī ratio-
nes subjunxit lib. de Sanitate tuenda: cum in eos incidis-
set, qui habent crassos & crudos humores, in quibus ni-
hil moveri vult: inqviens: *Dejectio verō in talibus tormina
& rosiones creat, animiq. deliquia: cum eo, quod nec notatu
quidpiam dignum educit, quando crudi omnes succi pigri at-
que admodū inepti propter crassitiem frigiditatēq. sunt, &c.*

Hinc in sequenti xxi v. Aph. hujus ejīusdem libri, tan-
quam per Syllogismum connexum ex genere speciem as-
sumendo,

D 3.

sumendo, extruit: in acutis morbis raró purgātibus utendum: quia raró materia turgēat.

Atquē ego contrā, ex propositione generali assumerē. In acutis morbis materia ut plurimū turgēt. Et concluderem. In acutis morbis raró expectandam concoctionem.

Assumptionis meę firmitas pendet ex definitione morbi acuti: verbū turgere: quid sit concoctum esse: crudum esse: ne videar in vocabulis more puerorum colludere.

Recentiores plures modos materię turgidę excogitarūt, a multitudine, ventositate, materię & loci, &c. sed sufficit proposito, a Galeno approbata acceptio, dicente: *Verbum autem turgere translatum est ab animalibus ad humores. Nam sicuti illa stare loco non possunt, quodammodo titillata atq; impulsæ concitæ, a passione: sic & humores plerumque in motu vehementiore atque transfluxu ab una parte ad aliam, in morbi principio hominem infestant moventes, titillantes & quiescere non permittentes, &c.*

Acutos morbos vocat, inquit Philotheus, Hippoc. hīc, breves, brevī motos, urentes & ferventē habentes materiam atq; caliditatē. Cum quo etiam Oribasius consentire voluit, & peracutos hīc intellexit.

Itaq; si morbus acutus est, qui brevī movetur, fervet: & materia turgēat cū moveatur nec in loco quiescat certo. In omnib. morbis acutis turgēbit materia, nec quiescet: q brevissimō tēpore movebitur, turbas dabit, magnoperē turgēbit: ut in iis omnib. videatur ad primē necessariū in principio aliquid tentare, ad turgētem materiā compescendā.

Et cū acuti morbi nō multū temporis, Apozematū, Juleporū & Syruporū concoctioni & præparationi permittant: sed tēpore brevissimō absolvantur: imprudentis medici judicārē, potius naturā & morbum cōmittere, quā prudenter cum Hippocrate in principio hujus cōflictus
naturæ

naturæ auxilio accedere: etsi id auxilii, non in universum
sive periculo adderetur. Minoris periculi res esset naturā
etiam acerbata juvare: quam eam & morbum de posses-
sione arma conferentes intueri.

Cruda etiā Galeno dicuntur, quæ quiescunt: cocta quæ flu-
xioni sunt apta. Atqui in morbis acutis nulla quiescunt:
sed movetur, concitatur, mota & concitata turbat & turgēt.
Quare nulla hinc quiescentis materiæ præparatio expectanda.

Repetit hanc doctrinā Hippoc. Aph. x. lib. iv. unde ex-
plicatio huc conveniens peti potest: quā præteribo, quia
brevitatis cingor cancellis, & ad sequentia progrediar.

XXIV. Talis fuit concoctionis ratio in morbis acutis.
Concoctionem in morbis diuturnis cum Hippocrate &
Galeno expectari posse, per me verū erit: ut materia cras-
sa & certō in loco hærens ac quiescens, ad fluxum & eva-
cuationem præparetur.

Id cum nō semper solius naturæ beneficio præstari po-
test, eji auxilio venient alia calida, quæ calorem nativum
imbecilliorē adaugebunt, & ea quæ humorem exte-
nuabunt.

In febribus putridis talis reperitur materia cruda: quæ
ex mandato Galeni concoquenda & evacuationi præpa-
randa est: alioquin nō facile cesserit. Quod Galenus doctē
& luculenter insinuavit, in tertia artis medicinalis parte, do-
cēs: febris putridæ curationē in alteratiōe & evacuatione
consistere. Alteratur materia à calore nativo: qui si debilis
nimis fuerit, corroborandus est aliis calidis, in quorū cata-
logo vinum non postremum dignitatis locum obtinet.
Et qui in hisce febribus continenter aquam agrotis præ-
bibunt: calorem nativum suffocare, & materiā putridā
alimentum suppeditare, sese non animadvertunt.

Hanc veritatem vidit & approbavit Galenus lib. iv. de
Sanitate:

Sanitate tuenda: *Si crudos, inquit, humores jam attenuatos putas, vinum dato quod ad concoctionem facit.* Et Hippoc. inter digestiva vino principes defert partes.

Quicumq; itaq; cum Galeno, in pituitosis humoribus putrescentibus, calfacientibus, incidentibus, extenuantibus: in melancholicis humectantibus & moderatè calfacientibus utendum statuit: is etiam vini usum in iisdem morbis non damnabit aut abrogabit, pro ratione febris & humoris temperati.

Quid? Et in ipsa biliose febris declinatione prodesse vinum ad concoctionis perfectionē prodere avsim. Quæ enim calori concoctionis instrumēto auxilium præbent: ea concoctioni & morbis per eam tollēdis, similiter emolumentum adferunt.

Magnus etiam potest esse vini usus in obstructionibus tollendis, à quibus febres plurimæ inducuntur. Nec etiam omne vinum caloris periculum secum habet: quod non omne vehementer calet.

Verum & hîc ut in rebus omnibus, prudentis medici erit animū attendere: ne in nimis vehementibus febribus vinum temerè exhibeatur: aut etiam in declinatione ubi calida & sicca nimis constitutio ejus usum dissvaserint. De quo Galenus nonnulla monuit cap. v i libr. v i i. methodi medendi.

Correctiones vinorum multaq; præparationes & variae in medicorum pratis proveniunt & florent: quæ si ante exhibitionem præcesserint, vinum tutò & salubriter in omnibus morbis à se exhiberi comprobant. De hac re scripsit integrū librum Arnaldus de Villa nova fol. 582: quî in multis non est aspernandus.

XXV. Quod de vino docui, præparationi humorum id accommodum, sed præcipuè virium corroborationi, id
in

in aquis stillaticijs & quinta essentia rerum, vulgò sic dicta, etiam quæram & inveniam.

Vires medicamentorum & ægrotantium conditio varia, in causa sunt præcipuè, quod variæ sint medicamentorum excogitata & exculta formæ.

Julepi, Apozemata, Syrupi, ad humorum præparationem vobis, ut etiam Italis nonnullis in frequentissimo sunt usu: fortassis non minus consuetudine, quàm rei veritate & utilitate, permotis.

Problemate hoc præsentì contendam evincere, aquas stillaticias & quintas rerum essentias æqvè feliciter & minori cum labore hujc servire & convenire usui.

Quinta rerum essentia & aqua illæ stillaticia, secundum artem, aut in cineribus, aut in balneo, aut alio quovis modo, extracta, ejus unde extrahuntur facultates retinent cum odore & sapore, & quasi totam ejus substantiam possident.

Apozemata, Julepi, Syrupi, aliquando ex iisdem coquuntur liquoribus, sed perrarò. Sæpius ex infusionibus & herbarum decoctis: in quibus decoctionibus, impossibile est ipsas facultates in liquorem transfundi: ut in ea, quæ fit arte & igne, destillatione & expressione, cui sæpius infusio præmittitur. Nec etiam aliud quidpià magni momenti in illa aromatizatione (sic enim hanc cinamomi ebullitionem nuncupant) quod eorum vires magnoperè augere potest, accedit.

Si itaque verum est, quod de humorum præparatione, per Apozemata, Julepos, Syrupos recepit practicatum usus & consuetudo, per ea humores præparari & mitigari: verius erit, eosdem aquis stillaticijs & quinta essentia præparari, in quibus omnia sunt vehementiora & fortiora: & in quæ, ipsa quasi rei destillatæ anima, more & transmu-

E

tatione

tatione Pythagorica, Vulcano auxiliante emigravit.

Cur enim nō essent potentiora à carceribus liberata, quam cum vinculis constringebantur? Nam si ex decocto id sperari potest, cum adhuc ipsa virtus & potentia agendi per densiores hasce partes corporeas impediatur: quid idem simplici aut saltem liberiori ea facta non sperabitur?

Panificii videntur nobis hīc longē prudentiores in pinfendo pane: qui paleam, furfur, reliquasq; partes inutiles & crassiores à polline separant & secernūt: pollinē postea in furno coqvunt, antequam nobis panem inde coctum manducandum tradant. Quod etiam in omnibus alimēti generibus observari potest ab eo, qui non dedignatur coqvos meliores & cerevisiarum coctores intueri.

In medicamentis, cur eadem hæc vera non sint, demonstrari mihi cupio: discere id non negabo: per me neq; eo videre. Interea credam ad materiæ præparationem & virium corroborationem cōferre aquas stillatitias & quintas essentias more & arte debita extractas. Essentiæ enim proprium est vivificare.

Verum meminerint hīc destillatores: difficilia quæ pulchra, utilia, necessaria: naturamq; semper nucleū sub corticibus occultasse: & bona ejus solis laboribus venire.

XXVI. Methodus unica est naturæ legibus cōgrua: ab universalibus, per subalterna, ad specialissima progredi.

Medici peritiores eam seqvuntur, eaq; tanquam filo in morborum curationibus ducuntur. Hoc enim tanquam commune præceptum comendat Galenus, lib. 11. de locis patientibus cap. 1 v.

Cripes tamen in eam aliquando incidunt, quo minus argutē servetur. Etenim cum auditor movendus est, orator vera methodo de industria neglecta, à posterioribus
incipit,

incipit, quod priora per se nitescere posse iudicet: aut ut auctorē percupidum novitatis, quo velit ducat & flectat.

Medici aliquoties idem amulantur, neglectis universalibus seu purgationibus istis generalibus, sola topica proferētes. Urgēte symptomatum gravitate: revocatur a totius corporis curatione medici & medicamenti opera, ad id mitigandum & tollēdum mediis appropriatis: etiam si causa morbi & morbus ipse in corpore adhuc resideant.

Consilium hoc dant Hippoc. & Galenus Aphorif. xix. lib. v. ubi annotat Galenus, prius illa curanda & semovenda, quæ magis urgent.

Leviores quoque morbi, facile topicis etiam exterius applicatis & adpositis placantur: sicut etiam nonnulli ex internis: in quibus eodem modo a generalibus abstinendum est. Non enim movendum est universalibus corpus totum, non sunt adhibenda purgantia & phlebotomia, corpus turbantia, nisi aliqua necessitas id postulaverit.

Criptica hæc & arbitraria, sed cum iudicio suscepta methodus est: quæ nihil communi curandi legi detrahit. Topica quidem non sunt admittenda nisi præmittantur generalia. Ad quam analogiam si addita fuerit anomalia & ea quæ hanc methodum immutant, lex ista *ταῦτα* completur.

XXVII. Qui in medico mari & oceano hætenus vela pandebant, & naves solverunt suas, Galeno rectore aut Amyrallo, ii omnes ad hanc cynosuram cursum direxerunt: *Contraria contrariis curantur.*

Hinc humorū imperium, qualitatū dominium propter contrarietatem, morborum natura a contrarietate, indicationes per contrarietatem, curatio per contraria, medicamentorum illa compositio & conspiratio in contrariis pixidibus,

E 2

plumbeis,

plumbeis, avreis, æneis, vitreis, contrita & conterenda in mortariis plumbeis, æneis, marmoreis, ex ingredientibus contrariis, mixtionibus contrariis, reconcilianda contrariis coctionibus infusionibus, expressiōibus, elixationibus, affationibus, per instrumenta contraria.

Tædet & pudet omnia referre. Contrarietas prora & puppis in medicina est. Commentatorumq; in Aph. xxi. lib. ii. Hippoc. vulgatissimum est. Dignitas & totius medicinæ fundamentum ex hac maxima & principio immediato colligitur. O' fundamentum lubricum! O' vilis dignitas!

Sola confortantia, deposita ferocitate, aliquid olfece- runt similitudinis & benignitatis: quæ tamen similitudo, a contrariis aliquam exorabit potestatem, alioquin vi agendi prohibebitur. Hem factuosum & Ariovisteum imperium: cum ad ejus memoriam & nomen omnia cōtre- miscant & quasi fulgure tacta concidant!

Recentiores quidem, cum amplius tam tyrannicum imperium sustinere & tolerare non poterant, ad experientiam & communem in vita utilitatem judicium detulerunt: & contrarietati pro Amicitia & familiaritate (nam similitudinis vocabulum hinc non congruit, sed postea vocabulum simile usurpabitur) dicam scripserunt, ut coram hisce judicibus suam defenderet causam, imperium, facta: non vi gereret omnia, sed ratione & consilio.

Contrarietati non probabantur hi judices, propter nescio quas declinatorias, & tanquam corrupti ac suspecti ab ea rejiciebantur: potiusq; ad Syllogismum & Demonstrationem provocandum statuit, eorumq; standum sententiæ definitivæ. Hos enim judices jam prius, ultró citroq; collatis beneficiis corruptos sibi conciliaverat.

Tanta cum videret se ignominia & cōtumelia conspui experien-

experientia, quæ iudicium in rebus naturalibus à natura prætoris legitimè acceperat, audientiam similibus cōcessit: ut suam causam cognoscendam proponerēt. Utilitas, cui æq̃ ferè potestas data est in causis cognoscēdis & iudicandis, utpote quæ in hoc iudicio assessorio officio fungebatur: principio suggessit in hac causa de simplici & plano esse procedendum citra forensē strepitum: nec admittendā longā de principiis, à similibus, Sale, Sulphure, Mercurio, adversus principia & elementa contraria querelam: non prolixam Balsami seu animæ mundanæ accusationem, adversus temperamentorum & qualitatū petulantiam, quod adjunctum solummodò sint nihil constituere apta: ex quibus & per quæ in hisce matricibus & habitaculis, elementis aliòquin appellatis, omnia dicta sunt produci, agere, cōservari. Non se animatum hodierno die cognoscere, quo pacto omnes ferè morbi ex semine seu suis principiis inordinatè habētibus originem ducerent. Hæc omnia esse præter institutū, & causas quæ altiore requirunt indaginem, ad iudicium ordinarium remittendas. Nūc solum extraordinariè similibus & amicitia probandum: non omnes curationes fieri per cōtraria: sed sæpius similia similibus curari: idq̃ citra ambages, ne absens cōtrarietas conqueri posset, lenociniis verborum iudices esse contra se concitados.

Itaq̃ accepto iudicio, apparitor, & silētio indicto: similium procuratorem ante iudices sistet: & quod adversus contrarietatem habeat, sibi laudem curatorum & curātorum morborū omnem arrogantem, & pro similibus ad huius partem aspirantibus, edisserendi potestatem facit: absq̃e omni tamen præambulo, modo in hoc iudicio recepto.

Primò omnium, anteqvā in accusationis arcem ingrediamur (inquiet procurator similium) docendi iudices

E 3 estis,

estis, quia de re nostra sit suscepta pugna: ne reus tergiver-
sando iudicium hoc eludat, se nunquam contra me de tali
re contendisse: sed in solis verbis & rerum symbolis, visam
fuisse quandam discrepantiam. Quid itaque utrinque curationis
vocabulo, nam de curandi arte & modo, lis est, significemus
dicā: ut de eo nostras opiniones reconciliemus. Alio-
quin nulla erit inter nos pugna de diversis rebus litigantes:
sed ridicula, vestris auribus & tempore indigna *λογομαχία*
& lusus puerilis.

Curare est morbos depellere & sanitatem pristinam cor-
pori reddere.

Sunt qui hic quandam subtilem comminiscuntur differen-
tiam inter causam ablationem & morbi curationem: & propterea
se machinas quibus similia propugnatur, se posse illudere
sperant. Sed hi toto caelo aberrant. Nam cum morbus & ejus
causa continens, necessario sint nexu copulata: non potest
dubium esse: causae ablationem, morbum etiam tollere: nec
manente causa morbum posse auferri. Sed cum causa subla-
ta fuerit, nulla amplius re ad tollendum morbum opus est.

Temere itaque inter curationem & praeservationem confi-
ctum discrimen est: ut & quamplurima talia nobis pro ora-
culis obtunduntur. Causam autem in potentia si impedias
ne morbum ingerat, recte a morbo praeservasse dixeris: de
qua re nulla inter nos contentio est.

Sed quid hoc est, respondebit aliquis e contrarietatis gre-
ge & familia? In iure & iudicio sine legibus, aut testibus lo-
qui pudor est. Leges & sententiae adducendae sunt non opi-
niones: quibus monstrari potest, Hippocratem & Galenum,
nostros Justinianos & legislatores, hoc sensu vocabulum
curationis in usum traduxisse.

Adducam tibi unam aut alteram solummodo: quam-
vis sexcentae in numero sint: ne iudices nimia offendam
prolixitate, aut a proposito abducam.

Hip-

Hippocrates, demonstraturus curationis naturā, quā in cōtrariis sitā voluit, in principio libelli de flatibus, inquit: *Nam si quis morbi causā agnoscat: hic poterit, quæ corpori cōducere valeāt admove: quippe qui ex cōtrariis fieri egritudines non ignorat. Nā hæc medicina imprimis est naturalis.*

En Hippocratem utentem vocabulo curationis, pro ea curatione quæ instituitur per causæ ablationē, & nunc à quibusdā, sed immeritō, præservatio appellatur. Vera enim curatio est. Galenus apertius suam sententiam multis in locis, . de differentiis febrium, in lib. de optima secta ad Thrasybulum, prodidit: se nempe præservationis vocabulum cum curatione confundere: & suo iudicio, auxilia nō effectis, sed efficientibus adversari. Hinc enim tota cura, ex causarum ablatione pendet.

Præ aliis elegans est apud Galenum locus in commentario supra Aphro. x x i . lib. i . Aphorismorum Hippoc. *Sed his addamus aliquid propter deliros, quales sunt quidam medici recentiores, qui de nominibus altercātur, & putant se de rebus ipsis habere sermonē. Hi autē sunt, qui ajunt causarum efficientium morbos ablationem, non esse curationem sed præservationem. Qui primum quidem docendi sunt, quod de nomine litigant, deinde, quod neque de hoc ipso recte. Ubi enim causa non adest, quæ morbum efficiat, hic sola curatio factorum relinquitur, &c.*

Hic itaq; nostræ disceptationis cardo versatur: convenietq; inter nos de curatione institutā hanc litem, quæ sublata causa tollit effectum, sine aliqua verborū circuitione, in iis morbis, in quibus talis causa præsens est.

Hinc progredior ad faciendum vobis fidem, talem curationem non fieri semper cōtrariis, sed sapius similibus: ut vehemens contrarietatis imperium aliquantulum demulceam & benignioribus mitigem.

In

In biliosarum febrium curatione, usitatissimū est Rhabbarum & Scammonium: quæ propter substantiæ similitudinem (iudice Galeno) extrahant biliosam materiā & unā morbum tollant. Quia in curatione quid effecerit contrarietas demonstrari vobis postulo.

Novi quidem consutum esse tectoriū hujc rei excusandæ & tegendæ: hanc curationem non fieri per se, sed accidentalem esse: quod unā cum quantitate à Rhabbaro exturbata seueducta, etiam febrilis qualitas solvatur.

Scholasticis hæc satisfecerit solutio non logicis. Quis cōtendit qualitatem existere, aut educi sine suo subjecto?

Nec etiam hīc de quantitatis vitio sermo est in febribus: sed de qualitate: quam si Rhabbarum propter similitudinē, in quocunq; id fiat subjecto, eduxerit, morbum sustulerit: curatioq; methodo curandi naturali, per similia instituta, & perfecta est.

Libro v. Aphorif. x x i. est: Juvenem benē carnosum, æstatis tempore, tetano laborantem, si multa aqua frigida profundatur, sanari. Hīc pituita mali cavssa & remediū, ejusdem sunt naturæ, nec sibi per contrarietatem adversantur.

Similis etiā hīc à Galeno & ejus similiis, interpretibus, excusatio quæ sita est: hanc sanationem per accidens ab aqua fieri: per se à calore nativo fortificato. Nam aqua perfusa calorem revocat: color autem hanc solvit pituitā.

Simile iudicium omnibus convenerit curationibus: cum in omnibus cavssa efficiens principalis, sit calor nativus.

Nec etiam hīc disputamus de caloris nativi in curandis morbis virtute & operatione: sed de remediis adhibendis hactenus postulatis contrariis: quæ hīc similia esse probantur.

Quorsum

Quorsum autem subterfugium, & unde illud per accidens? Medicus hoc sine aquam frigidam affundebat ut pituitam fluidam faceret aut expelleret. Est ne hoc per accidens & contingenter agere? Aqua perfusa, natura sua, calorem intus coercuit & continuit. Calor retentus & copiosior factus pituitam evicit & dissolvit. Est ne hoc per accidens agere aut morbum curare? Per accidens causa est quæ aut necessitate aut fortuna præter efficientis scopum & voluntatem effectum introducit. Aliæ acceptiones fraudulentæ, fallaces, ineptæ & inutiles sunt. Sed redeo ad propositum.

In febribus, & calidis morbis præter naturam parum excedentibus, naturalis calor nonnunquam in se omnem operationem suscipit & perficit. Quam contrarietatem inter hos duos calores statuas, ut se expellant mutuò? cum potius alter altero augetur & accresceret: nisi similia sint quæ curant. Non enim propter excessum & defectum, propter intensionem & remissionem sibi contrariantur: nam contrarietas est inter qualitates oppositas, non inter ejusdem speciei qualitates.

Vomitum nonne vomitum curat: & purgatio ad fluxum ventris commodissimum est remedium: causam morbi & morbum auferens?

Hæc argumenta pungunt quidem contrarietatis defensores: quamvis in promptu sit effugium, per se per accidens: non simpliciter, sed secundum aliud: non hoc sed illud: respectivè & absolutè. Quæ subtilitates in omnibus scholis credulæ juventuti persuaderi, & placare eorum iram, possunt: à doctis firmioris judicii deridentur.

Neotericorum rationes magis huc convenient, quamvis mille contumeliosis nominibus conspergantur: vocenturque cinisflones, argillarii, carbonarii, &c. Hi cum de-

F monstrare

monstrare ex naturæ fontibus potuerunt, omnes morbos sulphureos, saleos, Mercuriales: nihil in tota hac mundi machina cōplexuq; cōcludi, qvod ex iis non constet principiis, eorum conservatiōe & harmonia delectetur: eaq; parum avt multum, (per innatam propensionem & ad morbos inclinātionem, ex maledictiōe divina, accedentibus exterioribus lædentibus & provocantibus, in quibus morborum semina lateant) læsa, digesta, fermentata, & avcta satis in corporum seminibus & spiritibus, varia, pro varietate suæ naturæ, partium & instrumentorū, morborum genera procreant.

Hæc, inquam, cum rationibus confirmaverint firmis, non erit iis grave similia potius similibus, quam contraria contrariis curari, docere.

Contendunt omnium morborum causas, debere esse aliquid reale & existens in rerum natura, qvod viribus & potestate polleat ad sua effecta producenda: qvod scientiam habeat, prædestinationes & officia, essentiam, vitam, proprietates, quarum beneficio conspirare & confluere possit actionū & passionum mutua vicissitudine, & suas actiones absolvere.

Caliditatis, frigiditatis, humiditatis, siccitatis intentiones & remissiones in vanū induci: quæ sunt rerū umbræ, ut colores & reliqua similia adjuncta, nec ex sese radices & potestates ullas habent: sed à radicibus suis, ut signaturæ reliquæ, profluant.

Quare in morborum causis penitiūs, sicut in Silenos Alcibiadis, introspiciendum: & ad seminum & trium principiorum domesticas proprietates, confluentiarum & cōspirationum causas veras, & discordiarum, confugiendum est. Ita apparebit: cur hæc germina & fructus, hi agri proferant.

Morbi

Morbi sic à seminibus, seu eorum vicem suppleantibus spiritualibus scientiis, orti: eadem argumentandi & operandi lege servata, à spiritibus & vitalibus spirituum tincturis & essentiis curantur. Non enim plus potestatis attribuendum est qualitatibus in curando: quàm illis fuit in morborum curatione permissum.

Harum essentiarum quia natura similis est, earum aptae sint ad ablationem eorum quae abundant, ad appositionem eorum quae desiderantur: approbatum est, similia similibus curari. Hic enim morborum & causarum similes sunt in natura substantiae & proprietates: in quibus extirpandis, non magis diceris curare, superabundantia tollendo, quàm amissam sanitatem restituendo.

Admittunt etiam Chymici quidam, immo postulant, morbum similibus curari, sed ante similitudinis usum sapius necessaria quaedam alia, expellentia: in quibus tamen similitudo aliqua intercedat necesse est.

Addunt praeterea omnem contrarietatem in naturam à diabolo inductam, consonantiam & amicitiam à Deo: & propterea qui per contraria se morbos curare gloriantur, arte utuntur à malo producta principio.

Sed dic quæso, quid curas? Morbum ne? Id negaverint Galenici, jubente Galeno, sed causam: ad cuius ablationem tollitur morbus: cui etiam contraria sunt fingenda remedia.

At si Paracelsicae medicinae sectatores quidam, dixerint se humanum corpus morbo prostratum, erigere & curare: nonne tum cum iis facies: & fateberis, similia similibus curari?

Sed nolo in re seria ludos agere aut jocos. Galenum poenituit, quod in tam sublimem dignitatis & honoris locum qualitates evexisset & earum contrarietatem: salutarique poenitentia ductus, passus est xi. de Methodo medendi,

F 2 magna

magna cum inconvenientia, hanc loqvendi formulam in-
introducendam in medicinam: *contraria contrariis curari*: do-
cens: *Si dicere nolueris contraria contrariis curari, quoniam*
forte hoc nomen contrarium nimis arctum videatur: saltem
dic opposita oppositis curari. Galeno accesserunt postea ex
interpretibus doctiores, & hanc contrarietatem & oppo-
sitionem intellexerunt pro quacunque oppositione, etiam si
parum distet. Argenterius propius accessit & sola diversi-
tate erat contentus.

Quid itaque sibi vult contrarietas? Recentiores quibus
vis & injuria fit, tantam identitatem & unitatem inter me-
dicamenta & morbos aut corpus morbidum nunquam
postularunt: quin eadem similia, essent diversa. Cum simi-
litudinis aliqua in diversis: & in ipsis oppositis reperiri
potest.

Habent recentiores in singulis morbis sua etiam reme-
dia particularia per similitudinis doctrinam inventa, & in mul-
tis agrotis feliciter usurpata: & in iis etiam morbis, quos
ne aspicere, nedum tangere audebat contrarietas. Quae si
commemorare aggrediantur, in furorem agetur rei novi-
tate & Vulcani viribus contrarietas: aut magis muta red-
detur quam pisces & nec hincere quidem audebit.

Sed labor longius quam instituti ratio postulat: tempus
est linguae, hac de garrere gestientis, frena cohibere & vela
contrahere. Ubi etiam vos iudices submissè rogandi estis,
ut quicquid peccatum sit prolixitate, libertate, aut modis
aliis, id rei obscuritati & ipsi veritati propugnandae con-
donetis, arbitriumque vestrum interponere velitis.

Ego itaque, inquiet experientia, auctoritate publica,
qua in praesentiarum fungor sic meam pronuncio senten-
tiam.

Contrarietas quia nostrum iudicium subterfugit, cavillae
suae

si se diffidere suspicionem nobis iniecit. Similium causam audivimus & cognovimus: & aliquot, quibus ea munita sint, instrumenta non aspernanda legimus & examinavimus. Quamvis adhuc se multo plura & firmiora in aliud tempus reservare glorientur.

At cum adversæ partis responsiones auditæ non sint, nec hæc controversia à capite ad calcem hodierno die cognosci & dijudicari poterat: concedimus similibus aliquam morbos curandi potestatem idque impune: usque dum in communi consilio tota hæc controversia dirimi & tolli possit.

Ego sicut experientia, inquiet utilitas publica, sentio & iudico: nec cur similibus hoc detrahā privilegium invenio: quæ tot, tantaque firmitudinis & roboris, instrumentis & litteris se prudenter munierat & confirmaverat.

XXIIX. Simplex medicamentum, quod à natura tale productum est, nec aliquid nostra industria est adeptum, si in compositum misceatur, illi totam suam naturam, existentiam & vires impertit. Nihil in compositis est, quod in simplicibus non inerat: etiam si ex actione mutua simplicium inter sese, nova quædam vis emerit composita.

Cum itaque compositi vis pendeat ex natura simplicium: æquum est, & rationi consentaneum, simplicibus utendum, ubi satisfecerint. Simplex enim composito longè est certius & exploratius, longè etiam naturæ convenientius: neque ejus, quod vel optima ratione compositum est, certus & tutus usus esse potest, nisi experientia comprobatus.

Quamvis non dissimulandum est, in illis prolixioribus compositionibus etiam confundi & commisceri, quæ putantur consentanea: cum tamen sint maximè inimica, ut non solum proprias virtutes, verum etiam aliorum conficiant & conturbent.

Memini me aliquando in Gallia hac vestra, apud phar-

F 3

macopæum

macopaum legere apozematis compositionem, in quam conscripta erant amplius *LX*. simplicia ad lib. *j.* decocti: cuius exemplum credo in meis adversariis adhuc reperiri.

Quas credis, tantam simplicium congeriem & cumulum post decoctionem, vires retinuisse? Ad quem humorem præparandum destinebatur hoc apozema non poterat ex intentione medici, quantumvis magni nominis, tot congerentis diversa, dignosci. Credo omnes humores fuisse redditos morigeros, ne spe in purgando deiceretur medicus.

Sic etiam iudico, ineptè prolixas istas cōfectiones aromaticas, opiatas & reliquas in officinis, magnis sumtibus comparari, maioribus laboribus, & id quidem agrè conservari: si simplicia, quæ eorum sunt bases debitè præparata in promptu essent.

Damno inconvenientia. Laudo eos, qui ubi simplicia deficiant, non sufficiant, aut etiam non commodè exhibeantur, plura ad defectum supplendum, ad incommodum avertendum accommodaverint. Quia de re duo Galeno digna scripta nobis in manibus sunt: de Compositione medicamentorum secundum affectos locos: de Compositione medicamentorum secundum genera.

XXIX. Ut verè dictū est: nō omnis fert omnia tellus: sic eque verè convenit: non omnis deposcit omnia tellus.

À natura prudenti, inter subiectum & adjunctum tanta est indita convenientia, ut suis invicem lætentur, aliquādo quiescant, donis, & peregrinis abstineant.

Reperiuntur homines, qui à sale, pane, vino, cerevisia abhorreant: suo lacte, piscibus, carnibus tostis, fumo induratis, aut etiam in sole exsiccatis contenti, ea omnibus opiparis ferculis præferant. Sic enim natura, sua iis prospexit & prædestinavit necessaria.

In medi-

In medicamentis, quorum tamen usus longé est minus necessarius aromatibus ipsis, longé aliud, sprete naturæ ordinatione, recepit usus.

Nulla pro veris, aut alicujus pretii reputantur, nisi ab extremis Sarmatis aut Indis apportata. Quæ quàm sint furcata, quàm adulterata, miseri ægroti & medicorum existimatio persentiunt.

Quid cavissæ putas? Nostri nosmet poenitet. Socordiae & delidiæ obruti sumus opiatibus potionibus: aliis potiùs quàm nobis, laboribus commissis: modò nos otiosi obambulemus.

Inquiramus inter purgantia, in nostros tithymalos, esulas, polypodium, helleborum, iridem, daphnoïdem, cucumerem agrestem, brioniam, cnicum, &c. iisque dextrè & artificiosè corticibus semotis, liberataque natura utamur: & liberabimur ab Indorum & Arabum imposturis, qui nihil nobis præter solum interitum optaverint.

Mineralia nostratia seu Germanica, quàm hîc in purgando & corroborando supellectilem præbeant, notum iis qui ad omnes ferè morbos inde longé familiariora naturæ medicamenta præparaverunt, quàm colocinthide, aloë, senna, turbith, rhabarbaro, scammonio ad purgandum: quàm confectioe alkermes, hyacinthi, anacardina, diacinamomo, diaspolitico, diarrhodo Abbatis, diamosco, diambra, diagalanga ad confortandum.

Imitemur eos qui Hippocratem sunt secuti, & à quibus post ejus tempora, inventa fuit purgatio per rhabarbarum, cassiam, mannam, &c. Hippocratis tempore incognita. Nec credamus omnia naturæ arcana adhuc in lucem eruta.

Quicumque itaque maluerit propriis quàm alienis oculis videre, in propria quàm in peregrina potius inquiret, & postea

& postea de huius problematis certitudine iudicium feret.

XXX. Vicinus in prioribus: consuetudinem in curandis morbis nihil indicare: permittere non exposcere.

Populi errorem eo damno: qui a necessariis evacuationibus abstineant, verentes magno cum periculo semel adhiberi & usurpari corpus evacuantia: nisi eadem in singulos annos, aut etiam menses continuentur & iterentur.

Quid poterat magis ridiculum: quid magis noxium in humanas mentes incidisse? Cum materia adfuerit noxia, periculum morbi intentans, ejus ablatio est necessaria: nisi delectamentum fuerit, in morbos inde pullulantes incurrere.

Consuetudo hac in re nihil praestat. Non enim aperitur vena, quia scindi consuevit: non adhibetur purgatio, quia anno praecedenti fuit usurpata. Materia peccans est, quae sibi indicat ablationem. Quia absente frustra & periculose mos geritur consuetudini. Quia in naturae amicum & convenientem materiam impetus fiet: propter operationem & virtutem medicamenti insitam: quae si noxiam materiam cui evacuandae destinantur, non offendant, innocentem magna afficiunt injuria. Aperta vena purus & corpori familiaris effluit sanguis temereque consuetudini est obtemperatum.

Perspexit Galenus id incommodum libello isto devulsiōe: sed non sperabat homines, eo stultitiae venturos, ut sibi deliberato animo malum consciscerent. *Sapius, inquit, venam in anno secare, haud expedire arbitror: quum una cum sanguine vitalis exhauriatur spiritus.*

Quae postea Galeni sententia, ab Aetæo & quibusdam aliis acceptata & in pretio habita est.

XXXI. Certis de causis ad medicamentorum compositionem

positionem deduci nos, admittimus & approbamus. Prudentiam ea in re postulamus, ne spes nos frustretur.

Qui purgantibus adstringentia miscent: aquam cum igne commiscent, ut temperatum inde proferatur. Id *ἄλογον* est. Ignis potius diminuenda quantitas est, ut minus noceat. Si diminutus, non potest sufficienter calfacere: iis accendendus est, qui flammam quidem majorem, sed minus noxiam dederint.

Purgantium usus si periculum minetur, & mitigatio sit necessaria: non sunt admiscenda adstringentia purgantium usum inhibentia: sed partes corporis adversus hanc injuriam corroborantia: sed mitigantia vim nocendi & corrosivam in purgantibus, non ea quæ purgandi in medicamentis vim diminuunt. Hoc enim pacto, tuto purgantia dabis, & finem speratum consequeris.

Verum si adstringentia admisceas, quantum purgantibus profeceris, tantum adstringentibus destruxeris. Quæ si æqualia non fuerint: difficilius nihilominus purgantia operabuntur: majorque creabitur naturæ molestia, a duobus diversis hostibus, cujus vires distrahantur.

Adstringentia omnia terrena sunt, & crassa corporis consistentia, qualitate verò frigida, inquit Galenus lib. v. de Simpl. medic. facult. Eadem siccare dicit lib. i. de sanit. tuenda. Purgantia contra calida ab eodem censentur, & partes laxant, si vera est opinio de humorum attractione. Hæc itaque inter se confundere, est naturam ad varios hostes distractam, prostrernere & destruere.

XXXII. Inter duo mala minus esse eligendum vel brutis ratione carentibus videtur.

Gravidis medicamenta præbere multis nominibus periculo plena res est. Materia in eorum corporibus mor-

G bis

bis gignendis idoneam, immunem & liberé omnia depopulantem relinquare, majus videtur esse periculum.

Si itaque in gravidis, necessaria æquè esset utraqve universalis evacuatio, purgatio & phlebotomia: nec tamen utramq; vires sustinerent: in dubium vocatum à medicis est, quæ potissimū harum esset præferenda, & minori cum periculo adhibenda.

Pro phlebotomia agam ego, & hanc tanquam minus incommodam & infestantem svadebo: cujus consilii hæ sunt rationes.

Purgantia medicamenta calida, assumpta calfaciunt quas transierint partes & quæ circa eas sunt, exagitant humores, & contenta turbant: nec quidem ipsis facibus intactis relictis, unde infanti læsio accedere potest & noxa.

Hinc motus Hippocrates severam contra purgantium usum protulit sententiam: *mulierem uterum gestantem morbo acuto corripere lethale esse, quia morbi materiam purgantibus auferre interdictum est.* Quamvis ne hoc quidem *λάττω* est, ut colligere licet ex Aph. i. lib. v. in quo etiam intra i. v. & vii. mensem purgantium usus gravidis permittitur.

Purgantia medicamenta, magna ex parte venenata sunt, & ad urinam etiam proritandam proclinant: unde abortus periculum. Hæc purgationem in mulieribus uterum gestantibus dehortantur.

De phlebotomia docet Hipp. Aph. xxxi. lib. v. *Mulier uterum gerens, sanguine emissio ex vena, abortit: & magis si fetus sit major.*

Addit Galenus rationem in suo commentario: quia nutrimentum foetui subtrahitur, quo tamen copiosiorē utitur, quàm cum esset in primis mensibus.

Alimenti

Alimenti subtracti per phlebotomiam defectus, cum refarciri multo potest commodius, quam illa incommoda a purgantibus, venenatam naturam præ se ferentibus, sedari: avtor essem in hac comparatione inter purgationem & phlebotomiam, tolerabiliorem esse phlebotomiam purgatione: modo omnia sint æqualia, eaq̃ moderatè administraretur.

Averrhoës ejusdem animi est: qṽi Aphorismum hunc i. lib. v. de phlebotomia interpretatus est, qṽam ex sententia Hippocratis hîc permissam adstruit.

XXXIII. Hippocratem in Aphorismis xiv. & xv. lib. iv. secuti practici: qṽibus accedit Galenus lib. iiii. de simplicium medic. facultatib. cap. xxv. inire somnum permittunt, aliquando præcipiunt, in forma duriori si assumpta fuerint purgantia: ut naturam in resolutione medicamenti, copiosiore calore tempore somni adjuvent: in liquidiori forma assumpto pharmaco inutilem somnum. Sic practici Hippocratis Aphorismos intelligi volunt: qṽi tamen de iis solummodo locutus est, qṽæ purgationem juvent tempore egestionis: medicamento a calore nativo alterato.

Avicennas neglecta medicamentorum forma artificiali, naturam & formam essentialem respiciens pavllò veriùs protulit. Si forte detur medicamentum dormire permittitur, sin debile secus.

Valesio in controversiis medicis, neqve hunc satis cavtè rem expedivisse, videtur, ad caloris vehemētiam seu robur confugienti. *Cum fieri possit, ut ab uno homine, utpote juvene & forti melius conscribantur fortia medicamenta in forma etiã catapotiorum: qṽam ab alio utpote sene & imbecilli, debilia medicamenta potu data. Quo casu indigebit alter somno a debilipotione, alter vigilia a fortioribus*

G 2

ribus

ribus catapotiiis. Quare dicendum puto: cum medicus considerata natura medicamenti & calore agrotantis conjectabit facile, posse medicamentum ad actum commutari: omnem somnum interdicat: si vero difficile, modicum concedat, qualecunque pharmacum sit qualisq; forma Hæc Valerius.

Ab horum omnium sententiis discessionem facio omnemq; somnum potest assumptum pharmacum interdico.

Requiro in medico, ut medicamenti vires, & forma cum eo congruant cui propinabitur. Quod si absit, præparandum est, miscendum, componendum, usq; dum medici proposito est satis factum, & quod postulavit impetratum.

Hoc facto: non opus est somno ad corrigendam formam: non opus est somno ad mitigandam vehementiam: non opus est somno ad calorem nativum avgendum. Ita enim omnia sibi debite respondent, medicamentum, forma, vires, materia evacuanda & omnia a medico ita temperata & comparata sunt: ut ulterior sit ridicula correctio.

Somnus itaque, qui post pharmaca ab Hippocrate aliquando admittitur, a practicis necessario præcipitur, ex medicorum ignorantia in medicinæ usum inductus est: qui cum adhibendus sit, hæc parit secum pericula, quæ patiens hævè facile evitaverit.

Juvat, inquit, somnus concoctionem ventriculi: calore, tempore somni, avctiore reddito. Esto. Quare etiam somnus partem aliquam medicamenti, ut reliqua alimenta, ventriculi lateribus sua efficacia apponit & affigit. Cum enim ex hujus caloris ubertate, medicamentum etiam in vapores & fumos aliqua ex parte transmutetur:

tetur: non potest non aliqua ejus pars in ventriculi tunicas, sine delectu operantis, assumi & exsugī.

Medicamēti etiam maligna qualitas fortiori calore devincitur & mitigatur: bonum a malo segregatur & quasi ejus concoctio quædam fit.

Si reponas nihil horum extimescendum: quod vires medicamenti maligni, non patiantur se ab hoc, nec regi nec superari, etiam calore robustiori: reddo, propter vires corporis somno adactas, quod immorigerū & cōtumax sit, unanimi & amica conspiratione partium, a natura prædestinatis viis exturbari: nec purgatione quod institutum erat effici, purgante medicamento excluso.

Itaque his de causis somnum interdico post assumptum pharmacum: nisi errores quidam commissi, beneficio somni corrigendi sint: ad quos Hippocrates Aphorismis prædictis connivendum putavit.

XXXIV. Ut cælo omnia continentur: sic cœlestibus influentis eadem gubernari & commutari, non solum quatuor illæ mundum constituentes partes elementa dicta, sed etiam res omnes creatæ inditio & testimonio sunt.

Maria ad lunæ motum varium intumescunt, dilatantur, diminuuntur. Animalium humores adaugentur aut minuuntur: sive revera hæc fiat augmentatio, diminutioque: sive etiam ad centrum solummodo cohibeantur: unde dimittuntur luna avctiore reddita & propius appropinquante.

Taceo generales illas annorum, temporum, mensium mutationes: in quibus propter cœlorum orbes & ornamenta, tam sunt cōspiciuæ hæ mutationes, quam meridianum solis lumen.

Origenis & Plotini interpretatio & vox est: tantum effici cœlestibus corporibus, quantum ordo naturalis patitur, &

tur, & ad corporum spectat operationes: & id quidem cō-
muni conditione, quæ tamen per propinqua nobis valeat
commutari.

Dum hanc in medicina approbo generalem, in munda-
nis comœdiis ab astris, mutationē, & ejus considerationē
necessariam: nec Astrologiam nec Astrologorū iudiciū
in singulis corporibus affirmo aut infirmo: sed ex hac cō-
muni cavssa antecedente in phlebotomia indicationem
coadjuvari profiteor.

Cum enim partes corporis propter eandem constitu-
tionem mutantur, & vires nunc firmiores nunc debilio-
res reddantur: nunc diminutus nunc adactus sit humor
corporis, phlebotomiam tales constitutiones meritō gu-
bernant & moderantur.

Cavtione tamen omnia fient, quam interpretes Avicē-
næ adhibuerunt: quod indicatio hæc sit horæ electæ, non
necessitatis: id est, cum per pericula & morbos licet elige-
re diem & tempus mittendi sanguinis, eligendum illud
est quod nostræ intentioni serviat. At si morbus & aliæ
cavssæ magis proximæ, sine longa deliberatione sui abla-
tionem, per sanguinis emissionem, postulaverint: ridēdus
est, qui cum vitæ discrimine cōmodum exspectat tempus.
Maius enim periculum ex mora, quam ex tempore & in-
festissima cœli constitutione imminet.

XXXV. Temeritas artificii vitanda magnoperè est.

Temeritas videtur unquam morbos concitare quibus
cum naturæ conflictus, esset. Secus res habet.

Temeritas quidem esset, nisi bono & satis etiam certo
fine id susciperetur: quamvis eventus sæpe fallat. *Ca-
reat successibus opto: Quisquis ab eventu facta notanda
putet.*

Cum in morbis externis à peritis chyrurgis certò sit
iudica-

judicatum, malum non sanatum iri, nisi per alium morbum: non verentur etiam partem aliquam integram & illaenam, desperatis ut monui omnibus remediis aliis, dissecare & auferre: ne majus malum accedat: venas ad fluxum sanguinis in vulneribus sistendum urere: in fluxionibus nimis omnino dissecare: in gangraena non solum mortuam, sed etiam aliquid sanæ partis tollere.

Purgatio & phlebotomia leviores quidam sunt morbi, qui eodem consilio usurpantur.

Naturæ hæc curandi ratio sapientius placuit, quæ leviores morbos inducens & curatu promptiores, graviores curat: (ut de Celso hoc serio præcipiente nihil dicam.)

Quod si à natura introductum, ab Hippocrate & Galeno in Aph. xxvii. lib. ii. receptum est: quare medicus, qui in naturæ currit vestigiis eandem non sibi assumeret licentiam? Qui etiam supra naturam, actionem instituere potest, quæ per se quidem mala videtur, sed propter aliud, à fine nempe, bona judicabitur. Hic cum judicio & consilio agit: illa in suis actionibus solo fertur impetu: nec ante actionem de fine deliberat.

XXXVI. Speciem veri habet suppurantia omnibus ulceribus prodesse: cum Hippocrates affirmet lib. v. Aph. xx. ulceribus frigidum mordax, cutim obdurare, dolorem insuppurabilem facere, &c.

Ratio, additur verbis, Hippocratica: quod frigidum cutim obdurando & densando, humidum interius concludat: unde dolores, qui suppurationem prohibent, & inflammationem augent, naturalemque calorem ad pus conficiendum nimis reddunt debilem: & ea dissipari prohibentur quæ dolorem inducunt.

Suppurantia contra omnia calida, cutim & poros rarefacientia,

facientia, & nativum calorem ad concoquendum pus adjuvantia. Cum ad puris generationem requiratur caloris nativi, supra materiam nocentem, victoria: si congesta materia per se digeri nequeat. Omnium enim suppurantium natura est, ut calorem nativum juvent, & calorem in materiam putrescentem induant nativo similitum: cujus etiam auxilio corruptus hic humor mitigetur & ferociam deponat.

Hæc est natura suppurantium & puris in ulceribus: quæ videtur prima fronte pro suppurantibus facere, sed fidelius librata, suppurantia à quibusdam ulceribus prohibet & arcet.

Si periculum sit inflammationis vehementioris, suppurantibus repudiatis, refrigerantia congruunt: alioquin vehemens per se inflammatio vehementior reddetur, magisque lædet.

Dehinc si calor, in minori aliqua inflammatione, satis fuerit potens, ad hanc pugnam sustinendam & conficiendam, similiter obsunt suppurantia: nam quæ à natura decreta sunt, & decernuntur aut ut decernantur sit expectatio certa: movenda non sunt. Ne fortasse tua temeritate naturam feliciter operantem alio avoces. Quod in omnibus morbis, non in solis purgantibus verum agnosco.

XXXVII. Argētum vivum à Galeno lib. iv. de simpl. med. facul. cap. x. medicamentis perniciosius annumeratur, quæ per erosionem interficiunt.

Nec rationibus nec experientia ductus erat in hæc sententiam Galenus, quam tamen proferre non verebatur, sed aliorum, nescio quorum, auctoritate: cum ipsemet lib. ix. hujus ejusdem scripti confiteatur se non expertum: an interimat devoratum forisve admotum.

Quid itaque agis & inquis Galene? Telam Penelopes
texis

rexis & more tuo rexis. Uno eodemq; spiritu, calidum & frigidum spiras: damnas, condemnatum absolvis. Destituebatur hic Galenus in refluxili & mobili qualitatū indicatione & auxilio: quare in salebris hæsit.

Successores Galeni cœperunt de Mercurii natura & effectis, ex iisdem qualitatibus, indagare & venari: quem calidum, frigidum, humidum, siccum, & protheum quendam astutum conqveruntur.

Mercurius alatus cum sit ad superos avolavit: nec se tam crassis oculis & acie oculorum tam densa conspici voluit. Qualitatū imperium derisit & fefellit. Experientia quæ rationis virtutem probat, ejus patefaciet effecta & usus. Quamvis & chymici ex principiis suis, ejus virtutes se probaturos non dissimulent.

Sic itaque Mercurius, per experientiam, in medicum venit usum apud veteres & nostræ hujus memoriæ medicos: in iliacis, colicis, lue venerea, sclopetorum vulneribus, in podagricis humoribus expurgandis, ad hydropem, in peste ipsa, adhiberi ceptus est. Expurgat enim leniter humores: & cum diaphoreticis admixtus solos sudores movet.

Si cupias scire quorum hæc sit experientia: lege recentiores ferè omnes & nonnullos ex veteribus, qui medicinam facitarent: cōmunica cū iis, qui ejus usum felicem, post præparationem convenientem, experiuntur: nec pudeat chyrurgos aut barbitonfores de hac re consulere: modò ab iis doctior redeas. Nolo ego quemquam nominare: ne auctorum commemoratio, odium mihi pariat.

Sed licet ne in re tam seria aliquid divinare & conjectari? Quid ni liceret. Credo medicos, postquam olfe-

H cissent

cissent ex scholis chymicorum & metallicorum : in Mercurio omnium metallorum transmutationem & perfectionem consistere : in eo inesse potestatem se & reliqua omnia ab ignis vi & vehementia conservandi, quem natura solum hoc privilegio insignivit, ut omnem ignis inclementiam & tyrannidem invictus sustineret, & dictum propterea salamandram à chymicis : animum induxisse, periclitari annè idem in humanis corporibus, quod in metallis beneficii & officii præstaret. Hinc moti multas excogitârunt ejus præparationes : quibus eum usibus suis absolvendis, morigerum reddiderunt : Mercuriique optatum & speratum usum in perficiendis & transmutandis corporibus humanis invenerunt. Quærite & invenietis, Pulsate & vobis aperietur. Vigilantibus enim non dormientibus dii sua dona distribuunt.

Poterant etiam alia quædam incitamenta, ex casu aut ea spe quam, de omnibus rebus ad humanos usus creatis, concipiunt, eos ad hoc consilium deduxisse.

Rideberis hîc à natura & chymicis & in periculo verfaberis : si de Mercurio crudo aut vulgari modo extincto aut præcipitato, in aceto, succo limonum, sputo hominis jejuni, lixivio, urina, aqua forti per sal & vitriolum aut secundum pavillum in cineres combustum, prædicta intellexeris. Remanent enim in hisce præparationibus impuritates, & vis illa corrosiva suspecta Dioscoridi & Galeno : & ex ejus usu hoc modo præparati multos in periculosissimos morbos, vomitiones, resolutiones, convulsiones, tremores cordis, dolores colicos, dysenterias, incidisse constat. Ungues, pili, crines, excidunt : ulcera pessima excitantur : quos morbos longè erit difficilius, quàm primum morbum curare.

Vera

Vera autem præparatio apud solos chymicos eosq;
non vulgares reservatur: & aptis instrumentis, igne me-
diocri & convenienti, operationum iteratione perfecta,
sua spoliatur nocendi potentia Mercurius: & nec medi-
cum fallit, nec ægrotum cruciat: quod tamen Mercurio
opprobrii obijcitur.

XXXIIX. Quæ in medicamenta admiscuntur aroma-
tica, sicut etiam alia, hoc fine ut corpus humanum erigant
lapsum, erectum confirment: ea omnia talem debent præ-
parationem subire, ut à calore nativo evinci possint & in
eum postea alterata agere. Quæ nisi alteratio & mu-
tatio in corpore & aromatibus adfuerit, ut inter se
invicem agant: ludum exerceas jocosque, aromaticas
confectiones aut quascunque alias ægroti viribus colla-
psis præbendo.

Pharmacopæorum hoc nomine sunt tot inventæ præ-
parationes & medicamentorum miscendorum modi &
dispensationes: & vel hac nostra ætate, neglectæ, suæ
dignitati restitutæ: ut inter medicamēta & corpora aliquo-
lis intercederet, tanquam inter causam & effectum aut
subjectum & adjunctum convenientia.

Avri & Argenti folia: lapides pretiosi & gemmæ: quæ,
in confectiones vestras aromaticas & confortativas, in so-
lum pulverē aut etiam partes satis magnas redactæ, ingre-
diuntur, nullam cum corporibus habent ἀναλογίαν: ut
ab iis immutentur aut ea immutent: sed sine omni consi-
lio, ratione, aut præparatione debita immittuntur: ut phar-
macopæi iis suam exerceant usuram & rem faciant: ut iis
miseris ægrotis fumus vendatur, avidè & inani cum spe
confectiones avreas, avro multo redemptas, devoraturis.

Spes miserorum vana est. Fiducia & perfidia pharma-

H 2 copæorum

copæorum magna. Temeritas maior. Peccatum & error maximus: qui in ægrotorum vita & salute sibi lucrum & delectamen quærunt.

Desideratæ illæ in auro, argento, lapillis pretiosis, &c. proprietates & auxilia divina, tam duris corporum carceribus continentur, ut favorem & benevolentiam, quam debent & vellent naturæ humanæ præstare non possint.

Inter agens & patiens debent media esse ἀνάλογα. Pretiosa illa corpora, annexa illa impuritate qua teguntur, ab operationibus quibus destinantur, prohibentur. Nucleus in cortice conclusus commodè edi non potest. Eximendus est & frangenda cortex, si ejus dulcedine & usu sibi delecteris.

XXXIX. In nominum usu non sunt tam Varrones aut Valgæ, quam Horatii chymici. Qui sibi nomina, non se nominibus submittere voluerunt.

Suum lapidem philosophorum, innumeris nominibus insigniverunt: quos omnes ex Gebro, Lullo, Avicenna, Paracelso, Arnaldo, & recentioribus, si lubet, repetas.

Eorum subtilitates & ænigmata præteriens, lapidem philosophorum, quid hoc paradoxo nomen, & quomodo approbem, quacumque donetur forma, seu pulveris, seu liquoris, hinc discere potestis.

Metalla quædam perfectiora aliis esse, qui dubitat, ejus pro auro æs, pro argento stannum dandum est. Quamvis enim singula suam aliqualem habeant formam: tamen ad suum finem & perfectionem nondum pervenire: ut in fodinis considerare integrum est, ubi non omnia metalla uno tempore perficiuntur & absolvuntur.

Sapius

Sæpius enim in fodinis gris, reperitur aurum, sed imperfectum: quod boni ominis loco habent artifices, & fodinas ad annos triginta occludunt. Quibus exactis, aliquando contingit, ut post perfectam digestionem copiosius aurum reperiatur.

Ovum habet quidem suam formam: sed ex eo pullum producere, ad quem à natura accepit potentiam, non est rerum confundere species, sed eas ad suum producere & promovere finem. Sal ex aqua conficitur, etiam si aliam formam à natura habuit aqua: quia in re, nulla fit naturæ vis: nulla injuria.

Metalla ipsa aliam habent cum offodiuntur è fodinis formam, quam postea induunt: dicunturque tum purissima, cum minimum habent admixtum sæcis & excrementi.

Ac, ut uno verbo me expediam, ea perfecta sunt: quæ ad ultimum motus finem pervenerunt: ea imperfecta, quæ adhuc, ad formam, cui ultimò à natura destinantur, moveantur.

Quod si caloris, regionis aut aliarum circumstantiarum conditio non ferat, ut in his imperfectis metallis absolutio & perfectio à natura promoveatur & succedat: effosa, à peritis artificibus juvantibus naturam, perfici, quid est absurdi dicere? Quid contra naturam peccatur, dum artifex naturam juvat conantem ex imperfectioribus metallis perfectiora, ex cupro et ferro aurum producere? Ars siquidem non hinc solum, sed in multis aliis operibus naturæ utilis & necessaria est.

Agri stercoreantur, coluntur, arantur, ut fructum proferant: quod non proveniret, si semina in terram negligenter conicerentur, quamvis quodlibet seminis granum esset satis fertile & ad producendum fructum accommodum.

H 3 dum.

dum. Qvis hîc de vi quæ naturæ infertur querelas movet?

Similis est in metallis actio. Impeditum sperma, semen, & anima eorum, promovetur arte & impedimenta removentur. Quo peracto unanimi conspiratione & consensu ars & natura ad finem optatum semen promonent.

Antequam verò ad hunc perveniant finem quamplurimis opus est iis mediis: nam impedimenta hæc summa cum molestia avferuntur.

Horum omnium summum & maximè necessarium est lapis ille philosophicus appellatus, in quo vis est, metallorum semen suscitandi, & quæ desideratur, perfectionem appetendi & consequendi. De hac enim auri faciendi ratione verba facio: quamvis multi alii perhibeantur & à chymicis usurpentur.

Velim vos animadvertere, quo modo semen in terram coniectum, elementorum beneficio aut potius cœlesti calore, post multas resolutiones & transmutationes ad suas operationes exuscitetur: cujus seminis vis interna & domestica mortuum & otiosum latitasset & quasi carceribus quibusdam conclusum, nisi hisce externis mediis, natura & arte cooperantibus excitata fuisset.

Similiter chymici beneficio sui lapidis, supra metalla imperfectiora, projecti, ad perfectionem, seu à potentia ad actum ducunt, imperfectiora: & in iis latentem virtutem proliciunt: in Solem & Lunam hujus lapidis beneficio naturam auxiliantis, tanquam quodam cœlesti aut elementari calore, Venerem & Martem convertunt.

Naturæ habent exempli in chymistæ, quod imitari licere sperant. Quæ, etsi multis in locis, ubi causæ concurrunt convenientes, sine intermediis imperfectis metallis
aurum

aurum conficit purum : tamen etiam in nonnullis locis, primò imperfecta progenerat metalla : quæ postea longo tempore, & causis accrescentibus & adactis perficit. Non enim potest natura satis potens, uno statim eodemq; momento etiam felicissimè incepta opera sua perfectione donare. Alioquin in omnibus fodinis, ubi eadem adesset materia, metalla ejusdem virtutis, pretii & naturæ effoderentur.

Quid itaq; prohibet chymistas, hinc naturæ insistere vestigiis, & suo lapide philosophorum aliisque mediis metalla perficere?

Nullæ te deterrebunt hinc insidiæ aut fraudes: nec verebere metalla hæc non esse revera talia, qualia apparent. Calumniæ sunt in chymicos cōsutæ ab hominibus & sciolis invidis impudentes & putidæ.

Nam si proprietates verè auri & argenti habuerint, id est, si id examen & probam sustinuerint, quæ ad metalla probanda à peritis artificibus adhibentur: (quod per naturam possibile est) nemo ibit inficias ea vera metalla judicari, & quidem meritò: nec sola superficie, colore, aut sapore hanc formam induisse & indicare. Adjuncta enim propria & necessaria, ex ipsius speciei essentia proximè defluunt.

Sententia hæc de lapide philosophorum magica, inanis, fabulosa, impossibilis aut artificiosa non est: sed rationalis, logica, naturalis, possibilis.

Materia, forma, finis naturales sunt & rationales: à quibus nulla fit naturæ vis aut fraus. Efficiens principalis est natura. Quæ etsi arte juvetur, non propterea naturæ ordo immutatur & invertitur, aut opus censetur artificiale. Instrumenta nihil derogant agendi principi, sed usui sunt.

Contra.

Contra naturæ ordinem quis mihi hic peccatum monstraverit: ubi generatio fit ex proximis, convenientibus, immediatis: Genus cum genere, species cum specie conjungitur: & unumquodque germen suo respondet semini. Non procreant ex tauri cadavere apes, aut ex plantis varia formant reptilia aut volumina chymistæ. More suo vociferantur & clamant, sed surdo populo. Audiantur, inquirunt, philosophi & eorum decreta cum quibus facimus. Non oritur ex homine nisi homo: non ex brutis animalibus vel vegetabilibus nisi illis similia: nisi erroneas quidam sequentes falsas applicationes, per huiusmodi talia quærant, per quæ & ipsi merito falsarii appellantur. Et taceant credentes ex pulvere bruti animalis, basilisci aut ovo, & opus nostrum fieri. Hæc est consensus illa chymicorum cum philosophis & logicis, illam specierum & formarum confusionem damnantium & improbantium.

Si nunc roges, cum hæc ars sit naturalis, quare in contemptum tantum venerit? Physices huius naturalis peregrinitas & ignorantia in hæc vanitatis & futilitatis, apud disputatores physicos, artē deduxit calumnias: & in tractandis metallis, parum probata ratio & fides: unde inter doctos rara, inter imperitos impossibilis sit hæc metalla perficiendi scientia.

Obscuritas etiam magnas conscivit huic arti calumnias & opprobria: quæ avari & auri cupidi sæpius decepti sunt. Omnes enim ad unum chymici salebrosi & ænigmatici sunt: qui hæsitantes, in hanc artem sine duce ingredientibus, & perplexos, in medio operis sæpe deserunt: aut dubitantes magna cum insumentarum rerum jactura dimittunt.

Prudenter

Prudenter autē chymici, demersa & abdita omnia, per tot obscuritates & ænigmata produnt: ne aliquis in chymia arcana penetret, qvi ad illa non sentit se ex primis naturæ suæ initiis singularem traxisse inclinationem & propensionē. Sine qva, vulgares illi carbonarii nihil unqvam promissis dignum præstiterint.

Sunt etiam, qvos avri sacra cupiditas famesq̃, magis tangit, qvām philosophica animorum cura: qvi hac obscuritate ab arte essent deterrendi. Panis filiorum nō est projiciendus canibus. Arcana non sunt elimināda: sed sapientiæ filiis servanda.

Qvi verō contrā ex chymicis arte & natura valent, simulq̃ habent, ad avrum & argentum suscitandum, avrea furnis imponenda suscitamēta & semina: avrum & argentum, non contemnendum operæ suæ fructum consequi possunt, & Vulcano propitio ad artis mysteria admittuntur & penetrant.

Verum ego, cum omnibus Galenicis, me non nisi inscienter de hac re loqui, ingenuē profiteor. Fungor vice cotis. Do qvōd non habeo. Nō parvi tamē æstimo, qvōd de lucrosa illa avri in furnis fœtificatione, fama & ex aliorum scriptis accepi. Cum fabio sentio & agnosco: felices tum fore artes, cum de iis soli judicabunt artifices.

De avro qvin itā resolvi possit, ut potionis & liqvoris induat formam, non est tanto cum fastu & imperio interdictum: qvamvis & hæc sentētia suos offendit calumniatores & reprehensores.

Avro suam inesse, qva constet, formam, nemo est qvi in dubium vocat: ejiq̃ cōmunem esse cum rebus aliis creatis communem existendi modum.

Hanc essentiam seu virtutē in qva ipsa formæ vis se occultat, cum ipsimet adversarii admittēt ex herbis, aromatis,

I

tibus,

tibus, & nonnullis aliis rebus extrahi posse artificum opera: mirum est illos hoc, præ reliquis rebus avro adimere. Quamvis Marsilius Ficinus ex schola Platonica, talem extractionem non requirat, sed faciliorem communicet cap. x. lib. i. de vita producenda.

Si acuti hi disputatores, omnia arrodentes & irridentes, subtilibus & inanibus sophismatis dimetientes, quos nulla veterum aut recentiorum auctoritas seu experientia etiam hominum spectata fidei & eruditionis deducere potuit, ut aliquid quod eorum superet inanem & Aristotelicam philosophiam, credant, chymicorum opera & labores inspicere vellent: non tam contentiose rebus oculis subjectis resisterent: sed assensum sibi ingenerari permetterent: tandemque admitterent, aurum à natura procreatum, in medicam potionem resolvì posse, & alias essentias gemmarum & lapidum pretiosorum ad medicos usus posse excorporari.

Sed quia facilius est, aliorum facta irridere, quam labores sustinere: jucundius pellibus tectos & cinctos deambulare, quam ad fornaces fumum & calorem olfacere & imbibere, vestesque & faciem commaculare: hi non stultè sapiunt, qui præ laboribus sordibus, & delitiis & munditiem eligunt.

X L. Quod dixi veteres sub poëticarum fabularum velamento occultasse artem chymicam de industria, nemo agro animo feret.

Chymicis placuit eam fabularum mythologiam approbare: cum cuilibet, in sua arte, propria, de moribus, de rerum natura, de astris arrideat.

Habent suæ interpretationis auctores pro se graves, quorum nituntur auctoritatibus & rationibus. Qui cum à chymicarum rerum obtrectatoribus & juratis hostibus, suspectæ

ſpectæ fidei ſint, aut credulitatis temerariæ, qṽi nimis leviter chymicis fidem & avres præbeant: qṽod etiam doctiſſimus Svida cogitur tolerare: nolo in chymicis problematibus avtoritates has aut defendere, aut rationes has adverſariorum & eorum elenchos ſev fraudes detegere. Vos ſi ex eorum ſcriptis, qṽæ contra me facient, in medium adferatis: eorum qṽam ſit debile fundamētum, & qṽam jejunæ ratiunculæ percipietis.

Coronidis loco addam ex Tritemio deſumtam admonitionem ad chymicos, ne aut nimis ſecurè in rebus chymicis, progrediantur, aut nimis facile Chymicorum falſorum dictis fidem præſtent. *Chymia (inquit Tritemius in Steneographia qṽod tamen ſcriptum nondum videre contigit) perpetuò virgo eſt caſta. A pluribus adamatur. Multas habet ancillas famulares, qṽæ dominam ſuam perpetua vigilantia cuſtodiunt, ſeq̃, ejus nomine ſupponunt: ut eam conſervent à cōmercio tot importunè amantium tempore ſempiterno intactam. Vanitas, fraus, dolus, ſophiſtication, cupiditas, falſitas, confidentia, mendax ſtulticia, paupertas, deſperatio, fuga, proſcriptio & mendicitas pediſſeqṽæ ſunt Alchymie: qṽæ jam ſimulantes dominam amatam eam in-violatā cuſtodiunt, & ſemetipſas, illius procis pecunioſis, avaris, cupidis libenter proſtituunt.*

Atqve de his ſatis vel plus ſatis. Tempus ad diſputandi exercitium nos
avocat.

I 2 ACTUS,

ACTUS,
ET INAUGURATIO DOCTORALIS,
ANDREÆ KRAGII RIPENSIS
DANI:

CELEBRATA KALEND. AVGUSTI:
ANNI MDXCV:

D. DOCTORI PAVLLO MATTHIÆ
EPISCOPO ROSCHIL-
DENSI, &c.

CONSECRATA ET DICATA.

IN horto nostro medico, arbores, frutices, herbas, magnis cum laboribus, portantes & ferentes pondus & æstus diei, inseruimus, coluimus, irrigavimus, stercoravimus, amputavimus, & omnibus diligentia modis curavimus: nullum tempus diei vacuum nobis dantes laboris.

Adveniente messe & instante autumno, florum securi & lati, in nostro horto deambulatione animum recreantes & curantes, fragrantiam odore percipimus & splendorem contemplamur. Manibus contrectare, etiam prius deterxis sordibus, relligio est.

Johannes Sapporta medicus & consiliarius regius, Academia vicecancellarius, qui ex senatus consulto Academico horto præfectus est: laborum nostrorum memor, instituta diligentiter inter labores & eorum premia cæsura, ex lauro flores decerpit, quos in coronâ coaptatos, meo capiti se impositurum recepit.

Neque tamen in horto aut intra privatos parietes, sed in omnium procerum civitatis Nonspeliensis conspectu & præsentia honorifica, id peragere constituit: me & juventutem Nonspeliensem hoc honore & gloria, ad quosvis vel etiâ ma-

ximos

ximos labores subeundos, concitaturus. Cui etiam in inaugurationi diem Augusti primum dixit & constituit.

Ego, ut sumus omnes a natura laudis percupidi, honores & coronam non respuo: nec quin tanto honore perfundar, me difficilem prabeo: & magna cum animi voluptate, majiori cum animi grati significatione, tempora mea cingi patior.

Interea temporis, dum meo gaudio mecum triumpho, in memoriam mihi redactum est, de sumtibus & beneficiis, quæ ab aliis levaveram antequam res mea in hunc deducta sint locum. Et juxta in mentem venit, iis potius deberi hunc honorem, qui expensas sustinuerunt, quam mihi, qui præter solum laborem, attulerim nihil. Ut taceam me, propter fidem datam ad hoc consilium duci & trahi.

Suus cuique, singulatim, honos est prius exhibitus: gratitudinisque majoris in tempus posterum fides data & spes facta: quo jam aliquandiu acquiescunt. Tibi tuisque erga me meritis nunquam satisfacero: qui ut me totum possideas meritis es. Quare ad te potius quam ad ullum alium, tuam Lauream Monspeliensem prima quavis occasione transmittere animus est. Quia nihil tibi, meo iudicio, gratius, hoc vita constitutus genere, mittere habui.

Jam vale, patrone colende, & omnia dicta factaque mea æqui bonique facito. Ego, quod mei est muneris, Deum sollicitis precibus rogabo: velit te diu incolumen sua indigenti Ecclesia conservare: & nos animo & corpore sanos conjungere.

Dabatur Monspessuli Kalend. Augusti.

Anno MDLXV.

T. gratis.

ANDREAS KRAGIUS
RIP. DANUS.

I 3 ORATIO

ACTUS ET INAUGURATIO
ORATIO
CLARISSIMI ET ORNA-
TISSIMI VIRI, &c.
D. D. IOHANNIS SAPPORÆ,
PROMOTORIS:
HABITA IN PROMOTIONIS ET
ACTUS INITIO:
ANTE CEREMONIARUM ET
RITUM HIEROGLYPHICO-
RUM ADHIBITIONEM.

An conservatrix ars sit utilis?



ἰατρικὴ nobilem & illustrem medicinæ partem, à multis jam seculis excultam, & quasi per manus ab illustrissimis Academiæ nostræ heroibus traditam, ad hunc usque diem usurpata & recepta, velut quendam huius mundi Solem, cuius lumine excitamur, vivimus, florescimus, admiror & suspicio: ac tanquam communem humani generis parentem & veluti omnium altricem exosculor, viri auditores.

Hic enim ejus finis est: hæc expectatio: hic fructus: corpus nostrum, malorum & calamitatum machinis interceptum sublevare, imminentes miseriarum scopulos arcere, omnibus congruentem & accommodatam victus rationem decernere: vitam denique fartam & tectam quam diutissime prorogare. Hoc expetit ὑγιαίνει, hoc unum spondet, hoc sacra & augusta medicinæ pars hæc sibi deposcit.

Sed quorsum hæc? Vobis ut quorundam asperitatem barbarumque animum ostentem, & crassam eorum ignorantiam improbitatemque proponam: qui hanc tam utilem fructuosamque medicinæ partem, humano generi planè inutilem

inutilem esse, profiteri impudenter audeant.

Habent illi suos seqvaces, favtores nonnullos, propugnatores quam plurimos: atq; hanc quam tu, candidate doctissime, superioribus diebus Galeni auctoritatē, nobis in colloqvium familiare iniecisti, in nos illi jactant: & nos medicos, gravissimi medici sententia convictos putant. Sic enim argumentantur: sic refellunt: sic Galeni mentem pessima mente interpretantur. *Solam naturam sufficere ad valetudinem tuendam arcendosq; morbos, expressis & significantibus verbis Galeni declaramus.*

Cur igitur, inqvunt, vivēdi praecepta medici tradunt? Cur tam sollicitē, tam anxie vīctum, tum laborantibus tum sanis decernunt? Cur severiores vivendi leges hominibus imponunt? Cū non scripta, sed nata nobiscum, non a magistris havsta, sed animis nostris impressa benē vivendi seminaria habeamus.

Sed deus bone! Vulgi convitiolis vocibus passim avres mihi personari æquo animo feram, cū trivialium hominū strepitu loqvacitateq; superabor? Ubi nam cæcus ex Itala gente Appius, qvī hunc helvonum & scortatorū gregem, senatoria gravitate atq; voce coërceat.

*Quo nobis mentes, recta quæ stare solebant
Antehac, dementi sese flexere ruina.*

Cederem profectō, avditores, ignobilium & abjectorum hominum vocibus, atqve confutationibus nostris nullum planē locum relictum existimarem, nisi tu me, fili dulcissime, ad hoc onus suscipiendum invitasses, ac planē reluctanter adegisses. Efflagitasti enim & obnixē rogasti, ut hunc Galeni locum toties citatum, toties oblatum, toties inculcatum & repetitum, apertē & dilucidē exponerem, ac qvomodo is avdiendus sit, planum diligenter facerem.

Magnum

Magnum est, mihi crede, quod petiisti & plenum obscuritatis negotium. Verum ne animus tuus errore aliquo in posterum vagetur, ne quam dicendi rationem optimus medicorum probabit, eam nos & ignorasse & perspectam neglexisse, ne tibi etiam quidpiam, tam praeserim, officiose petenti, defuisse videamur, quae sit mea hac de re sententia, paucis declarabo.

Sed antequam de proposita quaestione differere incipiam, ab iis, quorum asperitas rudiorque natura nobis huiusce orationis argumentum praebuit, omni, Medius fidius, obtestatione impetratum optem: ut si quam domi opinionem natam, arctius mente comprehenderint: eam, si iure convulsam, si aequitate labefactatam, si ratione extortam ad extremum sentiant, perfractae aut pervicacius, quaeso, ne repugnent: sed libentius aequis animis remittant.

Quare, quicumque haec nostra audieturi estis, animum, quaeso per deum naturam, erigite, & quia id negotii aggressus sum voluntate, eadem me dicentem audite.

Quicumque viri celebres, rerum usu & virtute conspicui, medicinae initia ac quasi fundamenta jecerunt: id sibi laudi & gloriae tribuere, ut non modo de curandis profligandisque morbis tractatum componerent, sed & praecepta de tuenda valetudine, scriptis litteris propagarent. Hinc bonus & divinus senex, medicus insignis, eximius philosophus Hippocrates, plurimos de ratione victus libros posteris tradidit. Hinc ejus aemulus & imitator Galenus, librum de Sanitate tuenda & ornatè conscripsit, & praeclare ingenioseque exaravit. Qui sane omnes inanem supervacaneamque operam posuisse viderentur: si humanae vitae, ex huiusmodi laboribus nullus fructus utilitasque redundaret.

Vos vos appello, qui auream hanc Galeni sententiam
jactatam

jactatam sæpius & celebratam vestris monumentis consignastis, neminem ante maturam senectam moriturum, qui *ὕγιεινός* præcepta didicerit, & menti memoriæq; mandârit.

Docete, quanta humano generi, vitæ adjumenta, hinc acceperint, atq; hunc illis errorem eripite, qui hanc medicinæ partem rejiciendam & aspernandam esse arbitrâtur.

Quis est enim tam hebes, ac in rebus judicandis tam rudis, qui aërem palustrem & caliginosum, misera caligine animos nostros perfundere, inficiari & negare audeat?

An non aq; permultæ incolas gutturosos: an non alimenta quamplurima homines morbis obnoxios opportunosq; reddunt: à quibus immunes quàm diutissimè viverent, si quid declinandum, quid persequendum, ex benè vivendi arte intelligerent.

Exemplo sunt mulieres & argumento senes: qui etsi effectam & languidam facultatem habeant, & vitale robur valde infirmum, ægrius tamen rariusq; juvenibus ægrotant: quod hygiænæ præceptis benè informati, externarum causarum insultus & impetus antevertant, & imminentiâ mala tanquam è specula prospiciant: quæ juvenes & adolescentes omnino contemnunt.

Idem perpetui rerum eventus verum esse cōmonstrant. Etenim temperatos, quadratos, *εὐταίρους* morbis exitiabilibus corripiti, & ad exitum interitumq; præcipitari conspiciamus: à quibus intemperati & valetudinarii vindicantur, aut obsessi facile defunguntur. Illi in ipso flore ætatis exstinguntur: hi ad centesimum annum superant. Illi hygiænæ leges salutare dum rejiciunt, præproperè moriuntur: hi hujus artis præcepta arctè, accurateq; observantes, salubriter feliciterq; vivunt.

Quæ cū ita sint: lurcones, scortatores, & iniqui rerum

K

omnium

omnium iudices & æstimatores, in hoc templo sanctitatis & totius continentię sacrario, benè temperatęqve, in medium, plebejos homines, rusticos, mechanicos, pravo sordidoqve victu utentes, nec unqvam salutis ergo medicum adeuntes proferunt: & eosdem comparāt cum nobilibus & magnatibus, quorum & alimentum & vivendi ratio exquisitissima esse solet, quibusq; medicina velut tutelarius quidam deus perpetuo assidet. Vos tamen in graves exitiososq; morbos incurrere: illos verò raro ægrotare contingit.

Obtundunt ac etiam sapius nobis Galeni illustrissimā sententiā inculcant. Naturam singulis animantibus proprios indidisse instinctus, quibus se suamq; salutem tueantur. Nam & natura duce, aves hyemalem aërem commutant, & in alienas exterioresq; sedes commigrant.

Urgent verò maximè summi Hippocratis & clarissimi Celsi testimoniis. Cū victus tenuis sapius ab Hippocrate explosus sit, ut suspiciendus maximè & reformidandus. Celsus verò Hippocrati favet & astipulatur. *Qui sanus est, inquit, nullis se legibus obliget: nullum cibi genus fugiat, quo populus utatur.*

Sed videant, quæso, nostrę sententię oppugnatores, quam parum suis argumētationibus promoverint. Nam vilici & rustici, summa præcipuąqve hygiænę capita, frugalitatem videlicet & exercitium amplectuntur & colunt: & si sine medico, non tamen sine medicina vivunt.

Ars demum nostra, non angustas, non momentaneas vivendi leges præscribit, sed amplissimas tantum cavet: quas qui exceſſerit, violarit, perfregerit, incontinentię reus esto.

Quod verò natura appetitus indidit sui conservandi,
non

non tollit artem. Appetitus enim illos indidit: moderantiam illorum, occasionem, ordinem, utendi modum indere non potuit, sed ab arte expectat.

Habes, ingeniosissime candidate, nostrum de hac questione medica iudiciū. Quod si cui de tam multis ganeonibus minus placebit: huic non solum ignoscā, sed magnas gratias agam: si nostris confutandis meliora & hominum vitæ commodiora tradiderit.

Quare misera ista mentis caligine procul expulsa: libidine, ingluvie, cupiditate, cæterisque morborum parentibus & magistris ē iudicio consiliove rejectis, de humani generis salute sollicitus cogites: meminerisque, naturā quidem propriis instructā viribus, nulloque implorato a medico auxilio, singulorū salutem integram conservare posse: at utendi modum, tempus, quantitatem & occasionem ab arte expectanda.

Sed ne ferar longius, quā par sit: tibi, qui a me præscriptus est *ὕγιενος* finis, hæc expectatio, hic fructus huius artis habeatur: viam eam conservandæ sanitatis indicare, externarū cavillarum injuriis obistere, vitam quā diutissimē prorogare. Hoc ratione est uti: hoc medici officium expetit: hoc vitæ humanæ conservatio requirit: hoc augustæ & sacre *ὕγιενος* leges sibi deprecant.

Sed quid a me finem dicendi facturo tandem iste oculorum intuitus postulat? Hem me miserum! Dum huic orationi nostræ finem impono: ecce repentinis dulcissimi filii mei rumusculis incessor, ejus me tacita expositulatio lacepsit: quā non nisi leniter refutatam dimittam.

Si hodie, inquit, laxius dissolutiusque vivitur, & morbi graviores frequentioresque expullulāt, ac proinde conservatrix ars humano generi magis utilis & necessaria videat: Cur medicus interim olim honoratus, hodie vivit inglorius?

K 2 rius?

rius? Et quo fato quove consilio factum esse dicam, ut in his sacratissimis augustissimisque sedibus ac totius propere imperii & gloriae Gallicae domicilio, hoc est, in urbe Monspeliensi, ars nostra, obscurato pristinae dignitatis splendore deformatoque, multas consenescentes faces submittat, & Empiricorum imposturis misere ludificetur?

His me demum candidatus noster compellare coepit verbis. Quid, inquit, carissime pater, Doctoratum infortunatissimae hodie miseriae nomen in ea urbe consequar? Quid Academica praemia, laboribus & vigiliis nostris debita in ea civitate expectem in qua carbonarii & sufflores, in Grammaticis rudes, in Dialecticis Physicisque ignari, probis, eruditis, & iudicio maturis hominibus anteponuntur? Et in qua circulatorum & agyrtarum fraudes laudari, & specie secreti (si Deo placet) medicis occulti remedia, plebeculam misere ludificari observamus, earum remedia infamari & funestari quae multis fuere salutis?

O me miserrimum inquit! Jam jucundissimae sponsae medicinae omnem amorem projecisti: ita, ut pudeat avdaciae, & tadeat laborum, & poeniteat perpersionis.

Etenim si forte alicujus hujus mimi fama percrebuit, dici non potest, quanto concursu quantaque festinatione theatra compleantur, qui clamores excitentur. Hujus omnes manus dant, gratificantur, & si quid peccatum sit ignoscunt: delusi non molesti ferunt: cruciati non ingemiscunt: De perfidia queruntur nunquam: nec horum imposturis exanimati exacerbantur: veritatem & rationem, si pavillo est asperior, ferre non possunt, quorum in medendo inutilitas expetitur: Asclepiadarum doctrina integritasque rejicitur. Cum interim e fontibus naturae suae medici disciplinam haberint: illi vero ex furnis tetrisque vaporibus sua principia derivarint: valetudinem nihilominus integram omnibus

omnibus imprudenter spondent. Divites suas essentias
seu potius ineptias jactant. Quæ naturalia sunt repudiant.
Deus meliorem mentem futilibus istis & importunis lo-
cutoribus det.

Quid plura? Eo tandem crevit licentia connivente ma-
gistratu, & vulgo decipi volente, ut hodie non nisi in ex-
tremo & deplorato morbo, laborantes, medici opem im-
plorent. Inde fit magno artis nostræ ludibrio: ut tot sint
hodie medici quot circulatores, quot empyrici, quot mu-
lierculæ.

Hæc sunt, dulcissime fili, miserrimi seculi nostri quere-
læ tuæ. Sed collige te, quæso, placaque animum & mitiga-
da te ad læticiam & diutius cōtristari desine. Et si tibi dul-
cis est Academiæ gloria: consequere virtutem: noli abji-
cere labores.

Quod mihi isti carnifices, temeritate & ignorantia sua,
quam miserabiles eventus consequuntur, avget artis no-
stræ dignitatem: ars enim temeritati, ut contrarium con-
trario, oppositum splendescit.

Quod si multis, se doloribus morbisque funestissimis
horum industria defunctos jactent: sciant illam temerariā
medicinam interdum habere locum.

Age igitur! Noli diffidere, quæso. Nam Vulcanū phar-
macarium, omnium actionum suarum auctorem illi agno-
scunt: nos divinum Hippocratem summumque Galenum.
Illi curationē morborum sale, sulphure, & mercurio pro-
curant: nos salutaribus remediis. Illi in circulis, in convi-
viis & cōgrediis nihil nisi carbones spirant: nos firmis-
simis medendi principiis informati salutē auxiliumque pol-
licemur, & avspicatifima vitæ præsidia præstamus.

Sed quousque homines, quam non didicerūt artem im-
punē exercebunt? Quousque splendor artis nostræ falsita-

K 3 tis &

tis & ignorantiæ tenebris opprimetur: Nunquam ne *λεψι-
ναίος* orietur & tutelaris deus nobis ē machina effulgebit:
cujus munimine & auctoritate irrepta dignitas recupere-
tur: Tu præses ornatissime, tu iudex, privilegiorū nostro-
rum conservatores æquissimi: estote vindices nostræ Aca-
demix: facite ut ejī restituatur suus honos. Singulas artes
propriis finibus circumscribite: ne quis, in alterius posses-
sionē irruat gravi multa prohibete. Debetis hoc nobis:
quia nostrum petimus, Reipub. salutare & toti Academię
nostræ necessarium, in qua vos principatum tenetis. Vo-
bis hodierno die statuendum est: utrum Academiā no-
stram luctuosis, crebrisq; funeribus prostratā nostrisq; la-
chrymis deformatam, potius semper mœrere, quā fortissi-
mis præfidiis recreatā, tandem aliquādo exultare malitis.

Hujc, quæso, tantum auxilii præstate, quātum à senatu
Tholosano vobis demandatum est. Rem scholasticam eo
studio defendite, quo solent liberorum carissimorum salu-
tem, indulgentissimi parētes tueri & conservare. Hęc gym-
nasiū nostri statuta: hæc privilegia multis jam seculis obser-
vata, ut nullus nisi probatus hīc medicinam exerceat: hæc
Tholosati decreti sententia: edicti regii hæc summa est, à
qua discedere generosi animi nefas sit.

Majorum deniq; nostrorum in fundanda aygendaq;
Academia exemplum repetite, ac repudiatis privatorum
hominū studiis, auctoritate, gratia, supplicationibus, em-
piricos ab Academiæ complexu, à patriis tectis, ab urbe
nostra explodendos jubete.

Quod si feceritis, nō modō reipub. Monspeliesi, sed A-
cademię nostrę benefeceritis: cui ppter maximā cōfusio-
nē & officiorū summā perturbationē, contemptū, ignomi-
niā, & ad extremū, immedicabilē ruīnam prædico. Quare:

Aetheream servate deam servabit is urbem.

Vos

Vos verò, cives Monspelienses, per fortunas liberosq; vestros, per medicas musas, quarum numen hac in urbe periclitatur, vestris periculis sapite. Medicos posthac habete vestrorum consiliorum duces. Nos vos & amamus & colimus. Vobis nullum periculum injustè creavimus: nulli calamitati fuimus: multos tutati sumus, ut quisq; auxilium nostrum imploravit.

Quare exulent longè à vobis homines nefarii, qui vos tandem, vestramq; familiam miserè mulctabūt, & ne obstinatiores animum ad calamitates offerentes, spes quæ cæteros est consolata, vos ad tumulum usque ni caveritis prosequetur.

Reverèdī collegæ nostri, credite mihi, quos hīc videtis adesse, pollent robore, fulgent consilio, vincendī & obsistendī vias & insidias callent: nulla unquā morborū contumacia frangentur: nullo impetu contudentur: nusquā de vestro capite & suo honore desperabunt.

Nunc ut ad te redeam mi fili, te enim postremū peroratio appellabit, quem proœmīum affari primum ceperat. Sanè hoc ipsum est, quod me præsstituturum promisi: doctoratus, scilicet, insignia quæ tibi debiti potius, quàm beneficii nomine libentissimè tradam.

Gavde tuo isto tam excellenti bono, & fove te fortuna tua: cuius favor ita tibi hodie aspiravit, ut ad portum per varios casus, per tot discrimina rerum tandem deductus sis. Atq; cum te suavissimis Academiæ nostræ beneficiis ornatum: dum te doctorem designatum intrebere, non tibi negotium exhiberi, sed otium, non negotium exhiberi, sed delectationē tibi comparari, putato. Hīc, hīc miserie definunt: hīc omnes laborū æstus absorbentur: hīc periculorū scopuli obruuntur: hīc dolorū tenebræ disperduntur: hīc clarissimè læticiæ dies oriuntur. Crede mihi: nihil humile, nihil

le, nihil jejuniū, nihil angustū, nihil abjectum, Doctorū Monspeliensium in tota Gallia, Germania & Dania nomen sonat. Et ut boni agricolæ, dum segetes quas ipsi severint aëris inclementiæ expolitas, lætas nihilominus & luxuriantes dum conspiciunt magno gaudio superis gratias agunt. Sic uberrimo studiorum tuorum fructu, velut excultorū & satorum proventu gavdeto. Gratas & amabiles ex nostræ medicinæ horto epulas & frondes colligito. Vides quid velit Academia nostra, quid conetur, quid appetat: maxima te hodie gloria exornare conatur. Tu fac ejī, à qua satus, cultus, educatusq; es, vigiliis fructusq; tuos imposterum dicato.

Ergo sacros summosq; quos tibi collegii nostri judiciū & sanctius consiliū, doctoratus honores decrevit, accipe.

D I X I.

O R A T I O,
ANDRÆ KRAGII RIP.

DANI, CANDIDATI:

HABITA IN PROMOTIONIS ET
ACTUS MEDIO:

POST CEREMONIARUM ET HIE-
ROGLYPHICORUM RITUM
ADHIBITIONEM.

*In naturalium miraculorum investigatione
nunquam cessandum.*

QUam iniquè in vita humana, & imprimis in philosophico studiorum & vitæ genere, comparatum est, viri Monspelienses! Quod, cum aliquid aut natura aut arte contigerit, admiratione, & diligenti philosophicæ meditatione dignum, aut etiam quod vulgare & communem stupidorum intellectum superet: dictum & factum

actum recurrant, magna ex parte homines, ad cœlum seu cœlestes influentias ignotas & occultas, tanquam ad extremam & firmissimam suæ ignorantiae, stulticiae, negligentiae anchoram & asylum.

Devoti, quibusque religio & res sacre cure & cordi sunt: si quid boni accidat, Deo: si quid mali, diabolo omnium malorum parenti ascribunt. Cum tamen in natura, ita permittente Deo, harum rerum, quæ stupendæ videantur, causas reperire perspicaci homini & philosophico ingenio, accedente industria & laboribus, haud difficile esset.

En quo socordia cives, perduxit miseros! En quæ con-
sedimus arvis!

Natura propter naturalem sibi divinitus insitam legem, operationes perficit fideliter suas & gnaviter: actionesque immutabili lege sine intermissione aut jactatione absolvit: nulli, actionum suarum rationem reddere astricta. Hac via continenter progreditur, nisi ab inimico quodam extraneo impedimentum obiectum ei fuerit.

Ars per eam, quæ est in hominibus, divinitatis speciem, Ideam, prudentiam, naturam quantum fieri potest, æmularatur, & suas ad naturæ imitationem actiones dirigit & gubernat.

Humanum ingenium à labore ad libidinem proclive, à bono ad malum propendens, sibi se delectans presentibus, nec ulla animi diligentis prædestinatione in ea incumbens quæ extra se sunt, in aurem utramque securè quiescit. Naturæ & artis opera, miracula esse quæ ingenium, iudicium, naturam, & omnem in anima divinitatem & intelligentiam superent, sibi persuadet, & tanquam asinus ad lyram admiratur & contemplatur.

Hem socordia! Hem vitæ tædiosa & pernitiōsa desidia, & torpor! Natura nihil vult operis sui occultari aut in oc-

L culto

culto abditum & abstrusum detineri: & propterea talia de se promit effecta, quæ nos in latetium & abditarum causarum cognitionem ducerent. Ars humani ingenii effectum & opus est: nec in ea quidquam ingenium excedens reperitur: etiam si tam in naturalibus quam artificialibus rebus ad Deum aut diabolum confugere, nimio, proh dolor, sit usu receptum.

Natura & ars immerito accusantur, & veneficii ac præstigiarum dæmoniæ reæ peraguntur. Nostra desideria otii incantationibus & soporis potionibus veneficioque se submittens, merito accusata, & convicta, ad supplicium postulanda esset: aut ad rerum in naturæ visceribus latentium investigationem, vi & iustis mediis cogenda.

Cum tamen contrarium probeatur hominibus contentiosis & aliorum laboribus & felicitati invidentibus: à quibus ii, qui naturæ rimantur arcana, à communi hominum cœtu exiguntur & exterminantur, tanquam gigantum more contra deos arma fumerent, & eorum palatia destruere sustinerent.

Adversus hos censores me comparabo, qui omnia, præter sua, arroduct: omnes tanquam ii omnia perlustrassent, ulterius progredientes nec in limine consistere volentes: fannis & opprobriis commaculant, aqua & igni in naturæ civitate interdunt.

Faciam intelligant hi iudices iniqui, nunquam in naturalium cognitione acquiescendum: & ea quæ miracula stupenda videantur, talia, nostra culpa apparere non rei veritate: proptereaque nunquam quiescendum antequam in earum rerum cognitionem duce natura, comite diligentia, fuerimus admissi. Hic enim modus est & via omnia miracula naturalia superandi.

Comme:

Commemorabo ad detegendam perfidiam & malitiam horum censorum opera & effecta quædam sensibus obvia & quotidiano usu cognita: nulla desumentur ex eorum censu quæ orbibus cœlestibus attribuuntur: nulla describentur ex eorum monumentis quæ de naturæ occultis proprietatibus aut sapientia naturali scripserunt: ne conqueri possint, etiam hæc eadem miraculi loco suspicienda. Omnia ex communi usu desumentur: & ad finem in vita utile, ad medendum nempe, comparabuntur & destinabuntur. In medico enim agro versamur: medicinam excolimus: excoltæ medicinæ fructus expectamus. Valeant quæ spinas in agrum nostrum seminant, homines inimici.

Interea dum hoc ago, & communi inservio utilitati, concedite mihi, viri Monspelienses, exigui temporis usuram & avrium vestrarum benignum usum, precibus precor summis. Ego videro ne quæ in re vestra abutar patientia, aut tempus doctissimi præceptoris orationi dictum, mihi arrogem.

Omnis nostra cognitio à sensibus, tanquam intermediis inter intellectum & res externas percipiendas nunciis initium sumit: sine quibus, si quid in mentem venerit, ne uti quam judicandum erit firmum, verum, necessarium.

Hiscæ si dolus struatur & insidiæ, aut si negligentius officio fungantur suo, cognitio nostra vana est, nec in earum rerum quæ sensibus obversantur, aut quas expetimus, perfectam cognitionem perveniemus. Sed ad inanem & stultam admirationem, tanquam ad Sirenium cantus promptè delabimur & adhærescimus. Hinc itaque fundamentum est cognitionis. Hinc omnis erroris initium & fons peti præcipue debet: admirationisque vocabulū inane est figmentū.

In cœlo, stellæ, sydera, apparent in uno certo loco

L 2 oculis

oculis intuentium consistere, nec quoquam moveri nedū circumagi. Ad quem visum, si stupidi pecorum more sine ulteriori inquisitione quieverimus, non possumus non in admirationem pertrahi.

Filii sapientiæ & musarum, in harum rerum naturalium considerationem animum adicientes qui non solum ea quæ ante oculos & pedes sunt aspiciunt: concipient primam quavis consideratione inter sensum visus & ejus subjectū debere subjectum ad eam distantiam dissitum esse, ad quā radii visivi pertingere possint: nihilq; hīc admiratione dignū invenerint: sed omnia à natura ordinato modo fieri, visumq; propter nimiam distantiam subjecti deceptum.

Meteora: capræ saltantes, cādelaæ ardentes, irides, ignis fatuus & alia ferè universa quot quantasq; apud ignavum pecus, rude vulgus, turbas & fabulas de spectris & lemuribus excitaverāt accipitis quotidiè: & fortassis olim acceptastis iisdem ignorantia laqueis irretiti: quibus vulgus detinetur.

Hic se in eremum, mare, stagna, flumina, paludes, & nescio quæ deserta loca seductum quiritatur: & magna cum animi constantia, aliis, ut sibi caveant & prospiciant, tanquam amicus fidelis, proprio damno sapiens & prudens, consilium dat. Sic cæcus cæcum ducit: & uterq; in tenebris versatur. Ille bella in cœlo & inter astra, virgas, exercitus, arma, exequias, plures soles & lunas commemorat: quibus extremum periculum à diis aut dæmonibus immissum iri mortalibus, animi quadam divīna providentia conjicit & auguratur. Sic ex hisce terrenis ad divīna scrutanda contendit inconstans humanum genus, ubi nulla necessitas id postulat.

Edocti, è philosophicis & nature fontibus hæc emergere, non potestis vos cōtinere, quin tales nugas, risu digno excipiatis.

Præsti-

Præstigiatores, agyrtae, joculariores, quanto cum accur-
su & applausu populum ad se alliciant: nemo vestrum est,
qui ignorat.

Concurrunt & convolant laeti divites & pauperes, &
ipsi sapientius theoricis philosophi, ad intuendum eorum opera-
tiones & ludicra, sola manuum agilitate et mobilitate per-
ficienda, facta.

Oculos sibi perstringi, ut videntes non videant, audien-
tes non audiant, vociferantur.

Adesse tamen & clam accessisse quosdam beatioris for-
tis, quibus natura & arte ab hisce præstigiis & incantatio-
nibus est prospectum & cautum: quibusque datum est hos
dolos animadvertere: in quos diabolus nihil potuit juris
& imperii in perstringendis oculis habere. Solam agilita-
tem manuum, quotidiano & diutino usu acquisitam mi-
raculose stupida ingenia contemplantur.

Ex optica seu perspectiva scientia, quibus induceban-
tur homines erroribus, & adhuc induci possint, exempla
ex opticoꝝ libris deprompta docerent: quæ sat scio à vobis
diligenter perlecta. Ad quæ non potest non populus obstu-
pescere: quod aliquam habere speciem miraculi præ com-
munibus actionibus, videantur.

Artifex principia geometrica & mathematica aggredie-
tur: ex quibus cum harum actionum causas cognove-
rit, iis tanquam dulci nectare & animo convenienti am-
brosia, pascet & reficiet hoc divinum contemplationis &
iudicii organum: gratumque ei erit populi errores effugere.

Auditui etiam sua obversantur miracula ridicula &
ludicra. Cum humor quidam superfluous interius organa
auditus continenter pulset: vix aliud persuaseris homini
agresti, quam sonitum campanarum, tiliarum, tubarum,
aut tympanorum indifinenter aures sibi ferire: imagina-

L 3 tionis

tionis si modò impressio fortior suspitionem adavxerit.

Echo quot quantosq; errores, apud veteres seminaverat & apud nos spargit.

Ut pote apud veteres fama eaq; constanti approbatum erat: principis & herois mortem denunciari quotiescunq; talis sonus perciperetur. Putabatur enim vulgò: draconem cœlitus dimissum mortem hanc & cladem denunciatum.

Tonitrua videntur etiam hodierno die totius cœli & firmamenti ruinam intentare: & una totum mundum evertere. Quam, sunt, qui velint signo crucis inhibere: sunt qui campanarum & tormentorum bellicorum sonitu & strepitu avertere conentur.

Sapiens & qui naturæ familiaris est, ad ea omnia tanquam ad ægri somnia ridet, cui harum rerum omnium cavissæ in animo sint perspectæ & præcognitæ.

In gustu, tactu, olfactu, itidem errores occurrunt, qui admirationem in animis credulorum generant stupendas.

Quibus imbuta est lingua aut tincta aliquo humore vel dispositione peculiari: omnia comesta & bibita, eundem præ se ferent humoris saporem, & eandem cum eo videbuntur participare naturam.

Sunt quibus propter imaginationē, aut propter diversam temperaturæ moderationem, vinum dulce gratumq; fit, caseus & allium inter delicias referantur: cum contra in eos incidat, qui hæc tanquam venena naturæ insensibilissima averfentur.

Galenus, & reliqui elementariæ sectæ dediti, qui ex temperamentorum commensuratione omnia mensurant & æstimant: eos, qui horum admiratione trahuntur ad unco suspendebit naso: cum omnium rerum cavissæ ex hisce temperatis elementis derivari possint, scilicet.

Galeno

Galeno multo magis hoc admirationem concitabit: si omnes homines eodem delectarentur alimento, rebusque similiter aliis, in tanta organorum, complexionum, & mixtionum diversitate ad sensus & perceptionem requisita.

Quid quod multæ ex prægnantibus, dum uterum gerunt, carbonibus, creta, argilla, arena & corio, delectantur: humoribus Galenicis & temperamento eo declinante.

Puerulis notum est: si unus globulus, digitis supponatur duobus decussatim dispositis, iisque circumvolvatur: duos apparere. Unde hoc distichon concinnatum est:

*Sunt duo quæ duo sunt: & sunt duo quæ duo non sunt.
He duo si duo sunt: sunt duo nulla duo.*

Sed quid oratione copiosa, qui fidem brevitatis feci, sensibus oberrantes errores annoto: cum in animæ operationibus, quæ usuveniant, pauculo sint diviniore: & facilius hominibus credulis imponant. Quantum enim anima superat corpus: tantum etiam ejus actiones corporis excedunt actiones.

In ea animæ potentia, quæ formationi, generationi, & specierum conservationi incumbit & ordinatur, frequentissimè committuntur errores homines fascinantes.

Mola, quando gignitur, foetus imperfectus aut ad speciem aliquam disparatam deficiens, tardè, citò, alia forma, & habitu quam natura consuevit, attoniti reddimur: tanquam natura & dii, hoc portento aliquid peculiare aut monstruosum significarent.

Vir philosophus, materiæ conditionem & convenientem statum, agentis modum & virtutem, subiectum & adjuncta ponderabit. Ex quibus, sine ulla admiratione causam hujus rei contingētis animo philosophico cognoscet, cognitam

Cognitam intuebitur, & alios ejus participem faciet: ut pericula in tempus posterum evitent: ne in simile incurrant infortunium & sibi met malum consciscant.

Dignum hoc loco & tempore est, philosophicaq; consideratione, quod in hujus rei explicationem a philosophicis adfertur doctioribus.

Facilius esse producere elementum simplex quam mixtum perfectum: mixtum quam animal: & brutum animal quam hominem: hominem imperfectum quam perfectum: & ubi plura requirantur, proclivior em & magis lubricam esse, ad lapsum & errorem, viam.

In divina illa animae potentia mente ipsa, quæ obtingunt, proximè ad deorum opera accedunt, quæ tamen scrutari hominis est philosophici.

Reperiuntur inter homines, luce quadam mentis divina præditi, ad futura sapius prædicenda & præscienda, per somnia aut alio quodam modo: quæ tanquam presentia animo contemplantur. Cum alii sint tam stupidi & rudes: ut eorum animæ videantur ab asinis aut suis emigrasse. Hic memoria fidei longo ante tempore audita visa, percepta, retinet: ille ne quidem se cibum summissee recordatur. Hic ingenii felicitate & facilitate omnia percipit, judicat: ex causis effecta, ex apertis secreta, ex manifestis & concessis occulta, insigni intellectus perspicacia concludit: ille ad litteras aut aliud quidpiam arripiendum, est truncus & stipes.

Sed non est operæ precium hinc te cum indocta plebe prophetas divinitus edoctas agnoscere. Causas principes & adjuvantes, subjectum, adjuncta, æstimato: rem æstimaveris. Ex hisce enim & similibus rerum pender cognitio.

Mens & ingenium humanum artificialia & externa talia esse procreat, quæ vulgi admirationem merentur.

Currus

Currus falcati, quibus antiquitus pugnabatur, dicuntur sine equis, bobus, aut aliis animalibus promoti & convenientibus instrumentis recti: & moti tamen inæstimabili impetu. Quales etiam in Germania, hac nostra memoria, excogitasse artificum industriam pro explorato accipimus: & quamplurima alia *αὐτομάτα* hisce non inferiora.

Archimedes est navibus regis Siciliae unam in siccum lituseductam graviusque oneratam, solus machinis suis ad se perinde pertraxit, ac si in mari velis remisque moveretur. Contra, postea simili facilitate & facultate, Alexandrinam ejusdem regis navem est littore in mare deduxit: quod omnes Siciliae vires non potuerant: ut apud Athenæum est, lib. v. cap. vii.

Chymia & Astrologia communi iudicio condemnantur, & calumniarum plavstris onerantur: quod ab iis aliquæ proficiantur actiones, consuetudinem communem excedentes & quandam divinitatem representantes.

Appellantur qui iis invigilant magi, venefici, seductores, contemptores religionum, & qui Deo & diabolo omnem adimere potestatem meditentur.

Sola ignorantia & vita deses in causa est. Sic enim homines stupidi, fastuosi, otiosi, animo suo ratiocinantur stupido.

Ego non possum mei ingenii acie (quod iudico perspicacissimum) cernere: nullis possum Syllogismis & demonstrationibus assequi, quo modo hæc eveniant aut ab illo homine perficiantur effecta & operationes: Ergo vera non sunt, nec alius eo progredietur: nisi malo adjutus genio.

Verum heus dictator & censor (visne omnium ingenia & labores ex tuo iudicare & spectare? Nonne speras te hominum omnium à natura perfectissimum progenitum: ut ad te omnes respiciant & tanquam Ideam perfecti hominis

M agnoscant:

agnoscant? Speras ne naturam in te solū omnia sua dona
disparisſe: ut tu solus ſaperes, & ingenio valeres? Falleris.

Hæc in te ratiocinatio rectius convenit: & in tuum ani-
mum incidisset. Hactenus non poteram eō progredi, &
ad ea accedere arcana & secreta naturæ, quæ ab aliis tamē
doctē & eleganter eruta & producta animadverto, acci-
pio, & quali admiror. Aequum itaq; est, me posthac dili-
gentiūs oculos, aures, & animum relevare: ut ego etiam
tantarum rerum, in naturæ visceribus abstrusarum parti-
ceps fiam: & eas ad finem utilem accomodem. Id enim
mens divina nunquam quiescens deposcit.

Exempla tam artificialia quàm naturalia, quorū magna
copia in doctorum virorum scriptis offendes, nō licet mi-
hi commemorare: cui ad finem dicēdi maximis itineribus
properandum est.

Attamen priusquam omninō colophonē addam, nul-
lus me pudor deterrebit profiteri, in naturalium operatio-
num causis & natura versantē: radices egisse in meo ani-
mo scrupulum quendā, ex facultate animæ nutritivæ pul-
lulantē, quo mirificē excruciat, & in diversas partes du-
buis distrahat animus. Ex quo, etsi sepius diligēter in ejus
inquisitionē me dimiserim, expediri nequeo. Quantō ma-
gis de eo cogito, tantō magis animus distrahitur & aberrat.

Scrupulus quo vexor est: quem quidem audivi nuper
moveri in prælectione D. Cancellarii, sed insufficienter
explicatum & eradicatum:

Annē quæ facilius coquantur, magis sint salubria?

Quācunq; amplexus fuero et acceptavero partē, videor
in salebras incidere, et inter Scyllā & Charybdim navigare.

Naturæ laboranti & necessitate cōpressæ nihil gratius,
nihil magis ex sententiā, & salubre magis accidere potest:
quā.

quàm ut deperditum, benè, citò, facilè restavretur. Bis dat qui citò & in necessitate opem fert. Quæ cōmoditas omnium promptissimè fit per ea, quæ facilis sunt cōcoctionis.

Natura videtur per se talem nutritionē postulare: quæ solo sanguine temperato & miti eoq; qui havd difficulter in substantiam alendam cōvertitur, nutriri & placari vult: crassiora tanquam minus convenientia repudians.

Grave erit naturæ necessitate laboranti & quam molestum, ringi & excarnificari adhuc longiori mora in concoquendis cibus durioribus, anteqvā iis fruatur: molestiusq; hanc moram feret, quàm Tantalus, sitim aqua fugiente & famem pomo recedente ab oris labris, levare desiderans.

Tandem periculum est, ne indiligentiùs concocta difficiliora, arripiet moræ impatiens: ut iis potius se saturet aliquo modo, quàm tempus in iis concoquendis insumat.

In adversam partem nō magis arduū est & præruptum iter, sed æq; facilis lapsus. Nam quæ facilis sunt coctionis magna ex parte humida & cruda sunt: nō dura: non sicca: nec etiā benè temperata.

Magni autē periculi res est: ne talia objecta naturæ indigenti, statim sine meliori concoctione arripiantur quod facile fit: & quia naturā fluida sunt assimilantur: nulla præmissa puri ab impuro segregatione. Cruda enim faciliùs mutationem subeunt & corpori assimilantur.

Unde fit, quod pueri & ii qui frequentiùs fructibus horæis, cibus crudis & humidis vescuntur, morbis frequentiùs obnoxii reddantur. Qui enim ex his cibus crudis provenit sanguis, morbos non desinit producere chronicos & acutos, anteqvam emendetur: ejusq; mali cavssa præscindatur.

Hæc sunt quæ meum animū utrinq; excutiant & distrahunt, nec ad quam deflectam partē, ut evitē dolores, meo ingenio confidens, invenio.

M 2 Qua-

Qvare ad te, M. D. C. meorum studiorum ducem, tanquam ad Vulcanum qvendam acuta bipenni armatum, appello & more meo confugio: miris modis te rogans, velis nobis hunc nodum dissecare & solvere: velis nobis Jovis dissecto capite, turbas, molestiam, & strepitus concitantem Palladem educere & sin nostrum conspectum nudam producere ac proponere.

Neque est, qvod te temerè id facturum verearis & propterea hosce labores detractes: aut ingratos tuos labores elocaturū: sed totum hoc frequens, generosis & clarissimis viris, auditorium, tibi devinctū & obligatum tanto beneficio possidebis, & ad omnia grata tibi officia præstanda, promptum experieris.

D. I. X. I.

O R A T I O,

MAGNIFICI, DOMINI CANCELLARII, &c.
D. D. IOANNIS HUCHERI
ARCHIATRI:

HABITA IN PROMOTIO'NIS ET
ACTUS FINE.

An cibi magis coctiles sint quoque magis salubres?

HUmani ingenii imbecillitatem summā admirari coëgit, pervulgata multorum virorū negligentia: à quibus, cum universo pecorum suorum gregi tam studiosè cōsultum cavtumq; sit, ut singulis eorum speciebus, cōgruentis pastus idonea materia accuratissimè qvæsita, temporumq; vicissitudine discreta sit: sua tamen ipsorum alimenta aut prorsus ignorata aut neglecta etiam sint.

Qvo.

Qvo quidem exemplo, quid, per deum immortalem, amentius, indigniusq; fingi potest: quam animalium imperatorem superbissimum, vitæq; avidissimum hominē, quibus constet & vivat auxiliis nescire & aspernari: brutorum autem utilitatem tam scrupulosē, sollicitē, anxieq; perscrutari?

Eqvidem divinissimo illo Apollinis oraculo, qvo nosse seipsum unusquisq; tum jubebatur, corporis, animiq; noticiam contineri arbitror: ut nō solū huius ornamenta, sed illius qvoq; necessaria subsidia, omnib. hominibus ad amussim explorata compertaq; sint.

Quare rerum ignoratione turpissima, sevisimas morborum pestes, & frequentissima funera, ignavo inertiq; vulgo comparari, vetus de gula medicorum nutrice, proverbium declarat.

Profecto si corporum nostrorum substantiæ nihil cederet, vivendi disciplina omni facile careamus: ejus autem tam violēta jactura est, & proclivis dissipatio, ut nisi maturo presidio recreata sit, precipiti marcore cōtabescat.

Præsidium verò illud, cibus & alimentum dicitur, genere ipso bipartitum. Aliud enim alimentum tantum est, & temperatissimis naturis similimum, quarum effluvia sine mutatione ulla instaurat. Aliud medicamentum etiam est, & intemperatis naturis contrarium. Quod præter communem nutritionis oportunitatem, etiam habitū alendo commutat. Atq; utrumq; hoc alimenti genus, cum alendis corporibus communi quadam naturæ societate conspirare necesse est, quæ mutuam eorum substantiam conciliat. Carum enim id demum cuiq; est, siveq; sentitur, quod secundum naturam ejidem contingit: recteq; quod Theophrastus olim de semine dixit, de animalibus

M 3 omni-

omnibus affirmari potest: omnibus eorum speciebus, præfinitum à natura & præstitutū pabulī certum genus esse.

Ergo serpentibus sues & apri, gallinaceum genus bufonibus & colubris, his quoque ciconiæ, ut sturni, cicuta & venenis capræ ac coturnices, quæ reliquis animantibus sunt pestifera, saluberrimè vivunt, natura ipsa duce, & voluptuantur.

Quin etiam ex hominibus, alios animalia quædam generi suo consuetæque declinare, quædam ejusdem invisa insuetæque alios consecrari constat.

Quotus quisque hominum, vinum, caseum, allia, ova, pisces, aliasque escarum species detestatur? verè enim Poëta:

Tres mihi convivæ propè dissentire videntur:

Pascentes vario multum diversa palato.

Quotus quisque rebus ab omni nutritionis commoditate alienissimis, cinere, carbone, calce, terra jucundè cupideque satiatur? Quotus quisque diuturna consuetudine, venenorum pernitiem non evitare, sed gratiam quoque ciborum cum iisdem inire potuit? Noti de Mithridate Martialis versiculi:

Perfecit poto, Mithridates, sape veneno:

Toxica ne possent, se va nocere sibi.

Nota est aniculæ Atticæ sine ullo valetudinis suæ detrimento trigesima cicuta potio.

Notum Thraciæ illius ex manipulis veratri gratissimū obsonium. Notæ denique Aethiopum ad Sydassem è scorpionibus & aspidibus lavtissimæ mensæ.

Scilicet ex consuetudine rerum amicitia: ex naturæ dissidio odium: cum quo pravitatis opinio mentes nostras penitus invadit. Consuetudo enim altera natura adscititia, rectè quidem philosopho visa est.

Itaque

Itaq; salutaribus quibusdam, sed tamen insuetis epulis
valetudinem hominum pecorumq; sapissimè tentari do-
cent, tam multa contra aquas infensas & varietates quæsi-
ta omni tempore proditaq; remedia.

Docuit id Alexandri exercitus, pomi cuiusdam novi-
tate in India penè delectus. Docuit ejusdem Alexandri e-
qvitas, pestilentissimo cuiusdam fruticis odore, prope
ibidem oppressus. Docuerunt deniq; nuper in India Gal-
lorum, Hispanorum, Lusitanorum ex Indicarum frugum
fructuumq; & animalium recenti usu ægritudines fune-
stissimæ: quibus tamen ipsi indigenæ saluberrimè victita-
bant. Adeo, ut inquit Maro, à teneris assvescere multū est.

Ejusdem naturæ varietatis est, discrepans illa de eodem
sapore plurium opinio. Mel omnibus ferè dulcissimum:
Democrito amarum: Heraclito utrumq; censetur.

Quid quod, ejusdem hominis de eodē cibo iudicium,
ista naturæ vel levissima variatio, tam valde variare co-
gat, ut eadem quæ famelico placebant, expleto displice-
ant. Non cibario pane Ptolomæus: hordeaceo Artaxer-
ces, cœnosa & cruenta aqua Darius rex, rebus eorum in
bello egenis vehemēter est oblectatus: quibus pavllō an-
te elaboratissima ganearum condimenta torpidum pala-
tium excitare vix poterant? Non ictericis, stomachicis,
splenicis, hepaticis, & febriculosis aliorum saporum falsis-
sima simulachra imprimuntur? Non deniq; vitiosarū aqua-
rum crimina temulenti quam sobrii facilius multo explo-
rant? Tantum valet insita & adventitia natura: ut natura-
les & proprios rerum sapes perversat.

Confectum ergo verissimè adhuc est: cuiq; animan-
tium generi, idonea alimenta tacitis quoq; suorum princi-
piorum viribus singulorum naturis adscititiis insitisq; esse
familiaria.

familiaria & consentanea oportere.

Iam verò mutandorum corporum ipsorum quantæ in alimentis vires sint, luculentissimè declarant, arborū, herbarum, plantarum, speciei ejusdem infinita penè discrimina. Quæ profectò dissimilibus terrarum succis quibus aluntur, non in dissimili semine tantum exterarum nationum, ut Syria, Arabia, sed in vicinissimis ejusdem regionis locis aut unius etiam agelli, necesse est respondere.

Hinc nitentes lætæq; arbores, à natali suo abductæ sensim liqvescunt & contabescunt. Hinc Persici arbor, è Persia in Aegyptum translata noxios succos obliviscitur suos, ait ille. Hinc vites vel exiguo intervallo dissitæ, varia fundunt vina. Hinc Theophrastus legumina & cerealía quædam semina è succo telluris in qua seruntur, duriora planeq; incoctilia provenire scribit.

Hinc deniq; aquarū pro variis, quos lambunt, terrarum succis, innumerabiles naturæ & inavdita miracula.

Proditum quoq; est majjorum litteris, & nostris persvasum experimentis, verveces in Ponto ob absinthii pastum felle carere: gallos gallinaceos in Ferrara educatos, aliæq; ex tamariscinis poculis bibere solita, splene carere: suibus contra & anseribus dulciori massa nutritis jecur supra speciem fidemq; extumescere: hædis ex ovillo lacte pilos molliores: agnis ex caprillo lanam duriorē expullulare. Inde quoque cum lacte nutritis, morum ut corporum pueri rudimenta sugunt: ut est apud Gellium & Favorinum.

Omitto formæ, habitus, magnitudinis, proceritatis, brevitatis, tenuitatis, obæsitatis, candoris, aliorūq; colorū innumerabiles in hominibus aliisq; animantibus ex unius victus differentiis, infinitas propè differentias.

Ingenio-

Ingeniorum sané morumq̃, non minor est qvám corporum, ex eadem cavssa dissimilitudo. Victus enim spiritum & sangvinē conflatum é qvatuor humoribus propagat: pituita frigida humidáqve ad animi cultum nihil, avtore Galeno, conferente: bile calida, siccaq̃ iracūdiā, acrimoniā ingenii & prudentiam: melancholia frigida siccaq̃, integritatem, constantiam & sagacitatem: sangvine calido humidoq̃ bonam indolem, hilaritatem, & mentis stuporem proferente.

Istis avtem qvatuor sangvinis partibus, tanqvam proximis corporum nostrorum elementis & alimentis, totidem eorundem temperamēta respondent: qvibus mores ingeniaq̃ humana respondere, prater Hippoc. Galenum & Aristoteles doceat.

Hic qvidem dum sangvini tenui sapientiā, denso crassoq̃ avdaciā & iracundiā, diluto ignaviā & timiditatem vendicat.

Ille dum Evropæ incolas barbaros, iracūdos, indomitos, & industrios: Asianos faciles, ignavos & imbelles, jure suo pronūciat. In utraq̃ enim mundi parte, singularum regionum, cœli varietas plurimū potest. In calidis astuti, prudentes, perfidi, taciturni, frugales: ut Aphri & Carthaginenses, Hispani, Lusitani, Itali. In frigidis voraces, stupidi, jactabundi, avdaces, iracundi, ut Germani, Dani, Angli, Scoti, Poloni: & Galli omnium levissimi, ex ventorum, pluviae, & serenitatis densissimis alterationibus: atq̃ ex Gallis qvoq̃ Vascones ferocissimi ex cibis biliosissimis, cepis, alliis, vinis generosissimis.

Proinde sapiēter qvidem Cyrus Persarum suorum migrationē á montana sqvalidaq̃ plaga, in mediterraneam regni regionem serenissimam prohibuit: qvód ut plantarum semina, sic animalium ingenia regionibus similia es-

N sedur-

se duxisset. Qvodd tamen alimento soloq; multo magis quam coelo tribuendum esse facilime novit, qvemcunq; aeris cibiq; quam dispar sit, in mutanda corporum temperie, robur non latet. Sed de salubribus alimentis satis.

Insalubrium alimentoru funestissima est (post aeris & coeli injuria) pernicies: e qvibus Epidemiorum & pestilentialium aegritudinum vis debacchari in plebem solet.

Ex iis qvadam toto genere sunt cacochyma, ut cepae, allia, brasicae, aliaqve id genus agrestia olera, radices, arborumq; folia & germina vere prodeuntia: qvo tempore frequentissime annonae caritas, consumtis hyeme frugibus, incendi affvevit.

Alia vetustatis & corruptelae vitio putrescunt: sic copiosissimos exercitus, pravarum aquarum frugumq; usibus occisos legimus: sic apud historicos furente fame, qvi legumina esitassent ischiade, qvi ervum, gonagra laborasse avdimus.

Endemiorum qvoqve non solum Epidemioru originem, ex eadem ciborum pravitate & intemperantia, non ex sola aeris inclementia, frequentissimam esse, testantur Narbonenses carbunculosi, Tholosani dysenterici, Alpini gutturosi, Hispani strumosi, Angli epileptici, Galli febriculosi, & Aegyptii praesertim Alexandrini elephantici ex lentium, cochlearum, falsamentorum, asininarum carniū & crassiorum ciborum com meatu: qvibus annumerandae sunt Gallorum maritimae gentes, Armoricae, Neustriae, Plevmosiae ex piscium & lacticiniorum pastu, & ex corruptis frugibus, potione, cerevisiam vocat, Provinciae qvoqve & Narbonensis Galliae ex iisdem salitis piscibus, vinis crassioribus & calidioribus, tosto sanguine aliisque falsamentis.

Qvamobrem cum valetudini humanae incommodi
commo-

commodiq; tantum accedere ē victu solo constet: plurimum sanē omnium nostrorum interest, quibus vescamur alimentis, eorundem vim antē percepisse, ne corpora hæc animosq; nostros ab optima natura sapientissimē informatos, singulari quadā inertia vitæq; intemperantia, violasse temerē videamur.

Enimverō sanorū diætetica pars, priscis Homeri temporibus, Galeno apud Thrasybulum avthore, nulla fuit: neqve Asclepiadis medicis, Platone teste, usq; celebrata: quod primæ illius verēq; aureæ ætatis, summa continentia, temperatissimæ vitæ dux sibi ipsi avtorq; esset.

Postquam avtem desidiæ labor & industria, libidini continentia, luxui frugalitas celsisset: medicorum studiis salus eorum tum demum egere cepit: à quibus diætetica quædam medicinæ pars de ciborum rerūq; quas vocant, non naturalium discrimine & usu est constituta.

Hæc verō tribus omninō præceptis definita est: ē quibus prima duo de qualitate & ordine assumendorum ciborum simplicia valde angustaq; sunt. Primum ut ciborum unicuiq; tantum adhibeatur, quātum confici ab eodem & concoqui possit. Secundum ut tenues crassiss, molles & friabiles lentis durisq; edendi serie præferantur. Tertium avtem de aptissimo ciborum genere amplissimū est.

Primum enim temperatissimis hominum naturis simillimas: immoderatis, sed sanis tamen adhuc aut similes aut dissimiles etiam (siquidem revocandi ad exquisitam temperiem consiliū otiumq; tibi sit) ciborum vires medici præscribunt.

Deinde diversis etiam ætatibus, diversæ ciborum materiæ, non facultatis tantum ratio aptanda est. Infirmioribus

N 2

ribus liquida, mediaq, ut pueritiæ & senectuti: vigen-
tibus densioris duriorisq, ut adolescentiæ & juventuti.
Deniqve substantiæ ciborum discrimen ad omnes æta-
tes & naturas pertinet: qv' nam procreando sangvini
moderato cibi apti sint: qvinam crasso, tenui, lento, du-
ro, liquido, seroso, acri, frigido, pituitoso, bilioso, me-
lancholico. Tot enim insalubris, spurciq, sangvinis spe-
cies, & discrepantem, importuni victus, cacochymiam
exhibet: Unde infestissime valetudinis pestes afflari cor-
poribus vestris certum est. Neqve enim sumptuarias Ro-
manorum leges, salubres escas abstulisse ut insalubres in-
miserum vulgus inferrent: sed id ipsum propter salubrium
prodigiosum sumptum actitasse, arbitrandum est.

Hæc autem de ciborum substantia Evchyma & caco-
chyma disciplina, exercitatione magna eget, longaq, ob-
servatione, tum sangvinis ex unoquoque istorum a va-
lenti præstantiq, natura cumulati: tum carnis, ex quacun-
que sangvinis ejusdem specie conflata, concretaq. Hæc
enim aliàs moderata, aliàs pituitosa, biliosa, vel melan-
cholica, aliterq, vitiosa, pro varia vivendi multorum for-
mula & consuetudine suscitatur.

Neq, verò ex odore, colore, sapore grato, constans sa-
lutarium ciborū certumq, est iudicium: qv' pestiferorum
comites persæpe esse solent.

Neqve etiã ciborum coctionis facilitas evchymia,
neqve difficultas tarditasq, cacochymia semper index est.
Fructus enim horraei omnes humidifrigidicq, fugaces &
temporarii, qvales cerasa præcocia, persica, pruna, melo-
nes, cucumeres, cucurbita, fraga, mora q, quantumvis
celeriter cocti expeditaq, deducti: venas tamen serosa ca-
cochymia ita obfarciant, totumq, habitum tam turpiter
commaculant ut ex ejus putredine, diarrhæa, dysenteria,
febres,

febres, & contumacissimarum ægritudinum Iliades proximo autumno commoveantur.

Quin & ejidem ipsi: largiori copia, vel præpostero usu, vel deductionis præcipitatione vel vëtris impuritate, corruptelam perniciosæ venenis finitimâ sæpissimè subeunt.

Istis autem fraudibus vitæq; infidiis autumnalium durissima poma maximè vacanti: quæ cum bellariis & tragematis in cultas opimasq; procerum menses delata, stomachum strenuè roborant, ejusq; opera omnia singulariter elaborando confirmant.

Nunquam ergo naturæ fuit, humanis usibus consulentis, tanta horreorum fructuum luxuries, tamque multiplices, odorum, colorum, saporumq; quibus hodie fruimur, delitiæ: ingenii humani portentosa commenta sunt: à quo naturæ adulteria, specierumq; conversiones, nescio curiosè magis an libidinose, in arborum insitione excogitata sunt.

Proinde autumnales illos fructus prima majorem ætas salubriter usurpavit, eaq; cum jam propè exolevisset, multis retrò seculis in hominum consuetudinem revocavit, insititios autem & horreos fructus è communibus epulis Gal. exemplo suo sevocavit: quod horum usu adolescentiam ancipitem agitallet: cum ex eorum fuga, reliquam ætatem constantem & incolumem transegisset.

Verumenimverò si pulmoni & gulæ titillanti condonandum aliquid est: pomisq; blandientibus seseq; ultrò porrigentibus fruendum aliquando est: cavendum amicè est, ne voluptatis æstu continentiae robur vincatur: tantumq; viscerum ardoris temperandi gratia, mollienda alvi & propulsandi fastidii causa horra illi fructus, medicamentorum instar non ciborum usurpentur, idq; sine pane & ante alias escas: nunquam tamen pituitosis, frigidis, &

N 3

humidis,

286 ACTUS ET INAVG. DOCTORALIS.

humidis, puerorum, senum, mulierum & otiosorum hominum, sed florentibus tantum ætatibus & naturis biliosis esitentur.

In illis etiam maturitas, immaturitasq; fæno, paleo, calce, cemento quæsitæ, studiosissimè declinanda est, cum sub utraq; putredo latissimè lateat.

Quin & sinceriore vini hauritu, eorundè luxurians humiditas coercenda, veraq; cruditas percoquenda est.

Quare exulet deinceps à vestris animis & ex hac schola hæc opinio, nec te clarissime doctor KRAGI amplius cruciabit: quod magis coctiles cibi sint magis salubres: tantumq; horreos fructus, medicamenti non cibi loco, & parcissimè usurpate.


D I X I.


F I N I S.

LIS.
orum ho-
uris bilio-
paleo, cal-
est, cum sub
luxurians hu-
enda est.
ex hac schola
amplius cru-
salubres: tan-
non cibi

BASILEÆ,
PER SEBASTIANUM HEN-
RICI PETRI, ANNO
à Christonato,
CICLO XIVCO.
Mense Martio.







1385

6
14 15 16